

# NOVA LITERARIA MARIS BALTHICI

&

SEPTENTRIONIS,

edita .

MDCCII.



---

LVBE CÆ,

*Ar. 42, 283.*


Apud Petrum Böckmannum & Johannem Widemeyer,  
Bibliopolas,

BIBLIOTHECA  
ACADEMICA  
DORPACENSIS



NOVORVM LITERARIORVM  
COLLECTORES.

L. S.

vem in finem ante quadriennium, & quod excurrit, edendorum Maris Balthici & Septentrionis Novorum Literariorum laborem in nos susceperimus, cuius facilè ex Præfatione, primo eorum anno præfixâ, innotuit. Scilicet ea nobis mens fuit atq; instituti ratio, ut literarium quasi iter, per vicinum nobis Ducatum Mecklenburgicum, in Pomeraniam, Prusiam & Livoniam pararemus, datisque inde in oppositam Sveciam Daniamq; velis, per Slesvicensem Ducatum & Holsatiam reversi, quicquid nobis in his terris, quoad nova eruditorum nomina, officia, vocationes, translocationes, lectiones, disputationes, orationes, scripta nuper edita  
aut

aut etiã edenda, apparatus bibliothecarios, nummarios, curiosos, observationes, inventa, certamina cum adversariis, funera denique & singularia, observare liceret, industrio calamo notaremus. Quod uti hactenus omni studio & summa fide factum putamus, ita per nos non stetit, quo minus cuncta memoratu digna, rem literariam nostri tractus concernentia, in his Novis legerentur; sed, si nonnulla, etq; fortasse haud levis momenti, prætermissa videntur, eorum potius culpa est, qui, licet aliquoties, & publicè etiam, rogati, sua nobiscum communicare noluerunt. Quod ne imposterum detrectent, adeoq; ea, quæ ab erudito orbe haud nesciri, tam ipsorum, quam reipublicæ literariæ, interest, nobis evulgaturis invidiant, rogamus denuò atq; obtestamur. Ita fiet, ut plenior indies ac uberior rerum memorabilium à nobis coacervetur thesaurus, & labor hic, si non omnibus, certè plurimis tamen, numeris absolute evadat.

# NOVA LITERARIA,<sup>5</sup> MARIS BALVHICI ET SEPTENTRIONIS,

*Edita Mense Januario, M DCC II.*

## ROSTOCHII.

**D**ie 1 Decembr. prævio Programmate Rectoris Acad. D. *Johannis Barnstorffii*, P. P. ad Professionem Moralem, (qvà D. *Casp. Matthæus Müllerus*, nunc Jur. Prof. Ducalis, per sexennium & qvòd excurrit, nec nò ante hunc Patrus & Parens functi sunt,) introductus est *Joachimus Henricus Sibrandus*, Rostoch. J. V. D. nuperrimè ibi mens. Sept. promotus, vid. N. L. 1701. p. 295. Oratio Inauguralis *de variis Philosophia Moralis Doctoribus egit*. Novellus hic Professor an. 1670. d. 13. Mart. Rostochii natus est, Patre D. *Jo. Sibrando*, Decretalium Prof. Publ. Ducali, (cujus vitam & obitum in N. L. 1701. p. 162. seq. recensuimus.) Hujus præcipuè ductu animum ad juris studium applicuit, in eoqve tantos fecit progressus, ut non modo ann. 1687. sub præsidio B. Parentis Disputationes *Schnobelianus* ad Pandectas defendere, sed & aliam proprio Marte elaboratam de vulgato: *communem errorem jus facere*, ann. 1688. præside D. *Jacobo Lembkenio* propugnare, *Lipsiæ* etiam, qvorsum dicto anno abierat, sub præsidio D. *Lüderi Menkenii* aliquoties disputare non dubitavit. Post biennium Rostochium reversus, ibidem ann. 1692. mens. Jul. Disputationem Inauguralem *de Sapientibus extraneis*, & postea ipse Præses *de Statu s. formâ S. Rom. Imperii* Dissertationem habuit, Post aliquot annos *Regiomontum* ibat Ephorus, unde cum discipulo *Rostochium* revertebatur. Anno 1699. Lusatos adiit, atq; cum Illustrissimi Comitum Lutati *de Callenberg* filii Ephorus de novo factus *Jenensem* petiit Academiam. Tandem cum Professor Moralium Senatorius designatus esset, superiori anno 1701. d. 20. Sept. tiarâ Doctorali est insignitus.

aut etiã edenda, apparatus bibliothecarios, nummarios, curiosos, observationes, inventa, certamina cum adversariis, funera denique & singularia, observare liceret, industrio calamo notaremus. Quod uti hactenus omni studio & summa fide factum putamus, ita per nos non stetit, quo minus cuncta memoratu digna, rem literariam nostri tractus concernentia, in his Novis legerentur; sed, si nonnulla, etq; fortasse haud levis momenti, prætermis-  
sa videntur, eorum potius culpa est, qui, licet aliquoties, & publicè etiam, rogati, sua nobiscum communicare noluerunt. Quod ne imposterum detrectent, adeoq; ea, quæ ab erudito orbe haud nesciri, tam ipsorum, quam reipublicæ literariæ, interest, nobis evulgaturis invidiant, rogamus denuò atq; obtestamur. Ita fiet, ut plenior indies ac uberior rerum memorabilium à nobis coacervetur thesaurus, & labor hic, si non omnibus, certè plurimis tamen, numeris absolutus evadat.

# NOVA LITERARIA, MARIS BALVHICI ET SEPTENTRIONIS,

*Edita Mense Januario, M DCC II.*

## ROSTOCHII.

**D**ie 1 Decembr. prævio Programmate Rectoris Acad. D. *Johannis Barnstorffii*, P. P. ad Professionem Moralem, (quæ D. *Caspar. Matthæus Müllerus*, nunc Jur. Prof. Ducalis, per sexennium & quod excurrit, nec nõ ante hunc Patris & Parens functi sunt,) introductus est *Joachimus Henricus Sibrandus*, Rostoch. J. V. D. nuperrimè ibi mens. Sept. promotus, vid. N. L. 1701. p. 295. Oratio Inauguralis *de variis Philosophiæ Moralis Doctõribus egit*. Novellus hic Professor an. 1670. d. 13. Mart. Rostochii natus est, Patre D. *Jo. Sibrando*, Decretalium Prof. Publ. Ducali, (cujus vitam & obitum in N. L. 1701. p. 162. seq. recensuimus.) Hujus præcipuè ductu animum ad juris studium applicuit, in eoque tantos fecit progressus, ut non modo ann. 1687. sub præsidio B. Parentis Disputationes *Schnobelianas* ad Pandectas defendere, sed & aliam proprio Marte elaboratam de vulgato: *communem errorem jus facere*, ann. 1688. præside D. *Jacobo Lembkenio* propugnare, *Lipsiæ* etiam, quorsum dicto anno abierat, sub præsidio D. *Lüderi Menkenii* aliquoties disputare non dubitavit. Post biennium Rostochium reversus, ibidem ann. 1692. mens. Jul. Disputationem Inauguralem *de Sapientibus extraneis*, & postea ipse Præses *de Statu s. formâ S. Rom. Imperii* Dissertationem habuit, Post aliquot annos *Regiomontum* ibat Ephorus, unde cum discipulo *Rostochium* revertebatur. Anno 1699. Lusatos adiit, atque cum Illustrissimi Comitum Lusati *de Callenberg* filiis Ephorus de novo factus *Jenensem* petiit Academiam. Tandem cum Professor Moraliùm Senatorius designatus esset, superiori anno 1701. d. 20. Sept. tiarâ Doctorali est insignitus.

Die 14. Decembr. M. *Georg. Raphelius*, Lubenensis Silesius, *Semi-Centuriam Annotationum Philologicarum in N.T.* proposuit Præses, Respondente *Dieterico Hermanno Kemmerich*, Palæo-March. (1½ plag. in 4.)

Die 17. Decembr. sub Præsidio D. *Job. Joachimi Schöpfferi*, Pandect. Prof. Publ. Comit. item Palat. Cæsar. & Consist. Duc. Assessoris, Dissertationem Juridicam de *Officio Præfecti Castellii, ad extrema obligati*, Germanis vulgò : der sich wehren soll biß auff den letzten Mann / oder / biß auff den letzten Bluts-Tropffen / publicæ Eruditorum censuræ subjecit, Auctor & Respondens, *Arnold Henning Arends!* Tunderà-Holsatus, (8. plag. in 4.)

Disputationis hujus *Cap. I.* agit de *Officio Præfecti Castellii, ad extrema obligati*, in genere; *Cap. II.* de *Officio Præfecti Castellii, ad extrema obligati*, ante obsidionem; *Cap. III.* de *Officio Præfecti Castellii, ad extrema obligati*, in obsidione; *Cap. IV.* de *Ejusdem Officio in Traditione*; *Cap. V.* de *Officio Castellii Præfecti, ad extremam everSIONem obligati*, der die Festung soll in die Luft sprengen / wann er sich nicht länger halten kan.

Die 25. Decembr. supra dictus Acad. Rector D. *Barnstorffius*, publico Programmate Omnes Omnium Ordinum Cives Academicos ad devotam festi Nativitatis Christi celebrationem cohortatus est.

Typis Schwigeravianis impressa extat Concio exequialis, in funere *Mariæ Elisabethæ Hahnin! Balthasaris à Zülów* relicte viduæ anno superiori habita à *Johanne Sukovio*, Seniore & Pastore Sternbergensi, quæ sequenti modo inscribitur: Das edle Gut der Edlen / oder / das wahre Gut der Kinder Gottes / welches ist ein recht grosses / ein recht eigenthümliches / ein recht zuverlässiges Gut: zu welchem &c. in einer aus den Worten / *Klagt. Jeremiae cap. 3. v. 24. gehaltenen Leich-Predigt / angewiesen Johann Sukow / Senior und Pastor zu Sternberg. Rostock / gedruckt bey Nielas Schwiegerauen / E. E. Kaths Buchdrucker. Constat cum Personalibus 19. plag. in fol.*

#### GRYPHISWALDIÆ.

Die 6. Decembr. Præses *Jo. Frid. Mayer*, S. Theol. Doct. Prof. Prim. Syno-

Synodi Gryphiswaldensis Præpositus & Superintendens Generalis, Respondente M. *Hercule Wend*, vocato Pastore Kemnitzensium, Reverendis Synodi memoratæ Fratribus in argumentum colloqvii Synodalis, *Gryphiswaldensium Synodorum Summam proposuit*. Hac in re D. *Jo. Knipstrobii*, primi Ecclesiarum Pomeraniæ Citerioris Superintendens exemplum secutus est; de quo datâ hac occasione breviter notamus, quod fuerit natione Marchicus, & cum in Francofurtensi Academia D. *Cunradum Wimpinam*, Disputationis Anti-Lutheranæ Præsidentem, oppugnaret, *Piritinum* ad monasticos ann. 1518. damnatus sit carceres, undè tamen ope M. *Pauli a Rhoda* evasit. Postea factum est, ut *Stargardie* primùm, deindè *Stralesundæ*, unâ cum *Jo. Epivo*, aliisque, ac tandem an. 1531. Dom. 6. post Trin. *Gryphiswaldiæ* Evangelium docere cœperit. Ast hoc posteriori loco malè habitus *Sundam* repetiit. Anno 1534. à Duce PHILIPPO, *Jo. Bugenbagii* consilio, primus Pomeraniæ Occidentalis Superintendens Generalis constitutus, Cathedræ Academicæ postmodum an. 1539. admovebatur, in quâ etiam functione secundâ vice Academiæ Rector, ann. 1547. d. 8. Decembr. summos in Theologiâ honores capessivit. Professione hâc abdicatâ *Wolgastum* an. 1552. à Principe vocatus, concessit, ibidemq; an. 1556. d. 24. Octobr. vitam finivit. Atq; hic est, qui jussu Principis primus Gryphiswaldiæ tum speciales, tum generales cœgit Synodos, quarum argumenta in nupera ibi habitâ Synodo sunt repetita, nimirum

*Ex Synodo Gryphiswald. Anni 1534.*

Excommunicatio major ad magistratum pertinet civilem. Minor, servato tamen ordine, ad Ministros Ecclesiæ.

*Ex Synodo Gryphiswald. Anni 1541.*

S. Scriptura unica regula & norma, secundum quâ omnia dogmata omnesq; doctores æstimari & judicari oportet.

S. Scriptura unica Ceremoniarum Ecclesiasticarum quoq; est regula.

*Ex Synodo Gryphiswald. Anni 1543. & 1544.*

Sacramenta ad institutum Christi administranda.

*Ex Synodo Gryphiswald. Anni 1551.*

Elenchus Ministri Ecclesiæ in criminationes degenerare non debet. Formulæ precum sanctè utimur.

*Ex Synodo Gryphiswald. Anni 1553.*

Totus Christus, Deus & homo, animâ & corpore descendit ad inferos. *Osiandri error, nos justos esse justitiâ Dei essentiali, meritò damnatur.*

*Ex Synodo Gryphiswald. Anni 1556.*

Ritus Ordinationis ad Ministerium in Ecclesiâ omninò retinendus est. Post obitum *Knipstrovii*, Superintendente *Jacobo Rungio*, quem *Knipstrovius* primùm ad Professionem Grammaticæ & Musicæ vocaverat.

*Ex Synodo Anni 1559.*

Superintendens sub conscientie pretio tenetur, sæpius summâq; cum accuratatione visitare Ecclesias.

Bona Ecclesiastica sacris reddenda usibus.

*Ex Synodo Anni 1578.*

*Flacii de Peccato Originis* error meritò rejicitur.

Die 8. Decembris, Actus Magisterij habitus est, honores dispensante *M. Christiano Saalbach* Poëtico ac Orator. Prof. Ord. Academiæ Bibliothecario, Collegij Philosophici Seniore, & h. t. *septimum* Decano. Primus hic est, quòd *D. Jo. Frid. Mayer* Pro-Cancellariatus sui officium exercuit: cui ne debitus splendor deesset, curâ Pro-Cancellarij factum, ut & ipse & Decanus suo peculiari ornatu incederent. Datæ & duobus famulis togæ rubræ, in quibus, cum actus publici peraguntur, apparent. Renunciati sunt sequentes:

*Fridericus Andreas Krüger* / Kenzenf. Pom. Pastor substitutus Altenvehræ in Rugiâ.

*Andreas Berg* / Pentzlinenf. Meckl. Lib. Baronis à Putbus Pastor Aulicus & Vilmenizensis in Rugiâ.

*Johân. Vppendick*, Scanus, Supremi vigiliarum Præfecti *Ridderbielmi*, Vocatus Pastor Castrensis.

*Christophorus Tetzloff*, Gryphiswaldensis, Scholæ patriæ Con-Rect.

*Gregorius Langemak*, Vterlâ-Holfatus.

*Jo. Jacobus Israël Schatenau*, e Palatinatu inferiori propè Lotharingiam, J.V. Candidatus.

*Jacobus Wisde* / Bauscâ-Curlandus.

*Georgius Nicolaus Blocksdorff* / Gnoya-Meckl.

*Christianus Barfoth* / Hallandiâ Svecus,

Eod; menſe Decemb: Ecloga Evangelica ad Dom II. Adventus Evang.  
Luc. XXI, 32. de *Judeis*, Præſide *Jo. Frid. Mayero*, Doctore ac Profeſſ.  
Theol. primario & Superint. Generali deſenſa à *Johanne Philippo Kauf-*  
*manno*, Hamburgenſi, (1. plag. in 4.) Qvâ diſquiritur:

- (1.) *Judei Germani an in eadem JESV Servatoris noſtri con-*  
*ſenſerint?*
- (2.) *Vtrum citra injuriam Pontificiorum, Judei dicantur ſe-*  
*deles & devoti Sanctæ Romanæ Eccleſiæ.*
- (3.) *Judeos qvare toleret Pontifex, non verò Lutheranos?*
- (4.) *Vtrum Chriſtianiſ liceat Judeis famulari?*
- (5.) *An Chriſtianus Medicum Judeum, extra penuria aliorum*  
*Medicorum caſum, ſalvâ conſcientiâ adhibere poſſit?*

Vniverſitatis Gryphicæ Reſtor, *Jo. Fridericus Mayer*, Lipſ. D. ali-  
qvoties nobis laudatus, publico Programmate, qvomodo qvilibet an-  
ni menſis gloriam nati Servatoris ambitioſè ſibi aſſerat, ipliſ Fetiis  
Natalitius Academiæ Civibus oſtendit, illoſqve ad eas religioſè colendas  
adhortatus eſt. (1. plag. in 4.) Illud dum agit, primò varias Chrono-  
logorum ſententias in definiendo nativitatſ Chriſti anno recenſet, qvos  
inter *Rabbi Nahſon*, qvi annum 3740. *R. Gerson* & *R. Levi* 3754. *Arias*  
*Montanus* 3849. *Gordonus* 3880. *Hieronymus* 3941. *Carion* 3944. *Calvi-*  
*ſius*, *Helvicus*, *Alſtedius*, & pleriqve alii 3947. *Argolus* 3949. *Scaliger* atq;  
*Emmius* 3950. *Beda*, *Hermannus Contraſtus* & *Hercoartus* 3952. *Lands-*  
*bergius* 3958. *Mirandulanus* atq; *Sahmeron* 3959. *Sculctetus* 3960. *Toſta-*  
*tus* & *Melancheſhon* 3963. *Mercator* 3966. *Buntingius* 3967. *Bucholze-*  
*rus* & *Pantaleon* 3970. *Petavius* 3984. *Tirinus* & *Capellus* 4000. *Gui-*  
*lielmus Langius* 4040. *Tornielius*, *Saliannus* & *Spondanus* 4052. *Mai-*  
*monides* 4058. *Rhodomannus* 4140. *Casſiodorus* 4697. *Ado Vienneniſis*  
4832. *Metrodorus* 5000. *Epiphanius* 5049. *Philo* atq; *Sigebertus* 5196.  
*Bergomenſis* 5198. *Eusebius* 5200. *Rabanus* 5296. *Abunazar Arabs* 5328.  
*Iſidorus Peluſiotæ* 5336. *Alliacenſis* 5344. *Auguſtinus* & *Genebrardus* 5351.  
*Cedrenus* 5506. *Iſaacus Voſſius* 5590. *Clemens Alexandrinus* 5624. *Ni-*  
*cephorus Politanus* 5700. *Lactantius* & *Philaſtrius* 5801. *Svidas* 6000.  
*Onuphrius Panvinius* 6310. *Tabule Alphonſina* 6984. & alii, qvi alium  
annum honore iſto producti in lucem Servatoris maſtant, Deinde me-

minit, et si annum 3947. *Calvisianæ* supputationis, nativitati Christi assignemus, dubium tamen restare, an ab hoc *Calvisiano* termino rectè ad hæc usque tempora annos computemus, cum alii annum, alii biennium, quidam verò, quos inter *Henschenius*, *Papebrochius* in *Act. Sanctor.* atq; *Senesballus*, qui quinquennium vulgari calculo deesse putent. Tandem variorum de mensè nati Servatoris affert opiniones, & quidem (1.) Veterum Christianorum in Ægypto degentium aliorumq; qui d. *Januarii* Christum natum existimabant, teste *Epiph. hares. 51.* (2.) *Wagenseilii* *Tract. Soc.* p. 942. pro *Februario* pronunciandum censentis. (3.) *Bocharii* l. 2. Hieroz. cap. 44. cui verisimilior videtur eorum sententia, qui ad *Martium* mensè nativitatem Christi referendam putant. (4.) Nonnullorum *Basilidæ* sectatorum, natum Christum d. 24. aut 25. Pharmuti, i. e. *Aprilis*, arbitrantium, juxta *Clem. Alexand. l. 1. Strom.* p. 340. (5.) *Illorum*, qui diem vicissimum *Maji* nativitati Christi tribuunt. (6.) *Alogorum*, teste *Epiph. hares. 51.* Calendas *Junias Iulias* de pro natali Salvatoris habentium. (7.) *Wagenseilij*, pro extremo *Augusti* etiam facientis. (8.) *Ligifooti* *Comment. ad Luc. II, 7.* cui media pars *Septembris* arridet. (9.) *Philippi Beroaldi*, *Josephi Scaligeri*, *Casauboni*, *Calvisij*, aliorumq; finem prioris mensis, aut initia *Octobris* amplectentium. (10.) *Clementis Alexandrini*, teste *Petavio*, d. 22. *Novembris* faventis. (11.) *Plerorumq;* hodie *eruditorum* pro 25. *Decembris* die militantium, &c.

## GEDANI.

Die 28. Octobr. diem suum obiit *Daniel Albertus Schlieff*, annos 30. natus, ex nobilissimis familiis *Schlieffianâ*, *Bodeckianâ*, *Lindanâ*, *Rosenbergianâ*, &c. ortum ducens. Nascitur Gedani 1671. 15. Octobr. Primis studiorum fundamentis in Scholâ Marianâ jactis, 1686. Athenæo Patrio committebatur, in quo sub D. *Iohanne Schultzio*, jam Antecessore Francofurtano, ex *Harmoniâ Struvio-Schnobelianâ*, atq; hinc, ut Auctor, de *Manu Oculatâ* disputabat. Patriâ egrediens, *Francofurtensè Hallensij*, Academiis salutatis, *Lipsiæ* per triennium subsistebat, atq; inde *Witteberge*, ubi ex vulnere pulmonum, quod à maleferiato homine, facinoris hujusce causâ relegationis poenâ affecto, curabatur. Restitutus, in *Belgio*, *Galliâ* ac *Italiâ*, Aulas, Academiâs, aliaq; observatu digna perlustrabat, lingvasq; dictarum gentium exactè perdiscibat. Tandem per

*Germaniam* ad suos redux, cum patriæ usibus se consecrasset, recrudescente vulnere experiebatur, quod Medicorum filij dicere consueverunt; *ulcera pulmonum diuturna & profunda humanis artibus curari non posse*, Phthisi enim correptus præcoci morte abripietur, quam parte facultatum haud exiguâ pauperibus legatâ, atq; inter hos etiam constituto mille Imperialium pro Studiosis egentibus stipendio, gloriosam effecit. Posterius virtutem imitentur.

Die 3. Novembr. *Christophorus Bebr*, Eloqv. & Poët. Prof. P. *Agonem V. Plinianum* habuit, super *Panegyrici* c. 49. usq; ad 54. Respondente *Johanne Leonbarde Schlichero*, Gedan. (pl. 5 $\frac{1}{2}$ .)

Die 24. Nov. D. *Samuel Schelguigius Wigandiana* auspiciabatur. Sic autem excerpta ex *Ioh. Wigandi*, (Pomezaniensis in Borussia, cum viveret, Episcopi) *Anabaptismo* vocantur, eò modò adornata, ut Anabaptistarum erroribus perpetuò Parallelismus Novatorum, qui hodiè Ecclesiam Evangelicam, sub Pietatis obtentu, perturbant, subjiciantur. *Partitio I.* ex *Præfatione*, itemq; de *Verbo Dei*, exhibita est Respondente *Salomone Theophilo Pomian Pesarovio*, Gedan. *Valedicente* (pl. 3 $\frac{1}{2}$ .)

Die 29. Novembr. Pastoratui ad D. *Bartholomæi* præficietur *Michaël Kempinius*, qui officium novum Dom. IV. Adventus, 4. Decembr. videlicet, concione adituâ aggredietur; ex Rectore Scholæ ad D. *Barbara* primùm Ecclesiastes in æde *Corporis Christi*, hinc Diaconus ad D. *Bartholom.* tandemq; hujus Ecclesiæ Pastor.

Die 1. Decembr. *Samuel Fridericus Willenberg* J. V. D. Ejusq; ac Histor. Prof. Publ. disputabat de *Innocentiâ per Torturam purgatâ*, Resp. *Job. Georgio Schradero*, Gedan. Summa hæc est. In *Proæmio* n. 1. Ingressus paratur n. 2. definitur Tortura & à Quæstione distinguitur. n. 3. ostenditur legalitas Torturæ, n. 4. adducuntur dissentientes, n. 5. respondetur ad objectionem *Schmitzii*, n. 6. respond. ad Obst. L. 1. §. 23. ff. L. 17. C. de Quæst. L. 8. C. de Ep. & Cler. L. 16. Cod. *Theodos. de Navicular.* n. 7. respond. ad L. pen. ff. de quæst. n. 8. & ad Nov. 134. c. 13. n. 9. remissivè de quibusdam agitur, & methodus thematis ponitur. *Cap. I. de Innocentiâ suspectâ* agens, n. 1. dicit reos, ut videantur innocentes, omnia negare. n. 2. præsumptio pro innocentia, n. 3. nisi judiciis reddatur suspecta, n. 4. quid sint judicia; quæ ad torturam sufficiunt

## NOVA LITERARIA

ficiunt, judex arbitratur; quare hic esse debeat judicis arbitrium. *n. 5.* divisio judiciorum; ad quam hic nobis respiciendum. *n. 6.* quænam indicia à nobis hic proponantur. *n. 7.* Ex communibus minùs plenius indicium est Fama. *n. 8.* Locus suspectus. *n. 9.* Situs, Positus ac habitus suspecti. *n. 10.* Familiaris cum facinorosis Conversatio. *n. 11.* Inimicitia ac minæ. *n. 12.* inculpatio læsi. *n. 13.* Fuga: an si incarceratus fugiat id per se indicium sit ad torturam? *neg. n. 14.* Lis de maximâ parte bonorum. *n. 15.* Junguntur dictis judiciis Natio mala. *n. 16.* mala Physiognomia: prava corporis Constitutio. *n. 17.* variatio sermonis: titubatio suspecti. *n. 18.* Plura horum indiciorum concurrere debent; quot numero illorum esse debeant? *n. 19.* quid sint communia plena indicia. *n. 20.* Inter hæc sunt Inventio Rei suspecti in loco patrati criminis. *n. 21.* Testis unicus super ipso delicto testans. *n. 22.* Confessio suspecti extrajudicialis. *n. 23.* Nominatio socii criminis. *n. 24.* Sequuntur Indicia propria certorum criminum. Indicia criminis læsæ Majestatis. *n. 25.* Indicia Adulterii. *n. 26.* Homicidii. *n. 27.* Infanticidii. *n. 28.* Veneficii. *n. 29.* An cruentatio cadaveris sufficiens homicidii indicium sit? *n. 30.* Sortilegii. *n. 31.* An supernatio suspectarum veneficarum in flumine sit indicium ad torturam? *n. 32.* Incendii. *n. 33.* Falsi. *n. 34.* Furti, Rapinæ, Latrocinii. *n. 35.* an quis titulû possessionis demonstrare debeat. *n. 36.* Probandum quodlibet indicium duobus testibus, quid si sint singulares testes. *Cap. II. de Remediis purgandi innocentiam suspectam. n. 1.* Ad purgandam innocentiam quivis admittendus. *n. 2.* etiam alius, quicumq; pro suspecto; & ipse judex ut eam doceat, laborare debet. *n. 3.* dubium circa probandam innocentiam resolvitur. *n. 4.* ostenditur innocentia esse faciliorem, quam criminis probationem. *n. 5.* Inquisito, vel ejus Advocato Copia indiciorum danda. *n. 6.* præsumptionibus innocentia purgatur. *n. 7.* quibus testibus probetur innocentia. *n. 8.* Fieri potest Innocentia probatio omni tempore. *n. 9.* Judicis est utrinq; adductas probationes expendere. *n. 10.* An juramento innocentia purgari possit? Indicia non inferunt præsumptionem juris & de jure. *n. 11.* Tortura medium est purgandi innocentiam. *n. 12.* Tortura sine præviis judiciis est nullus effectus. *n. 13.* nec sine illis suspectus de alio crimine interrogari aut torqueri potest. *n. 14.* antequam dictetur, necesse est constare de corpore delicti. *n. 15.* quotuplex sit corpus delicti. *n. 16.* ut tortura procedat, delictum debet esse commis-

sum, quomodo pœnam corporis afflictivam meretur. *n. 17.* an locus ei sit, ubi fustigatio dictanda? *aff. n. 18.* cessat tortura, si suspectus de crimine convictus aut confessus. *n. 19.* Judex in decernendâ torturâ humanum se debet præbere. *n. 20.* à sententiâ torturam dictante appellare licet. *n. 21.* quando super eodem crimine tortura repetenda. *Cap. III. de ipsâ Innocentiâ per torturam purgatâ. n. 1.* Torturæ effectus. *n. 2.* admittuntur contra illam exceptiones: quænam possint opponi. *n. 3.* differentia inter legitimè excipientem & revocantem. *n. 4.* Torto constanter negante, purgantur indicia. Consideratio *L. 1. §. 23. ff. de quæst. n. 5.* an sine omni pœnâ tortus dimittendus. *n. 6.* quomodò puniendus, qui ratificandam confessione negat. *n. 7.* an tortus negans ab instantiâ, an definitivè absolvendus? Proponitur prior sententia, *n. 8.* proponitur posterior sententia. *n. 9.* eaq; hîc probatur & respondetur ad rationes prioris sententiæ. *n. 10.* adducitur quorundam media sententia: quo casu ob idem crimen quis denuò torqueri possit? *n. 11.* absolutus ad Urphedam & sumptus quandòq; tenetur. Causa hujus infortunii. *n. 12.* quid sit innocentia per torturam purgata. *n. 13.* Tortus innocens ad omnia pristina jura admittendus. *n. 14.* non est infamis. *n. 15.* retinet omnia jura civitatis. Excludi non potest ex Collegio Opificum. *n. 16.* Gaudet jure commerciorum. *n. 17.* & testamentorum. *n. 18.* habet actionem injuriarum contra eum, qui torturam sibi objicit. *n. 19.* quænam ei competant actiones contra judicem iniquè torquentem? *n. 20.* resp. ad obst. *L. 13. §. 1. & 6. ff. de Injur. Consilium pro judice. n. 21.* actio injuriarum hîc perpetua est. Modi probandi torturam. *n. 22.* an aliquo signo ad declarandum hunc effectum opus sit?

Die 8. Decembr. D. *Samuel Schelguigius* sistedebat *Wigandianorum ex Anabaptismo Partitionem II. de Trinitate, Christo, Libero Arbitrio & Peccato Originis*, Respondente *Johanne Ephraim Gnospio*, Gedan. Valedicente. (pl. 3 $\frac{1}{2}$ .)

Anniversarius Index præterea typis excusus, refert, hoc anno Gedani intra munimenta urbis, baptizatos esse 2343. sepultos 1552. matrimonio conjuncta 546. paria. Huic Catalogo Mennonistæ inferi non solent, necq; etiam incolæ Schottlandiæ, vicinorumq; montium & vallium.

## REGIOMONTI.

Die 1. Decembr. *Andreas Francisci Lischovinus*, Trenchinio Hungarus,

garus, cum antea in examine rigoroso atq; ceteris agonibus, quos ex more & Statutorum jure sustinuerat, Amplissimæ Fac. Med. oppidò satisfecisset, Disputationem pro summis in Fac. Medicâ honoribus impetrandis, *de Hypocrisi in Medicinâ*, horis ante- & pomeridianis habuit: in quâ præmissis quibusdam in genere de *simulatione*, sc. in quantum sit licita & illicita, ostendit, qui morbi simulari & dissimulari possiat, utrorumq; artificium manifestationis dedit, technas etiam per quas simulatio & dissimulatio palliatur, ut per *pulsum*, *urinam*, &c. communicavit, unâ cum ipsarum manifestatione. Finito confictu Medicæ Seniore, p. t. Decano, & ad hunc actum Promotore, ad superiorem cathedram evocatus, Medicinæ Doctor creatus & renuntiatus est.

Die 8. Decembr. M. *Georgius Thegen*, Phil. Pract. P. P. Ord. Trigam. Zetematum Historico-Politicarum, (1.) *Verum Pontifices Romani imperium sibi in Imperatores possint vindicare?* (2.) *Num licitum sit Gradus Academicos appetere?* (3.) *Verum Judaica Religioni additi in Christianorum civitatibus sint tolerandi?* Resp. & Autore *Wilhelmo Tyska*, ad disputandum proposuit.

Die 10. Decembr. M. *Johannes Engelbrecht*, Schifenburg. Verba *Aristot.* ex 1. Rhet. c. 2. §. 15. *Rhetorica est surculus Dialectica & Politica*, disquisitioni subiecit, Respondente *Johanne Friderico Lilienthal*, Woriti-Prusso.

Die 13. Decembr. Præside & Auctore *Bernhardo von Sanden*, Jun. S. Theol. D. & Prof. Ordin. Decadem Thesium controversarum ex Loco *de Statu Iesu Christi gemino* selectarum, publicè ventilandam proposuit *Johannes Christophorus Dietz* Regiom. Prussus (2½ plag.)

Die 15. Decembr paulò antelaudatus M. *Georgius Thegen* de *Annuorum in Republicâ usu* disputavit, Respondente *Johanne Arnoldo Pauli*, Prusso.

Die 25. Decembr. Programma Natalitium, nomine Pro-Rectoris & Senat. Acad. Regiomont. ex Num. XXIV, 17. *de Stellâ ex Iacobi oriundâ*, editum est, Auctore D. *Gottfried Wegnero*, h. t. Facult. Theol. Decano. (1½ plag.)

Prodiit Ejusdem D. *Wegneri* Disputatio Theol. *prima de Scripturâ divinitus inspiratâ, & sufficienter utili*, ex dicto 2. Timoth. III, 15. 16.

17. Sectionem I. eamq; *Analyticam, & Exegeticam, Philologico-Theologicam* exhibens, Respondente *Michaële Neumann*, Soldav. Prusso, Scholæ Gilgenburg. Rectore, habenda suo tempore, Respondenti opportuno. (plag.4.) Sequetur autem propediem *secunda, & cum Deo reliquæ, Dubia Textu alia, & Porismata* proponentes.

## REVALIÆ.

*Conradus Akenstierna*, Nobilis Svecanus, quondam civitatis Per-noviensis Secretarius, & Consistorij ibidem mixti Regius Assessor, Regiæ Holmiensis, Patriæque Esthoniæ, summis in judiciis per 25. annos, & quod excurrit, Advocatus ordinarius, Deo ita volente, divulgare constituit *Chronicon Revaliense*, fide dignissimorum Historiographorum monumentis antiqvis, præsertim nummis, hisce in regionibus ad Mare Balthicum, repertis confirmatum.

*Idem* non *Orationem* solum scripsit, cum anno 1672. è Gymnasio Regio-Revaliensi ad Germaniæ Academias discederet, memoriter *de Prudentiâ* perorans, nec non postea, domum reversus, *laudem & Insignia Domus Mauritiæ* Revaliensi (der *Schwarzen Haupt*) ejusque Privilegia hodierna in Scriptis compilavit; sed alios etiam, tam in prosa quam ligata, contexuit libros, quorum maxima pars typis evulgata; Auditoris tamen modestia recensere illa prohibet.

Hac occasione B. L. & inprimis variorum naturæ, artis ac antiquitatis monumentorum Collectores latere nolumus, laudatum *Akenstierna* possidere præter numerosam planè & eximiam Bibliothecam, omnium Facultatum, Lingvarum & Scientiarum plurimis MSS. rarioribus, figuris æneis subsudatis, integerrimorum Pictorum, vivis coloribus manibusq; propriis eorum exaratis Tabulis omnis generis refertam, ea monumenta & naturæ & artis, maximopere ex antiquitate eruta, quæ non semper occurrunt. Qualia inter naturalia præ ceteris sunt res metallicæ, terreæ, lapideæ (& ut plurimi putant præternaturales) quam metallorum congeriem, majorem in partem, è fodinis Svecanis, eorumque mundo subterraneo Possessor ipse manu suâ partim effossam & elatam, partim ab aliis, quæ sunt è peregrinis terris, accipiens, congestam atq; congregatam nunc habet & conservat. Hisce accedit stupenda ferme colluvies Testudinum & Conchiliarum, tam Orientalium quam Occidentalium, mirum in modum à Deo creatarum, mirandæ formæ & colo-

coloris unâqvæque, majoris, mediocris & minoris speciei, sed numerus earum propter multitudinem non faciliè indagandus. Museo *Akenstierniano* annumeratur porro suppellex nummaria artificialis (*Medailen*) non solum, sed & diverſi generis metalli, uncialium quoq; selectissima illa: Sveciæ & adjectarum provinciarum, Esthoniæ Livoniæq; Ducatum insuper, Principum ipsorum, in Ecclesiastico & Sæculari ordine olim Antistitum & Primatum in hoc usq; tempus sub Sacratissimo CAROLI XII. Regis Sveciæ regimine tam in usualibus, quam ad delectum, memoriam atq; historiam, excusi nummi inter eam apparent: Quibus præterea ad sociata penè omnium orbis nationum & gentium monumenta rei nummarie, præsertim Romanorum antiquorum, Consulum, Cæsarum & Familiarum, quorum non pauca ante natum Christum excusa invenies. Ad millia certè numismata antiquissima à Possessore, per annos abhinc multos, collecta, genuina, non falsa, non adulterina, etiam asservantur. Inter artificiales res occurrit hîc mira series ( ut cetera & plurima alia nunc taceantur ) fabricaturæ exotericæ, præsertim Septentrionalium, Lapponum, Moscovitarum, &c. superstitionum & suppellectilium illorum, de quibus noviter nonnulla singularia, prostratis & profigatis ad Narvam Russis, in manus laudati sæpius *Akenstiernij* Revaliam pervenerunt. Non desunt quoq; artificialia, quæ Persarum, Turcarum, Indorum, Chinesium &c. ingenium indicant satis artificiosum. Omnia hæc brevi: Nummophylacium, exornatum præsertim, justeqve in catalogo concinnatum lucem ut adspiciat & curiosis hoc in studio commilitonibus ut satsidet, valde quidem optat Collector industrius, sed concatenati ejus labores id fieri vetant.

Seduli hujus Antiquarij honori, dicavit ante aliquot annos *Daniel Sarcobius*, jam Vniversitatis Pernoviensis Professor, Carmen gratulatorium, Revaliæ typis impressum, sed propter raritatem ibidem iterum recusum. Continet illud Poëma literam initialem C à verbo ad verbum per Carmina centum, seu Hexametra, gratulati nomen Conradi per totum indicans. ( 2. plag. in fol. ) Carminis Sæcularis *M. Pauli Georgij Rrisficten* 142. Versuum, ubi litera S. cujusvis Vocis est initialis superiori anno 1701. p. 58. meminimus.

## NARVÆ.

*M. Nicolaus Bergius*, cujus in N. L. anni 1701. pag. 279. meminimus, post-

postquam haud ita pridem Superintendens Ingriensis atque Narvensis constitutus esset, nuperrimè Superintendens Generalis in Livoniâ, in locum D. *Jacobi Lange*, jam Esthoniensis & Reval, Episcopi, (de quo in N. L. præteriti anni 1701. p. 300.) vocabatur.

VPSALIÆ.

Editus *Campi elyssi* Liber secundus operâ *Olai Rudbeckij* Patris & Filii. (in fol. magn. 2. Alph. 15. plag.) Causa, ob quam ante primum editus sit, indicatur in Præfatione.

HOLMIÆ.

Publici juris facta est discussio Criminationum, quibus usus est Moschorum Czarus, cum bello Svecis contra jusjurandum & nuperrimè datam fidem illato prætextum quæreret, anno 1700. (in 4. pl. 16.)

Duo Numismata in Victoriam Narvensem, quorum supra, ubi *Nicolai Keder*, Regij Antiquariorum Collegij Assessoris Symbola & Emblemata recensuimus, (vid. N. L. 1701. p. 271. seqq.) ut sculpendorum est facta mentio & descriptio, nunc elaborata in lucem prodierunt publicam, sculptore *Carolo Gustavo Hartmann*.

Prodiit etiam Numisma ERICI XIV. Inventore & Sculptore jam modò commemoratis *Kedero & Hartmanno*. Exhibet hoc parte anteriore verba: ERICVS. XIV. D. G. REX. SVECIE. & Regis effigiem; posteriore autem Ensem diffractum, basiq; impositum, cum perigraphæ: NIMIS. DVRVS. MINVS. DVRAT.

Illustrissimi ac Generosissimi Comitis, CAROLI CASPARI WREDE, Sacræ Reg. Majestatis Sveciæ Cubicularij, præcoci fato rebus humanis exempti, obque summam vitæ integritatem, morum suavitatem mirè allicientem, solidam doctrinam, lingvarumq; uberiorem cognitionem longè desideratissimi funus d. 27. Novembr. 1701. splendidissimâ pompâ tumulo est illatum. Loculum ex ære affabrè confectum, inductoq; auro coruscum, ac Stemmata cum paterna tum materna condecorabant. Symbola pervenuista ad Comitem respicientia, *Kederiana* quoque inventionis.

1. Latere dextero ad caput:

DECIDIT. EN. NITIDVS. TAM. PVLCHRÆ. STIRPIS. OCELLVS. Rosa, ex ipsis Illustrissimæ WREDORVM Domûs insignibus primitivis decerpta, cadens.

2. Eod. latere ad pedes:

ET. TRISTI. HOC. CASV. GAVDIA, MILLE. RVVNT. Arbor  
multis floribus & fructibus onusta, quæ vi sævientis subvertitur venti.

3. Latere sinistro ad caput:

AT. SIMVL. ASSVRGENS. VELOX. CONTENDIT, AD. ALTA.  
Sagitta petens summa.

4. Eod. latere ad pedes:

ET. LVCE. EX. SVMMA. GAVDIA. QVANTA. CAPIT. Aquila  
pennis altius sublata Solem aspiciens.

Ad Stemmata paterna:

QVOT. SVAVITATES. IN. SEDE. VNA, Insignia paterna primi-  
tiva, Laurea nempè, quinque; distincta rosis.

Ad Stemmata materna:

NITIDO. CANDORE. RELVCET. Flos lilij albus, ex Insignibus  
maternis primitivis depromptus.

Defuncti memoriz *Runowius* Carmen Latinum dedicavit.

#### KILONII.

Præside *Theodoro Dasfio*, Licent. Professore Theologo & Philo-  
logo, nec non ad D. Nicol. Pastore primario, *Georgius Fridericus Bohn*,  
Thuringus, superiori anno 1701. exeunte, Dissertationem Theologicam  
ventilavit, quâ *Missam Malach. I. commate II. non indicari*, docuit, ex-  
plicans Sectione I. Pontificiorum, Malachiz I. comma II. de Missâ in-  
terpretantium, sententiam; Sectione 2. 3. 4. 5. 6. 7. ad argumenta Chri-  
stophori Castri, Roberti Bellarmini Cardinalis, Martini Becani, Calparis  
Sanctij, Cornelij à Lapide, Petri Danielis Huetij, & Francisci Carriere,  
respondens; tandemque Sectione ultimâ veram Malach. I. commat. II. Sen-  
tentiam proponens. (3. plag. in 4.)

Die 14. Decembr. 1701. Lucem publicam vidit Dissertatio Fridericia-  
na, de *Imaginatione Hominum & Brutorum*; ventilata Præside *Wil-  
helmo Hulderico Waldschmied* D. Medic. & Philos. Experim. Profess.  
Ordin. S. R. I. Academiæ N. C. Collegâ, Respondente *M. Christophoro  
Oberio*, Junecopiâ Sveco, (4. plag. in 4to.) Pag. 3. seq. Generalia commu-  
nicat præmittenda, Phantasiam videlicet menti rerum imagines propriè  
non præsentare; sed solum motum organo ab objecto impressum ani-  
mæ offerri. Item, *imaginationem non esse sensum internum, externis oppo-*

oppositum. Pag. 5. Mentem sentire, non organum, nec non, Phantasia: differre ab intellectu, adstruit. Ad radicem pag. 5. *negativè* procedere desistit autor, & postquam breviter annotasset, quid imaginatio seu Phantasia sit Aristoteli, Cartesio, Wittichio &c. suam pag. 6. *Definitionem* subjungit. Dehinc *Distinctione* factâ inter mentis *imaginationem activam & passivam*, inquit in *gradus imaginationis hominum*, ejusq; *Causam, Differentias, Effectus*, admixtis historiarum novellarum illecebris, contemplatur. Pag. 17. *Vires* attingit *Imaginationis* in momento conceptionis, ex parte Patris æque ac matris, casu maximè notabili. pag. 20. adjecto. Pag. 23. Sittit *modum*, quomodo *imaginatio* agat, nempe per motum Spirituum &c. Ad Calcem pag. 24. de *imaginatione brutorum* differere incipit, nixus tam *auctoritate* Aristotelis, Plinii, Augustini, quàm exemplorum rariorum fulcris; & postquam *Gradus, Modum*, ac *Differentiam* hujusce *Phantasiae Brutalis* succinctè perlustrans, de *sensu* brutorum verba fecisset, dissertationem suam de *imaginatione*, modo tamen non imaginario, sed evidenti absolvit.

*Ioh. Ludovici Hannemanni, D. & P.P. Atalanta fugiens.*

Recip. Auri unciam unam cum dimid. Argenti uncias duas. Cupri uncias duas cum dimid. Stanni uncias tres. Chalybis uncias tres, cum semis. Plumbi unicas quatuor. Antimonij uncias quatuor cum dimid. Hæc omnia partim limâ, partim triturâ vel & aliâs in pulverem redigantur. Adde huic caput hominis, utputa cranium hominis violentâ morte extincti pulverisatum. Hæc omnia impone purissimo Marmor, vel Alabastro æquæ imposito, (locus autem, in quo massa hæc collocanda, sit siccus) & expone Soli in Leone existenti, & per vitrum Causticum, quod maximam vim radios concentrandi habet, ure, & tota massa in vitream abibat substantiam. Antequam autem in vitream substantiam transit, mira videbis colorum phœnomena. Ejus vitri pars in Cyathos transformanda, pars in Alcohol redigenda. Quæ certo menstruo soluta dat tincturam, magnis elogiis ob beneficium, quod homini præstat, maudaudam. Sed cum nullus dubitem, hîc quosdam Medicos, & Philosophos ebuccinare illud Actorum cap. XVI. v. 20. 21. *Hi homines conturbant civitatem nostram, quum sint Judæi. Et annunciant instituta, quæ non licet nobis suscipere neq; servare, quum simus Romani. Galeni affectæ ridebunt, Chemiæ periti pro Thesauris æstimabunt, Et ipsis non*

est amplius *Atalanta fugiens*, sed ab Hippomene superata obtenta, sparsis aureis pomis capta. Per Atalantam *Michael Majerus* intelligit aliud mysterium. Istius Majeranz Atalantzæ procum profiteor me, sponfus autem sim, vel fiam, forsan non licet esse tam beato. Innumera experimenta & Medicamenta beneficio Solis & vitrorum causticorum, per ætatem possent parari, multaq; ad pyrotechniam militarem manifestari, sed quare ego hanc januam ponderem?

*Arcanum ad præcabendas variolarum foveas.*

Quod ut plurimum homines nulli labori, sudori, diligentiz, sumtibusque parcant, vultus sumnitorem, pulchritudinem, ne eam lædant nævi vel foveæ quas variolæ causari solent, notum est. Et nemini vitio verti potest, si hæc de re apprimè sollicitus sit. Cum doceat experientia, & pulcherrimos vultus variolarum vestigiis mirum in modum defædari. Ut itaq; præcaveatur ne variolæ vultus regionem invadant, hic processus, qui tutissimus, instituendus quotidiè bis, vel ter, tamdiu ut variolæ in motu critico eruptionis sunt. Duo cochlearia ex puro puto auro confecta genis totiq; vultui applicentur carbone ligni juniperini incenso impleta medio critice calefacta. Hæc cochlearia in genis & facie nunquam non lenissimo motu trahenda. Inter motum cochlearium vultus aliquoties aquâ Reginz Hungariæ tepesactâ conspergendus. Talis processus ad minimum sex dies, ter de die ter de nocte, & semper per duas horas continuandus. Si tunc intrinsecus propinetur nostra Tinctura liberantis dicta cum aqua terræ sigillatæ confortata Spiritu nostro Roris majalis, non carebit (annuente Divinâ gratia!) successu prospero. Aliquando duo Medici per genas traxerunt duo cochlearia, ast actu frigida, quem processum tristis Tragoedia subsequuta fuisset, nisi Matrona quædam sapiëntior hoc erratum Medicorum correxisset. Qui tamen se Medicorum Joves venditant. Ast pudeat tantæ imprudentiæ temerariæ. Quatuor in hoc processu observanda occurrunt (1) *Tempus*, quo viget motus variolarum criticus eruptionis. (2) *Ter de die*, ter de nocte, ad horas duas qualibet vice, & usq; ad sex dies. (3) *Cochlearia* ex puro auro adhibenda, & quidem cum carbone juniperino calefacta, vultusque aquâ Reginz tepesactâ conspergendus. (4) *Nostra Tinctura* liberantis danda, quæ habet vim illam sanguinis effervescentiam compescendi, ac ne sanguis in hoc suo motu critico nimium particulas illas

fursum

furfum euehat, fed deorfum pellat. Quod & promifcuè expellentia. orgafmum fangvini non fati fedare queant, probat, quod fi illa decantatiffima Effentia variolas expellens detur, quod tamen in vultu æque ac in aliis partibus luxurient variolæ. De Bezoar Excell. D. *Sorbait*, quod illud variolas nimium ad vultum propellat, id genus operationis etiam edit illa Tinctura florum aquilegiæ, vel ille clyffus quibusdam arcanis variolas protrudens. Quamvis hi Medici quodammodo felices fint in præcavendis fymptomatibus gravioribus; ne autem variolæ defcædent vultum, ac ne in eo nimium luxurient vel & oculos perdant, fuis ægris polliceri non queunt ifti artis Medicæ Sacerdotes. Nos autem id per Dei clementiam! promittere poffumus, Plura non addimus, ne videamur nos velle nos obtrudere; Vino vendibili non opus eft hederâ. Et per nos quærant fimiles labra lactucas, non nobis, fed illis Medicis dedecori eft, fi à variolis reconvalfcantium vultus defædati veftigiis fuorum Medicorum imperitiam ebuccinent. Digitum hæc vice inque hanc *Atalantam* fugientem, quam mihi desponfavi, intendiffe fufficiat, forfan poft hac hanc *Atalantam* captivam fiftam.

Prodiit Ὀψυμαθῆς, five de *Studio Senili* difsertatio, quam clementif, aufpiciis Serenif, Principis *FridERICI IV.* Ducis Cimbriæ Regnantis in Illuftri *Chriftian-Albertinâ*, Præfide *Sebafiano Kortholt*, Poët, Profef. Publ. d. 21. Dec. 1701. tuitus eft *Arp Tbiling*, Hambugenfis. Conftat 6. plagg. 4. Præfes hujus difsertationis pag. 1. de hoc argumento neminem præter Polyhiftorem Gallum *Bailletum* effe commentatum affirmat, qui vero non folum plurima, fed etiam notiora τῶν Ὀψυμαθῶν exempla reliquerit indicta. Proinde poftquam *Poetrias Puellas* à Bailletto omiffas, à nobis pag. 53. f. Anni 1700, recensitas edidit, nunc ali quot prope centuriis puerorum eruditorum à fe obfervatorum & à *Bailletto* omifforum Ὀψυμαθῆς ab eodem omiffos præmifit. pag. 3. refutat *Craffè* fententiam: nifi quod quisque cito potuerit nunquam omnino poffe perdiscere; pag. 4. feqq. exempla eorum profert, qui licet in juventute tardiffimi fint vifi, eruditiffimi evaferint. p. 8. exempla exhibit eorum, qui in summâ fenectute vivido ingenio fenfibusque integertimis fuere, pag. 11. *Tritthemium* & *Tiraquellum* refutat, *Origenem* senem hebraicam linguam didiciffe affirmantes. p. 14. cum indicaffet *Gregor. Nazianz.*

LV. annos natum, ad poësin animum applicuisse, ultimos versus, quos, cum animam ageret, cecinit, profert, & quoniam de studio senili differens id agit, ut probet cum *Augustino*, nullum ætatis tempus ad colenda literarum studia seruum videri, plurima perrara & singularia exempla per digressionem in medium adducit poëtarum, qui morientes *cygnea carmina* decantarunt, nec ante carminibus quam vitæ vale dixerunt. p. 23. *Jacobum Pontanum* & *Albertum Krantziuum* refellit, qui *Carolum M.* senem grammaticam ajunt didicisse. Hujus Cæsaris virtutes in libro de *poëtis Imperatoribus* pluribus se persecuturum p. 24. pollicetur. p. 34. mentione factâ *Mariocti Bonciarii* qui LXXIV. annos natus semestri spatio linguam latinam didicit, indicat aliam viam hanc linguam intra sex menses arripiendi nos docuisse *Rosium*, aliam *Schenckium* &c. p. 38. refutat *Bailletum* affirmantem *Hobbium* undecimo anno æt. Euripidis vertisse *Medeam*. p. 39. ultimo loco recenset *Rich. Blackmorÿ*, Angliæ poëtarum hoc tempore principem, cum ad condendum Epicum poëma vernaculum nuper accesserit, in poëtica plane peregrinum & hospitem fuisse, & agit de poëmate epico, perfectissimo humani ingenii conatu, ac contra *Rapinum* probat *Iosephum Scaligerum* ab ineunte ætate versibus operam dedisse, nec semper optimos poëtas primos annos versibus dedisse, p. 44. s. contra *Bailletum* tuctur, *Accursium* omnibus aliis disciplinis anteqvam juris cognitioni se dederet, instructum accessisse, & plures *Bailleti* errores ostendit, quos alio loco se propediem indicaturum pollicetur. Nimis prolixum foret indicem τῶν ὀψιμαθῶν quos ab oblivione auctor vindicavit, contexere. Sufficiat lectores docuisse, eum Imperatores, Reges, Electores, Principes &c. Græcos, Judæos, Germanos, Gallos, Italos, Hispanos, Anglos &c, inter ὀψιμαθῆς celebrasse.

*Sebastianus Kortholt*, Poët. Prof. Publ. recudi curavit librum patrum, cujus est titulus: *Christian Kortholten / D. bey der Hochfürstl. Christian Albrechts Universität zum Kiel weiland Pro-Cancellar. und Profess. Primar. Vorbereitung zur Ewigkeit / oder gründliche Anweisung / wie ein Mensch recht glauben / Christlich leben / und selig sterben solle; zum andern mahl ans Licht gestellt von Sebastian Korte.*

Korsholten. Kiel/verlegts Joh. Seb. Kiechel 1701. 8. Præmisit huic libro dedicationem, quæ itidem loco præfationis est, ad Serenissimam Principem FRIDERICAM AMALIAM, cui quondam eundem consecraverat B. Auctor. In ea, cum perstrinxisset vitia aularum celeberrimarum Europæ, in laudes Celsissimæ Principis excurrit. Et qui B. Auctor majorem operam impendit, ut libris suis artem bene moriendi & Æternitatem insereret, quam ut libros suos insereret æternitati, se curaturum promittit editor, ut reliqui patrii foetus iterum prodeant in lucem & conserventur. Tandem cum Voto dedicationem ita finit: Der Allers höchsten wolke gnädiglich gestatten / daß wie Ew. Hoheit ganzes Leben eine stete Vorbereitung zur Ewigkeit / oder eine Anweisung / wie man recht glauben / und Christlich leben müsse / bisher o gewesen; also Ew. Hoheit nach erreichem höhern Alter später als alle Königl. und Fürstl. Vorfahren / der Nachwelt mit Dero Beyspiel lehren und anzeigen mögen / wie man selig sterben solle.

## HAMBURGI.

Die 12. Decembris *Christianus Ludovicus Seilerus*, hactenus Pastor *Tremmenia & Bagovie* in Marchiâ Brandenb. postquam d. 26. Sept. in locum B. M. *Petri Scheele* (de cujus vita, scriptis & obitu superiori anno 1701. mens. Martio p. 93. mentionem fecimus) ad D. Mariæ Magd. ædem Pastor electus fuerat, à D. *Christiano Krumbholz* Pastore Petriuo introducebatur. Concionem introductoriam ex Psalm. X, 10. habuit.

Superiori anno 1701. è Typographiâ *Nicolai Spiringij* prodiit Scriptum quoddam Comicum sequentis tituli: *Die wundersthöne Psyche*, zu höchsten Gedächniß des erfreulichsten Geburths - Tages der Aller Durchläuchtigsten / Großmächtigsten Königin in Preußen / Grauen / Grauen *Sophien Charlotten*, in einem Sing - Spiel auff dem Hamburgischen Schan - Plan vorgestellt. (4. plag. in 4.) Eundem hoc Drama musicum agnoscit Auctorem, quem *callida Juno*, (die listige Juno) cujus in N. L. 1700. mentionem fecimus. Præter hæc etiam Auctor alia ejusdem generis edidit scripta, præviis casibus notatu dignis, satis artificiosè elaborata, nec non devotissimo Serenissimorum nonnullorum honoris dicata. Et ne Fabularum, uti & Historiarum circumstantiæ impertoridicarent, in quibusdam explicationem præfatus est.

Præter primam & secundam *Observationum Historicarum* vulgò Re-

*marques*, partem, (vid. N. L. 1701. p. 124. jam etiam *tertia* in annum superiorem 1701. publicè extat & dividitur apud Hæredes Reumannianos. Ejusmodi Observationes laudabili instituto, cum Orbe curioso communicare Auctor non pergit solum; sed singulis etiam rarioris cujusdam Thaleri, aut nummi artificialis (Medaille) effigiem, unà cum accuratâ ejusdem descriptione intexit.

Quolibet die Veneris è Typographiâ Reumannianâ prodeunt *Job. Frid. Pfeffingeri*, Lüneburg. Nobil. Gymnas. Prof. *Memorabilia Seculi decimi septimi*, s. die *Mercwürdigkeiten des siebenzehnden Seculi*. (1. plag. in 4.) Hæc autem sequenti modo tractat Auctor: cujusvis anni *qvinq;* facit *Capita*, quorum I. de *recens Natis*, & quidem. §. 1. de Illustribus Fœminis, §. 2. de Illustribus Viris; *Cap. II. de Matrimonio junctis*; *Cap. III. de Mortuis* agit, §. 1. Illustres Fœminas, §. 2. Personâ Ecclesiasticas, §. 3. Personâ Politicas, & §. 4. Viros claros exhibens. *Cap. IV. Pacem, Bella, Fœdera, &c. proponit. Cap. V. Varia*, §. 1. quidem Ecclesiastica, §. 2. Politica tradit.

LVBECÆ.

D. *Augusti Pfeiffer*, Ecclesiarum Lubecensium, dum viveret, Superintendentis Scriptum posthumum, *Nuptialia* continens, typis evulgatum est, integer titulus ita habet: D. *Augusti Pfeiffers/der Lübeckischen Kirchen Superintend. Nuptialia, oder/ Sauß-und Ehe-Schul/ bestehend in drey Theilen/ in welcher das Leben Isaacs schriftmâßig erkläret/ und die bey Verhehlung unverheyratheter Personen so wohl/ als bey allbereit im Ehestand lebenden sich ereignere Fälle/ gründlich und deutlich erörtert/ auch nützliche Regeln seinen Ehestand wohl anzufangen und Christlich zu führen/ vorgeschrieben werden/ mit Einmischung allerhand erbaulichen Realien, so zu Hochzeit-Reden und Hochzeit-Predigren nicht unschicklich zu gebrauchen sind/ nebst einem vollkommenen Register. Nürnberg in Verlegung Johann Hoffmanns seel. Wittib. und Engelbert Streck. Druckts Abraham von Werth/ im Jahr 1702. (2. Alph. I $\frac{1}{2}$  plag. in 4.) In *primâ* hujus libri parte, uniuscujusque, sub patriâ potestate constituti, officium ante contrahendum matrimonium monstratur, atq; sub finem *qvæstio de legalitate Conjugij* additur; In *secundâ* docetur, quodnam cujusvis tum in *genere*, tum in *specie*, etiam*

Viduo-

fit Viduorum ad secunda vota transeuntium in contrahendo matrimonio sit officium, simulq; erotemata quædam de hac materiâ è visceribus solvuntur; In *tertiâ* parte ostenditur, quomodo quisq; se gerere debeat post matrimonium contractum, in ferendis nimirum Conjugij calamitatibus, ubi illarum in quavis concione sistitur *æstimum*, hominis conjugati *officium & solatium*.

*Scholion Jo. Jacobi Stolterfohti D.  
de circulatione sanguinis.*

Hujus phœnomeni ætiologiam indagaturo facem præfert fluxus ille atque refluxus oceani microcosmi, quem ex Cimmeriis quasi reduxerunt tenebris *Guilielmus Harvey* Anglus, & *Hermannus Conringius*, Academiæ Julix sydus desideratissimum. Is vero an cognitus jam fuerit Veteribus, & inter illos Aristoteli, juxta *Walaum in Epist. ad Th. Bartholin, de Chyli & sanguinis motu*, assentiente *Charlone in Oeconom. animal. Exercit. VI.* An potius primum agnoscat Autorem *Paulum Servitum* Religiosum Venetum, de quo *Th. Bartholin. Cent. 1. Ep. XXVI. conf. Highbor. disquisit. Anatomic. de Arter. Cerebri. Medicis Sænsibus* tot retro seculis (ultra 400. annorum) usum circulationis sanguinis innotuisse præ Europæis teste *Andrea Clayero Act. Med. Hafn. Vol. IV. obs. 1. p. 4.* an vero notus jam fuerit sapientissimo Regum *Salomoni*, ut ex Ecclesiast. XII, 6. concludere alii volunt, vid. *Cornel. Bontekoe, von dem menschlichen Leben / Gesundheit / Krankheit und Tod. p. 278, Cordationum* decisioni relinqvimus. Continuationis modum docent *Willisus Lavgerus, Walaus, Cornel. Consentinus, Pechlinus* & alii quam plurimi, nec sine ingenio, quorum lucubrationes Doctiorum teruntur manibus, sed missis hisce, inter recentiores vel unicus nobis sufficere poterit *Job. Bobnius* qui pulsus Arteriarum, concurrente motu venarum peristaltico, cooperante itidem partium tono, circulationis microcosmicæ continuationem & causam stupendo ingenii acumine agnoscit, in *Circulo Anatomico - Physiologic. Progyrnasm. VI.* Pulsus huncce principiis mechanicis haud leviter instructus *Bartholom. de Meor. co:itatio: rational. de Instaurat. Medicin. L. 1. p. 38. seqq.* ad oculum quasi demonstrans, asserti veritatem evincere conatur exemplo Virginis XXII. annorum sæpe Hæmorrhagia è malis & brachiorum parte exteriori copiosa correptæ: cui cum aliquando Pleuritide decumbenti venam minus dextre secussisset Chirurgus, paulo post natura fontes sanguineos genarum, & brachiorum simul aperuit; vid. *Ejud. Prefat. ad Lectorem. De Basi-*

licæ in dextro brachio apertione spontanea in Hydropico, videri potest *Philipp. Hæchstetterus Decad. II. Obs. VII. p. m. 167.* De vena secta post octiduum sponte aperta disserit *D. Georg. Sebastian. Jungius M. N. C. Dec. 1. A. 1. Obs. CCLXXVI. p. 289.* in cuius scholio p. 490. exempla illorum quæ absque ullo vulnere aut phlebotomia prævia, sanguinem ex certis corporis partibus per intervalla effuderunt, promittit in speciali *Hematologia.* Venam sponte apertam in Nutrice quadam observat *Thom Bartholin. Cent. V. Hist. Anat. XIX. p. 34. seq.* Venam sponte ruptam in Eqvo ex ore cujusdam Magistri Equitum testatur *Excell. Dn. D. Nicol. Pecclin. L. 11. Obs. IX. p. 221.* ubi & exemplum habet Viri, cujus in sinistra manus superficie ex Salvatella uncia una atque altera sanguinis sponte prorupit. *p. 222.* Idem ex relatione *Dn. D. Biefferi,* præcipui Hamburgensium Practici, Ancillæ mentionem injicit, cui ex postico capite prope suturam Lambdoïdem ex arteriola cutanea floridus exsiluit & copiosus sanguis, miro naturæ compendio, *ibid.* De sanguine per digitos pedum transudante vid. *D. Eberfried Hagendorn. M. N. C. Dec. I. A. III. Obs. XVII. p. 44.* De Lachrymis sanguineis vid. *Frenzel. Diss. de caus. corpor. cruentor. c. 2. conf. D. Rosin. Lentil. Miscellan. Medico-Prætic. P. 11. p. m. 331. Philipp. Hæchstetter. Decad. 1. Obs. 1. D. Carol. Rayger. M. N. C. Dec. I. A. VI. VII. p. 292. D. Georg. Seger. l. c. A IX. & X. p. 255.* quæ omnia pulsus sanguinis p. n. auctum arguunt. conf. nostra *Dissert. de sudore sanguineo.* Hunc vero in Plethoricis atque Biliofis, accedente violento corporis motu maxime augeri, docet exemplum *Virginis nostræ Kiloniensis,* quæ tribus ante septimanis Venæsectionem passa, pauloque ante tributum Lunare tanta solverat abundantia, & nihilominus tamen tam extraordinarium sanguinis stillicidium experta est. Sexum quippe fœmineum Plethoræ magis esse obnoxium, evincunt ipsæ Purgationes menstruæ, quæ p. n. inhibita per aliena loca exitum summa quærere solent vehementia, ut *A. M. DC. XCIX. Mens. Decembr. p. 382.* fusius docuimus. Sed unde, nisi pulsus sanguinis nimium aucto. Huc facit quod de Venarum intumescencia scribit *Thom. Bartholin. Cent. IV. Hist. Anat. LVI. p. 354.* & de Pulsu arteriarum carotidum audito *l. c. Cent. I. Hist. XVIII. p. 33.* conf. quæ habet *Pecclin. L. II. Obs. IX.* Nonnunquam quoque, at prævio itidem citiore pulsu, ab acedine lymphæ Scorbuticis admodum familiari hocce stillicidium oriri, prælibavimus in *Dissert. de sudore sanguineo;* nec adeo diu est cum videamus ex virginis Cachecticæ gingivâ sanguinis rivulum radii instar promanantem. Tantam namque acedinem massa sanguinea contra-

here


here potest, ut & lintea corrodat, vid. *Sennert. de Consens. & Dissens. Chym. cum Aristotel. c. 16. Thom. Bonet. Medic. Septentrional. L. 1. P. 11. Sect. XXII. Obs. 11. f. 457.* conf. *D. Adam. à Lebenwald M. N. C. Dec. 11. A. 11. Obs. CVII. p. 211. D. Jac. Wolff. l. c. A. VIII. Obs. LXII. p. 159.* Ab acido è contra Scorbutico coagulatum sanguinem vidit *D. Joh. Theodor. Sebencius Hist. de sero sanguinis c. V. conf. Dn. D. Luc. Schröck. Schol. M. N. C. Dec. II. A. IV. Obs. CXVIII. p. 126.* Sanguinem in corpore concretum observat *Thom. Bartolin. Cent. III. Hist. Anat. IX. p. 188.* An *Ægagropilus* in marsupio delitescens sanguinem in vena secta constringere possit, docet *Rosin. Lentil. Miscellam. Medic. Practic. P. 2. p. 381.* De virtute *Lapidis Haematis* styptica forsan alibi fusior disserendi sese nobis aperiet campus, nunc spatii angustiae obtemperantes claudimus rivos.

*Francisci Wörgeri Scholion historicum, Navigantibus olim Septentrionalibus viam patuisse in Americam.*

Quod in historiæ vernacularum cap. 54. & 55. nondum editarum, satis prolixè demonstravi (*Historischer Frühlings-Wiesen*) istud paucis aliisq; testimoniis quam quæ ibi allegata sunt, animus est repetere. Exeruit enim ille scrupulus omnes huc usq; Historicos, unde potentia horum populorum tantopere decreverit, imò si ad expeditiones antiquas respiciamus illarum gentium, penitus expiraret, quod sanè dubium demonstratione solâ hac nostrâ felicissimè solvitur. Labet eam in rem hæc modo vice verba politissimi inferere *Joh. Barclai* è cap. 8. *Iconis animorum.* Hæc quidem regiones sunt, ex quibus tantæ gentes numero suo victoriasq; celebratæ, quodam turbine æstu, toti olim Europæ infusæ sunt. Inde *Cimbri Teutonesq;* (ad mare nimirum Balthicum) inde *Gothi Wandaliq;* prorupere, per quos Italia, Libia, Hispania cum Galliarum parte afflicta est. Recentioribus sæculis, quæ inde Coloniarum emigrabant, *Normanni* dicebantur, id est, homines à Septentrione venientes. Per hos d' u occupata Britannia, in Gallis plurima ferro igneq; corrupta sunt; sed illis post varia discrimina pax placuit, & concedentibus Gallis Neustriam incederunt, quam exindè vocaverunt Normanniam. Ad eam nihil in Europâ intactum illis fuit, & omnibus formidabiles, etiam vulgè indomiti censebantur. Brevibus etiam isthæc tangit *annalium lib. I. Hugo Grotius.* *Eâ tempestate maria & littora penè omnia Danorum & Normannorum clasibus obsidebantur.* Plura aliorum in re omnibus notâ appo-

nere operæ haud est pretium. Pergit itaq; *Barclajus*. Vnde tanta hodiè multitudo & velut fons gentium venerit, incertum est. Potuisset addere integras olim ac opulentas urbes, veluti *Wubij* atque similes planè in tractu illo non hostili manu, sed penuriâ solâ desolatâ, quo fortè digitum, intendit addens statim: *Certè jam minus crebra in illis regionibus oppida, tantumq; à mittendis coloniis absunt, ut, cum bella ingruerint, externo milite uti confrescant.* Verum deficientibus illis auri thesauris, quos advectabant nautæ e novo orbe, defecerunt quoque conducti è vicinis populis milites cum universâ potentiâ, id quod & hodiè Batavis accideret, si excluderentur ab insulis aromata ferentibus, nullisque hostibus sic arceendis pares forent. Nam simul ac anno 1345. & sequentibus, cum immanis pestilentia tertiam fermè humani generis partem absorberet, navigationes illæ longinqvæ omitterentur ipseque aded ingressus, qui ducebat navigantes in novum orbem, posteris haud amplius innotesceret, ecclesiæ Grönländicæ Druntheimensi quondam Episcopo subjectæ atque regiones in illis adhuc oris habitabiles ab universis Europæis discissæ in mores ferinos degenerarunt, commoditatibus pristinis vitæ universis destitutæ, quas antea è navigantium habuerant commerciiis. Frustra hinc aliam hujus calamitatis causam sollicitat *Barclajus*. *Crediderim barbaras gentes, cum frugales ibi olim in inculto solo essent, ignaræq; vitiorum multâ sobole increvissæ.* Sed quid istæ gentes absque opibus quæso molitæ fuissent, quia nervus omnium expeditionum est pecunia? *Et quoniam infelicitas terræ numerofo populo alimenta negabat, sæpè dimississe juventutem novas sedes quæsituram; cui se spontè omnis ætatis homines applicabant; nunc autem insano comessandi bibendiq; vitio obruisse genitalem vim, nec habitatores nisi suis regionibus sufficere posse.* Atqui nemo sese aggregat cohortibus pauperculis ejusmodi, tantum abest, ut tot florentissimas obruere valuissent provincias, nisi omni armorum atque opulentia robore fuissent instructissimæ, multò minus fidem meretur, antiquos temperantia superasse posteriores, & quæ similes rationes finguntur nullo modo ad rem pertinentes. Verior itaque manet nostra sententia, viam patuisse priscis Gothis cunctisque ad mare Balthicum sitis populis in Americam, atque sic facile, si vicissim repetiri istæ fauces possint, adiri posse novum orbem, testantur viri eruditissimi. *Es bezeugen die Schiffer/ wie auch die gelehrten und erfahrene Leute/ daß das Land Florida außerseres Nordisches America der außersten Spitze Europa ganz nahe / wie auch*

TAB. I.



auch nicht fern von neu Fröncreich. Alle Erdbeschreiber stimmen einhellig dahin / daß die neue Welt bey dem Norden an dieser alten hänge und angefügt sey. Laurusberg nützlicher Historien 3. Hundert. Tit 31. Sic è Norwegiâ transitum factum in Grönlandiam ex historiâ Islandicâ Angrimi Jonæ memorat *Calixtus Confid. doctrina reformat.* p. 67. Dilucidius autem *Job. Jonstonus Thaumato-graphiæ naturalis* p. 73. & 74. è quibus pauca delibabo. Ex Demetrio Moscho se audivisse narrat *Jovius*, Duinam multiplici stipatum fluvio, ingenti ad aqvilonem cursu ferre, mareq; ibi patere, ita ut legendo dexteri littoris oram navibus Catajumi peti possit. Ad extremam enim orientis plagam & Thraciæ parallelam Cathaini pertinent Lusitanis in Indiâ cogniti, cum ad coemendat aromatata per regionem Sinarum & Malaccam ad auream navigaverint. Chersonesum, vestesq; ex Sebellinis attulerint pellibus. Historiæ porro Russorum narrant, Moschos & Tingasios, cum curiosâ flagrant cupiditate lustrandi Orientem versus regiones, emississe exploratores, qui terrestri itinere superato Obij & Jeneseia ad Peisidam usq; delati in homines cultu, moribus & sermone, à se mutuo differentes; auditus illis campanarum ab Oriente delatus sonitus, strepitus hominum, hinnitus equorum percepti, conspecta vela & quidem qualia Indorum quadrata &c. Hodie enavigatio tentata, sed cum summo vitæ periculo, perpetuâ glacie & diurnis tenebris obsistentibus. Hactenus *Jonstonus*. Quoad usque igitur viguit isthæc Septentrionalium dicta navigatio, supra ceteras universi orbis floruerunt incolas, uti pluribus alio loco demonstravi.

*Servatoris crucifixi Signum aneum antiquum, è Museo M. Jacobi à Mellen, Ecclesie Lubecensis Presbyteri, Templiq; primarij B. V. Mariæ Archidiaconi.*

Non ovum magis ovo potest esse simile, quàm *aneum Servatoris nostri crucifixi signum*, ab extremâ Jutiâ ad nos allatum, & dubio procul Templo aut Monasterio cuidam surreptum, si magnitudinem duorum pedum & unius pollicis excipias, inaurato ejusdem metalli Sigillo respondet, quod *Jo. Smetius* Antiquitatum Neomagenl. p. 137. sq. describit. *Sigilla inaurata, ait, sunt mihi duo anea. Unum minus magni Protomartyris Stephani, ---- alterum majus JESV CHRISTI DOMINI NOSTRI. Sigillum hoc, sex pollices altum, & à parte posticâ concavum; crucifixus autem in eo cernitur, per singulas manuum pal-*

mas, & pedum plantas, singulis clavis trajectus, pedibusq; tabellam præmere, atq; in eadem curibus, non reductis aut mutuo sibi impositis & complicatis, sed distinctis ac directis herere. Præter tabellam quoq; suppedaneam, cui crucifixus innitebatur, habere semicinctium, quod velanda, vel medium corporis partem à ventre ad genu, tegetet; sed subligaculum hoc laxè instar braccæ quasi lato clavo est exornatum, atq; oblongis viridibus & caruleis ex vitræâ gemmâ arcolis aut laciniis incrustatum.

An coronata fuerit hæc Smetiana crucifixi Servatoris figura, non additur. Nostra autem Coronam gerit, eo modò efformatam, quæ olim radiata Regum atq; Cæsarum ex auro Diademata fingi solebant. Quod licet piæ antiquitatis mentem, honores Christo regios decernentem, sapiat, rei gestæ tamen nequaquam convenit. Coronam enim, patienti Jesu impositam, plectilem fuisse novimus, & quidem ἀράδινον, sive spineam; quod de Rubô nonnulli cum Clemente Alexandrinò interpretantur, alij de Rhamnò, de juncò marinò alij, de spinâ albâ verò purimi; cœu Thomas Bartholinus, Caspar Sagittarius, aliusq;, qui singularibus hunc cultum Christi ironicum diatribis examinârunt, fusè persequuntur. Immò dubium adhuc est, an Servator in crucem sublatus, Coronam gesserit? Unde meritò V. Cl. Antonius Bynæus, de Morte J. C. lib. 3. c. 5. n. 2. p. 217. *Altum de Coronâ spinæ silentium est, utrum à Jesu capite etiam fuerit detracta. Hinc conjiciunt multi, eam in Jesu capite relictam, ut præ Latronibus duobus insignis esset conspicuusque. Quod uti potest verum esse, ac cum crucis titulo convenit, ΞΕΣΥΣ ΝΑΖΑΡΕΝΟΣ ΡΕΧ ΙΥΔΑΕΟΡΥΜ, ita aliter potuit se res habere. Quare id potius ut dubium relinquatur atq; incertum.*

Accuratior in eo, quod exhibemus, Signò quaternarius clavorum crucifixi corporis numerus est, utpote veritati magis congruus. Nam, licet nihil tritius eâ sit sententiâ, quæ Jesus noster tribus saltim clavis suspensus vulgò statuitur & pingitur; unde Gregorius Nazianzenus, vel Apollinaris, seu quisquis alius Tragediæ Græcæ de Christo patiente auctor est, dominicæ cruci τρισηλὸς ἔϋλυ, triclavis ligni nomen tribuit; non abludente Nonno, qui ad Johan. XIX, 18. complicatos Servatoris pedes ἀλϋγι γόμφο, singulari clavo, transfixos esse perhibet; quod Daniel Maltonius, in Notis ad Alphonsi Palæstri c. 19. de Stigmatibus Christi, confirmare nititur; Propius tamen ad veritatem accedere videntur, qui

qui exitiali Servatoris nostri supplicio *quatuor* clavos infervisse autumant. Quæ dudum *Gregorij Turonensis*, lib. 1. de gloria Martyrum, c. 6. fuit sententia, dicentis: *Clavorum dominicorum quod quatuor fuerint, hæc est ratio; duo sunt affixi in palmis, & duo in plantis.* Sic enim apud Romanos mos erat; unde *Plautus* in *Mastell.* 2, 1. *Qui in crucem excurrerit, affigatur bis pedes, bis brachia.* Immò *Nonnus*, paullò ante memoratus, ad Joh. XIX, 15. *Judæos exhibet furore plenos, altâ voce postulantés, ut Jesus cruci traditus, & πτερόλυσι δέουσα, quadrijugè vinculo extensus, pereat.* Complures idem evincunt *συναρτήματα* Christi imagines, hinc inde obvix, quas apud *Paulum Aringhūm*, Romæ Subterraneæ lib. 3. c. 42. aliosq; videas.

Sed habet etiam figura nostra cruci affixa *suppedaneum*, seu tabulam, cui pedes insistant; quod *πήγμα* paullò ante dictus *Gregorius Turonensis*, (*Francisco Nansio* ad *Nonni* Paraphr. Joh. XIX, 8 & *Gerharao Johan. Vosio*, Harmon. Evang. l. 2. c. 7. §. 28. observante) primus statuit. Nec defuerunt, qui hanc sententiam avidè arriperent, variis crucifixi Servatoris figuris & picturis inducti, isto habitu hæc inde occurrentibus; Quas inter alios *Franciscus Feu-ardentius*, in *Notis ad Irenei* lib. 2. cap. 42. enumerat, dicens: *Isud denique plurimum confirmant vetustissima crucifixi Domini nostri in Templis servata imagines, quas etiam eodem anno, quo hæc scribimus, c. 10. XCIV, multis in locis conspeximus, cum dicto scabellulo in quo pedes etiamnum distincti secretiq; duobus clavis affiguntur. Nimirum Viriduni in majori eademq; vetustissimâ æde unam, & Monasterio quod à Divo Paulo nomen habet, alteram. Treveri ejusdem formæ vidimus in majori templo duas; in æde B. Virginis tres; S. Simeonis duas; S. Paulini unam; & S. Maria alteram. Confluentia in templis diversis tres. Colonia Agrippina etiam ejusdem formæ imagines, id est, pedibus disjunctis, atq; duobus clavis in subjectâ tabelâ confixis, plurimas conspeximus. In summo templo tres; ad S. Severinum tres; ad S. Cunibertum tres; ad S. Gerconem unam; ad S. Ursulam unam; ad S. Mariam de Capitolio unam; in cæmeterio S. Georgij unam; ad Indulgentias unam; ad S. Mauritium unam; ad Clarissas unam; in quodam Xenodochio unam; audimusq; in aliis locis sacris tales multas servari, quibus superior conjectura nostra non mediocriter firmatur. Spectant huc, præter nummum Græcicum veterem, qui au-*

reus asservatur in Monasterio Laetiensi in Hannoniâ , & apud *Lipsum* , in Notis ad lib. 2. de cruce cap. 10. videndus est, complures aliæ, in Româ subterraneâ alibi que passim obviæ, imagines, dominicæ Cruci pigma suppedaneum tribuentes; quales etiam in hac nostrâ Imperiali Lubecâ, & in primis Cœnobij S. Johannis Templô, occurrunt. Ne dicam de *Jano Nicio Erythreo* lib. 6. epist. 4. ad *Bartoldum Nihufium* scribente, possedisse se imaginem Cruci fixi, à fratre in cryptis inventam aeneam, in qua conspiciebatur Christus, quatuor clavis cruci affixus, tabellam pedibus premere.

Verùm enim verò, non obstante istâ testium nube, scabellum hocce suppedaneum, ab aliis viris doctis, ceu commentitium, & à Servatoris patientis cruce alienum, exploditur. Hos inter agmen ducit *Claudius Salmasius*, in Epist. 1. de Cruce πῆγμα suppedaneum, à *Gregorio Turonensi* fictum ipsiusque auctoritate a pictoribus & statuariis adhibitum, rejiciens, ac ea, quæ ad stabiliendam istam tabulam è *Justini Martyris, Irenæi & Tertulliani* scriptis vulgò afferri solent, de scdili medio (quod auctor Colloquii cum *Tryphone*, ut & *Ireneus*, τὸ ἐπίχρον πῆγμα vocant) explicans. In qua sententiâ *Georgium Calixtum*, in Appendice ad Lib. *Lipfii* de Cruce; *Job. Michaëlem Dilherrum*, in Notis ad Crucifixionem; *Gerhardum Job. Vossum*, in Harmoniâ Evang. pluresque alios, ὁμοψύχως habet, in primis autem *Antonium Synæum*, supra laudatum, qui lib. 3. de Morte J. C. cap. 5. n. 12. operosè id agit, ut suppedaneum dominicæ crucis fulcrum diruat, licet interim non neget, binos Servatoris pedes totidem clavis ad palum arrectarium affixos fuisse, quod utique, ad servandum quaternarium clavorum numerum, erat statuendum.

Superest *femicinctium*, sive subligaculum, in nostrò æquè ac *Smetiano* crucifixi Servatoris simulacrò corpori tam latè prætextum, ut à medio ventre ad genua descendat; unde supra memoratus *Jo. Smetius* d. l. colligit, recentiores tum statuarios, tum pictores, ex natura sua genio variè etiamnum ludere, quando J Christum & superiore & inferiore corporis sui parte nudum, atque medium circa ventrem solò indusitò vestitum effingunt. Ita enim vulgò solent, ad eum modum, quo dudum *S. Brigitta*, Revelation. lib. 4. c. 70. Jesum nostrum cruce affigendum vestes poluisse, parvumque linteum verendis prætexisse, docuit. Quod perizoma hodie adhuc *Aquisgranenses* se habere gloriantur, & inter sacros Eccle-

sã thesauros numerant, propugnante Jo. Stephano Menochio, de Re-  
 publ. Hebr. lib. 6. c. 2. aliis tamen negantibus & explodentibus; Inpri-  
 mis iis, qui Servatorem nostrum *planè nudum* è cruce suspensum esse as-  
 ferunt, quod inter veteres *Ambrosius, Hesychius, Augustinus, Bonaven-  
 tura*, aliiq; faciunt, ex recentioribus autem *Cl. Salmasius, Gerhardus  
 Jo. Vosius, Antonius Bynæus*, & id genus alij. Hi enim cruciarios olim  
*planè* vestibus destitutos ad supplicium rapi consuevissent, ex *Artemidori*  
 verbis colligunt, *Oneirocrit*, lib. 2. c. 58. dicentis: *γυμνοὶ γὰρ σταυροῦνται*,  
*nudi enim crucifiguntur.* Quod tamen alij non de totali, sed aliquali  
 saltem aut insigni, corporis nuditate intelligunt, cum Jo. Hoornbekio,  
 Vet. & Nov. lib. 1. c. 15. *non necesse esse*, censentes, *ut qui nudus vel de-  
 nudatus esse dicitur, intelligi debeat de omnibus vestibus; quod sæpè de  
 exteriori solum veste, aut de aliis, capitur, non autem ut integrum nu-  
 dus censeatur, sed superioribus nudatus, aut ferè nudus, id est, non indu-  
 tus tunicâ, quamvis quidem femoralibus, ut Job. XXI, 7. Ἐπίσημοι*  
*sane Arriani* locus, qui ex ipsius Dissertat. in *Epiet.* libr. 4. c. 26. ad tota-  
 lem cruciariorum nuditatem demonstrandam, vulgò afferri solet, rem-  
 non exhaurit. Vt ut enim lavantem cum offixo cruci comparaturus,  
 dicat: *Ἐν τῷ βαλανείῳ ἐκδύσασμεν*, & *ἐκτείνων* σεαυτὸν, ὡς οἱ ἐσαυ-  
 ρωμένοι, τρέψῃ ἔνθεν & ἔνθεν, *in balneo exutus vestibus, & extendens te  
 ipsum, ut solent crucifixi, fricaris hinc & illinc: nervum tamen compa-  
 rationis non ad vocem ἐκδύσασμενος extendendum, sed in solâ voce ἐκ-  
 τείνων* quærendum esse, autumo, eumq; id saltim velle innuere, lavantem  
*se extendere debere, quemadmodum crucifixi solent manus pedesq; pro-  
 tendere.* Hinc plurimi in eam potius sententiam proclives sunt, Serva-  
 torem nostrum haudquaquam *planè nudum* cruce pependisse, sed illas  
 sacri corporis partes, quas pudor velari jubet, propter adstantes quos-  
 cunq; inprimis foeminas ac pueros, peplo fuisse tectas, sive mavis *femo-  
 ralibus*, ceu *Alphonsus Toftatus* Paradox, 5. c. 42. opinatur; cui pollicem  
 premit, ac femoralia illa ad nostræ iconis modum describit Jo. Gerhar-  
 dus, Harmon. Evang. in Passion. c. 13. ubi ait: *Rectè monet Abulensis-  
 hoc non intelligendum esse de omnimodâ nuditate; sed sicut aliis crucifi-  
 gendis, ita quoq; Christo, publica honestatis causa relicta sunt feminalis  
 linea, quæ superiore parte sub umbilico fortiter adstricta usq; ad genua  
 & poplites veniebant, quæ alia Judæis in usu fuisse commemorat Hieron.  
 in Epist. ad Fabiolam.*

Denuo typis Jægerianis sub initium mensis Januarij imprimebatur  
*Lubeca Literata*, quæ tum nomina Literatorum ibi degentium, quot-  
quot quidem innotuerunt, tum illorum qui obierunt abieruntq;  
exhibet. (i. plag. in 8.)



II.

NOVA LITERARIA,  
MARIS BALTHICI ET SEPTENTRIONIS,

*Edita Mense Februario. M DCC II.*

ROTOCHIL.

D. Andr. Daniel Habichhorstius, Fctis Theol. & totius Academ. Senior, die 15. Januar. publicavit *Breviarium Formule Concordie & Controversiarum Syncretistico-Pietisticarum*, quod jam antè annù 1689. itemq; anno 1697. in Collegiis Disputatoriis ventilatum typisq; impressum fuit, nunc cum augmento *Thesium Antipietisticarum* est recusum, de quo in Collegio Disputatorio, viginti quatuor Disputationibus absolvendo, sub moderamine *Ejus*, diebus Merc. & Sabb. horis pom. factò ad d. 18. Jan. initio, adhibitisq; semper majoris exercitij gratià, duobus Respondentibus, altero Assumente, & altero Assistente, sequentes XII. Studiosi ordine disputabunt, 1. *Christianus Dreyer* / Rostoch. 2. *Joh. Balthasar Niehenck* / Rostoch. 3. *Jacobus Posselius*, Anclamo-Pom. 4. *Jacobus Glindt* / Pom. 5. *Gideon Obergmeyer* / Bremensis. 6. *Matthias Meyer* / Labec. 7. *Joach. Frid. Hufsnagel* / Primislav. March. 8. *Georgius Einden* / Rig. Livonus. 10. *Bernhardus Henricus Osthoff* / Rig. Livonus. 11. *Joachimus Rühn* / Neo-Rupp. March. 12. *Joh. Wölsdick* / Neo-Brand. Mecklenb. ( 2½ plag. in 4. )

Eodem Mense *Johannes Barnsdorffius* D. & Juris Professor Publicus, h. t. Academiae Rector, Programmate edito *Patientis Jesu Imaginè* repræsentalat.

*Ernesti Henrici Fecht, Med. D.*

ad

Collectores Nov. Lit.

EPISTOLA,

Invitatus à Vobis, ut Novis Vestris Literariis, per totam Europam curiositate non minus, quam utilitate se commendantibus, si quid apud nos aut in vicinia nostra notatu dignum occurrat, quodq; à studiorum meo-

rum indole non sit alienum, inferendum communicarem, desiderio Vestro humanissimo pro ingenij mei modulo assurgere, apud animum meum constitui. Non ea equidem inflatus opinione, quasi satisfacere voto Vestro ex asse queam, quippe qui quam parum ad id mihi negotij sit & facultatis ultrò agnosco, sed, ut studium Vobis meum & gratificandi voluntatem, in qua nemini uni cultorum Vestrorum cedam, probem. Non vero me rem ingrati Vobis facturum putaverim, si in ingressu statim & quasi auspicio hujus officij mei, si de iis, quæ in memoriam combinationis terrarum & Ducatum Mecklenburgicorum, quæ optimè rebus nostris cupiente fato haud ita pridem contingit, ingenia curiosiora posteris tradere moliantur, aperiatur.

Eum nimirum in finem Monetarius noster, Dominus MEMMIUS, non minus excellens quam admirabilis in fingendo sculpendoq; artifex *nummum* excudit *memorialem*, propter accuratam adhibitam operam, & artificium oculis animisq; adspicientium mirè adblandiens merito suo inter rariora pulcerrimaq; artis decora & quasi miracula collocandum. Is pro figura Emblematis utramq; arcè, Sverinensem & Gustroviensem, sedes hæcenus utriusq; Ducis Principales, à manu cœlitus demissa, nubibusq; circumdata, in medio ambientibus catenis claustro sistit, cum Epigraphæ: **Gott hat aus zweyen eins gemacht.**

*Unum ex duobus efficit Deus.*

Inferius (*dans l'Exergue*) adjuncto tempore, quo felicitas hæc conjunctarum arcium & combinatorum Ducatum sub Serenissimo nostro FRIDERICO WILHELMO, Principe verè AVGVSTO, nobis contigit:

Consolidata Megapolis

1701. 8. Martij.

In averfa Numismatis fronte Insignium Mecklenburgicorum præcipuum, Bucephalus, à duobus, quas vocant, Victoriis suspensus tenetur, cum perigraphæ:

**Und Mecklenburg zur Ruh gebracht.**

*Terramq; Mecklenburgicam tranquillitati restituit.*

Notato simul inferius tempore, quo Ordinum Equestris & Provincialis controversiæ cum Serenissimo exoptatissimo successu sunt compositæ:

Gaudium Mecklenburgicum.

1701. 16. Julij.

Erit sanè hic nummus memoriæ gloriæque nunquam intermorituræ incom-

comparabilis *Principis* nostri consecratus , in quo ceu æterno Symbolo subditis & incolis hujus provinciæ , altero nunc tanto , quam antea fuerat , Auguftioris , summam Patris Patriæ providentiam tanto cum civium suorum fructu inæstimabili eorum commoditati invigilantem intueri licebit ; habebunt in eo exteri & eruditi omnes , quo rem intra paucorum annorum intervallum gloriose à PRINCIPE gestam , si quæ ulla alia , memoria maximè & admiratione dignam , inque universæ posteritatis amplissimum usum evalituram fœcundis eloquentiæ præsiidiis , commendare poterunt.

Ex eadem curiosissimi Memmij nostri officina haud ita diu est , quod prodierunt nummi XLVI. arte & ingenio exquisitissimi , Historiam Provinciarum confœderati Belgij intra certam temporis periodum explanantes , juxta cum breviorundem eaque Historica explicatione , typis in quarta , quam vocant , forma commissa , novemq; plagulis absoluta . Inscriptio libelli summam repræsentat : *Historisch-Emblematischer Medailen Kasse/wortinnen 46. curieuse Medailles befindlich / welche die merckwürdigsten Begebenheiten / so occasione der zwischen der Spanischen Monarchie und denen Niederländischen Provincien in Anno 1566. entstandenen und bis Anno 1609. getwehrten Troublen öffentlichen Kriegen/ und sonst/ sichgetragen / auff's sinnreichste abbilden und für Augen legen.* Id est: *Scrinium Nummarium Historico-Emblematicum, continens XLVI. numismata curiosa, quæ res, occasione motuum bellorumq; inter Provincias Belgij confœderatas & Monarchiam Hispanicam Anno M D LXVI. exortorum, & usq; ad Annum M DC IX. continuatorum, gestas ingeniosissime depingunt & ob oculos ponunt.* Vix excogitari posse videtur curiosius vel utilius quicquam nummis hisce memorialibus , tantum in se plerumq; acuminis , tantum arguti sensus complectentibus , ut ad legendum & indagandum fortissima quadam vi invitent , neq; intuentem dimittant , nisi universum emblematum apparatus hauserit & historiam in iisdem latentem . Nec animus tantum iisdem impensissimè oblectatur , verum etiam , mea quidem sententia , cognoscendis comprehendendisq; ejus ætatis in Belgio historiis ita aptè commodeque interserviunt , ut vel ipsi pueri , manibus eadem sæpius volutando , per jocum quasi ludumq; ad seriam rerum gestarum contemplationem perducì possint , vel si mavis Illustris & celeberrimi Noricarum Polyhistoris WAGENSEILII Infundibuli , quod appellat , Minervæ vices præstare videntur.

Quo consilio quoque doctissimos Viros, *Franciscum Angelonum & Jo. Petrum Bellorium* numismata, Augustorum temporibus cusa, ferreâ diligentia conquisivisse, iisque ære expressis Cæsarum historiam illustrasse, in publicum notum est. Idem in conciliandâ Seleucidarum historię luce *Vaillantius*, in Constantinopolitanorum Imperatorum *Carolus de Frêne*, in Romanorum Pontificum *Molineus*, in aliorum alij facere aggressi sunt. *Quin* & historiam Fœderati Belgij numismatibus illustratum anno superioris Seculi LXXXVII. in publicum edidit Parisiis *Bizotus*, titulo: *Histoire met allique de la Republique de la Hollande*. In quaquamquam & nostrorum nummorum plurimi compareant æri incisi, vel hoc ipso tamen institutum Memmianum nobilius & luculentius est, quod numismata in metallo, sive argentum desideres, sive cuprum, exemplaria sua longè vivacius repræsentent, ut non intueri tantum in chartâ historiam, sed manu quoque palpare & volutare digitis, positis ante se ex parva cistula nummis, posse videaris. Quod tentatum effectumque à quoquam hactenus haud novi. Primus Memmianorum nummorum curiosam famosissimi illius nominis *Gueux* originem nos docet. Præsentat quippe effigiem Philippi II. Regis Hispaniæ, cum inscriptione: *en tout fideles au Roi* (in allem dem König getreu) & aversâ par complicatarum manuum, loculum mendicorum (la besace) tenentium, cum epigraphe: *jusques'à porter la besace* (bis man an den Bettel-Stab gerath.) Est idem ille nummus, quem Nobiles confœderati Belgij in ipso belli exordio in aula Bruxellensi comparentes de collo suspensum gestarunt. Nimirum notum est, sub Regimine Margarethæ Austriacæ anno M DLXVI. Belgio jugum Hispanicum indies gravius ferente, trecentos Nobiles sub auspicio Henrici de Brederode, experantiva Hollandiæ Comitum progenie ortos, fœdus pro tuenda Patriâ libertate contra horrendum tunc temporis Inquisitionis Judicium iniisse, & in aula Bruxellensi apud Gubernatricem supplicantes comparuisse, quod cum Ducem, ut res mali ominis, haud parum affecisset, adstantem Comitem de Barlemont ipsius animum his verbis iterum demulsiisse: *quen' ce étoient que des Gueux* (quod isti nihil aliud sint, quam pauperculi). Ex quo tempore si Nobiles in Ordinis quasi symbolum hoc sibi nomen elegerunt, & in ejus rei memoriam prædictum nummum cudi jusserunt. Non minoris elegantię & judicii est ille, qui de anno M D XLI. oculis nostris subjicitur, quo confœderatæ Provinciæ ad vires uniendo & ad constantiam semet ipsas

pfas adhortantur; sicutas trirremem æquali remigum numero promptam, cum inscriptione: *conjunctis viribus ite*: adversa facies monstrat domum in ejusq; fastigio duas ciconias nidum parantes cum epigraphæ: *non semper astas, parate nidos*. Sed memor, me gustum tantum præbere præstantissimi operis, reliqua omitto, cum si percensere acutiora tantum & quæ acre præ cæteris ingenium sapiunt emblemata, instituerem, inane insumere operam merito dicerer, cum nullum sit, quin solertiâ & sagacitate cum altero certet, nummusq; nummun. arte & prudentia vel æquare videatur vel vincere. In quibus omnibus tanto artificio MEMMIANA manus prototypa expressit, ut nec à lineamento ullo unquam defecerit & sculptura acris atq; cum summa venustate conjuncta non possit non admirabilem in spectantium oculis delectationem excitare. Ansam ad hunc laborem suscipiendum Monetario nostro dedit Vir quidam eruditus, qui nummos hosce memoriales autoritate publica cufos non minori cura quam sumtibus in itinere sibi comparatos Domino Memmio, ut publici juris faceret, communicavit. Qui cum probè intellexisset, haud facillè alibi selectissimorum talium nummorum copiam reperiri posse, & id genus delicias à magnis quibusvis, præcipuè in Belgio, viris summo studio expeti, cum vel stupenda heroum illius ævi facinoræ, vel Belgicæ nationis magnificentiam, in adversis constantiam, in extremo fortunarum discrimine virtutem, curatissimis picturis repræsentent, manum illico iisdem admovit eosq; scalpello expressit. Sunt hæc, quæ Vobiscum, Viri Excellentissimi, communicare volui.

## STRALESVNDÆ.

Sub finem superioris anni 1701. Typis Heredum Mederianorum expressæ sunt Declarationes singulares, tum Politiam, tum leges vestiarias Urbis Sundæ, concernentes, titulus ita habet: *E. C. Raths der Stadt Stralsund besondere Declarationes über hiesige / so wohl Policey- als Kleider-Ordnung/ publiciret und gedruckt Anno 1701/ bey seeligen Michael Weders nachgelassenen Erben.* (3. plag. in 4.) Ab iisdem Heredibus Mederianis etiam hoc præsentis anni recusa est *Stralsundensis Ordinatio Vestiaria Renovata* juxta Exemplar ann. 1685. impressum, sive: *Eines Ehrenvesten Raths der Stadt Stralsund renovirte Kleider-Ordnung/ wornach sich derselben gesammte Bürger/ Inwohner und Angehörige nach Unterscheid der Stände zu verhalten.* Nach dem Anno 1685. gedruckten Exemplar, abermahl wieder außgelegt und verserriget durch

seel. Michael Meders nachgelassenen Erben / im Jahr Christi 1702. (2. plag. in 4.

Porro: Renovirte **Ordnung** / wornach sich derselben gesamte Bürger / Einwohner und Angehörige im Verlöbnißen / Hochzeiten / Kind-Tauffen und Begräbnißen / nach Unterscheid der Stände / zu verhalten. Anno 1702. nach dem Anno 1685. gedruckten Exemplar wieder erneuert / und zu finden bey seel. Michael Meders Erben. (5. plag. in 4.) Ordinationis hujus Caput I. agit de Sponsalibus. Cap. 2. de diversi generis nuptiis. Cap. 3. de epulis sponsalitiis. Cap. 4. de proclamatione è suggestu. Cap. 5. de dote rerumq; dotium lustratione. Cap. 6. de donatione propter nuptias reciproca, donis convivarum nuptialibus, ut & Vocatoris mercede. Cap. 7. de nuptiis & convivarum numero. Cap. 8. de Conviviis nuptialibus, modo item sponsum atq; sponsam in templum deducendi, ibidem copulandi, nuptiasq; instituendi. Cap. 9. de Copulationibus privatis. Cap. 10. de secundo festivitatis nuptialis die. Cap. II. de famulitii, nautarum, pauperiorum, Bajulorum & mercenariorum nuptiis. Cap. 12. de transmittendis cibis. Cap. 13. de Coqvorum mercede. Cap. 14. de Musicis & Choralis. Cap. 15. de conviviis puerperalibus, nec non lustralibus; nummis à Susceptoribus dandis, &c. Puerperarum visitationibus. Cap. 16. de sepulturis. Cap. 17. de coenis mortalibus abbrgandis. Cap. 18. de Ordinationis hujus observatione atq; executione.

GRYPHISWALDIAE.

Die 6. Jan. ipso Festo Epiphaniæ M. *Brandanus Henric. Gebhardi*, S. Linguae & Theol. Prof. h. t. Ord. Phil. Decanus, Programme publico in *Natales Apollinis Musarumq;* inqvirens, nomine Collegij Philosophici ad ambiendos legitime Magisterii honores, strenuos Musarum Cultores invitavit. (1. plag. in 4.)

Die 15. Jan. *Alexander Caroc.* Jur. Profess. Ordin. h. t. Fctis Juridicæ Decanus, Supremi Dicafterij Provinc. Regij Assessor, Ordinum Proviucialium Syndicus, nec non Serinif. Principp. VV. Mecklenb. Gnstrov. Consiliarius, Disputationem Inaugural. *Henrici Christiani Schafferi*, Gustrov. Mecklenb. publico Programme (1. pl. in 4. indixit,) simulqve Ortum, Stùdia & Vitam hujus Candidati commemoravit. Natus qvippe hic est *Gustrovii* an. 1664. Patre *Henrico Schaffero*, Ducis GVSTAVO ADOLPHO, dum viveret à Consiliis aulicis. Privatà institutione *Ad-*

*mi Cochij*, Theol. Studiosi, nunc Pastoris Dobbertinensis, deindè publicâ, tum in Gymnasio patrio, tum Miseniensi usus est. Ad Academica an. 1693, abiens subsellia *Jenam* quidem concessit, sed cum per aliquod tempus ibi commoratus esset, *Rostochium* se recepit, ibidemq; per integrum triennium substitit. Abhinc *Halam Magdeburgicam*, Lipsiensium Universitate in itinere salutata, an. 1698. profectus est. Tandem ad Gryphiswaldensem accessit Academiam atq; prævio ibi examine impetravit Licentiam assumendi titulum & honorem Doctoralem.

Die 19. Jan. Præsidi *Alexandro Carocio*, Jur. Prof. Ord. & h. t. Fctis Juridicæ Decano, paulò antè nobis memorato, Disputatio Inauguralis *de Teste singulari*, pro Licentiâ consequendi gradum Doctoris, publico examini exhibita est à supra dicto *Henrico Christiano Schaffero*, (6. plag. in 4.) Disputationis hujus *Caput Imum* continet *ingressum*, monstrat etiam *quid testis, quid singulare, quid, & quis testis singularis, & ex quibus causis sit; Caput IIum* indigitat, *quotuplex sit testis singularis? Caput IIIum, quando, & quatenus probent testes singulares, nec ne, docet.*

Sub Præsidio *Jo. Frid. Mayeri*, D. Prof. Prim. & h. t. Fctis Theol. Decani, *Ecloga ad Evangelium in Festo Epiphan.* defensa à *Christiano Ernesto Krull*, Dömicensi Mecklenburgico, superiori anno 1701. mens. Decembri, p. 355. nominato. Disquiritur illâ, (1.) *quomodo Magi affulgentem novâ stellâ colligere potuerint, novum cumq; Magnum Regem natum esse? (2.) Nativitas magnorum hominum ortu novæ stellæ indicata, & stellæ hodegorum officio fungentes? Quæ sententia sit verborum: Et vidimus stellam ejus in Oriente? (4.) De magis, ac quando & unde ad curias Christi accesserint? (5.) De Muneribus, quæ Christo à Magis fuerint oblata.*

Supra laudatus *Jo. Frid. Mayer*, D. mensè Januario iterum ad *Bibliothecam suam* Studiosos publicè invitavit, & Auctores, quos 10. & 14. 19. 21. 26. & 28. mensis modo dicti diebus daturus erat, recensuit. ( $\frac{1}{2}$  plag. in 4.)

*M. Brandanus Henricus Gebhardi*, S. Lingvæ & Theol. Prof. & h. t. Phil. Fac. Decanus, cujus supra meminimus, Præsidis munus sustinens. Respondente *Joach. Christiano Balthasaris*, Gryphiswald. Eruditorum examini submisit Disputationem posteriorem in *Partem primam Zepha-*

nia. Hac ipsâ, uti & in prioribus factum ( vid. N.L.1701. p.134. seq. & 166. seq.) sistitur. *Judeus* in Capite II. *Zephania* ἐλεγχθεῖς, ac in Textu, quidem præter ceteros R. *Isaac Abarbanel*, in usu verò, R. *Isaac Ben Abraham*, contra quem asseritur occasione v. 1. *Promissiones Prophetarum ad Judæos non pertinere*. v. 2. *Leges Mosaicæ jam dudum esse ablatas, nunquam restituendas*. v. 3.) *Non solam Legem Mosis Sinaiticam, sed & Legem Mesiaicam Sioniticam, Judæis fuisse prædicatam*: quod ipse in Cap. XVIII. XIX. XX, Partis I. *Muniminis sui* negat. (½ plag. in 4.)

Die 31. Jan. citatus *Johannes Fredericus Mayer* Programmate de *Variis Scripturae Sacrae Lectionibus*, unde orta, atq; an certitudinem Sacri Codicis ledant & differens, Lectiones Cursorias *M. Brandani Henrici Gebhardi*, diebus 23, 24. Januar. instituendas, intimabat. (2 plag. in 4.)

## GEDANI,

D. 19. Januar. D. *Samuel Schelguigius* pergebat in *Wigandianis* ex Anabaptismo: disputabatur autem de *Lege, Evangelio, Justificatione, Perfectione, Mortificatione & Ceremoniis Ecclesiasticis*, Respondente *Gabriele Bentero*, Ged. Magnif. Senat. Alumno. (4to. pl. 3½.)

Hoc etiam mense edebatur *M. Danielis Gradij*, Lingvæ Græcæ & Hebrææ Prof. *P. Otium Martinale* sive Observationum sacrarum Specimen, in quo de Locis quibusdam Bibliicis, à *Luthero* accuratè atq; emphaticè expressis, succinctè differitur, Sub calcem annexa est digressio de Mendis quibusdam, *Luthero* non imputantis. it. πρὸς ἠκρον, brevem continens Recensionem Locorum quorundam, N. T. accuratè itidem atq; emphaticè expressorum. Nam in ipso Tractatu non proponuntur, nisi loca σὺμμικτα ex V. T. (8. plag. 5.)

## THORVNI.

Præside *M. Georgio Wendio*, Gymnasij Thorun. Rectore & Prof. P., superiori anno 1701. ad finem vergente, *Gorbhofredus Eitner* Ravicensis Polonus, curiosis Antiquitatum æstimatoribus expendendum proposuit, *utrum parta per Christum generis humani salus Augusti Imp. Nummis expressa olim fuerit nec ne?* Quæ Dissertatione, post præmissum Capitulum prius cataceusticum, capitulò posteriori anaceusticò varii circa salutem Augusti Nummariam commisisse errores expenduntur, & qui-

& quidem 1. circa Scopum Augusti, 2. circa Chronologiam, 3. circa Pacis symbolum, 4. circa figurarum in aversâ enodationem, 5. circa Religionem, & 6. circa rationem statûs Augusti. (I $\frac{1}{2}$  plag. in 4.)

Eodem Præside *D. Johannis Nicolai Misleri*, Giessens. Prof. P. *Theologia Thetico-Polemica Disputatio quarta, de Aeterno Dei Patris Filio*, d. 12. Octob. 1701. ventilata fuit, Respondente *Ulrico Trossi*/Neo-Sedinenfi Pomeranò. (1 plag. in 8.)

*Johannes Rezik*, Gymnasij Thorunienfis Prof. P. & Visitator, die 15. Novemb. 1701. Actum Oratorium exhibuit, quo, præmissâ de *Re-rum vicissitudine* Prolusione, *quam infelices reddiderit saepe Viros ultra communem Spharam mortalium evectos Fortuna*, sex Dissertationibus fuit expositum. Et 1. quidem docuit, quam infida sit Principibus fortuna; 2. quam infida sit Principum Ministris; 3. quam inimica fuerit Patribus Ecclesiæ, & quam infesta sit Pastoribus; 4. quam sæviat in Consules; 5. quantopere illudat Philosophis; & 6. quam hostili animo oppugnet Oratores.

Eodem die humanis rebus ereptus fuit *Wenceslaus Johannides*, Gymnasij Thorunienfis Professor & Visitator per 26. annos præclare meritus.

Idem fatum subiit *Petrus Schönwald*/Ecclesiastes apud Thorunies Neapolitanus per 45. annos fidelissimus, die 21. Novembris improvisâ apoplexiâ legibus mortalitatis solutus.

Sequenti 23. & 25. Novembris nonnulli Gymnasij Thorunienfis Alumni *Drama Scenicum* exhibuerunt, *Arthurî Britannici Ludos Equestres* proponens; invitatis Schediasmate vernaculo Spectatoribus, cui titulus: *Die beglückte Jugend-und Ritter-Spiele König Artus in Groß-Britannien*/erkühnete sich/ bey Gelegenheit des renovirten so genandren *Artus-Hofes*/ und auf demselben befindlicher *Schau-Bühne der hochlöbl. Brüderschafft besagten Orts* / und sämlichen *Rauffmannschafft gemetner Stadt Thorn* zu *Beehrung*/ in einem *Theatralisch Actu*, durch allerhand so wohl freye/ als gebundene *Reden* / den 23. und 25. Novembr. des 1701ste Jahrs / vorzustellen/ die am Gymnasio daselbst studirende *Jugend*.

Eodem die 23. Novemb. Præside paullò ante dictò *M. Georgio Wendio*, Rectore & Prof. P. *Johannes Caspar Weickert*/Marix-Insulanus, di-

sputavit de Quæstione; *Vtrum Christus Augusto Imp cognitus olim fuerit nec ne?* & Capite priori cataſtceuaſtico (1.) Argumenta præpoſuit, quibus Auguſtum in notitiam Chriſti *penetrare potuiſſe*, probari ſolet; à Carminibus ſcilicet Sibyllinis, ab Oraculo Delphico, & à Tabulis cenſualibus, deprompta: (2.) Argumenta, quibus eum *reapſe quog; penetrâſſe* in notitiam Chriſti evinci ſolet; ab Arâ ſcilicet Auguſti, a repudio Dominici tituli, & à ſingulari erga Judæos favore, accerſita. Quibus argumentis Capite poſteriori anaſtceuaſtico reſpondit, indeq; confecit, Imp. Auguſtum aut nullam, aut nominalem ſolummodo Chriſti notitiam habuiſſe. (1½ plag. in 4.

## REGIOMONTI.

Circa finem anni elapſi M. *Michael Schreiber* Eloquentiæ & Hiſtoriarum Profeſſ. Publi. Ordinar. nec non Bibliothecarius in funere *Henrici Falcken* / Senatoris Loebnicenſis Programma germanicum evulgavit; cujus titulus: *Der hiimlich gefinnete Falcke.* (1. plag.)

Eodem Directore, in *Auguſtiſſime Sophiæ Charlottæ, Regine in Pruſſiâ* diem natalem, orationem habuit gratulatoriam *Fridericus Wilhelmus* à Lüttwitz, Nobilis Boruſ. (5. plag.)

Programma præceſſerat invitatorium ad hunc actum (1. plag.)

Idem peroravit in ſolemniffimâ *renunciatione Reſtoris Magnificentiffimi, Sereniſſimi atq; Excellentiſſimi Friderici Wilhelmi, Regni in Boruſſiâ Heredis* &c. &c.

Programma invitatorium præceſſerat, continens Regis Reſcriptum, & *Magnificentiffimi* literæ hanc rem concernentes.

Exſtat quoq; Programma in memoriam M. *Danielis Martini*, Scholæ Palæopolitanæ Reſtoris, ſubitaneâ morte extincti. Thema ſiſtit *comparationem beati Viri cum Daniele Prophetâ* (1. plag.)

Die 10. Januar. 1702. Promotio Magiſterialis *Johannis Gottſched* / Medicinæ D. hujus Extraordinarii, Phyſices Ordinarii Profeſſoris, nec non Regiæ Scientiarum ſocietatis membri, celebrata, præviâ oratione, quæ *Conradi Tiberii à Wallenrodt*, Generalis Ordinis Teutonici Magiſtri 21. vindicias proponit.

Die 19. Januar. Eodem dirigente *Natalem Regni Boruſſiaci ſecundum* commendavit *Fridericus Emanuel à Froben* Nobilis Boruſ. Oratione habitâ *de Mirabilibus regni boruſſiaci* (4. plag.)

Cui viam stravit Programma *de antiquo more celebrandi natales regnorum* (1. plag.)

Die 20. Januar. in Obitum *Jacobi Kundstät* / Pastoris Bladiaviensis ipsâ vigiliâ nativitatis Dominicæ defuncti Programma germanicum publicatum est hoc titulo: *Lezte Weynachts. Predigt / welche den selige Mann mit verschlossenen Lippen gehalten* (1. plag.)

Nec non aliud Programma germanicum exstat in funere *Jacobi Raunisch* Pro-Consulis Lœbnicensis, *de justitiâ capite recondito in tranabus de pictâ*; quod Hieroglyphicum legitur in Cœli Augustini Curion lib. 1. Hieroglyph. c. 46. Titulus teutonicus hic est: *Das unter den Wolcken versteckte Haupt der Gerechtigkeit*. (2. plag.)

Die 31. Januar. Programma latinum funeri *Christiani Bernhards Kalau*, L. L. Studiosi è dicto Periculis: *juventutem ex Urbe sublatam esse ver ex orbe sublatam*.

Mense corrente M. *Michael Hohnovius*, hætenus Scholæ Lœbnicensis, nuper verò Palæopolitane Rector vocatus, Exercitationem Philologicam secundam *de Nomine Jesu* publicè defendit, Respondente *Bartholomæo Andree*, Johannisburg Prusso, S.S. Theologiæ & Philosophiæ Studio.

Deniq; M. *Arnoldus Henricus Sabme*, Regiomont. Pruss. de *Imaginibus Principum*, von Fürstlichen Bildnissen / Respondente fratre germano *Reinholdo Friderico Sabme*, Regiomont. Pruss.

Et M. *Fridericus Stadlender* / Regiomont. Pruss. de *requisitis ad virtutum Moralium acquisitionem necessariis*, Respondente *Ludovico Bæhm*, ad templum S. Juthæ, Pruss. disputarunt.

R I G Æ.

Prodiit Tractatus in 4. sub titulo: *Vorerab Teusch und Eurländischen Gewitter - Historie*, durch die wahre natürliche Astrologie bewehret / nemlich wie es in dem ganzen Seculo von an. 1600. bis 1700. jährlich von einen Jahres Viertel / zum andern / Winter / Frühling / Sommer / Herbst / theils in Teuschland / theils in Eurland / nach dem Astrologischen Fundament gewittert. Zusammen getragen / und Taffel weise aufgesetzt durch Mag. *Georgium Krüger*, Prediger an der *Bariau* in Eurland / und Fürstl. Astronomum daselbst.

B E R.

Sub finem superioris anni 1701. *Dorothea Engelbrechtia*, celebris Poëtria, jam aliquoties nobis in his Novis Literariis memorata, geminum *Carmen* vernaculum edidit, alterum glorioſæ memoriæ beatiffimi Regis CHRISTIANI V. alterum unctiōni augustiffimi ſucceſſoris FRIDERICI IV. ſacrum, Hafniæ typis impreſſum. (4. plag. in fol.)

MALMOGIÆ.

*D. Joh. Jacob. Döbelij, de menſibus præcocibus diſquiſitio, occasione ſanguinis per genitalia fluxûs in puella duorum & dimidii annorum.*

Virgunculæ, cui à tertio menſe ad medium annum, album fluxiſſe, olim narraſi, in Literariis Veſtris & Rubrô notari debet, quod d. 20. Octobris Autumni præterlapſi, quò duos cum dimidio compleverat annos, ſanguis eadem emanaret viâ. Nullô verò, præter Variolas à contagio, unquam laboravit morbo; quin imò, ipſò cruentationis hujus die omnes corporis facultates vigeant, ut ut facies pallesceret, quæ tamen decoloratio nihil omninò portendere credebatur, donec circa ingreſſum læcti Rubrica induſſi indicaret, quod faciei pallor indicare voluit. Attendant hanc ætatem, qui à ſencinis particula, ſanguineæ maffæ commiſta, ſanguinis per genitalia evacuationem deducunt. Moveant ſidera, quibus à Lunæ motu ſanguinis per has partes motus excitari ſtatuitur. Equidem ipſe præſentem hiftoriam menſtrui titulo inſcribere nolui, cum ab eo tempore aliam non fuerit paſſa, multo minus periodicam purgationem; interim tamen, ſi ad eam accuratè, nominis menſtrui rigore, menſtruationis circulum metiri oporteat, etiam menſium ſic dictorum vel in ſano individuo irregularitas aliam cauſam indigitare videtur, ac perſvadere, vel in adultis non à Lunæ motu regulari & influxu menſes cieri, adeoq; nominis vim expirare. Rem contra omnem à partium conſtitutione & fermentativo quodam motu, nunc citiùs, nunc autem ſero nimis ſanguinem vel per hanc vel per illam viam ad exitum præparante dependere, ex præmaturorum & ſerotinorum menſium circumſtantiis, aliſq; anomalis certo concludi poſſe, ſum perſuafus. Ut enim omni ætate ac tempore ab auctiori motu inteſtino, ſanguis concitatus, muſti adinſtar fermentantis, vaſis ſui rimas penetrat; ita quoq; pro partium robore ac imbecillitate nunc per fauces, nunc per nares, oculos & genitales partes exitum quærit, ubi vaſorum oſcula ſunt laxiora, partium tonus depravatus,

tus, vel, ut stylô utar Helmontiano, robur partis alicujus inæquale furientis Archei impetum sustinere diu nequit. Confirmat hanc theoriam partim plethorica Virgunculæ nostræ constitutio, quæ motibus ejusmodi frequentius tentatur, partim verò albus fluor, quò jam olim generales partes præ cœteris & præsertim mollior vaginæ compages labefactatæ fuerunt. *Ex hoc autem sanguinis per genit alia fluxu quid prædicari potest ac debet?* Præcocem sanguinis fluxum robori multum ac futuræ valetudini detrudere, celeberrimus Pechlinus peculiari observatione, in Boneti Med. sept. repetita & affirmat, & adductis exemplis illustrat. Cum enim vitium in iis naturæ subsit, dum vasa non tam à sanguinis abundantis motu fortiori, quàm ab acrimonia ejusdem aperiantur, vel potius erodantur ac exulcerentur, triste futuris annis ex tali extravasatione nascitur omen, quod œconomia laudabili nutrimento, indeque justo incremento destitutum, indies extenuetur ac marcescat. Sed verò, in quibus, cum in nostrâ, cachexiæ nulla adest nota, sed solâ quantitate prorumpit sanguis, quin & partes benefico, ut ut raro naturæ motu fuerunt præparatæ, fluxus talis non nisi proficiuus pronuntiandus, qui venæ sectionis ad instar revulsoriæ à gravioribus partes nobiliores liberavit morbis. Denique, cum Virginum sanguis cum vegetabilium flore hoc habeat commune, quod sui præsentia certam fructus spem faciat, unde & menstrua diè Blume vocantur, non adeò intempestivè hic disquiritur: *num tales criticè menstruales virguncula ad generationis negotium naturâ sint aptiores, sicut reliquiæ maturiores?* Speciem enim perfectiones ipsæ indicant, perficiunturque ab affluente continuo sanguine genit alia, copiosius nutrimentum recipientia, rejectis simul inde, quæ obstructionem vel morbum quæcumque pariant recrementis. Statuendum ergò omnino, quod, cum partes citius in iis requisitam adipiscantur constitutionem, & præ aliis aliquali gaudeant prærogativa, qua Lucinæ opem maturius efflagitare liceat. Corroborat hanc sententiam, quod D. Ledelius in literis ad D. Elsnerum de femina, ex generosa familia oriunda refert, cui decimò ætatis annò menses coeperunt fluere, quæque fuit salacissima, annòque duodecimò maritale subiit capistrum. Et cum Olearius in itinerarii præloquio, contra Vossium à Mendacii suspitione vindicet historiam, quam à Mandelslo Itiner. Orient. lib. I. cap. 39. de puella annotavit Indica, quæ finito annò tertio menstruatim cruentata, sexto ætatis annò peperit, illam Coronidis loco apposuisse lubet.

Circa superioris anni finem publicæ eruditorum cenzuræ subjectæ sunt disputationes sequentes :

1. Præside *Clementæ Jesso*, Respondente *Birnone Christiano Drachardo; de Salaris Clericorum*, sex prioribus post Christum seculis. (2. plag. in 4.)
2. Sub umbone *Petri Kraglund* Respondente *Andree Lachman*, *De trinâ terræ injectione super mortuos*. (3½ plag. in 4.)
3. Præsidem habuit *Eliam Holtium*, Respondentem verò *Janum Vindfontanum, de Somnio Uxoris Pilati*, occasione loci Matth. 27. v. 19. (3. plag. in 4.)
4. Sub Præsidio *Johannis Matthiæ Hamerici*, Respondente *Paulo Christiano Boldichio, De Stigmatibus Christi in Corpore Pauli*, ex Epist. ad Gal. 6. (4. plag. in 4.)
5. Præside *Christiano Skoubæ*, & Respondente *Petro Jani Meelbye, De Satyræ Origine*, (2. plag. in 4.)

## SVNDERBVRGI.

In *Novis Literariis* anni 1999. Mensè Novemb. p. 347. spem fecimus, *M. Petrum Brandt* Ecclesiasten Sunderburgensem & Ministerii ibidem Seniore, editurum Dissertationem Theologicam *de Passionibus Corporis Christi mystici, ad Locum Colos. I, 24*. Ea superiori anno 1701. exeunte typis Jenensibus prodit, præter exegeticum Loci Paullini Gal. VI, 17. præfamen, tribus Sectionibus constans, quarum I. Philologica est; II. Analytin Logicam exhibet; & III. Porismata complectitur, quæ ita habent: 1. Gloriosum est pro Ecclesiâ pati. 2. Multa Ecclesiæ Ministris toleranda pro doctrinâ Evangelij propagandâ. 3. Ecclesiæ Ministri Exemplaria esse debent Auditoribus suis. 4. Etiam quisq; Fidelis tenetur supplere reliquias Passionis Christi. 5. Crux Christianorum passiones. 6. Ecclesia, quæ est Corpus Christi, non est quærenda in amplitudine & splendore, sed passionibus Christi. 7. Non adimpletur Christi Passio satisfationibus & operibus supererogationis Pontificiis. (6. plag. in 4.)

## KILONII.

Die 4. Januar. Præside *Christophoro Franckio*, S. Theol. Doct. & Professore, Serenissimi Ducis Slesvici ac Holstatæ &c. Pro-Cancellario, inq; supre-

Supremo Senatu ecclesiastico Consiliario, h.t. Academiae Pro-Rectoris, Gottlieb Wäpfe / Fridlandia - Megapolitanus, disputatione Theologica *Communionem sub utraq; Specie*, (7. plag. in 4.) §. 1. hujus disputationis loco prooemii Cardinem controversiae inter nos & pontificios monstrat. §. 2. Pro nostrâ sententiâ stabiliendâ invictum è verbis institutionis argumentum depromit. §. 3. 4. 5. 6. 7. Ad distinctionem Becani inter institutionem divinam & præceptum divinum, respondet. §. 8. Novam exceptionem ejusdè adversarii, verbis Christi *bibite ex hoc omnes*. Matth. 26. hunc sensum obrudentis: ac si non omnibus absolutè hominibus, sed præsentibus duntaxat Apostolis, dicta illa fuerint; de novo infringit. §. 9. Locum 1. Cor. III. v. 24. 25. ab adversario distortum, strenuè vindicat. Hoc facto Auctor Scripturam per scripturam explicans, §§. sequentibus conclusiones ejus, v. gr. §. 12. seq. *Christus instituit Eucharistiam sub utraq; specie, non tamen precepit omnibus usum utriusq; speciei*. §. 14. seq. *Christus usum unius speciei & verbis & factis comprobavit*. §. 18. seq. *Tempore Apostolorum usurpata fuit una species*. §. 23. *Post tempora Apostolorum fuit una species in usu*. §. 24. *Sub una specie non minus continetur totus Christus, quàm sub utraq;*. §. 28. seq. *Ex unâ specie non minor fructus percipitur, quàm ex utraq;*. §. 33. *Possunt esse legitima causa, cur potius sub unâ, quàm sub utraq; Laici communicent*. Et deniq; §. 37. *Ecclesia legitime statuit, uti laici communicent sub unâ specie*. Masculine refutat.

Juris Cultores in nuce quasi habent Historiam Juris Universalem, sub titulo D. Samuel Keyhers / J. C. Bey der Hochfürstl. Hofsteinschen Universität Juris und Mathematicum Professoris Publici. *Kurzgefasste allgemeine Rechts-Geschichte*. (5. plag. in 8.)

*Job. Ludov. Hannemanni D. & P. P. Observatio de Venâ sponte ruptâ in genâ Virginâ.*

Mirum casum hac vice commemorem, omittere non possum. Quippe die 9 Julij circa horam 4. pomeridianam ad me consultum accedit Virgo, hujus nostræ urbis Kiliae, hæc narrat, quod ipsi die 7. hujus mensis in platea suorum negotiorû causâ obambulanti sponte vena in genâ sinistra fuerit rupta, ex quâ tres integras horas largâ copiâ depluit sanguis, qui & prius sisti, quàm hæmatite admoto, non potuit. Quare autem mirum appellem, jam patebit, id enim genus casus ab aliis magni nominis viris

via

vix notati & observati sunt; jam enim tribus ante septimanis venæ sectionem passa, paulloq; ante tributum Lunæ, & sat magnâ abundantia solverat.

*D. Job. Jac. Stelterfothi Scholion ad hanc observationem vide in mense precedenti Jan. pag. 25.*

### HAMBVRGI.

*Johannis Schulze* | Johannei Hamburgensis Rector, edidit *Anatomen Philosophicam, sive, Disquisitiones M. T. Ciceronis Paradoxorum*, quæ, sub illo nomine, sex proponuntur. Illæ pro exercenda juventute scholasticâ, in Johanneo Hamburgensi, ab Auctore sunt institutæ, *Benjaminis Schilleri* sumtibus autem impressæ, (3 $\frac{1}{2}$  plag. in 12.) *Anatomen Philosophicam M. T. Ciceronis* librorum *de Officiis Hominum* ab eodem auctore adornatam, vid. in N. L. 1701. p. 190.

Impensis ejusdem *Schilleri* hoc ipso anno recusæ sunt *P. Fausti Andrelini*, Forolivienfis, Poëtæ Laureati atq; Oratoris, *Epistola Proverbiales & Morales*, longè lepidissimæ, nec minus sententiosæ, (numero 9.) post exemplar *Coloniense*. Anno 1509. & *Helmstadii* anno 1662. impressum. (2. plag. in 12.) Harum Epistolarum argumenta subjicere placet, *Imæ* summa hæc est: *Quod hactenus in producendo tantum insudaverit Auctor; nunc demum solutam orationem aggrediatur. IIIdæ, Amico reconciliato, aut raro, aut nunquam fidendum. IIIIdæ, Quod Æneas non ab omnibus intelligatur, dubiam habens cum Iliæ de palmam. IVIdæ Non esse antiquatis obliteratisq; verbis utendum. VIdæ. Non habendum esse cum feminâ commercium. VIIdæ, Temporis jacturâ nihil esse neq; perniciosius, neq; detestalius. VIIIdæ, Quod pueri ab optimo præceptore candidis tum literis, tum moribus, sine imbuendi. VIIIIdæ, Labores otio anteponeudos. IXIdæ, Quod ideo epistolas scribat, adagiis scæntes, quòd ille paucis magna, & moralia, complectantur.* Sub calcem hujus iteratæ editionis adjectus est etiam *elenchus scriptorum tum Veterum, tum recentiorum*, qui Adagia Græca & latina exposuerunt. Veteres: Collectio proverbiorum *Lucilli Tarrhai*, & *Didymi*, Græcè edita ab *Alido* 1505. (fol.) cum fabulis *Æsopi* aliisq;

*Zeno.*

*Zenobii* Compendium veterum proverbiorum ex Tarrhæo & Didymo collectum, edente Vincentio Osopeo, Haganoæ, 1535. (in 8vo.)

*Adagia Græcorum* ex *Zenobio* seu *Zenodoto Diogeniano*, & *Suida* collectaneis, cum appendice Vaticanâ. *Proverbia* item *metrica* Græcè & Latinè cum notis *Andræ Schotti*, Antwerp. 1612. (4to.)

*Michaëlis Apostolij* Proverbiorum Epitome, Basil. 1539. (in 8vo) Græcè.

*Michaëlis Apostolij* proverbialia, Græcè & Latinè cum notis *Petri Panti*ni, Lugd. Bat. 619. (4.)

*Georgij Cyprii* proverbialia Græcè ad calcem *Apostolij*, p. 273. seq.

*Recentiores.*

Præter *Cælium Rhodiginum*, *Alexandrum* ab *Alexandro*, *Andr. Turnebum* aliosque, qui obiter & non ad eò magno numero, adagia in suis scriptis exposuerunt, Memorandi cum primis:

*Desiderius Erasmus* in IV. Chilia dibus & sesquicenturia Adagiorum, quæ in compendium missa sunt à *Job. Vlpio*, castigata quibusdam locis ab *Henrico Stephano*, *Paulo Leopardo*, &c.

*Polydorus Virgilius*, cujus adagia subsistunt intra numerum ducentarum.

*Johannes Alexander Brasicanus.*

*Adrianus Junius*, cujus extant Adagiorum Centuriz VIII.

*Gilbertus Cognatus.*

*Petrus Godofredus*, & *Guil. Gentius.*

*Carolus Bovillus.*

*Melchior Neipeus*, cujus non minus ac præcedentium adagia in locos communes digesta junctim prodire, Hanov. 617. 643.

*Job. Antonii Berluçij* Adagia selecta, Genev. 1632. in 8o.

*Aloysij Novarini* Adagia ex Patribus collecta. Lugd. 937. Veron. 651. 2. Volum. (in folio.)

De scriptoribus Adagiorum Biblicorum, & à quibus aliarum linguarum proverbialia exponuntur, videndus *Morhofius* lib. I. Polyhistoris c. 27.

Idem anni currentis primordium Theologis dedit Editionem novissimam & correctissimam *Harmonia quatuor Evangelistarum*, à magni nominis Triumviris *D. Martino Chemnitio*. *D. Polycarpo Lysero* & *D. Johanne Gerbarde* adornata, eamq; perfectam, justo Commentario illustratam, indicibusq; variis ac accessariis ornatam.

Homiletices studiosis tradidit concionem *Johannis Winckleri*, Pa-

floris ac Reverendi Ministerii Senioris, sub titulo: *Heilsame Bewegungs-Gründe/ sich von den Lüsten dieser Welt/ insonderheit der Hurerey zu enthalten/ zu ererben den Segen des HErrn in dem neuen Jahre/ der Christlichen Gemeinde zu S. Michaelis aus dem Evangelio am Fest der Beschneidung Christi sürgestellt.*

Curiosi naturæ Observatores habent quod rimentur, in libello *Matthæi Slüteri* J. V. D. cujus mentio facta mense Aprili 1700. pag. 123. & alibi, sub titulo teutonico, *Aspecten-Zeiger über das 1702. Jahr: Samt zu Ende beigefügtem vorhin heraus gekommenen Aspecten-Zeiger/ aus dessen Vorrede die der Stern-Kunst sonst unerfahrne/ auch Ungelehrte erlernen können/ wie man sich des Aspecten-Zeigers bedienen/ und vom Gewitter vorher urtheilen könne.* (3. plag. in 80.)

In præfatione succinctâ ad lectorem tum superioris anni tempestates & tempestatum causas examinat; tum currentis faciem procellis ac tonitribus mense Majo minacem fore, ex conjunctione magnâ Saturni & Jovis ominatur. In calce observationem Astrologorum subnectit: Conjunctionem magnam Saturni & Jovis cometis formidabilem frequenter fuisse; atq; an hoc anno futura sit, curiosis oculis expectandum reliquit.

Poëtarum palato, præcipue recentiorum & liberiorum, non ingrata erunt Carmina teutonica *Menantis*, quorum titulus ita sese habet: *Die edle Bemühung müßiger Stunden/ in Galanten, verliebten/ Sinn-Schertz- und Satyrischen Gedichten* (9. plag. in 8.)

Illis, qui domi securè peregrinari gestiunt, inservit *Georgii Marcelli* Geographia moderna & curiosa *Abbildung der Erd-Beschreibung/* daraus die Geographie vermittelst einer kurzen und leichten Lehr-Art in weniger Zeit zu erlernen (8. plag. in 80.) Qui plures ingenii factus ab hoc auctore desiderat, adire poterit mensem Octobr. superioris anni 1701. p. 320. ibidemq; voti sui compos fieri.

Deniq; operâ *Petri Ambrosii Lehmanns* (qui, ut mense August. 1698. pag. 136. & mense Martio 1701. pag. 104. memoravimus, *Hamburgum literatum* congessit,) prodiit libellus sub titulo: *Izt-herrschenden Europa 1. Theil/ darinnen aller Christlichen Potentaten/ Käyserl. und Königl. Majestäten/ Geist- und Weltlicher Chur und Fürsten/ auch Grafen des Heil. Römischen Reichs/ Nahmen/ Geburth/ Bedienung/ Residenden/ Ver-*

*Bermählung/ Kinder / Geschwister und Anverwandten/ vorgestellt werden.* (21. plag. in 8.) Præfatiuncula præmissa commendat lectori novam hanc editionem, tanquam priori longè accuratiorẽ, & novissima, quæ, dum sub prælo sudaret opusculum, contigere, brevibus annectit.

Excerptum ex literis Dn. *Casparis Büsingij* Pastoris Cathedralis, ad Collectores Novorum literariorum.

Si desideriorum meorum principem partem explicare Vobis candidè licet, hoc augmenti vellem Novis Vestris Literariis adjectum, (id quod facili fieri negotio posse, arbitror, ob commercium literarum, quod cum innumeris Eruditorum Septentrionalium Vobis intercedit) ut nempe è Literatorum ibi degentium numero aliquis tunc laborem sibi commendatum haberet, accuratamque Topographiam terræ borealis, Livoniæ videlicet, Curlandiæ, Samogitiæ, Ingridiæ, Finniæ, & imprimis finium Svecicorum, ad mare album, nec non Lapponiæ Russorum, cujus incolæ inter mare album & promontorium septentrionale (vulgò *Nord-Caay*) interjacent, usque ad fluvium Kola seu Kora & Kildum, evulgaret. Non equidem expecto prælixam terrarum istarum delineationem, sed unam atque alteram dumtaxat eamque fide dignam in Novis Literariis relationem. Quod enim ad cognitionem Septentrionis attinet, tam sterilis illa mihi, tamque insufficiens videtur, ut vel Indiæ Orientalis atque Occidentalis facies perspectior sit, ac regiones laudatæ, licet viciniore.

## LUBECÆ.

*Observatio Medica, ex Litteris Hannoveranis  
ad Amicum Lubecensem.*

Stoltenii fabri ferrarii aulae nostræ inservientis uxor tenerioris imbecillisque corporis habitus, macilenta cachectica & summe scorbutica, quæ alias graves morbos passa erat, circa Pentecostes festum ægrotare coepit. Causam mali consuetæ ventriculi debilitati pravæque assumptorum concoctioni adscribere maritus & ægra. Constitit insuper ipsam in dicto Pentecostes festo extra urbem lac vaccinum recens bibisse, ab eoque tempore minus recte valuisse.

Excunte demum Majo ad eandem rogatus accessi, ipsamque sævis abdominis circum umbilicum doloribus intestinorum, spasmodicis variis & angustis circa præcordia laborare deprehendi. Colicam eamque atrocem satis æmulabatur malum, cum appetitu, uti perhibebant, ab aliquo jam tempore dejecto, nausea, siccitate lingvæ, oris amaritie, siti, duritie ab-

dominis, alvo adstricta, aliisque colicam ordinariè comitari solitis symptomatibus. Remedia anticolica, carminantia & uterina, præcipuè pillulæ purgantes ex Aloes extracto, Extr. panchym. Croll. Resin. Scammon. Trochisc. Alhand. & Mercur. dulc. compositæ in officinis nostris sub nomine Polychrestarum notæ, per aliquot dies tam interne quam externe adhibita nec medicantis nec ægræ spem ullatenus fefellerunt. Gravia enim quæ retuli symptomata paulatim remisere, morbusque mitior redditus ægræ ansam dedit per ædes, quamvis haud absque molestia & summa cum debilitate, aliquatenus ambulandi, quocumque appetitus aliquantisper redire visus est.


Ast brevi recruduit morbus, mirumque in modum ægram ex cruciavit. Multò enim atrociores superioribus supervenere abdominis rosiones & dolores angustiae molestiaeque circa præcordia vix tolerandæ, vomitus crebri & tædiosi, insignis virium dejectio, & marcor corporis, dudum emaciati subiectum ferè oculi crescens. Plura latentium in intestinis vermium signa deprehendens anthelmintica selecta, quantum ægræ medicamina maximè horrentis fastidium patiebatur, haud absque successu propinavi. Ejecti enim per os (quater vel quinque si rectè meminì) nec non per alvum aliquoties lumbrici haud modicæ longitudinis, absque tamen ullo levamine. Per vomitum ejecta materia nunc limpida & serosa, sæpius fusca, biliosa, aut ad nigrum tendens colorem, nunc alba & pituitosa.

Alvus nonnunquam pertinax, dura & adstricta internis externisque remediis variè sollicitanda. Paulò post ventris profluvium diarrhæam æmulans, sed post modicum temporis intervallum rursus evanescens, multoties recurrens. Excreta nunc naturalia nunc præternaturalia. Quo mitiora fuere quibuscumque ægra colluctabatur symptomata, eò magis ad naturalem statum accedere alvi excrementa. Auctis verò diris istis cruciatibus varia præternaturalia, utpote pelliculæ, membranulæ, lumbrici & vermiculi semiputridi & maximam partem consumpti aliaque in conspectum prodierunt.

Inter tot gravia symptomata parum comedit ægra, nec abundantius, quamvis maximam sæpius pateretur sitim, bibit. Somnus parcus, brevis, interruptus, & turbulentus ob dolores nocte dieque ingruentes. Abdomen nunc tumidum, durum & murmurans, nunc flaccidum, laxum, molle ac naturaliter sese habens. Sæpius in ista ejus regione, per quam

inte-

TAB. II.



Febr. 1702.

intestinum colon fertur, fluctuantis undæ gradientisque vivi animalis in modum deprehendere licuit motum. Eo durante symptomata multum aucta, anxietates circa præcordia gravissimæ, dolores cardialgici summi, intestinorum permolesti spasmi, sudor algidus, vomitus quandoque solitè vehementior, extremorum frigus pluraq; , quæ mortem minari visa sunt. Pulsus nunc æqualis, magnus, vehemens, nunc inæqualis, parvus & celerimus, nonnunquam intermittens, alias durus & renitens.

Urinam non uniformem, sed variam reddidit, subrubram nempe, rubram, fulvam, luteam, citrinam, fuscam, pallidam & aqueam. Sedimentum quandoque nullum seu parvum, quandoque copiosum, lateritium, farinaceum, pituitosum, aut scorbuticorum ac nephriticorum sedimentis simile.

Quantum ægræ medicinam feci (nam multis antè obitum ejus hebdomatibus ipsam non vidi) juxta indicantia symptomata urgentia & ad necessitatis rationem appropriata malo remedia præscripsi, eaque inter Martialia, Mercurialia, Carminativa, Stomachalia, uterina, Anthelmintica, amara, fixa & volatilia. Nec tamen quicquam potuere efficacissima alias remedia, præcipuè cum, ut dixi, ægra eadem, præ cæteris ingratiore (quæ in hoc casu sæpius adhibenda fuere) naturâ quam maximè horreret, eademque ob nauseam obortam sæpissimè, quamdiu ipsam vidi, per vomitum rejiceret. Non potuit igitur quin tot tantisque doloribus dirisq; symptomatibus die nocteque ex hausta fatisceret, ac tandem viribus planè destituta, postquam biduo antè obitum ignotum sui generis animalculum seu vermem per alvum excreverat, debitum naturæ persolveret. Hannoveræ die 22 Decembris. Anno 1701.

Christianus Ludovicus Kotzebuc, Phil. & Med. D.  
Medicus Electoralis Brunsvic. & Lüneb.

*Descriptio Vermis.*

Caput & collum pectusque equinum ferè habet. Illud verò crista orna- *Tab. II.*  
tum. Os (putredine puto corruptum; traditus enim mihi post octo de-  
demum hebdomadas à morte scæminæ) invenire non licuit. Oculos, aut  
saltem locum ubi oculi fuer, mihi visus sum videre. Caro frequens &  
mollis. Ossa etiam mollia ut vix sentiri possint. Pedes non dexter & si-  
nister, sed anterior & posterior in medio corpore, uti depicti sunt, & cæ-  
tera diversi. Anterior enim ungulas habet tres, illis, quas alaudæ habent,  
quoad formam non quoad ossa similes. Posterior equini quid refert & in  
extremitate etiam corneum quid & duriusculum ostendit. Interna rima-  
ri nolui, quoniam integrum conservare debui.

*Fran-*

*de infernali serpente protoplastarum seductore.*

Juliani apostata ludos contra Mosis scripta nimium quantum renovavit hodiernorum Atheorum impudentissimus Balthasar Becker circa colloquium serpentis cum Eva in paradiso, super quo multæ inutiles conjecturæ sive quæstiones ab eruditis sunt divulgatæ, *serpentem olim non fuisse talem, qualis fuit in prima creatione, sed homini fuisse, veluti bestiam erectam, admodum familiarem, & in numerâ aliâ*, quæ partim quoque satis ingeniosè sunt excogitata apud Delrium in *Genes.* Georgium itidem Schedium *viridarii vernaculi philologici* cent. 2. tit. 3. & 7. Sic Æschatius Maier in *scrutinio ingeniorum* c. 10. p. 274. 275. argutè docet, cur formâ serpentis apparuerit Diabolus protoplastis, columbæ vero Spiritus Sanctus. Quæ sane omnia non impugno, sed commodiore via tamen posse absque ullis scrupulis enodari statuo, si circumstantias temporis atque ipsius biblici textus penitus lustremus. Enimvero Moses quia Diabolum indignum deputavit cujus vel nomen inferretur suo pentateucho, quem admodum nec nomina magorum Ægyptiorum *Iannis & Iambris* expressit Exodi 7. v. 11. quod tamen fecit postea Apostolus 2. Tim. 3. v. 8. Sic aptiorem suo proposito bestiam invenire non potuit, sub cujus larva astutiam diabolicam pari eademque mortifera malitia junctam adumbraret ac virulentum serpentem. Inferuit itaque nomen serpentis qualis tunc temporis horrore erat mortalibus, *ut fraudulenta Demonis malitia facilius homini innotesceret* juxta Aug. l. 11. de *Genes. ad lit. c. 3.* serpunt enim vario multiplicique flexu ac totius hinc corporis impulsu horribiles, dum erecto collo, tumida cervice, ardentibus oculis, sibilis venenatis terrent mortales & vel solo afflatu occidunt nondum invadentes. Si igitur cum Apostolo Diabolum denotamus, quem cum Mose similiter serpentem nominat 2. Cor. 11. v. 3. & v. 14. *Ipsè transfigurat se Satanas in Angelum lucis*, nulla nos necessitas cogit, ut statuamus formâ serpentis allocutum esse protoplastas, cujus propositum paucissimis tantum Moses attingit verbis, quomodo seduxerit à veritate Evam in mendacium. Neque repugnet bonitati Dei, si venenatas adhuc toleret beluas, quia putridos halitus ex aère attrahunt atque terra, cui maledixit Dominus, quos vapores simul ac haurit homo, sanguis ei quasi congeliat ob frigiditatem veneni nimiam & eate nus concretionis spisso moriendum est. Difficultatem in poena

repe-

repetita diaboli ad serpentem: *Quia fecisti hoc, maledictus tu præ omni animali & præ omni bestia agri, super ventrem tuum gradieris & pulverem comedes omnibus diebus vitæ tuæ*, solvere videtur sive declarare S. Johannes Apoc. 12. v. 9. *proiectus est draco ille magnus serpens antiquus qui vocatur diabolus & Satanus, qui seducit univèrsam orbem & proiectus est in terram & angeli ejus cum eo misse sunt*, id quod de mundanis & terrena unice captantibus egregie exponit Luifius ab Alcazar pag. 652; & 653. Sanctus item Paulus Phil. 3. v. 19. ubi ventri suo litantes imò adorantes istos super terram serpentes appellat, apposita similitudine Israëlitarum, cum manna contemnerent, à serpentibus ignitis vulneratorum Num. 17. v. 6. de quo Seidelius in *rudimentis philosophiæ naturalis* l. 2. p. 530. 531. *Serpens præcipue nascitur pulvere terra, comedit enim venenosas carnes & herbas & quo venenosiora comederit, eò venenosior est ejus morsus*. Ad hunc casum cum damnatus sit Diabolus cum Angelis suis, recte Deus Regem Babylonis cum illo comparat Isaia 14. v. 12. *Quomodo cecidisti de caelo Lucifer?* apud Joh. Tarnovium *Exerc. bibl.* p. 206. Et quia Gerhardus sequentia: *Inimicitiam ponam inter te & mulierem*: cum omnibus Theologis ad solum Diabolum applicat, licet etiam naturaliter horreat homo serpentem, cur prioribus nec similiter Diaboli damnatam intelligeremus malitiam, sub angvis (quo nullum nocentius animal in terra apud orientales præsertim gentes invenitur) nomine ac draconum virulentis technis atq; infestationibus descriptam?

Cum die 22. Februar. superioris anni *Adolphus Matthaus Rodde*, J. V. L. Secretarius & Protonotarius, ordini Senatorio nomen dedisset, (ut mense Martio 1701. p. 94. notavimus) inq; locum ipsius *Joachimus Lüderus Carstens*, antehac Secretarius, post Protonotarius, successus esset, vices utriusq; circa anni currentis primordium suppleverunt.

1. *Thomas Fridericus Carstens*, qui, postquam Academia Celeberrimas, Regiomontanam videlicet, Rostochiensis & Francofurtensium adiiisset, studiisq; ibidem strenue incubisset, ad majora paulatim tendens, sub Comite Bielkio Auditoris partes (Gallis Auditeur Charge) tam cupide quam feliciter suscepit; quam Spartam cum aliquandiu laudabiliter ornasset, filiorum modo dicti Comitis Ephorus comesq; itineris per Germaniam, Galliam & Bataviam factus est.

2. *Henricus Baleman*, J. V. L. qui Altorfii literis imbutus, sub Præsidio

sidio *Johannis Christophori Donaueri*, J.V.D. nunc Consilarii Nassovio-Sigenfis & Reip. Nordlingensis 1698. de *litteris dimissoriis* (von Abschieds-Brieffen) publicè disputavit. Post Italis Saxonum studiorum cursum profecutus est, & Itineribus per Germaniam, Italiam, Galliam, Bataviam, non sine fructu confectis Gröningæ pro Grade obtinendo, de *Jure interpellationis* (vom Annahmungs-Recht) disseruit.:



# NOVA LITERARIA

## MARIS BALTHICI ET SEPTENTRIONIS,

*Edita Mense Martio MDCCII.*

### ROSTOCHIL

**D**ie 4. Febr. habita Differtatio de *Scepticismi Ortus & Progressu*, Præside *M. Henrico Ascanio Engelsen* Autore & Respondente *Johanne Eberhardo Udam*, Revaliâ Livono ( $5\frac{1}{2}$  plag. in 4to) Proœmium ab epiphonemate Polycarpi, *Deus bone, in quæ tempora me reservasti!* mutuatum, sequitur ipsa Differtatio, binas sistens sectiones, quarum prior *historiam Scepticismi, prout ea à Gassendo exhibitæ est*, examinat. Posterior verò Historiam ejus genuinam pariter ac naturam ob oculos ponit.

§. I. Sect. I. Dividit Scepticismum in generalem & specialem, seu universalem ac particularem. 2. Versutiam Scepticorum, falsam ut plurimum familiæ suæ pertextentium historiam, notat, §. 3. seqq. Gassendi argumenta pro stabiliendo scepticismo & adducere & infringere strenue laborant.

§. I. Sect. II. Scepticismi onomatologiam 2. Scepticorum differentiam paucis attingit. 3. De particulari agit Scepticismo, hæc scilicet methodo, ut breviter observet, invasisse hoc venenum ipsa Theologiæ sacraria æque ac Philosophiæ adyta. 4. Universalem iustrans Scepticismum, affectus ejus, 5. naturam, finem, modum &c. graphicè depingunt. §. 6. Ex sententiâ nostratium scepticismi ortum diabolo adscribit, simulque scepticorum subtiliorum Catalogum communicat. §§. sequentes usque ad II. inclusivè, eandem telam pertextere satagunt. Denique 12. causam ortus atque progressus investigare, 13. Nonnullos, scepticorum nomine injuriâ insignitos, vindicare, 14. Oppugnatores sententiæ pestiferæ varios recensere, masculè defudant.

Die 7. ejusdem mensis *Johannes Barnstorffius*, V. J. D. ejusdemque Professor Ordinarius ac p. t. Rector, Memoriam *Johannis Christophori Hauwedelii*, Viri, dum viveret, ob juris peritiam celeberrimi, Supremi Terrarum Mecklenburgicarum judicii, quod Parchumi est, per integros 34. annos Vice præsidis gravissimi, Programmate publico, (3. plag. in 4to.) recoluit, ita quidem, ut beatè Defuncti Originem, qui anno scilicet 1618. natus est Patre *Cunrado Hauwedelio*, Jcto, multorumque Imperii Principum & Statuum in Ducatibus Franconiæ & Sæviæ Consiliario, studiorum porrò atque itinerum seriem, Conjugii initi fertilitatem, functionum feliciter susceptarum varietatem ac eminentiam, mortis denique 83. ætatis anno, tam placidæ quàm beatæ faciem ob oculos poneret.

Idem mensis eruditorum manibus programma invitatorium tradidit è calamo jam dicti *Johannis Barnstorffii* ad exequias *Henrici Ernesti de Gramm*, Equitis Megapolensis, Sacræ Theologiæ studiosissimi (1½ plag. in 4to.)

*M. Carolus Arndius*, Gufr. Meckl. evulgavit Scriptum sub titulo: *Schediasmata Bibliotheca Græca Difficilioris*, seu Notitiæ Historico-Literariæ Veterum Auctorum Græcorum, quorum scripta vel mutila, vel dubia, vel spuria, vel genuina, sed pauca & rara, ad nos pervenerunt, quatuor Scriptores Græcos rariores, *Phalaridem*, *Antonium Imp.*, *Agapetum*, & *Basilium Imp.*, repræsentantia, & in gratiam Scholarum, Scholarumque Moderatorum & aliorum *Φιλαρχαίων* composita. Rostochii, Typis Johannis Wepplingii, 1702. (4. plag. in 4.)

Prodromus est operis Historico-literarii, descripturi Auctores profanos difficiliores h. e. quorum reliquæ imperfectæ ad nos pervenerunt, quoad vitæ compendia, Scriptorum fragmenta, & Doctorum judicia.

Continet. (1.) Epistolam FECHTII, quæ judicium suum exponit de opere jamjam insinuato.

(2.) Proë-

- (2.) Proœmium quod partim remissive aperit subsidium Notitiæ Historico-literariæ Autorum profanorum Græcorum & Latinorū faciliorem h. e. quorum vita & scripta supersunt ; partim Methodum quâ adornandus est recensio Autorum profanorum difficiliorum h. e. quorum vita & scripta non supersunt.
- (3.) Opusculum ipsum specimina quatuor representans. (1.) in Phalaride Tyranno, cuius Vita contracta ; Scripta cum editionibus illustrioribus & controversiis novis atque novissimis circa eadem exortis , denique Eruditorum iudicia antiqua & recentiora proponuntur : (2.) in M. Q. Antonino Imp. Rom. cuius Vita nervosa , Scripta spuria & genuina cum editionibus , iudicia item Eruditorum recensentur selectiora : (3.) in Agapeto Diacono , cuius Vita compendiaria , Scripta Regia admonitoria , & Doctorum iudicia breviter deducuntur. (4.) in Basilio Macedone Imp. Rom. cuius Vita concisa , Monita relicta regia , & Eruditorum iudicia summatim explicantur.
- (4.) Syllabum Manuscriptorum quæ ad usum Reipubl. literariæ in Scriptorii Autoris privati latent.
- (5.) Additamentum de Subsidiis Antiquioribus selectis ad conscribendam Historiam literariam Autorum profanorum difficiliorum necessariis , Philosophis, Historicis, Rhetoribus, Medicis, Philologis, Grammaticis & Theologis.
- (6.) Iudicium Michaelis Neandri, Philologi suo tempore incomparabilis , de Adagiis Erasmi operâ editis, divinum profus & admirabile.

GRYPHYSWALDIÆ

*D. Jo. Frid. Mayer*, Consiliarius Regius & Ducalis,  
S. Theol. Profes. Primarius , Universitatis Gryphicæ Pro-  
Cancellarius , Regii Consistorii Præses, & Pomeraniæ Ci-

terioris, ut & Rungia Superintendens Generalis, h. t. Academiae Rector, Dissertatione habitâ de *Psalterio Mariae* ad Disputationem Inauguralem *M. Brandani Henrici Gebhardi* viam sternebat. (1½ plag. in 4.)

Stratam cum applausu eruditorum ornabat *M. Brandanus Henricus Gebhardi succinctâ exegefi Psalmi primi & secundi*, unâ cum annexis usibus elenchticis, & quidem sub Præsidio *D. Johannis Friderici Mayeri*, pro licentiâ adeundi Doctorales in Theologîâ honores, exhibitâ ac ventilatâ. (2. plag. in 4.)

Dictus *D. Johannes Fridericus Mayerus*, ad lectiones cursorias *M. Luca Schræderi*, Güstrov. Mecklenburg. Pastoris ecclesiae ad D. Nicolai, & Ministerii apud Stralesundenses Superintendententis de *Abyssô Misericordiae & Commiserationis atq; Penitentiae Divinae* ad Hof. cap. XI. 8. 9. habendas Auditores invitans de *Penitentia DEI* verba faciebat. (1½ pl. in 4.)

Mense currente sub umbone ejusdem Præsidis *M. Jeremias Papke*, Gryphisw. Pomeranus, Mathematicum Professor Publ. Extraordinarius designatus dissertationem de *Auferibilitate Papae*, ex hypothesebus Pontificiis publicæ doctorum censurae exponebat. (2½ plag. in 4.)

Idem sæpe laudatus *Johannes Fridericus Mayerus*, *D.* Disputationem inauguralem *M. Luca Schræderi de Episcopis veteris Ecclesiae* die 4. Febr. instituendam commendaturus, de *Clandestino Matrimonio*, quod Galli *le Mariage de Conscience* vocant, perorabat. (1. plag. in 4.) Docens adversari illud 1. *Ordini* in ipsa Matrimonii institutione divinitus constituto. 2. *Fini*, quem humanorum corporum conjunctioni legitimo modo factæ DEUS præstituit. 3. *Amori maritali*. 4. *Amori Christiano*. 5. Monstrat repugnantiam tædarum furivarum cum *Obsequio*, quod vi mandati divini justis Magistratus politici legibus debetur: Deniqve objectionibus nonnullis secus sententiarum solutis propositum Respondentis

dentis æque ac Personam dignis efferre laudibus annitur.  
(1. plag. in 4.)

Die 4. Febr. Cathedram conscendens *M. Lucas Schræderus*, Præside *D. Iohanne Friderico Mayo* Disputationem suam Historico-Theologicam *de Episcopis veteris Ecclesia*, pro licentiâ assumendi Doctoris Theologi & insignia & axiomata, sententiarum collationi publicè exponebat. (2. plag. in 4.) Desudat auctor in eo totus, ut capite I. ostendat vocem Episcopæ esse *Officii* nomen, notans fœminam, sacris functionibus obeundis destinatam. II. *Honoris* nomen, quo Episcoporum uxores à maritis ornatae fuerunt. III. Episcopissarum quarundam Elogia ex *Gregorio Nazianzeno* communicat.

Superiori anno 1701. Mense Martio p. 79 seqq. Novis Literariis inferere placuit ordinationem illam Celsissimi Cimbrorum Ducis in Academia Kiloniensis commodum & incrementum publicatam; nunc aliam, ejusdem planè tenoris, in gratiam Universitatis Gryphicæ à Cancellario ejusdem, Illustrissimo Comite *Georgio Mellin*, evulgatam, oculis B. L. subjiciemus, quæ ita habet: *Verordnung / welche der von Ihro Königl. Majest. zu Schweden / 2c. 2c. bey der Universität zu Greiffswald Hochbestallter Cancellarius, der Hochgebohrne Graff und Herr / Hr. Jürgen Mellin / auff Damigoro / Schönfeld / Resow und Schönningen / 2c. Erb-Herr / Allerhöchstged. Ihro Königl. Majest. Rath / Feld-Marschall / und General-Gouverneur in Dero Hertzogthumb Pommern / und Fürstenthumb Rügen / 2c. zu Auffnahm derer Studien, und der Academie desto besserm Flor publiciren lassen. Alten Stetin / gedruckt bey Gabriel Dahlen / Kön. Buchdrucker.*

**E**mnach die Universität zu Greiffswald von denen Hochsel. Pommerschen Hertzogen fürnehmlich zur Unterhaltung der wahren Religion / Ausbreitung des aufgegangenen hellen Evangelischen Lichtes / Beforderung des gemeinen Wesens und Vermehrung guter Wissenschaft und

Künfte / vormahls aus gottseligem Eyffer gestiftet und auffgerichtet ; Ihro Majest. Unser Allergnädigster König und Herr auch in so rühmlichen Fußstapffen beharrend / auff Mittel und Wege nicht minder bedacht seyn / daß diese der gottseligen Vorfahren heylsame Intention beständig erreicher / ein so herrliches Kleinod sorgfältigst conserviret / von allen Mängeln und Hindernüssen gesaubert / und was durch die Zeit und andere schädliche Begebnüssen in decadance gerathen / empor und zu mehrerem Wachsthum / Glor und Aufnehmen wiedergebracht werden möge ; Mir auch Krafft des allergnädigst beygelegten Muneris Cancellariatus dieser Academie vor allen Dingen gebühret / darob zu seyn / daß der Zustand dieses Seminarii nach der Höchsten Obrigkeit Wohlgefallen mehr und mehr verbessert / die Docentes sowol als Discentes zum schuldigen Gehorsam / Fleiß / und Emsigkeit auffgemuntert / und den vorgesetzten Zweck desto ehender zu erhalten / aus allen Kräfften conjunctim, und ganz einmühtig gearbeitet werde. So habe auffmitgenommen Raht / der Nothdurfft erachtet / folgendes reglement verassen / durch den Druck publiciren / und allen und jeden / so zum Corpore der Academie gehören / so lange bis Allerhöchstged. Ihro Kön. Majest. etwas anders und vollständigeres gnädigst verordnen werden / zur Nachricht und genauen Beobachtung recommendiren wollen.

## I.

Sollen hinführo alle Professores Ordinarii ( auffer die so das Instrumentum dotationis ausgenommen ) exeptis feriis, horis Concilio Academico destinatis, Kranckheit / von Ihro Königl. Majest. anbefohlene Reisen / und andere Noth und unumgängliche Ehren-Fälle / die Woche 4. mahl im Auditorio publico lesen / sowohl des Winters als des Sommers / und sollen die Winter-Auditoria zugerichtet / auch Licht und Brennholz von der Universität unverweigerlich angeschaffet werden. Derjenige / so eine Lection auffer obenangeführten erheblichen Ursachen veräumet / soll eine jede veräu-

versäumere Lection mit 2. Reichsthl. bezahlen. Wer aber 12. Lectiones in einem viertel Jahr negligiret / soll von dem ganzen viertel Jahrs Salariò nichts geniessen; Das Geld aber unter die fleißigen Professores alsbald bey Auszahlung getheilet werden. Der Famulus Academicus soll alle Wochen eine Schedulam dem Pro-Cancellario einreichen / wie viel ein jeder Professor die Woche gelesen / welcher denn bey herannahendem Ende des Quartals selbige dem Magnificentissimo Domino Cancellario übersenden soll / damit man alle viertel Jahr die fleißigen und unfleißigen Professores kennen möge. So soll auch jeder Professor monatlich sub fide iuramenti eigenhändig numerum Lectionum specificiren und überreichen / damit auch dieses eigenhändige Zeugniß könne überschicket werden.

2.

Die ordentlichen Ferien, in welchen mit den Lectionibus gefeyret wird / seynd: Die Wochen/darin die heiligen 3. hohen Feste fallen. Die Woche von Weihnachten biß den I. Epiphan. Alle ganze Festtage. Die Apostel-Tage halb. Der grüne Donnerstag und Charfreytag. 4. Wochen Hundes-Tage.

3.

Die Lectiones sollen also eingerichtet werden / daß sie früh von 7. Uhr angehen / und währen biß 11. Uhr / und Nachmittags von 1. Uhr biß 5. Uhr.

Um 7. Uhr der erste Professor Medicinæ und der Profess. Mathem. 8. Uhr / der Professor Locor. Theologic. und der Professor Institution.

9. Uhr / Professor Juris Canonici, und Profess. Log. & Metaph.

10. Uhr / Professor Theol. Primarius und Professor Pandectarum.

Nachmittags:

1. Uhr / Profess. Theol. Exeget. Lingg. Orientalium, und Profess. Juris Publici & Feudalis.

2. Uhr / Professor Medicinæ, und Profess. Philos. Pract. & Historiar.

3. Uhr /

3. Uhr / Profess. Controversiarum Theol. und Medicinæ Extraordin.
4. Uhr / Professores Juris Honorarii und Professor Eloquentiæ & Poëseos.
5. bis 6. sind der andern Extraordinariorum, als auch die Nachmittage Mittwochens und Sonnabends.

4.

Die Lectiones sollen für dieses Jahr also eingetheilet werden:  
 Der Ober-Profess. Theologiæ und General-Superintendens soll Theologiam Conscientiarum lesen / und zum Fundament unsere Kirchen-Ordnung legen.

Der Secundus Locos Theologicos, und dieses nach Anleitung der repetitionis Chemnitianæ Menzeri.

Der Tertius sol Controversias lesen / und zwar die Irrthümer solide zu erkennen:

Der Papisten, das Concilium Tridentinum.

Der Calvinisten, Catechismum Palatinum.

Der Socinian. Catechismum Raccoviens.

Der Arminian. Confessionem Remonstrantium,  
und Apologiam Confess.

Der Quaker, Mennonis Fundamentum.

Der Quartus Theologiam Exegeticam, des Bitters ein Buch aus dem Alten/und Sommers ein Buch aus dem Neuen Testament.

Die Extraordinarii können lesen für allen Dingen die Libros Symbolicos, oder was der Pro-Cancellarius für nöthig finden wird.

Der Professor Juris Canonici, Stephani Institutiones.

Pandectarum, Brunnemanni repetitionem Wesenbecianam.

Juris Publici, Bœcleri notitiam Imperii.

Feud. Stryckii Examen.

Institutionum, nebenst dem Text Schilteri Institution.

Der I. Profess. Medicinæ, Georgii Franckii von Franckenau Institut. Med.

2. Sturmii Physicam.

Professores Philosophiæ.

Professor Eloquentiæ & Poëseos, soll lesen:

- 1. Viertel-Jahr / Vossii Institut. Coll. Caufino de Eloquentia Sacra & Profana.
- 2. Viertel-Jahr / Orationes aus dem Cicerone und alle Wochen eine Stunde dabey dem Virgilio widmen.

Profess. Lingv. Orient. soll alle Viertel-Jahr das Horologium Schickar. absolviren/und das andere Opitii Græcismus.

Der Profess. Philos. Pract. & Historiarum ; Grotium de Jure Belli & Pacis.

In Historia. Puffendorffii Einleitung.

Profess. Log. & Metaph.

In Log. Weissii Logicam.

In Metaph. Donati Metaph. Usualem.

In Pneumat. Prückneri Compendium.

Die Profess. Extrad. können lesen was der Pro-Cancellarius in Illustriss.Dni.Cancellarii Nahmen für gut befinden wird.

5.

Der Catalogus dieser Lectionum soll allemahl des Jahrs 2. mahl/ das erstemahl an 1. Epiph. und das andermahl In Eckto Trinit. nach Ordnung der Facultäten gedruckt und ausgetheilet werden/ damit jederman sehe / mit was Fleiß die studierende Jugend unterwiesen werde.

6.

So soll ein jeder von den Professoribus gehalten seyn/ alle halbe Jahr sein fürgenommenes Pensum zu absolviren/ so daß die Kirchen-Ordnung / Repetitio Chemnitiana, ein Liber Biblicus, das eine halbe Jahr Papismus, das andere Calvinismus, und in dem kommenden Jahre geliebts GOTT / 1. Socinianismus, das andere halbe Jahr Arminianismus cum Fanaticismo zu Ende komme. Dergleichen sollen auch alle andere Facultäten leisten. Doch wird Facultati Juridic. das ganze Jahr zu ihrem Spatio eingeräumt / darinnen denn ein jeder sein Pensum soll zu Ende bringen.

K

7. Auff

7.

Auff daß man aber eines jeden Professoris Fleißes desto besser möge versichert seyn / sol ein jeder Professor nach Verfließung eines halben Jahrs einen Entwurff seiner Lectionum wohl geschrieben / ( Die Schreibe- Kosten sollen ihm ex Acad. redivibus gut gethan werden ) dem Pro-Cancellario zu stellen / welcher sie dem Illustriss. Dn. Cancellario übersenden soll. Darauff sie in ein Volumen sollen gebunden und in der Bibliotheca Academica zum Andencken des rühmlichen Fleißes sollen aufgehoben werden.

8.

Es wird allen und jeden Professoribus anbefohlen Collegia Examinatoria zu halten / und sol ein jeder alle halbe Jahr anzeigen / ob und mit wem er solche angestellet.

9.

Damit man des Fleißes der Studierenden versichert sey / soll ein jeder Professor alle Viertel-Jahr 2mahl unvermuthet eine Schedulam unter den Auditoribus lassen herum gehen / damit sie ihre Nahmen alsobald in Lectione aufschreiben / solche Schedulas zu Endigung des halben Jahrs dem Pro-Cancellario zu senden / selbige Illustr. Dn. Cancellario zu überlieffern ; Daraus denn der Landes-Kinder Fleiß sol geurtheilet / und sie für allen andern sollen herfür gezogen werden / und wird der Professorum Gewissen und Eidt / auch derer Studierenden eigenem Nutze anheim gegeben / bedacht zu seyn / daß hierunter kein Unterschleiff fürgehe.

10.

Solten wegen Seltenheit der Studiosorum Medicinæ die Professores sich beklagen / wie sie ihre Lectiones einstellen müssen / so sollen sie biß zu mehrer Freqventz bedacht seyn / solche Lectiones zu halten / davon auch der andern Facultäten Studiosi Nutz haben können / E. g. die Studiosi Theologia / wenn sie von den Morbis Biblicis , von den Plantis und Arboribus Biblicis lesen. Die Studiosi Juris , wenn sie de lethaltate Vulnerum , de Tempore Partus , oder wozu der gelehrte Zacchias in seinen Quæstionibus Medico-Legalibus , Gelegenheit gibt / ihre Lectiones anstellen.

stellen. Im übrigen sollen die Medici / wenn sie 2. oder 3. Auditor-  
res haben / zu lesen gehalten seyn / die Professores der andern Fa-  
cultäten aber wenn dero 4. fürhanden. Doch lebet man der guten  
Hoffnung / daß bey rechtem Fleiß und guter Disciplin der Herren  
Professorum man über solchen Mangel nicht werde dürffen Klage  
führen.

II.

Damit die Disputationes desto fleißiger mögen verrichtet wer-  
den / sollen 200. Rthl. aus der Academia Einkünfften gewidmet  
seyn / auff daß alle Wochen eine gewisse Disputation gehalten wer-  
de / so nur aus 2. Bogen bestehet. Davon der Buchdrucker 2. Rthl.  
und 120. Exemplar lieffern soll. 2. Rthl. fallen dem Præsidi pro la-  
bore anheim. Der Studiosus respondiret ganz umbsonst / und  
darff nicht einen Heller Unkosten / es habe Nahmen wie es wolle /  
beytragen.

12.

Diese Disputationes sollen zu Ehren / Ihr. Königl. Majest. Ca-  
rolinae heissen / und unausfeglich / Wöchentlich Mittwochs oder  
Sonnabends von schönen / raren / nicht überall vorkommenden Mate-  
rien von 7. Uhr bis 9. Morgens früh angestellt werden. Und fän-  
get der Theologus an / dem folget der Jurist , der Medicus und  
Philosophus. Der Mangel der Medicorum wird durch die Pro-  
fessores Extraordinarios ersetzt. Und wird die Ordnung unter  
allen Professoribus gehalten / wie sie in ihren Promotionibus in  
Actibus publicis sitzen. Hiezu wird der Professor Primarius  
den Anfang / im Nahmen Gottes machen / Mittwoch nach 1.  
post Epiphan.

13.

So auch die andern Disputationes durch Gottes Seegen  
sich häuffen solten / damit denen Lectionibus nichts entzogen wer-  
de / sollen die solennes oder andere publica Mittwochs finita Di-  
sputatione Carolina von 9. bis 11. oder Nachmittags von 1. bis  
3. / eine andere 3. bis 5. und Sonnabends den ganzen Tag gehal-  
ten werden.

14.

Damit aber die Oratoria desto fleißiger getrieben werde / sollen an denen 3. hohen Festen als auch Michaelis, die 4. Theologi den heil. Abend fürher eine Oration in dem Auditorio halten / wozu der Decanus per Programma publicum invitiret. Ingleichen sol der Decanus Fac. Theol. alle Charfreystags Nachmittags 3. 4. bis 5. Uhr / von dem Leyden und Tode Christi / unter einer beweglichen Trauer-Music peroriren. So sollen auch Ihr. Königl. Majest. Gebuhrts- und Nahmens-Tag / entweder mit einem Actu promotionis (wenn selbiger vorhanden) oder mit einer solennen Oration unter schöner Music und geistreichem Gesang in der St. Nicolai Kirchen celebriret / und GOTT für das Leben / Segen / allzeit Siegreiche Waffen / und Glück unsers allergnädigsten Königes / innbrünstig angeruffen werden. Die Oratores sollen seyn die Professores Wechsels-Weise nach denen Facultäten. Ingleichen sollen an dem Sterb-Tag des Höchst-Seel. verstorbenen Königes CAROLI XI. der fundatorum und Restauratorum der Herzoge von Pommern einem jeden zu Ehren eine zierliche Parentation gehalten werden / welche theils der Professor Eloquentiæ selber / theils die Professores Philosophiæ ordinarii halten sollen. So soll auch der 25. Tag Junii, als an welchem Tage die Augspurgische Confession übergeben / ein solenner Actus Oratorius angestellet werden / GOTT für solche grosse Wohlthaten zu dancken und zu bitten / daß Er diese allein seelig-machende Lehre bis ans Ende der Welt im Königreich Schweden / und bey uns / als auch anderer Orten bis an dem jüngsten Tag unverrückt erhalten wolle: die Oration kömt Facultatis Theol. Decano samt dem Programme zu / oder welchen er es aus der Facultät (so es ihm unmöglich) committiren wird.

15.

Soll hinführo alle Monath der General-Superintendens, oder in Abwesenheit der folgende Theologus Mittwochs Morgens von 10. bis 11. einen öffentlichen Consistorii-Tag halten / da er einen casum Conscientiæ der studierenden Jugend an dem schwarzen Bret Sontags vorher notificiret / selbigen hernach zu verabscheiden / denen alten

alten Studiosis Theologiae proponiret / ihre Rationes pro und contra anhöret / die rationes dubitandi solviret , und wie ein Responsum Theologicum einzurichten / anweist. Die andere Woche sol Sonnabends Morgens der JCTus einen Gerichts-Tag halten/ die Studiosos lassen advociren und ihnen den Processum gründlich weisen.

Alle 14. Tage der Medicus eine Anatomie anstellen.

Alle 3. Wochen der Physicus ein Experiment machen.

Alle 14. Tage der Mathematicus eine Demonstration : dieses aber alles in loco publico.

16.

Die Unkosten der Promotionum sollen gemildert und bis auff 160. Rthl. gesetzt seyn. Das grosse Convivium wird ganz eingestellt ; und niemand als die zu dem Actu höchst nöthige Personen an der Zahl ohngefähr 7. mit den Knaben / auff eine wenige Collation genöthiget. Solte aber ein Candidatus es selbst begehren/ und ein groß Convivium haben wollen / sol es ihm wol frey stehen / hergegen alle unnöthige Unkosten vermieden werden. Die solennia aber in der Kirchen belangend und was ad splendorem honorum gehöret / davon sol nichts unterlassen / sondern vielmehr als auch sonst in allen andern solennen Actibus augiret werden. Und wird denen Professoribus hergegen auf ihre Seele gelegt / keinen Untüchtigen ad hos gradus zu promoviren/ ihren Gewissen und der Academie keinen Schandstreck anzuhängen ; Imgleichen auch die Candidatos über 3. Wochen nicht auffzuhalten.

17.

Schließlich wird nochmahls die Schärffe der Disciplin ernstlich anbefohlen / ja genaue Acht zu haben/ daß man GOE durch muhtwillige fürsehlliche Sünden nicht beleidige / und seinen gerechten Zorn über die Vniversität und ganges Land entzünde / unschuldige Menschen ärgern und verführen lasse / wovon an den Pro-Cancellarium allbereit resolution ertheilet. Wovon auch die Professores, so hierin nicht alle Schärffe gebrauchen / an jenem Tage Rechenschafft geben sollen. Vielmehr werden die Professores unter sich selbst an Brüderlicher Lie-

be und Einigkeit / ( da dann der Pro-Cancellarius an statt Illustrir. Cancellarii genaue Acht haben wird / damit keine Zänckereyen entstehen / und sie alsobald in herba suffociret werden ) unermüdeten treuen Fleiß / unärgerlichen / unsträfflichen Wandel den Studierenden ein Fürbild seyn / auff daß dieselbe Tempel des Heiligen Geistes seyn und bleiben mögen.

**W**erden demnach diejenigen / so entweder unter dem Corpore der Sn. Professorum sortiren / oder ad cœtum discentium gehören / obigem allen gantz genau geleben / den schuldigen Gehorsam bey jedwedem Paragrapho zu erweisen geliffen seyn / und durch Tergiversation oder Saumsahl zu beschwerlichen Compulsiv-Mitteln / womit man einen jeden gerne verschonet siehet / keinen Anlaß geben. Urkundlich beygedruckten Insignels und eigenhändiger Subscription. Datum Stettin / den 4. Januar. AÖ. 1702.

(L. S.) Jürgen Mellin.

SEDINI.

Sub finem superioris anni 1701. à *D. Joh. Frid. Mayo*, Superintendente Generali, *N. Fabricius*, ad Pastoratum Aulicum in locum *Samuelis Hollmanni* vocatus, introducebatur. Hic *B. Hollmannus* Herfordiæ in Westphaliâ anno 1632, Februario exeunte, natus est. Positis in Scholâ patriâ & Athenæo Gedanensi haud contemnendis studiorum fundamentis, Academias petiit, & primùm quidem ann. 1655. *Regiomontanam*, ann. 1657. *Rostochiensis*. Nonnulla quoque eruditionis ibidem edidit specimina, in illâ scilicet *de primis Principiis Physicis*, disputans; in hac verò, Præside *D. Henrico Müllero*, Dissertatione quâdam Psalmum I. illustrans. Postquam ab anno 1659. usquè ad 1665. *Stralesunde* in ædibus *Gosmannianis* hæsi-

hæssisset, dicto hoc anno Pastor Castrensis vocatus est, ut animas illorum, qui rem tormentariam tractant, prædicatione Verbi Divini curaret. Deinde anno 1669. obtigit illi vocatio in aulam Illustrissimi Pomeraniæ Gubernatoris, *Caroli Gustavi Wrangelii*, & tandem paulopost Concionatoris atque Pastoris in templo arcis Sedinensis functio. Quater in Conjugio vixit, sed postremam Conjugem morte sua, quæ 1701. d. 10. Novembr. ætatis septuagesimo, & Ministerii trigesimo sexto anno sibi accidit, fecit Viduam, quinque liberos, parente orbatos, relinquens superstites.

Die 10. Febr. Manuctore *M. Friderico Redtelio*, Con-R.

*Actus* quidam *Oratorius* à nonnullis Scholæ Senatoriæ Alumnis fuit exhibitus, cujus Germanicus titulus ita habet: Die von zwey jungen Gesellen / oder Studenten / und von zwey Tugend begierigen Jungfern gesuchte / und in dem grünen Walde des Esculapii, von einigen daselbst sich verlustirenden Römern und Vestalischen Jungfern angezeigte rechte Wege zu der schönen und hochnöthigen Tugend der Mäßigkeit. Ad hunc Actum audiendum publico Programmate (2 plag. in fol.) illius summam personarumque seriem tradente, laudatus *Redtelius* invitavit.

*Idem etiam Mythologiam Schavianam* auctiorem secundâ vice edidit.

Præter hanc & alia ejusdem *D. Schavii* scripta, quæ intra privatos hætenus asservavit parietes, luci publicæ fortè exponet, qvalia sunt:

*Lexicon cum Paraphrasi Statianum.*

*Paraphrasis Juvenalis, &c.*

Die 21. Febr. vivis excessit *Joachimus Nicolaus Meyerus*, Hereditarius in Neuen Grape. Lucem adspexit ille Sedin, ann. 1657. d. 15. Jul. Patrem ibidem nactus *Johannem Philippum Meyerum*, Jctum & urbis Senatorem, qui ann. 1653. ab Imperatore FERDINANDO III. nobilitatis jura & insignia justis tabulis consecutus est. Quum sub privatâ primum, & postea

postea publicâ, in *Gymnasio Carolino*, curâ & institutione factos fecisset progressus, ut lucem ferre posset Academicam, ann. 1679. *Lipsiam* concessit. Vnde tamen ob mortem Parentis voto citius anno insequenti domum redire necesse habuit. Hinc abiit *Lugdunum* apud *Batavos*, & post *Utrajectum* & *Tranekeram*, ut *Musas* his in locis sectaretur. Consumtis ibi aliquot annis iter per *Belgium*, *Brabantiam* & *Flandriam* in *Galliam* direxit, deindè in *Angliam*. Patriæ tandem reditus privatam elegit vitam, quam & morte, *Viduæ* superstiti nec non quinque liberis cum primis acerbâ, finiuit, postquam vivendo confecerat 44. annos, 7. menses, & totidem dies,

### REGIOMONTI.

Die 8. Febr. *M. Johannes Engelbrecht*, *Schiffenb. Pruss.* Respondente *Johanne Reimholdo Wenck, Rhein. Prusso*, Disputationi submisit Axiomata hæc Analytica: (I.) *Analyticâ & aliis Scientiis Philosophicis instructus, est Auditor κεναιδευµένος & legitimus Philosophia.* (II.) *Termini artium, quos Scholastici notiones seu intentiones secundas appellant, & ratione prædicationum & argumentationum cognoscuntur, non sunt Entia Rationis, seu fictum quid ab intellectu.* (III.) *Vulgare illud Axioma: Duæ particulae negandi apud Latinos affirmant, de omnibus Propositionibus intellectum, verum non est.* (IV.) *Non omnia adverbia affirmativa, quæ aliàs seorsim considerata universitatem significant, indicant propositionem universalem vel ejus sunt signa; Nec omnia adverbia, quæ per se significant particularitatem, signa sunt particularis Propositionis. Nam signa affirmativa hæc: Semper, Ubiq., Alicubi, non sunt signa Propositionum.* (V.) *Signa Universalis & Particularis non cuiuslibet subjecto in quolibet casu posito addi debent: aliàs enim non erunt Signa Universalitatis & particularitatis.* (VI.) *Propositiones, quæ habent Subjectum universale formaliter tale, non sunt pro indefinitis recipiendæ.* (VII.) *Propositio etiam rectè dividitur in propriam & impropriam.* (VIII.) *Secundùm Analyticam omnes Propositiones Theologicæ examinari possunt; dummodo non sint pura fidei & supra captum humanum.*

Die

Die 9. Febr. *Georgius Emmerich*, Med.D.P. P. & *Immanuel Heinrich Garmann*, Chemnicio-Misnicus, Respondens Autor, disputarunt de *Duumviratu Helmontiano*, sive de *Ventriculo & Splene*, Duumviris ab *Helmontio* vocatis: Sectione (1.) Exponunt nomen & officium Duumvirorum, & quid *Helmontio* Duumviratus. Sectione (2.) agunt de Stomacho Duumviro. Sectione (3.) de Splene altero Duumviro. Sectione (4.) de Actione & usu Duumvirorum secundum *Helmontium*. Sectione (5.) de Centro animæ sensitivæ & mentis in Duumviratu; in plerisque à Sententia *Helmontii* abeunt eumque refutant. (4. plag. in 4to.)

Die 13. Febr. Præside *Benjaminô Ewaldt* / Med. Doct. Diatribam de *Pulvere Sympatheticô* in publicâ ventilatione defendit *Melchior Philippus Hartmann* Regiomont. Pruff. Diatriba hæc in tres divisa est sectiones: Prima agit: de *Sympathiâ, pulverisq; Sympathetici analysi ac viribus* Secunda: de modo, sive rationibus quibusdam operandi pulveris *Sympathetici* Tertia: de causis usum pulveris *Sympathetici* quoadantenus *dissuadentibus*, cum additis cautelis practicis. (2½ plag. in 4to.) Calci verò hujus diatribæ annexa leguntur sequentia *Corollaria Physico-Anatomica: de causis symptomatum & mortis animalium pulmonibus præditorum sub campanâ, post educationem aëris per antliam pneumaticam, quæ Respondens amicæ disquisitioni subjicit:*

(I.) Notum est, quod animalia pulmonibus prædita, sub campanâ constituta post educationem aëris per antliam pneumaticam, variè p. n. afficiantur, atqve tandem mortem subeant. (II.) Symptomata vulgatissima sunt, partium quarundam intumescencia, imprimis abdominis & oculorum, vomitio, dejectio, pulsus cordis celer, anhelatio, motus convulsivi diversarum partium, spuma circa os. &c. (III.) Quæ symptomata tandem mors consequitur, in aliis celerius, in aliis tardius, pro idiosyncrasiæ subjectorum. (IV.) Per Experimenta à *Dn. Parente* publicè instituta cognitum,

quæ tenerrimæ sunt ætatis tardiùs mori , item pulmonibus  
 minùs sangvineis prædita , ranas , lacertas &c. (V.) Causæ  
 horum symptomatum & mortis ab aliis aliter afferuntur ;  
 Nos statuimus fieri hæc omnia propter turbatum sangvinis  
 circuitum , qui tandem sufflaminatus in vasis & visceribus  
 vitam ipsam tollit. (VI.) Probârunt hoc anatomæ in felibus ,  
 catellis , pullis , echinis terrestribus , talpis , muribus ,  
 sciuris , & aviculis variis , &c. quorum animalium pulmones  
 eum præcordiis inspecti , ut plurimum sangvinem stagnan-  
 tem , aliquandò etiam coagulatum , demonstrârunt. (VII.)  
 Idem singularis docuit pulmonum inspectio , cum horum  
 color intensissimè rubens & compages à sangvinis infarctu  
 tam densa , ut ab hepate vix dignoscerentur , in non paucis  
 comparuerint , iidemqve aquæ impositi submersi fundum  
 petierunt , instar pulmonum ex embryis exemptorum. (VIII.)  
 Quin in felium & pullorum atqve catellorum nonnullis ,  
 sangvinis in pulmonibus stagnatio fecit , ut non solum bron-  
 chialia vasa , sed etiam ipsam tracheam sangvine repletam  
 viderimus. (IX.) Stagnatio autem sangvinis istò modò in  
 pulmonibus præcipuè contingit , quod post eductiones aër  
 intra campanam residuus ab iisdem inspirari neqveat ; quod  
 dum fit , sangvis ad vasa pulmonum jugi appulsu affluens ,  
 propter denegatam expansionem vasorum bronchialium in  
 extremitatibus capillaribus hæsitat , aut sibi aliò viam vi  
 facit , ut omnis circuitus tollatur. (X.) Aër autem intra cam-  
 panam residuus propterea ab animalibus inspirari neqvit ,  
 quia intra angustias expansus est , qualis semper difficiliter  
 locò movetur , quàm liber. (XI.) Quod aër intra camp-  
 nam expansus , difficulter , aut prorsus non movetur , hoc  
 pluribus aliis experimentis demonstratum est ; e. gr. cum  
 candela , pruna , fomes , funis igniarius , charta , accendun-  
 tur , ad eductionem hæc omnia extingvuntur propter de-  
 negatum motum intra conclusi ; elegantissimum spectacu-  
 lum præbent candelæ pro fumo , quæ quidem diu sub cine-  
 ribus

ribus post eductiones latentem, ignem fovent; sed ut non ulterius possit proserpere, & corpus consumere. (XII.) Sunt, qui pulmones ab aëre comprimi volunt, quia aliquando minores comparent: verum hoc non à compressione ullâ, sed à collapsu vasorum, aut recessuum spiritalium provenit, evidens hoc in ranis præcipuè, lacertis & testudinibus. (XIII.) Cætera non negamus, quod aër habeat facultatem premendi; verum intra campanam post eductiones, cum aërem in motu esse negamus, negamus etiam ab hoc aëre quicquam premi. Certè si expansio non est confundenda cum pressurâ, expanditur aër ad eductiones, id quod experimentum de scypho æneo sumptum, illustrat; Si enim huic membranam laxiorem, seu minus rigidam vinculo allegaveris, & juxta tubulum, per quem aër educitur, collocaveris, campana quidem superimposita corio adhærebit; membrana vero tantum abest, ut intra scyphum adigatur, quod per pressuram fieri debebat, ut contra ea sursum attollatur, quasi inflata; id quod alio experimento declarari potest per tubulum liquoris impositum instar thermometri. (XIV.) Quamvis & nos maximè dubitemus, an in hoc instrumento campana ipsa per pressionem aëris corio adhæreat; Fieret enim per aëris, vel ante eductionem, vel post eductionem campanam ambientis pressuram; Sed non per pressuram prioris, quia sic & citra eductionem campana corio firmiter adhæreret: nec per pressuram posterioris, quia hic non habet præresin, sive consilium magis ad campanam ruendi, quam dilabendi per rimas fenestrarum, aut per januas apertas, aut per inspirantium pulmones. (XV.) Repugnat idem sensui, sive experientiæ; si enim campanæ aut vitro, quod scypho æneo agglutinatum, levissima quæque, aut maximè compressilia superimposueris ad eductionem aëris nec minimum indicium pressuræ ullius observabis. (XVI.) Item si campanam majorem campanæ minori, aut membranam membranæ supra scyphum æneum super-

imposueris, aut adstrinxeris, minor campana solum ad educationem aëris corio adhærebit, non item major superimposita: Sic & membrana interior ad educationem aëris introrsum adducetur, non verò etiam supra alligata, nisi alteri agglutinata fuerit, ad quod præcavendum papyrus interponi poterit, sicque, licet utraqve membrana cum papyro intermedia uno vinculo arctè scypho æneo adstringantur, intima membrana solum adducetur, non verò extima, uti nec papyrus intermedia. (XVII.) Porro si Antlia pneumatica eodem luto, quo aër exterior aliàs arcetur, parieti intergerino infereretur, ut aëreductus non posset ingredi conclave alterum, nihilominus ad educationem aëris in altero conclavi campana corio firmiter adhærebit. (XIX.) Scilicet aër quidem omnibus incumbit, sed non omnia premit, premit solum quando est in motu, & quidem ea, quæ loco dimovere potest, ut ipsi cedant. (XIX.) Ita quoque merito dubitamus, an intumescencia memorata, aëris in campana residui influxui, & intra animalia expansioni sit adscribenda, siquidem idem phœnomenon ad perturbatum sanguinis circuitum referri potest, cum alias extra campanam similem intumescenciam ab eodem oriri manifestum sit. (XX.) Accedit, quod enectorum, etiam capitibus præfectis, cadavera ad educationes non intumescant. (plag. 2½ in 4to.)

Die 15. Febr. *M. Fridericus Seiberlich* Reg. Pruss. quaestionem: *Utrum in Republ. bene constituta sint toleranda Asyla?* publicè ventilavit Resp. *Paulo Drigalsky* Bialâ Pruss. (4. plag. in 4.)

Die 18. Febr. *M. Christianus Masceovius* Regiom-Pruss. *De Honoribus petendis* disputationem priorem habuit. Respond. *Henrico Wegner*, Reg. Pruss. (plag. 2½ in 4to.)

Die 21. Febr. *Balthasar Thiesius*, quem in V. J. Licentiatum fuisse renunciatum Nov. Lit. præt. anni pag. 172. referunt, jam designatus Profess. Juris extraord. pro loco professionis Disp. inaugural. horis ante- & pomeridianis habuit

buit *de Absolutione a Juramento* Respond. *Dan. Corn. Salm/Reg. Pruss.* (plag. 2½ in 4to.)

Die 23. Febr. Præsides *Bernhardo von Sanden/ Jun. S. Theol. D. & Profess. Ordin.* Disputatio habita est *de Nomine JESU*, originatione, typis, significatione, &c. Respond. *Jacobo Keber*, Holland. Boruffo. (plag. 3½ in 4to.)

Die 25. Febr. *Mafecovius* Præsides, Disput. posteriorem *de Honoribus petendis* habuit, Respond. *Friderico Höpenero* Reg. Pruss. (plag. 2½ in 4to.)

Die 27. Febr. *de Visus modo fiendi*, Disputationem physicam habuit *Johannes Godtsched.* Philos. & Med. D. & P. P. extr. Physices Ordinarius, Autore & Respond. *Jacobo Finckeman*, Mariæburg. Pruss. (plag. 2½ in 4to.)

Die 28. Febr. Sub Præsidio *Job. Stein/ V. J. D. Profess. Ord. Tert.* Respond. *Christoph Frideric Landenberg/ Reg. Pruss.* disputavit *de bona fide in Usucap. necessaria.* (plag. 3. in 4to.)

RIGÆ.

Die 28. Febr. vitam cum morte commutavit *M. David Caspari*, Regius Ecclesiarum Rigensium Superintendens, Consistorii Adressor, nec non ad D. Petri Pastor Primarius, S. S. Theol. in Gymnasio Professor, Scholæque Cathedralis Inspector. Postquam ille Regiomonti anno 1648. d. 5. Mart. lucem adspexisset, non in patriam solum Scholam primam, sed postea etiam ab anno 1667. usque ad 1673. in Academiam ibidem literis incubuit. Varia hic edidit specimina, nimirum sub Præsidio *M. Danielis Rhode* pro Receptione in Facultatem, quam vocant Philosophicam, *Philosophicas Theses* ventilavit. Has excepit alia, de definitione τῶν πολλαχῶς ἢ τῶν πρὸς εἶν ἢ ἀφ' εἰδὸς λεγομένων: Disputatio Præsides *M. Andreæ Hedione* habita. Publicè quoque *de Definitione Hæreticæ* sub umbone *M. Melchioris Zeidleri*, S. S. Theol. Prof. P. Secund. & Concionat. Aulici disputavit. Sexennio in Re-

giomontanâ exacto, Jenam, visis ante in viâ Academiis Wittebergensi & Lipsiensi, anno 1673. ingressus est, ubi eodem anno Magisterii *Beaufin* reportavit, Exercitatione, de *Vitâ DEI, qualis ea sit ex mente Græcorum & potissimum Aristotelis?* præviâ. Hinc Tubingenses adiit, aliasqve Germaniæ Universitates, Altorfinam, Argentoratensem, Helmstadiensem, Francofurtensem, &c. ut & plurima loca celebriora observantiori perlustravit oculo. Quapropter nec defuere etiam de sexu sequiori, quæ Carminibus elegantioribus felicia quævis illi acclamarunt. Inter quas emicuit poetissa haud vulgariter docta, *Gertrudis Mölleria, nata Eifleria*. Studiorum atque peregrinationis cursu feliciter absoluto, anno 1674. Regiomontum in patriam reversus est, & varias Exercitationes Academicas, quas ipse Præses defendebat, proposuit, quas inter eminent *Triga Thesium Philosophicarum*. Præterea quinque alias de fabulosis nonnullorum animalium affectionibus, *de Cantu Cygni, de Partu Vrsarum*, aliisque rebus curiosis publicæ luci dedit. Hoc ipso loco licet ann. 1676. Communis Convictorii & Electoralium Alumnorum Inspectio secundaria ipsi committeretur; post biennium tamen, nempe anno 1678. aliam obtinuit vocationem ad Professionem Philosophicam in Gymnasio Rigensi ornandam, & ad Rectoratum Scholæ Cathedralis obeundum. In hoc munere demandato industriam ejus testantur *Disputationes Philosophica*, quarum celebriores typis descriptæ, nec non *Ethica & Politica*, quæ publicè extant, aliæ item *Dissertationes, de Dubitatione* ann. 1682. *de Norma Physices* ann. 1683. *de Phœnice* 1687. evulgatæ. Pulpita Ecclesiastica ascendens, primùm ann. 1681. d. 17. Jan. Ecclesiæ Cathedralis Diaconus, & ann. 1683. Scholæ Inspector, deinde anno insequenti, d. 16. Septembr. Ecclesiastes Concionum Hebdomadalium, tandem ann. 1691. Ecclesiæ suprâ dictæ Pastor, uti & Consistorii Adessor constituebatur. His muneribus Professio Theologica in Gymnasio ann. 1698. accessit

accessit, & vocatio ad Pastorum Petrinum, nec non Superintendentis sparta, quæ à Potentissimo Sveonum Monarchâ CAROLO XII. ann. 1700. d. 10 Septembr. ipsi fuit confirmata. Ast febris acutissimâ correptus, quinquagesimo quarto ætatis suæ anno omnibus hisce honorum titulis mors illum exiit, è binis Conjugibus ante se mortuis septem reliquens liberos.

VIBURGI in FINLANDIA.

*L. Hurtigius de Canthier*, contexit librum jam preloparatum, & vel Latiali vel Germanico idiomate, prout editori, si quem invenerit, visum fuerit, evulgandum, titulus ejus Teutonicus ita habet: *Vorbote der Uralten Weißheit erster Theil / darin gezeiget wird / daß die heutige Aristotelische Schulgelehrten der alten ihre Cabalam, Magiam und Philosophiam aus ihrer Schule relegiret / und an deren staat fälschlich supponirt die vier Facultates Ethnicorum, als Theologiam, Jurisprudenciam, Medicinam, und Philosophiam zum Unterscheid der heutigen Neuen Schul-Weißheit / und der Uralten reinen Einsalt / wie es mit dieser anigo bewandt / und mit jener / der Alten beschaffen gewesen: jeko aber was zu der Weißheit partem præliminarem, die Etymologie, Synonymie, Homonomie, &c. dienet / angeführet / und wie weit die heutige Schul-Weißheit von der Alten Weißheit ist unterschieden / mit unwiederreiblichen Gründen demonstrirt, entworffen von einem Liebhaber der Wahrheit und der reinen Weißheit / genant L. Hurtigius de Canthier. Constat in formâ octavâ ultra 2. Alphab.*

BERGIS.

Die 16. Februarii *M. Severinus Lintrupius*, designatus Prof. Hafniensis, & Scholæ Bergensis Rector, Resp. *J. D. Ramo*, Nidrosiensi, Disputationem Theologicam, *de sex præcipuis Pontificiorum Erroribus quæstuosis*, habuit; Quam cum fortè Bergas transiens Ill. Dn. *Fridericus Gabel* / Hereditarius in Brantewiß & Bavelse / Eques auratus Ordinis Danebrogici,

gici , S. R. M. Daniæ & Norvegiæ Consiliarius intimus ,  
 Status ac Justitiæ , Pro-Regis per Norvegiam Vicarius , su-  
 premus Diœceseos Aggerhusiensis Præfectus , Gubernator  
 Ferroæ , &c. Vir , non officiorum magis , quæ ornat , splen-  
 dore , quàm meritorum splendore , variisque ad Reges &  
 Principes externos legationibus inclytus , nobilissimâ filiorum  
 bigâ comitatus , auscultaret , à dicto Scholæ Bergensis Recto-  
 re geminâ *Oratione* panegyricâ fuit salutatus , *gratulatoriâ* unâ,  
 stylo lapidario , quâ venientem excepit , metricâ alterâ *eucha-  
 risticâ* , quâ abeuntem prosequutus est.

*Petrus Neocomius* , Joh. Fil. Nordlandus , S.S. Theol. C.  
 tripartitum nuper composuit *sacrorum carminum vernaculorum*  
 fasciculum , brevi typis evulgandum ; cujus I. Pars *Horologium*  
*Zionæum* , seu Hymnos miscellaneos ; II. *Suscitabulum animæ*  
*spirituale* , seu Hymnos matutinos ac vespertinos , pro nume-  
 ro dierum septimanæ ; *Imaginem Christi crucifixi* , seu Historiam  
 Passionis & Heptalogum in cruce , complectitur.

#### CARTEMUNDÆ in FIONIA.

*Matth. Henr. Schachtii* , Scholæ Cartemündensis Re-  
 ctoris obitum in N. L. anno 1700. Mense Novembr. p. 333.  
 paucis memoravimus ; cum autem plenior vitæ ejus descri-  
 ptio nuperrimè tantum nobiscum fuerit communicata , haud  
 abs re fore judicavimus , si eandem & hic infereremus. Na-  
 tus fuit ille Viburgi in Jutiâ . ann. 1660 , d. 29. Aprilis , Pa-  
 tre *Henrico Schachtio* , Scholæ illius loci Rectore & Episcopo  
 Gothlandico designato. E Scholâ patriâ ann. 1678. ætatis de-  
 cimo sexto , dimissus , primùm Hafniam adiit , ibidemque  
 Disputationem *de Philosophia in genere* , nec non binas Oratio-  
 nes , alteram *de Ebrietatis detestatione* , alteram *de Literarum pra-  
 stantia* habuit. Deindè anno sequenti Kilonium profectus  
 est , & postmodum Rostochium , Lipsiensem etiam , Jenen-  
 sem , Francofurtensem , aliasque Academias invisit. Relictâ  
 Germaniâ Svecos adire placuit , & cum Holmiæ aliquamdiu  
 Vpsaliæ-

Vpſaliaꝝqve commoratus eſſet, Viburgum quidem ad munus ſcholasticum obeundum ann. 1682. fuit vocatus ; poſtea tamen Gedanum, dehinc Regiomontum, porro Hafniam & in Hollandiam ſe contulit. In Fioniam tandem veniens literis commendatitiis ſtipatus, Scholæ Cathedralis Othonienſis Cantor & Collega ann. 1683. conſtituebatur, quam ſpartam ann. 1686. cum Rectoratu Cartemündenſi permutabat; habitâ ibi Oratione valedictoriâ *de honoribus modeſtè appetendis*; hîc verò inaugurali, *de otio fugiendo*. Aſt in flore ætatis, annum qvadrageſimum agens, 1700. d. 8. Auguſti obiit.

Scripta ejus Medica, Philoſophica, Hiſtorica, Phyſica, Chronologica, Mathematica, Muſica, in lucem publicam, ſi ſuperſtes fuiſſet, emittenda, recenſita videre licet in Novis Literariis, ſcilicet ann. 1698. p. 186. ; 1699. p. 24. & 116. & anno 1700. ubi p. 209. Schediaſmatis, ſpecimen *de eruditis Mulieribus Daniae* exhibentis ; p. 253. Obſervationis *de Anſere monſtroſo tribus roſtris nato* & p. 333. Schediaſmatis, *de antiquitatibus quibusdam in tumultis veterum Fionenſium circa Cartemündam & vicina loca effoſſis*, mentionem fecimus.

## FLENSBURGI.

In Celiſſimo Judicio Provinciali nupero ſeqvens ſpecies facti typis impreſſa diſtributa fuit : Umſtândliche Erzählung der Sachen ſich enthaltend / zwiſchen Tit. Hn. Hans Heinrich Baron von Kielmannſeck / angemachten Retrahenten und Citanten, an einem ; und Tit. Hn. Adrian von Temming / Königl. Majeſt. zu Dennemarck Norwegen zc. beſtalteten Raht / auff Rohövet / Citanten / am andern Theile / cum rationibus dubitandi & decidendi, in puncto angemachten Beyſpruchs an das Adel. Guth Rohövet im Herzogthum Schleſwig belegen / cum adj. ſub lit. A.B.C.D.E.F. G.H.I.K.L.M.N.O.P.Q. (plag. 17. in fol.) Status controverſiæ hic eſt ; an *Filius major factus retrahere poſſit allodium, quod pater ab extraneo emerat, & iterum, præcedente publico proclamato, vendiderat* ? Negativam partis Citatæ Advocatus D. Jönſen defendit,

fendit, in illaqve *Sam. Stryckium*, cum Facultate *Hallenſi & Francofurtenſi*, in duobus Reſponſis aſſentientem habuit.

## SLESVIGÆ.

*Laurentius Eckſtorff* Typographus quarta vice edidit *Ordinationem Provincialem* ſeqventi titulo: *Schleſwig-Holſteinſche Land Gerichts-Ordnung* / wie dieſelbe im Nahmen *Jhro Königl. Majeſt. zu Dennemarck / Norwegen ꝛc. und Dero zu Schleſwig-Holſtein ꝛc. Hoch-Fürſtl. Durchl. als beyder regierender Herren der Herzogthümer Schleſwig-Holſtein ꝛc. zu Beforderung der Juſtitz anno 1636. revidiret und publiciret / jezo zum vierdten mahl auffgeleget / mit vielen conſtitutionen und edicten vermehret / corrigiret / und in Paragaph. eingetheilet / und mit marginalibus illuſtriret. Nebſt angeführten Landes-Matricul und außführelichem Register. 1702. (in fol. 8. alphab.; in 4to autem 4. alphab.)*

## KILONII.

*D. Joh. Ludovici Hannemanni*

*Obſervatio ſeu Meletema,*

*de partium humani corporis Sympathiâ.*

Si non accuſarer, ac ſi acta agerem, quædam de Uvulæ prolongatæ vel prolapſæ per frictionem in carpo reſtitutione reſpeterem ac adderem. Nullum enim remedium in totâ ferè medendi arte æqve certum ac inſallibile eſt, ac hæc, uvulam in ſuam reponendi ſedem methodus. Bis, ſi non ter, de hoc uvulæ lapſui medendi modo in *Ephemerid. noſtræ Leopoldinæ Academiæ* locutus ſum. Interim *Conjux mea* creberrimè in ſe aliſqve uvulam hoc modò in ſuum reſtituit locum. Quod ſi itaqve quicquam inter artis Medicæ deſiderata ponendum; tunc utiqve ſummo ſtudio iſthuc annitendum eſt, partium humani corporis inter ſe conſenſum commerciumqve magnâ cum induſtriâ ſcrutemur. Magnorum Anatomicorum induſtriæ multum debemus, horumqve laborem nemo unus gratâ non mente agnoſcit. Aſt quamdiu introitus ad hoc *Sympathiæ palatium* non patet, vix in multis morbis curandis

randis felicem methodum invenire dabitur. Quis crederet uvulæ consensum intercedere cum membro virili. Sanctè testari possum Virum quendam magni nominis mihi conquestum esse, sese aliquoties post coitum suâ cum Conjuge institutum aliquid tristis sensationis circa uvulam percepisse.

Quæ tristis sensatio aliquid Sympathiæ mutæ cum pene arguit. An autem illa Sympathia quærenda sit vel in partium aliquâ identificâ figurâ; vel quod eò pertingant nervi, horumque ductus inter se conspirent; vel an potius fluidiores vel & fluidæ partes istuc per suos meatus parallelos ducantur, ac ita se invicem impellant, tradant, vel cieant, in medium relinquo. Quoniam talis perceptio vel titillans, vel & molesta in instanti instar fulminis ab unâ extremâ parte corporis ad alteram extremam transfertur. Meritò istius Sympathiæ mysterium in fluidioribus vel & fluidis, si non & forsân in fluidissimis partibus collocandum est. Nostro arbitrato salvò aliorum judiciò omnes partes nostri corporis fluidiores inter se continuum contextum ac indissolubilem habent, non secus ac aqua, in quam si mittis lapidem, in circulos resolvitur. Ita autem fluidum primò cit partes rectâ lineâ sibi correspondentes & paralelas. Denique cit partes ex obliqvo sibi respondententes. Vivimus hodiè in seculo, quo multum nituntur naturæ Phænomena tam in magno quàm parvo mundo mechanicè explicare. Quorum conatus laudamus, ut ut hætenus infra spem & metum steterint illorum conamina. Ast hic Rhodus, hic saltus. In hoc Mysteriò Sympathiæ partium humani corporis ingenii sui vires Medicorum summi Aristarchi experiantur. Et ita posteritas admirabitur & venerabitur nostros conatus. Hujus enim gratiâ hoc arboretum plantavimus, ista colligat nostri studii fructus.

Sed contraho vela!

PLOENÆ.

Liber ille vernaculus anno 1698. impressus, & in N. L. eodem anno, mense Martio, nobis memoratus, quem in gra-

tiam exercentium rem culinariam Coqvus hujus loci Ducalis tunc edidit, jam secundâ vice & quidem auctior prodiit sub titulo: *Neu-verbessertet Traiteur a la mode*, welcher der deli- caten und neubegierigen Welt zu sonderbahren Nutzen darleget / sein mit Fleiß zusammengetragenes und wohl-eingerichtetes Koch-Buch / worin zu finden / wie man sowol Hoch-Fürstlich- als anderer vorneh- mer Höfe Tafeln / nach bester Manier des heutigen Etats / mit wohl- schmeckenden Speisen galant bestellen und versehen könne / 2c. bis in die 443. Species vermehret / nebst einem Anhang von ein und zwanzig Tafeln / und deutlichen Bericht / wie die angerichtete Speisen in gu- ter Form und Ordnung schicklich darauff in einander zu setzen / wie auch auff vieler Begehren / eine Verdeutschung der in diesem Buch vorkommenden Französischen und andern frembden Wörter / samt nöth- als nützlichen Register / zum andernmahl mitgetheilet von Sans Schuppen / der Hoch-Fürstl. Durchl. zu Hollstein Plöden isiger zeit bestelltem Mund-Koch. Lübeck und Leipzig bey Peter Böckmann. Plöden / gedruckt durch Tobias Schmidt / Fürstl. Hoff-Buchdrucker. 1702.

## HAMBURGI.

In Officinâ *Gorbhofredi Liebezeiti* sequentes libri, sumti- bus ejus excusi, venales prostant, nimirum:

*Bibliotheca Disputationum Theologico-Philologicarum* in V. & N. Testamentum &c. collecta à *M. Jac. Frid. Wildeshausen* 1702. (15. plag. in 4to.)

*Sebastiani Edzardi Prof. P. de Terminogratia ante mortem. con- sensu Theologorum destituto*, Schediasma, quo ferè 200. loca Theologorum illustrantur & vindicantur. 1702. (7. plag. in 4.)

Ein ausführlicher Tractat vom Philosophischen Werck des Steins der Weisen durch eine Jungfer E. H. genandt / anno 1574. geschrieben. Worinn nicht allein die wahre *Materia* desselben wohl- vernehmlich entdecket / sondern auch die Handlung seiner Bearbei- tung treulich angewiesen wird. Dabey angefüget ein Catalogus li- brorum Cabalisticorum. Hamburg 1702. (7. plag. in 8.)

Ibid.

Ibidem etiam, *Gothofredo Libernickel* impensas subministrante, alia prodire scripta, qvalia:

*D. Johannis Riemeri*, Superintendententis Hildesiensis *Explicatio Orationis Dominica*, sequenti modo inscripta: *Der Kinder Gottes Haupt-Schlüssel zum Himmel und Herzgen Gottes / darunter das höchstheilige Vater Unser / das Kern- und Grund-Gebet aller Noth / zu nützlicher Erbauung in allen Ständen treulich / Schriftmäßig und rechtgläubig erklärt hat D. Johannes Riemer / Superintendentens zu Hildesheim. Hamburg 1702. (3. Alphab. in 8.)*

*Porro libellus Menantiù*, cujus superiori Mense Februario meminimus, varias, jucundas pariter ac veras, amoris historias proponens; titulus ita legitur: *Die verliebte und galante Welt / in vielen annehmlichen und wahrhaftigen Liebes-Geschichten / welche sich in etlichen Jahren hier in Teutschland zu getragenen Curieusen Gemühtern zu beliebter Ergezung ans Licht gestellet. Hamburg / 1702. (13. plag. in 8.)*

*Item ejusdem Auctoris Liebenswürdigte Adalie / in einer annehmlichen und wahrhaftigen Liebes-Geschichte der galanten Welt zu vergönnter Gemühts-Ergezung heraus gegeben. (1. Alphab. 6. plag. in 8.)*

Præter hætenus recensita quoque sæpe antehac laudatus *Johannes Schulz* evulgavit *Continuationem Exercitii sui Catechetici*, in quo, sicut superiori anno 1701, mense Augusto p. 352. notavimus, discipulos suæ curæ commissos *ex Psalmis 5. 6. & 7.* tum in vocabulorum non punctatorum lectione, tum in sollicitâ eorum ad analogiam fidei interpretatione crudivit. (2. plag. in 4to.)

RACEBURGI.

*Johannes Wigandus à Laffert*, Consiliarius Luneburg. orbi erudito communicabit Scriptum quoddam, Luneburgi sub prelo Kelpisiano sudans, sequentis tituli: *Semi-Centuria Relationum Criminalium, sive, Peinliche Fälle / deren Verlauff /*

lauff/ Erörterung und Abhelfung in kurzverfaßten Berichten der Durchl. Herrschafft vormahln unterthänigst vorgestellet worden/ samte etlichen dahin gehörigen Responsis und Sententiis.

LVBECAE.

*Francisci Wörgeri Scholion  
ad ridiculam quandam observationem  
de cantu galli gallinacei.*

*Cornelius Mussus T. I. conc. de nativitate Domini edit. latinae q. 45. hæc verba ponit: Non est unquam auditus strepitus gallorum tantus, quantus in hac beata nocte: inusitato suo cantu orbem universum gaudio atque admiratione impleverunt.* Indignum istud prorsus deputassem quod notaretur, nisi similia in casibus tamen multò vilioribus memorassent Historici: *Georgius enim Strigenitiuus in Praefatione Gallicini auctor est, anno 1558. cum multi parochi propter turbas à Strigelio excitatas ex officii statione in exilium agerentur, infantulum vix hebdomadas quinque habentem tribus sibi succedentibus noctibus exerte prolocutum. Hei, Hei, Hei, quo fugimus? istamve exclamationem singulis vicibus semper gallum gallinaceum suo confirmasse cantu.* Zu Mustviel bey Egolffstein auff dem Gebirge anderthalb Meil von Grafenberg gelegen / im Jahr Christi 1558. hat ein Kind um Mitternacht nachfolgende Worte klärlich und deutlich geredt: *Ey / Ey / Ey / wo solln wir hin? wo solln wir hin? Und soll/wann diese Worte drey-mahl geredet / der Sahn allewege darauff zu Krähen angefangen haben.* Worauff viele Prediger welche als wackre Hanen ihren Hals getrost auffgethan wider die Erklärung Strigelii, domahln ihrer Dienste entsetzt und ins Elend sind vertrieben. Similiter *Wolffius sine Tomi secundi memorabilium refert, Joachimum II. Brandeburgicum contra Turcas Imperatori adduxisse exercitum auxiliarem 1100. Equitum, & Peditum 4000., ac cum iter fuisset ingressus, gallos vix ante biduum natos lata acclamatione totum diem cecinisse.* Hæc talia posse malos Spiritus veluti turbatores pacis patrare, largior historicis, sed quid ejusmodi

modi ludicra faciunt ad sacratissimam noctem, qua natus est Salvator noster? Duabus tantum rationibus hanc monachalem Mussi Bitontini Episcopi nœniam seu legendam confuto. Nam si quis vigilantiam opponat galli, qua nunquam Solis ortum incautè patitur obrepere, sed in assidua vigilia venientem diem cantu salutatur, longè illustriores vigilantes constituit Dominus, Pastores nempe omnes Bethlemiticos à cœlitibus ipsis ad lætitiâ istam annunciandam desuper instructos. Adversatur igitur humili nativitati Salvatoris fastus galli atque pompa per erectum collum ipsosque adeo pedes diffusa, deinde rostrum ad inferendos ictus lancinandumque hostem acuminatum, unde & veteres bellicam hanc avem; in belli signum adoptarunt (quod ex antiquitate illustrare hic non vacat) juxta Jambum Græcum.

Ἄλεκτρον μὲν τοι γε νικῶν τὴν μάχην  
Σφριγᾶ τε καθαρῶς καὶ τοβῆι καὶ τέρεταις  
*Victor anello voce gallinaceus  
Gestaque fastum prodit insolentia.*

Hoc igitur duplici nomine exploditur gallosum cantus in nocte nascentis Domini, neque enim aliàs fieri posse atque etiam esse factum imus inficias, dum & locuti sunt galli, sed uti nobiscum Vossius *de Idololatr.* sentit, fraude Demonum, notumque fuit ipsis gentilibus. Istud testatur Plinius *nat. Histor. lib. 10. cap. 49.* Lucianus itidem Tom. 2. p. m. 593. *ἀνθρωπίνως ἐλάλεσεν ὁ ἀλεκτρυών.* In magnâ quidem versatur commendatione peregrinarum à remoto cœlo avium pulchritudo, gemmata nimirum pavonum cauda, smaragdinus psittaci viror torque distinctus miniato, crocea Indici corvipenna coeruleo discrimine, nostrarumve punica columbarum colla auro & argento interlucente radiantia, attamen, si verum dicere volumus, nulla avis gallo gallinaceo decentior, sicut eam describit *in Rusticò* Angelus Politianus,

- - Cui vertice purpurat alto  
 Fastigatus apex, dulciq; errore cornuſcæ  
 Splendescunt cervice coma, perq; aurea colla  
 Perq; humeros it pulcher bonos: palea ampla decenter  
 Albicat ex rutilo.

Deinde ipsa pugnacitas galli adversatur pacifico adventui Salvatoris, sicut externus splendor ejusdem humilitati. Devicto enim hosti insultat, jacentem pedibus calcat, infestisque mucronibus lancinat, imò convellit insuper moribundum rostro, scindit pectus, collisoque ac lacerato capite cerebrum dispergit, neque minus ostentator gloriosus quam præliator crudelis profligato hoste triumphum cantu celebrat, rei que fortiter gestæ victoriam canit. Ut de salacitate atq; aliis vitiis nihil addam explodendæ Cornelii Musſi futili legendæ, fatis jam satis videor hanc excussisse ridiculam sententiam.

Haud ita pridem, Mense Januario sc. anni currentis 1702. mentionem fecimus libri cujusdam posthumi B. D. *Augusti Pfeifferi, Nuptialia* dicti; jam iterum alius Scripti ejusdem Auctoris, Berolini sumtibus *Job. Christoph. Wapen* impressi, meminisse juvat, cujus titulus ita sese habet: *Augusti Pfeiffers / S. S. Theologiæ D. und der Lübeckischen Kirchen höchstverdiennten Superintendentis Anti - Papiſmus è Catechismo ynnocius demonstratus, oder Gründlicher Bericht / wie die Papiſtiſchen Grund: Irthümer auch ein Einfältiger aus dem kleinen Catechismo Lutheri deutlich erkennen / Sie mit ihren Ausflüchten richtig widerlegen / und sich davor in Lehr und Leben gebührend hüten oder so er irgend etwas davon angenommen / solches nach desselben Anleirung ablegen kan. 1702. (17. plag. in 8.)*

Sequenti modo in hoc Scripto procedit, ut (1) dilucidè explicet quodvis Catechismi caput; (2) Ex hoc ipso errores Pontificiorum circa explicatam partem maximè notabiles refutet; & denique (3) disquirat, annon fortè inter Lutheranos reperiantur Pseud-Evangelici Papizantes.



# NOVA LITERARIA

## MARIS BALTHICI ET SEPTENTRIONIS,

*Edita Mense Aprili MDCCII.*

### ROSTOCHII.

**D**ie 26. Febr. Rector Academiæ *Joh. Barnstorffius* Civibus suis programmate publico *patientis JESU* imaginem representavit. (1. plag. in 4to)

Die II. Martii *Zacharias Grapius*, S. Theol. D. Phys. ac Metaph. P.P. & ad eadem Cathedralem V.D. Minister, Dissertationem Philologico-Metaphysicam, quæ specimen *Metaphysica Biblica* exhibet, examini publico submitit, Respondente *Johanne Henr. Zyllo*, Parchimo-Mecklenb. S.S. Theol. Stud. (plag. 2½ in 4to.)

Dissertationis hujus §. 1. Philosophiæ, & in specie Metaphysicæ, Olores, Dan. Hoffmannum sc., Wenceslaum Schillingium, Valentinum Cremcovium, Gvilielmum Amesium, Robertum Barclajum, William Caton, Christianum Hoburg, Pietistas, aliosque sub fictitiis nominibus latentes, eorumque Refutatores memorat, & §. 2. Metaphysicæ usum in Theologiâ præcipuè haud exiguum esse asserit, adhæc §. 3. tres abusus se insinuantes rejicit; Hinc §. 4. quis Metaphysicæ in Theologiâ & in interpretando S. Codice sit usus ostendit, insuper ad Danhauerum, Pfeifferum, Joh. Bened. Carpovium remittens; Postea §. 5. dicit, extrae quidem Logicam, Grammaticam & Rhetoricam, Physicam, Ethicam, Politicam Sacram; non autem Metaphysicam Biblicam ex professo tractatam, quam proinde exoptat, & quomodo illa Christiana s. Biblica dicatur, explicat; §. 6. Porro disquirat: *Quamnam Philosophiam Spiritus S. habeat? Virum Platonicam, an Aristotelicam, aut quamnam aliam?* Hæcque breviter deducit.

deducuntur & deciduntur; nec minùs §. 7. tres regulas circa Metaphysicam Biblicam conscribendam observandas tradit; §. 8. autem hætenus dicta exemplis quibusdam Biblicis illustrat, & quidem (a) vocabulò Entis, ejusque oppositò Non-Entis; §. 9. (β) ex Cognato Entis, quod *τὸ Ἔστι*; §. 10. (γ) Attributis Entis *unitis*, & quidem (1) Vnius; §. 11. (2) Veri; §. 12. (3) Boni; §. 13. (4) Attributis quibusdam *disjunctis*; §. 14. (5) Exemplo quodam ex parte speciali Metaphysicæ deprompto; tandem §. 15. Vfus Metaphysicæ Biblicæ mentionem facit, & denique §. 16. Epilogum subjungit.

Die 18. Martii *Rektor & Senatus Academia* Programma publicavit, quo Studiosi admonentur, ut, quoniam eodem die 18. Martii Serenissimus Princeps & Dominus, Dn. FRIDERICVS WILHELMVS, Dux Mecklenb. Regens, Acad. Cancellarius Magnificentissimus, præsentiam suam urbem Rostochiensẽ primam vice esset dignaturus, ipsi quoque omni elaborarent studio, ut præsentiam Principis reveriti, omnem petulantiam & impudentiam, omnesque nocturnos tumultus penitus detestentur.

Die 19. Martii D. *Joh. Barnstorff*, P.P. hodiè Acad. Rektor, Programma aliud (2. plag. in fol.) quo Patres, Cives & Fautores Reipubl. literariæ ad Actum Oratorium invitavit, seqv. die 21. Martii adornandum, quo Principi Serenissimo jam laudato, de primo eoque splendidissimo in urbem suam Rostochium ingressu, communi Univerſitatis nomine *Vernaculo Carmine* gratulaturus erat paulòpost nominandus.

Eodem die 19. Martii univèrsã Studiosorum cohors in honorem alè memorati Serenissimi Ducis, præcedente die 18. maximo Militum, Equitum & Ministrorum comitatu Rostochium ingressi, concentum musicum satis splendidum instituit: *Carmen gratulatorium* in pulvinari holoserico rubro fimbriis aureis circumdato oblatum, super album sericum aureis literis impressum, & argenteis columnis fimbriisque aureis circumsitum erat.

Die

Die 20. Martii de nocte per totam civitatem domus Academicæ & Professorum & Senatorum, Civiumqve plurimorum luminibus illustrabantur & emblematicis ornabantur, qualem sanè illuminationem Rostochium primis ab incunabulis suis vix vidit. Nam à tempore HENRICI pingvis, Ducis sui, ultra duo sæcula, terra Mecklenburgensis non vidit Principem, qui solus jure suo Ducatus Megapolenses obtinuit: undè & primum antiquæ potentix Mecklenburgensium Restauratorem novo lætitiæ & submissionis signo excipiendum esse Rostochium judicavit.

Die 21. Martii *Joh. Petrus Grunenberg* / S. Theol. D. Profess. P. Duc. Consiliar. Consist. & Distr. Mecklenb. Superintendens, communi Vniversitatis nomine Serenissimo Duci ERIDERICO WILHELMO, cum Dn. Fratre CHRISTIANO LVDOVICO omnibusqve Consiliariis & Ministris præcipuis, augustum præsentix splendorem Auditorio maximo largienti de primo hoc eoqve fortunatissimo in urbem Rostochium ingressu inter applausus Musicos *Germanicâ Oratione ligatâ* gratulatus est.

Die 22. Martii Præsentibus denuò *Serenissimis Principibus* jam memoratis in Auditorio majori, sub Præsidio *Joh. Joachimi Schöpfferi*, V. J. D. Profess. Publ. & Comit. Pal. Cæs. nec non Consist. Ducal. Assessoris, Dissertationem Juridicam, de *Venatione Superiori von der hohen Jagt-Gerechtigkeit* / habuit *Jens Christoph von Lehsten* / Eques Mecklenburg. Autor & Respondens. (pag. 5. in 4to.) Postquam in Præfamine probavit venationes DEO quidem non invisas, eas tamen Clericis non æqvè ac Principibus, & illis qui superioritate territoriali gaudent, licitas esse in Dissertationis *Cap. I* quod de *Venatione superiori in genere* agit, exhibet vocabuli *Venationis* Etymologiam, Homonymiam, Definitionem, Divisionem, vel in majorem & minorem, vel ex modo venandi, in illam, quæ fit canibus, & quæ bombardis, &c. vel ab objecto, in

venationem aprorum, cervorum, &c. *vel* ratione Concessionis, in perpetuam & precariam, denique in realem; & personalem; *Cap. II.* docet *Cui nam competat venatio superior*, nempè hodie tantum illis, qui territorii Domini sunt, & quibus hi venationem expressè vel tacitè concesserunt; *Cap. III.* agit *de effectu venationis majoris*, qui consistit in facultate venationis actum pro lubitu instituendi, nisi quis lege, vel conventionè prohibeatur, *item* jus subditos cogendi, ut servitia præstent venatoria &c. Tandem addit. quæstionem: *An Princeps venationem majorem capitali supplicio munire possit?* & sibi videri ait Auctor distinguendum esse: An Princeps huic delicto, qui cervum vel aliam bestiam in Principis sylvâ clam venatus, vel furatus fuerit, capitis pœnam expressè imposuerit; an verò extraordinairè talem furem puniendum esse mandaverit. Priori casu, si pœna capitalis publicè constituta sit, & clandestinus venator vel fur sciverit, vel facile scire potuerit hanc pœnam, juste capitis pœnam imponi posse.

Die 23. Martii *Andr. Daniel Habichhorst*, S. Theol. D. ejusdemque P.P. & Consil. Consist. Mecklenb. suæ Facultatis, & Collegii Ducalis Professorii totiusque Vniversitatis Senior, Eidem Serenissimo Principi, Dn. FRIDERICO WILHELMO, loco gratulationis inscriptum exhibuit *Tractatum Germanicum Anti-Papisticum*, jam ann. 1698. Mense Novembri in N. L. memoratum, sed hætenùs per alia negotia tam Auctoris, quàm Typographi impeditum, quò minùs plenè citiùsque exprimeretur. Tractatu hoc duodecim dilemmata Jesuitica, sub titulò: *Zweystößigen Mairbrechers Lutherischen Irrgeistes* / ante aliquot annos edita, nuperque ad seductionem Lutheranorum repetita, solidè refutantur, sub rubrica: *Dreystößiger Stürmer des verführischen Jesuwiedrigen sogenannten Zweystößigen Mairbrechers Lutherischen (fälschlich sogenannten) Irrgeistes / welchen allen Evangelisch-Lutherischen Christen / da leyder bey Hohen und Niedrigen der Jesuwiedriger Irrgeist sich zu*  
inli-

insinuiren trachtet / zur Warnung / sich für desselben / als von der alten Apostolischen Kirchen weit abgewichenen Lehre / fleißigst zu hüten / Amts / Eifers und Gewissens wegen übergiebet Andreas Daniel Sabichhorst. D. (plag. 10. in 4to.)

Die 24. Martii D. *Albertus Joachimus de Krakevitz*, Catech. Christ. ut, & Hebr. Lingv. P. D. P. Disputationem Philologico - Sacram *Sepulchra Patriarcharum* exhibentem, præsentè Sereniss. Ducis Regentis Fratre Dn. CHRISTIANO LVDOVICO, Eruditorum examini submisit, Respondentis munere functus est *Joh. Ludolphus Tidemann*, Bremensis. (2. plag in 4to.) Omnem hanc tractationem in duas dispescit Sectiones: In *priori* variorum recenset sententias; in *posteriori* autem exponit mentem suam tribus positionibus Apologeticis pro Stephano, N. T. Proto-Martyre, ejusque concisa de sepulchris Patriarcharum narratione, quæ habetur Act. VIII, 15. 16. contra R. *Isaacum*. Positiones illæ sunt hæc: (1) *Stephanus dicendo: Jacobum translatum esse in Sichem: nequaquam erravit.* (2) *Non est a veritate alienum, quod Patres, i. e. capita tribuum sepulti sint in Sichem.* (3) *Quoad emtionem agrorum ab Abrahamo & Jacobo diversis temporibus factam, nulla est Mosè inter & Stephanum pugna.*

Die 28. Martii *Natalem Serenissimi Principis cum Dn. Fratre suo* aliquoties nobis laudato in Auditorio majori præsentis, Oratione Germanicâ solutâ inter concentus Mûsicos celebravit *Henr. Christ. Tiedtke* / J. V. D. & Oratoriz Prævio Programme Germanico à se conscripto 1. plag. in fol. constante.

Eodem die 28. finito Actu Oratorio jam dicto, in præfentiâ *Serenissimorum*, Dissertationem Juridicam de *Apertura Regali*, sub Præfidio paulo antè memorati *D. Joh. Joach. Schöpfferi*, in honorem Ejusdem Natalis proposuit Autor *Conradus Detl. de Plesse*, Eqves Mecklenb. (plag. 4½ in 4to.) Ita tractationem instituit ut in *Cap 1. de Apertura Regali in genere* agat,

tradendo Nominis *Apertura* Etymologiam, Homonymiam; Synonymiam, & Definitionem realem. Porro, quid vox *Regale* denotet, exponit remissivè, deindè jus *Aperturæ* ad Regalia majora refert, & tandem originem *Aperturæ Juri Gentium* adscribit. *Cap. II.* monstrat, quod hoc Jus *Apertura* competat soli superiori, & cui hic jus illud specialiter concesserit. Adhæc quæstio satis ardua ventilatur: *An Imperatori jus Apertura in castris Statuum Imperii competat?* & certis conditionibus præsuppositis affirmatur. Idem jus quidem Pontifici in Ecclesiis Romano-Catholic. non Protestantium; etiam Episcopis, imo & Capitulo; Principi item in castris apanagiatis, nec non in illis dotalitii jure in Viduam translatis; non verò Augustæ, vel Ministro Principis, nisi huic certa quadam ratione, competere docetur. *Cap. III. Effectus juris Apertura* recenset, quales: (1) *Subditi Domino territorii, apparatu festivo, obviam procedere tenentur.* (2) *Princeps solenniter introducendus est.* (3) *Post felicem ingressum submissâ gratulatione excipiendus.* (4) *Subditi varia lætitiæ signa, de felici adventu Principis sui, edere debent.* (5) *Offerre debent claves civitatis, vel castelli.* (6) *Principi advenienti, totiq; ejus Comitatus, de commodo hospitio præficiendum* (7) *Jus Albergariæ, i. e. jus exigendi alimenta.* (8) *Magistratus civitatis, vel castelli Principi territorii & Munitiones & Tormenta, & Apparatum Bellicum, Militemq; prædiarium ostendere, ac lustrandum exhibere tenetur.* (9) *Civitas, & Castellum Domino territorii permittere tenetur, ut suo sævneatur milite.* (10) *Civitas vel Incola obligati sunt Principi abituro Albergarias præstare.*

Eodem Die Natali M. Job. Ehrenfried. Pfeiffer, Augusti filius, Carmen vernaculum, quod in Auditorio majori recitaturus fuisset, nisi geminus præcedens actus id impedivisset, Serenissimo Ipsi, in palatio Ejus ante hos Actus exhibuit. (plag. 3. in fol.)

## GVSTROVII.

Die 28. Martii Natalem Serenissimi Principis FRIDERICI

CI WILHELMI & hic celebraturi septem Alumni Gymnasii, Orationibus inter concertus Musicos Serenissimo gratulati sunt, prævio Programmate 1. plag. in fol. *Joach. Ottonis*, Gymnasii Rectoris.

GRYPHISWALDIÆ

Mense Febr. prodiit *Catalogus Operarum Academicarum*, in quibus ad Festum Trinitat. usque anni præsentis 1702. omnes & singuli Vniversitatis Professores occupati erunt; ex illo etiam simul moderna Academiæ hujus facies elucescit, in qua hoc tempore docent:

*In Facultate Theologica.*

*Jo. Frid. Mayer*, D. Profess. Primar. Acad. Pro-Cancell. & h. t. Rector.

*Jacobus Henning*, D. Prof. P. & Pastor Jacobæus.

*Nicolaus Daffovius*, D. Prof. Ord. atque ad D. Mariæ Pastor.

*Brandanus Henricus Gebhardi*, D. Theol. Prof. Ord.

*M. Joh. Stephani*, S. S. Theol. Prof. Extra Ord. Archi-Diac. ad D. Nicolai.

*M. Theodorus Pyl* / ad D. Nicol. Verbi Minist. & S. S. Theol. Prof. Extra-Ord.

*M. Michael Lobes* / S. S. Theol. Prof. Extra Ord. Eccles. Mar.

*In Facultate Juridica.*

*Petrus Mascou*, V. J. D. & P. P. necnon Consist. Regii Director.

*Conrad Friedlieb von Friedensberg* / J. C. t. S. R. Majest. Sveciæ Justitiæ. Consil.

*Alexander Caroc*, J. C. t. & Consiliarius Regii Dicasterii, Pandect. Profess.

*Nicolaus Michaëlis*, J. V. D. Consul, & Professor Honorarius.

*Jacobus Baltzer*, V. J. D. Prof. Honor. & Reipubl. Syndicus.

*Johannes Schack* / J. V. D. Jur. Publ. & Feudalis Prof. Ordin. Consistoriiqve Regii Assessor.

*H. C. Gerdesen*, J. V. Lic. Instit. Prof. Publ.

*In Facultate Medica.*

*D. Mattheus Clemasus,*  
*Caspar Warch / Med. Doct. & Prof. Ord.*

*In Facultate Philosophica.*

*M. Christianus Saalbach / Poetic. ac Orator. Prof. Ord.*  
*D. Brandan. Henr. Gebhardi, Lingv. Orient. Profess. Ordin.*  
*suprà laudatus.*

*Jo. Philippus Paltbenius, Jur. Nat. & Gent. ut & Histor. Prof.*  
*Ordinar.*

*M. Theodorus Hornius, Log. ac Metaphys. P. P.*

*M. Nicolaus Köppen, Prof. Extra-Ord.*

*M. Matthias Lobetantz., Philosoph. Historiæqve Literariæ*  
*Prof. Extra-Ordin.*

*M. Jeremias Papke, Mathematicum Prof. P. Extra-Ordinar.*

*M. Michaël. Richey, Philos. Prof. Extra-Ord.*

Eodem Mense lucem vidit *Dissertatio Carolina, Scriptores Pontificios, qui Catalogos Commentatorum in S. Scripturam vulgaverunt, exhibens, & hanc sub Præsidio D. Jo. Frid. Mayeri, Profess. Prim. Facult. Theol. Decani, Acad. Pro-Cancell. & h. t. Rectoris defendit Ludovicus Jacobus Dithmarus, Regiom. Borussus. (2 plag. in 4to.) Refert autem illa sequentes Scriptores (I) *Sixtum Senensem cum Notgero.* (2) *Antonium Possevinum.* (3) *Angelum Roccham.* (4) *Fabianum Justinianum* (5) *Andream Schottum.* (6) *Antonium Sanderum.* (7) *Jacobum Pamelium.* (8) *Bibliothecam Jesuiticam Alegambii.* (9) *Hispanam Nicolai Antonii.* (10) *Catalogos Thuana aliarumq, Bibliothecarum.* (II) *Ludovicum Jacobum à S. Carolo, & (12) Richardum Simonem.**

Die 15. Febr. Disputationem *Carolinam*, quæ Argumenta quædam Juris Publici de *Capitulatione Imp. Rom. Germ. ex suffragiis omnium Imperii Ordinum concipienda; & de ejus perpetuâ formâ*, sistit, Præside *Johanne Schadt / J.V.D. Prof. P. Ord. & Reg. Consist. Assess.* defendit *Petrus Haselberg / Bard. Pomezanus. (plag. 2. in 4to.)*

Die

Die 19. Febr. D. 70. *Frid. Mayer*, Lipsiens. Prof. Primar. Acad. Pro-Cancellarius, & h. t. Rector, ad Orationem inauguralem à *D. Nicolao Michaëlis*, Professore & Consule Gryphico, de *Officiorum cumulatione*, habendam O. O. O. Auditores invitavit. (2. plag. in 4to.) In hoc Programmate primum agit de *Henrico Rubenoviö*, Academix Primo Rectore & Procancellario, Professore & Consule Gryphico. Deinde disquiri, *utrum Professorium ac Consulare munus in una personâ coniungi possint?* & hoc dum affirmat, non solum objectiones quasdam removet; sed etiam binis illustrioribus exemplis assertum suum confirmat; alterum præbet *B. Sigismundus Finckelthubius*; alterum *Jacobus Bornius*, hodiernum superstes, ambo in inclutâ Lipsiâ Professoriâ & Consulari dignitate conspicui. Tandem Professoris Novitii *vitam* describit, quam ille accepit Stralsundæ ann. 1645, d. 19. Septembr. à Patre *Nicolao Michaëlis*, Tundera-Holsato, qui mirâ longævitate annum nonagesimum attigit. Quum in Scholâ Patriâ & Lyceô Stadenli studiorum fundamenta probè jecisset, Academix Francofurtanæ nomen dedit, ibique Præside *Samuele Strykio* tres Dissertationes Juridicas defendit, alteram de *Datione in solutum* ex Nov. 4. c. 3. & reliqvas super *Institutis*, argumento ex *Brunnemanniis ad Instituta Exercitationibus* deprompto. Quadriennio hinc absoluto ann. 1668. Gießam Hasforum adiit, & duabus Exercitationibus feudalibus in publicum emisit, sequenti anno 1669. Argentoratum, ubi etiam in Cathedrâ Academicâ visus est, sub Præsidio *Rebhanni de relaxatione à juramento præstito* disputans. Domum hinc quidem reversus, sed post Parentis obitum Gryphiswaldiam concessit, atqve ann. 1671. *Gradum*, quem vocant, *Licentia*, habitâ Dissertatione inaugurali de *Deterioratione*, suscepit, & Professioni Juris Extra-Ordinariæ admotus fuit. Postea per aliquot annos tam Gustrovii, quam Stralsundæ degit, donec *Gryphiswaldiam* repeteret, ibidemqve ann. 1679. Senator,

nator, & ann. 1686. Consul eligeretur, cui dignitati nuper admodum Professio Honoraria accessit.

*Edidit*

Tractatum de *Deterioratione*, 1695.

Dissertationem supra laudatam, de *relaxatione à juramento praestito*, cum additamento, de *pseudomeno ac fallaci juramento-rum interpretatione per reservationem mentalem*,

*Ipsò procurante extant*

*Commentaria Matthia Stephani ad Novellas*, tertiâ parte auctiora, unâ cum notis *Brunnemanni* antea ineditis.

Publico adhuc parat

*Matthia Stephani Dialecticam juridicam* multa sui parte ex B. *Autoris* autographo locupletio-rem, locisque Topicis non paucis auctio-rem.

Die 20. Febr. modo dictus D. *Nicolaus Michaëlis*, Professionem Honorariam Oratione Initiali de *Cumulatione Officiorum*, s. *Officii duplicitate*, aggressus est, eamque præmisit lectionibus suis ordinariis eodem die à meridie publicè habendis. Implet 2½ plag. in 4to. In hac nominis officii Etymologiâ & significatione investigatâ, sequentem quæstionem præcipuè tractat: *Annon aut Academiæ, aut Civitatis status detrimentum patiatur, si ex Collegio Senatorio in Professorum numerum unus vel alter cooptetur, & utriq; Corpori illasis utriusq; juribus inservire licitè queat? & Negativâ rejectâ affirmativam adstruit sententiam.*

Die 23. Febr. D. *Jo. Frid. Mayer*, Profess. Primar. h. t. Rector, & Consistorii Regii Præses, juxta tenorem §. 15. Ordinationis illius in emolumentum Academiæ Gryphicæ evulgatæ & superiori mense Martio p. 63. seqq. insertæ, Consistorium in gratiam Studiosorum ex illorum ordine constituit, & convocavit, ex quo exposcit sententias, quid de hoc statuendum sit casu? *Titius*. Pastor in *Altenhoff*/cum ex errore panem tantum in administratione Cœnæ, non autem Vinum consecrasset, tamen distribuit, quæritur: (1) *Num vera fuerit*

*fuert Cæna? (2) Quid cum Communicantibus illis agendum, num admissi erroris sint monendi & de novo ad veram S. Cæna sumtionem invitandi? (3) Quali poenâ Pastor puniendus? Omnia hæc retulit Christianus Ernestus Krull, Assessoribus M. Matthiæ Lobetantz, Profess. Extra-Ordin. M. Gregorio Langemak, & Joach. Christian. Balzer, suffragia horum excipiente & Responsum formante M. Jeremiâ Papke, Prof. Extra-Ord.*

Die 1. Martii Præses Christianus Saalbach / Poëtic. ac Orator. Profess. Ord. FCtis Philosophicæ Senior, & Acad. Bibliothecarius, & Respondens Johannes Christianus Bartels / Palæo-Sedinensis, Philos. & Theol. Studiosus, publicè proposuit de Numero Oratorio, Schediasma Rhetoricum. (plag. 3. in 4to.)

Die 8. Martii D. Jo. Frid. Mayer, Profess. Primar. Superint. General. Consistorii Regii Præses, Academiæ h. t. Rector, & FCtis Theolog. Decanus, supra dictâ ratione Consistorium constituit, illudque Studiose Juventuti ejusdem Academiæ intimavit,

Die 9. Martii Gryps cecinit exequias, h. è. ad maximi olimi & proh ultimi è Gryphicâ gente Pomeraniæ Ducis, BOGISLAI XIV. Parentalia, proximo die 10. Martii ab Eloquentiæ Professore, M. Christiano Saalbach / oratione exequiali celebranda, gratiæ insignis memor Academia Gryphica, Fautores atque Cives suos publico Programmate invitavit per Jo. Fridericum Mayerum, D. h. t. Rectorem (1 plag. in 4to.) Quo ipso Gloriosiss. memor. Ducem d. 10. Martii anno 1637. viventium numero ereptum, & d. 25. Maji 1654. tumulo illatum esse tradit, simulque è B. Micralii Programmate, in funere BOGISLAI XIV. posito, causam, quare signo Gryphis usi fuerint Pomeraniæ Duces, sequentibus exprimit verbis: *Gryphicam familiam vocamus, quia in vexillis & aliis imperii Pomeranici ornamentis emblemate Gryphorum usa est: Emblemate, inquam, quia non putandum est, dari in rerum naturâ tales Gryphos, quorum*

*pars prior figuret Aquilam, postrema transeat in Leonem. Non ita, sed qui Gryphos in insignibus suis pingi curabant, eo ipso tanquam typo generositatis & fortitudinis voluere innuere, quum aquila inter aves, & leo inter quadrupedia quasi reges sint, sibi ad res fortiter gerendas opus esse aquilinâ celeritate & robore leonino. Porrò memorat quædam de rei literariæ, & imprimis Academiæ Gryphicæ, amore, qui in BOGISLAO erat, è dotationis instrumento verba affectu teneriore plenissima eum in finem afferens, & proinde hortatur efficiat, quantum in se sit, ne BOGISLAI unquam nomen intermoriatur. Tandem his claudit verbis: Vale amice Lector, Pomeraniæ Civis, & eam vitam rationem tibi ineundam puta, ut singulis non diebus solum, sed horarum momentis memoriam id tuam subeat: Gryps canet exequias!*

Die 15. Martii D. Nicolaus Michaëlis, quem paulò ante laudavimus, *Breviculum judiciale*, quod instar instructorii pro rite formando iudicio ad casum practicum legitimè proponendum, ventilandum & dijudicandum, proposuit, & Studiosos, practicæ scientiæ cupidos, ad hoc præexercitamentum programme invitatorio exoravit.

Vt igitur B. L. eò exactius constet de modo, quo laudabiles hosce labores praticos etiam Juris Professores instituunt, haud abs re fore iudicavimus, si hanc unicam exhiberemus Sciagraphiam judicalem:

Dn. Judex Ordinarius wird von *Cajo* imploriret / daß / daß er wieder den *Sempronium* Klage zu führen genothbringeret wurde / derselbe ihn damit hören und einen terminum zum gerichtlichen Verhör ansehen möge.

Dn. Judex seket einen Tag an auff den 15. Martii läffet ad locum iudicii seine Assessores cum Actuario convociren / und beyde Theile coram zu erscheinen citiren: In termino wird dieses Gerichte gesehet / partes erscheinen / und werden ab Actuario ad audientiam eingefodert. Actuarius muß ad Protocollum bringen / was passiret,

Dn.

Dn. Judex eröffnet die audience, und stellet Reo die geführte Klage für / und wil die gütliche Vereinigung versuchen / als selbige nicht angenommen werden wil / lästet er dem Reo seine Vertheidigung frey / und injungiret dem Actori, seine Klage ad protocolum zu bringen.

Actor P.P. proponiret folgenden casum, und muß Actuarius selbst ad protocollum verzeichnen.

Es habe sein Vormund in seiner Minderjährigkeit seines Vatern Haus / sonder des Magistrats consens an Beklagten verkauffet / wie er nun zu seinen voigtbaren Jahren gekommen / und er diesen seines Vormundes getroffenen Handel ihm schädlich zu seyn befunden / wolte er en respect seines Vormundes nicht sagen / daß der Kauff ob defectum consensus Magistratus an sich null wäre / sondern nur dagegen ex *L. 5. si tutor. C. vel curator interv.*, ad restitutionem seines väterlichen Erbes geklaget und gebeten haben / solchen Contract für nichtig zu erklären / auch Beklagten anzuhalten / daß er ihm sein väterliches Erbe gegen Empfang des ausgezahlten wieder raumen solle / cum imploratione officii judicis pro administratione juris & justitiæ.

Reus excipit, er bedinge gegen zudringenden Kläger competentia, er hätte mit ihm nicht zu thun / sondern er ließ seinen Verkaufser / den Vormund dafür antworten / weihn ein pupill dasjenige zugenehmen schuldig wäre / was der Vormund pro sua ipsi competente autoritate als nöhtig und nützlich gehandelt. Bedinge im übrigen quævis competentia, wolte sich hiedurch nicht eingelassen / noch litem quovis modo contestiret haben.

Actor repliciret ; Er acceptirte daß Reus den Verkauf seines Erbes von dem Vormunde geschehen nicht läugnen / weniger daß ihm ex allegata *L. 5. C. si tutor vel curator interv.* zustehende beneficium streiten mögen / imploriret demnach officium judicis, krafft selbigen ihn zu restituiren / sintemahl der Vormund nicht bemächtiget nach gefallen seines pupillen immobilia zu vereuffern / submittiret / nisi quid novi, und bedinget de expensis tam temere causatis.

Reus dupliciret / daß Actor nicht bemächtiget legitimum factum tutoris zu revociren / sondern müste solches allerdinges gut heißen / wolte derowegen hierüber sich durchaus nicht einlassen / hielte es nur für eine bloße Zündhtigung / erhöhet seine exception, und bittet Kläger in expensas zu condemniren und submittiret cum debita imploratione.

Hierauff werden partes vom judice angewiesen einen Abtritt zu nehmen.

Nach dem Abtritt erhöhet Dn. Judex den proponirten casum cum voto. Der erste Assessor giebt sein votum, und adstipuliret dem Judici. Der andere Assessor ist contrairer Meinunge/ Judex concludiret und restituiret Klägern *practica dict. L. s. C. si tutor vel curator interv compensatis expensis.*

Darauff werden Partes eingefodert / und sententia concepta publiciret.

Die 22. Martii D. 70. *Frid. Mayer*, sapissimè memoratus, iterum Studiosæ inventuti publicè Consistorium indixit.

Eodem die habita fuit Disputatio *Carolina*, quâ Problema *de funere à filio vivo & viventi Parenti facto* juridicè exposuit, & publicè ventilandum exhibuit Præses *Nicolaus Michaëlis*, J. V. D. Profess. Honorar. & Consul, Respondente *Theodoro Wyl* Gryphiswaldensi. (2. plag. in 4to.)

In Præfatione docet Auctor, licet quorundam Barbarorum modus vivos sepeliendi justè à Christianis damnetur, tamen funus viventi & videnti parenti etiam hodiernum ductum approbari, & hoc, quo modo accidat, ulterius prosequitur, dum ostendit § 1. terræ motibus homines sæpè vivos tegi & sepeliri, § 2. mortuos sepelire esse quidem rem religionis, quod comprobat è *Papiniano*, *Finkelthufio* & *H. Grotio*; facinorosis & punitis autem sepulturam non contingere; § 3. diversa mortis genera recenset; hinc § 4. sistit descriptionem Problematis *de funere vivo ac videnti parenti facto* juxta *Cothmannum*, qui illud ita depingit: *Patri viventi funus facere videri filium*

*filium*, si ad paciscendum super hereditate suâ adigat; & § 5. exponit, quomodo funus & funeratio ab exequiis & justis differant. Postea § 6. quærit: an provocatio parentum, ad paciscendum vel dividendum, à liberis facta, sit legitima? Et quo jure fieri possit, quo item modo, ut Et quo successu Et effectu? in hac materiâ considerat (α) § 7. jura, juxta quæ hæc funeratio, vel funeris ductio, instituenda, (β) § 8. provocantes, & provocatos, qui sunt Parentes binubi, & liberi prioris matrimonii, (γ) § 9. modum, vel formam provocandi, ubi differentia inter pacta & ipsam divisionem proponitur, (δ) § 10. & 11. effectum hujus funerationis tam quâ præsens, quàm futurum, (ε) § 12. contraria, quæ hanc funerationem cessare faciunt.

Die 29. Martii, Dissertationem *Carolinam Philologicam de Beelzebub* sub Præsidio *Brandani Henrici Gebhardi, S. S. Theol. D. ejusdemque & L. L. Orientalium Prof. Publ. Philos. Facult. h. t. Decani*, Eruditorum examini exhibuit *Ludovicus Jacob. Dietmarus*, Regiomonte-Borussus.

SEDINI

Die 2. Martii celebrabantur exequiæ *M. Johannis Joachimi Mülleri*, in æde Cathedrali & arcis verbi Divini Ministri, cui natale solum contigit *Wüllerslebia* in Comitatu Schwarzenburgico, & Patrem ibi habuit *Johannem Müllerum* Scholæ Cantorem. Quum ex disciplinâ domesticâ dimitteretur, primùm in Scholâ *Rudolstadtensi*, porrò in Gymnasiò *Gotthano*, tandem in Academiâ *Lipsiensi* literis incubuit. Paulopost hunc ipsum, anno 1687. cum quorundam generosorum Virorum filiis, quibus vitæ studiorumque comes additus erat, in *Belgium* venientem Ecclesia ibi Lutherana, quæ *Winschuri* colligebatur, suum Ecclesiasten vocavit, & publicis literis instructum ad sumtus templi ædificandi necessarios ab exteris colligendos emisit. Hoc dum ageret, *Hafniam* quoque pervenit, ibidemque, præmissâ Disputatione Theologicâ sub Præsidio *D. Lassenii*, laureâ Philologicâ exornari meruit.

Con-

Confecto per tres annos itinere ad *Ratavos* quidem rediit; ast per breve tempus in novâ illâ inauguratâ æde docuit, siquidem ann. 1700. *Sedinum* evocabatur, ut in templo Cathedrali & Aulico Diaconi munus obiret, quod tamen spe citius insequenti anno 1701. d. 2. Novembris vivis ereptus, deposuit, cum vixisset 45. circiter annos & 11. menses.

## REGIOMONTI

Die 1. Martii, *M. Hieronymus Voglerus*, Reg. Pruss. anno 1699. d. 17. Sept. Jenæ in Magistrum promotus, pro Receptione in Facultatem Philosophicam ad disputandum proposuit *Theses Philologicas V.* Respondente *Johanne Sigismundo Babasio*, Regiom. Pruss.

Die 15. Martii, *M. Johannes Ludolphus Loxk*, Reg. Pruss. anno 1701. d. 13. Sept. Jenæ in Magistrum promotus, pro Receptione in Facultatem disputavit *de vita ad summum bonum obtinendum necessaria*, Respond. *Paulo Rowaki*, Regiom. Pruss.

## VPSALIAE

Die. 15. Febr. *Zacharias Esbergius*, antehac S. R. M. à sacris concionibus, jam verò Pastor Ridderholmensis, Resp. *Andreas Lebetin*, Neric. S. Theol. Studiofo, bonorum examini submitit Disputationem Theologicam de *processione Spiritus Sancti*, quæ Holmiæ literis B. Nicolai Wankifwi, J. H. Werner. Fil. impressa est. (plag. 15 $\frac{1}{2}$  in 4.)

Tria Disputationis hujus membra facit Autor, quorum *Imum* sistit ordinem & tempus vetusti Schismatis inter Occidentalem & Orientalem Ecclesias; *Udum* tentatam Schismatis sarturam exponit, & *Illium* necessitatem hujus Doctrinæ de processione Spiritus Sancti, ipsamque Doctrinam explanat.

## HOLMIAE

## De Nummis MARGARETAE

Svecor. Danor. & Norvegorum quondam Reginae;

Disquisitione *Nicolai Kederi*,

Regii Antiq. Collegii Assessoris.

Subit sanè mirari, quod, post tam sollicitam Antiqua-  
riorum

riorum nostrorum inquisitionem, inter monetas Svecanas, Danicas & Norvegicas nulla usquam compareat, quæ certò ac indubitatè Margaretae trium borealium Regnor. Principi queat assignari. Johannes Mullenius, qui Danicos & nonnullos Norvegicos recensuit Nummos, nullam planè Reginae hujus commemorat monetam. Et frustra eam in Museo Regio Hafniensi, quod Oligerus Jacobæus descripsit, quæviseris. Nota est obscœna illa ac putidissima de Regina nostra vulgi Fabula, narrata etiam præ cæteris ab Erico Vpsaliensi, Scriptore alias gravi & fide dignissimo, in Historiâ Svecor. Gothorumque, his verbis: *In perpetuum ludibrium & opprobrium regni monetam quandam instituit turpitudinis sexûs sui insignia præferentem.* Fabulæ occasionem aperiet nobis infra Arnoldus Hvitefeldius. Apud nos autem illi toto, ut ajunt, cœlo errant, qui commento isto seducti eidem Reginae exoticum quoddam monetæ tribuunt genus ex argento, inusitatâ planè Europæis Nummis formâ muliebria fermè exprimens, cum impressis tudiculâ characteribus quibusdam peregrinis, quando id ad Regnum Siam pertinere fidem faciunt Johannes Baptista Tavernerius *dans ses Voyages*, seu *in iis quibus itinera sua enarrat Commentariis*, nec non De la-Loubere in Opere *du Royaume de Siam*, i. e. *de Regno Siam*. Ex hoc quoque genere procul dubio fuit Nummus, quem ad Margaretam itidem traxit Christianus Franciscus Paullini in *seiner Zeit-kürzenden erbaulichen Lust* / h. e. *in fructiferâ juxta ac jucundâ vacui animi occupatione*: Im Frierischen Gebiete sind schwarze Steine gefunden worden / so eine Weiber-Schaam vorbildeten / eben wie die Münze der Königin Margret zu Demnemarc / Norwegen und Schweden / so D. Sachs zu Strassburg im Jahr 1649. bey D. Lucken gesehen hat. Denn wie sie die Könige in Norwegen und Schweden überunden hatte / ließ sie dem Männlichen Geschlecht zur Schmach eine silberne etwas runde Münze prägen / so einer völligen Weiber-Schaam / in allem ähnlich war. i. e. *In diœcesi Treverensi lapilli colore nigro reperti sunt, formâ referentes membrum muliebre, prorsus ut nummus Margaretae, Danorum, Norvegorum ac Svecorum Reginae, quem*

*D. Sachs Argentorati anno 1649. penes D. Luckium vidit. Namq; postquam illa Reges Norvegia ac Suecia devicerat, in opprobrium virilis sexûs monetam argenteam, aliquantulum rotundam, omninò naturæ femineæ similem cudi fecit. Nam quod utiqve hic Musei Luckiani Nummus ipsâ formâ pudenda ferè retulerit mulieris, simplicem ac genuinû verborum ipsorum sensum attendenti in propatulo est. Diversum tradidit Vir quidam Celeberrimus existimans, quod non formâ, sed impressâ notâ Nummus hic membrû istud non sine verecundiâ dicendum repræsentârit. Et perperam mihi facere videntur rei nummariaë nostræ studiosi, qui in iis, quas instituunt, Nummorum Svecicorum seriebus nummulos quosdam argenteos tenues non duplici, ut aliis accidere solet Nummis, sed simplici duntaxat percussos typo, ita ut nota hinc promineat extuberans, illinc verò recedat concava (cujus generis Nummî vulgò nunc *bracteati* vocantur) capiteqve humano, imberbî, coronâqve cincto signatos dictæ tribuunt Reginaë, cum ruditas operis ilis temporibus haud conveniens eos longè faciat vetustiores. Adde quod caput istud pro masculino potiùs quàm pro fœmineo sit habendum, quando & aliî nummuli par omninò cum his habentes metallum paremque fabricam ac magnitudinem, cum capite etiam coronato, sed barbâ insuper furcatâ apud curiosos, quamvis rariùs, occurrunt. At quis non miretur, Martinum Aschaneum eo prolapsûm esse inconsiderantiæ, ut in *Collectaneo*, ceu vocat, *monetalî* MS. vel talem cum capite barbato ad Reginaë nostram traheret nummulum, huicqve apponeret: *Drottning Margreta med tiustvat Stegg* i. e. *Regina Margareta barbâ bisidâ?* Joannes Schefferus in libro de antiquis verisque Sveciæ insignibus quendam Margaretaë produxit Nummum majorem, argenteum, non verò percussione, sicut aliî Nummi, sed arte formatum fusoriâ, qui unâ parte præfert primam nominis Margaretaë literam, cui valor quatuor Orarum literis IV.O. additus, tresque coronæ subjectæ; alterâ habet Epocham sic: ANNO. MCCCXCVI. & tres Cruces. Verùm quoniam isthoc Numisma*

Numisma ipsi Scheffero falsitatis nomine meritò fuit suspectum ; *sunt enim in eo*, ceu Vir excellentissimus summaque mihi observantiâ perpetim colendus Ottho Sperlingius in Epistolâ de Nummis bracteatis & cavis ad Virum perquam Reverendum & Clarissimum Jacobum à Mellen rectissimè iudicat, *multa impostura recentis indicia*, ego illud cum reliquis (quæ hic ex eadem haud dubiè prodierunt officinâ) majoribus istis fufis, partim Latinè literatis, partim *Runicis*, veterum quorundam Regum nostrorum nomina insolentiùs ostentantibus, & antiquitatis speciem quandam simulantibus jure optimo in Crucibulum damno. Huic tamen Nummo Schefferus tandem ista subnexuit : *Si quis tamen talis à Margaretâ publicatus unquam, factum id videtur certo sine, ac ad conservandam certe alicujus rei memoriam. Fortè, quod eo anno, qui notatus est in nummo, Sororis sue filium, Ericum vulgò dictum Pomeranum, curâisset eligi à Sueciâ etiam in suum successorem. Quia tamen sic convenientius fuerat, non Margareta, sed Erici nomen nummo imponi, istuc potius inclinem, ut existimem formatum in Sueciâ ad servandam ejus obitus memoriam. Mortua namq; est Margareta anno MCDXII. qui annus nummo inscriptus est. Vbi cum accuratæ cæteroque & cogitatæ scriptiois Vir modò annum, qui solam & veram ficti hujus & commentitii Nummi facit Epocham, videlicet M CCCXCVI. eo enim Ericus iste Rex Sueciæ electus est, modò annum M CDXII. quo obiit Regina, in nummo extare, proindeque nunc talem nunc alium Nummi cusi finem fuisse, scriberet, aliud agebat, neque Schefferus erat. Duos nummulos ex argento bracteatos, alterum literâ M coronatâ, alterum figurâ quadam proximè quoque accedente ad M veteri more formatum, & stellâ inter ejus crura insignitos, Margareta à laudato Sperlingio in dictâ epistolâ attributos uti Regina non demere, ita nec certos ac firmos reddere queo. Nam præterquam quod unicâ literâ initiali aliis destitutâ indicis concurrentibus vix certi quid hac in re asseri possit, complures consimiles alii quoque nummuli, argentei nimirum & bracteati & istâ magnitudine & comme-*

moratam modò literam variè ac multimodè formatam, nunc cum superpositâ coronâ, nunc illâ carentem, nunc intermediâ ornatam stellâ exhibentes, partim Magno *Ladulao*, partim Magno *Smek* Svecorum Regibus à Viro Celeberrimo & de re nummaria patriæ nostræ indies præclarè merente Eliâ Brennero in Thesauro Nummorum Sveo-Gothicorum vetusto sunt addicti. Et illum, quem in Specimine antiquæ rei monetariæ Danorum Thomas Broderus Bircherod, Professor Gymnasii Othoniensis percelebris, è suis Reginae adscripsit, in medio quoque relinqvo Nummum, putante quippe Mullenio (ut mox patebit) Maris esse vultum, qui muliebris Bircherodius est Nummum ita describenti: *Est & moneta ex meliori metallo & sermè argenteo, quæ faciem muliebrem coronatam exhibet singulari quadam figurâ cinctam. Mullenius inter incognitos nummos hunc ponit, quia deiritus forsitan fuit, quem ille habuit, undè & Regis faciem hinc conspici putat. Ser. 1. N. 23.* Vbi ramen, ne quid dissimulem, subsistendum paulisper, notandumque, quod dicto loco, in eo quo ego usus sum opusculi Mulentiani exemplari, sine ulla Regis mentione, nudè Caput coronatum extet. Addit porrò Bircherodius: *Meus autem nummus clarè satis mulierem seu Reginam ostendit, &c. Aversum nummi latus micram Episcopalem cum crucibus quibusdam habet.* Hvitfeldius in Chronicis Danicis circa finem Vitæ Margarete de hujus quoque monetâ & quidem Oerebrox (seu, ut alii scribunt, Oerebrogiæ) percussâ mentionem fecit: *De Svenske bestylte hende (Dronning Margrete) fore/at hafve gisvet demem til ørebro it usedvanligt Daaben oc Mercké paa deris Mynt / som er det Lem paa Qvindfolck / som Naturen vil hafve skult / oc paa den anden Side it Qvindfolcks Ansigt / med den ene Løste flettet / den anden udslaget. Men saadan Forseelse siunis være kommen meere aff Forseelse udi Stemplet / end aff foract. Samme Stempel skulle kun være it ø / oc betyde ørebro eller øring. Fordi hun vaar Danske / icke Svenske / tillegget hendis Misgunstige (som hver er tier at sit eget) allehaande Lyder. i. e. *Insimulabant Sveci; quod illa (Margareta Regina) Civitati Oerebrøensi ejusq; monetæ rem**

pro insigni & notâ dederit prorsus insolentem, membrum; putâ, illud fœmineum, pudicè aliàs velandam, addens alteri monetæ parti faciendæ fœminæ eorundem hinc plexâ; inde sparsâ. Verum absuit contemptus, errorique ansam præbuit malè formata notâ, quæ debebat esse O (respondens nostræ pariter ac Germanorum diphthongo ô, quam Latini sic OE pingunt) & OErebroam vel OErtugam indicare. Nimirum quia Dana erat, non Sveca, adversatores (suum enim cuiq; placet) multa ei affingunt vitia. Ast nulla jam penes Curiosos talis prorsus superest moneta. Brennerus tamen ab isthac descriptione hæud ferè abeuntem, sed, loco r̄s O, simplex O habentem possidet, eidemqve tribuit Reginæ nummulum argenteum, ubi O etiam eandem Civitatem, quæ & Orebroa scribi solet, denotare queat: Ortugam enim hoc elemento significari, quando nummulus istorum temporum Ortugis hæud paulò est minor, non facilè existimem. Ast possit quis scrupulosior subdubitare, an aliò pertineat dictus nummulus, cum quod adscripto careat Principis nomine, secus ac in proximè eam antecedentium sequentiumqve Erici Magni nempe, Alberti, Erici Pomerani, Christophori aliorumqve nummis usû fuit receptum, tum etiam quod hos amplitudine ac pondere non æquet. Quicquid tandem sit, ego potius Brennero accederem, quàm his, qui nullos prorsus intra annum penè imperium illud, quo Margareta Svecis præfuit, eam in Sveciâ cudi fecisse Nummos suspicantur. Ægrè enim mihi persuadere possum, à Reginâ nostrâ ingenii alioqvi non inelegantis, & regnandi cupidissimâ neglectui fuisse habitum istum, qui apud gentes cudendorum Numismatum hæud rudes invaluit, morem non infimi momenti, ut nimirum Principes, simul ac imperii summâ essent potiti, eam monetâ suo nomine & quandoqve vultu signata firmare satagerent. Ammianus certè Marcellinus, utor verbis Caroli Patini ex Historiâ Numismatum cap. 5. observat, clæto Imperatore, extemplò pro-cusam fuisse ejus typis monetam, nomine atq; effigie ejus insignem, tanquam publicum majestatis documentum. Item Vopiscus probat, Proculum

positum imperio & majestate supremâ, eo quod purpuram gestârît & monētis sui temporis Augusti nomen fuerit inscriptum, ceu annotavit paulo superiùs idem Patinus. Vbi verò memoria longè eruditissimum hunc Antiquarium fefellit, concernente quippe non Proculum, sed Firmum seu Firmum probatione istâ Vopisci, cujus ipsius verba utpote antiquitatum Cultoribus lectu haud injucunda futura adducam. En ea ex Firmii vitâ: *Scis, mi Basse, quanta nobis contentio proximè fuerit cum, amatore historiarum M. Fontejo, quum ille diceret Firmum, qui Aureliani temporibus Egyptum occupaverat, latrunculum fuisse non Principem: contra ego mecumq, Rufus Celsus & Cejonius Julianus & Fabius Sossianus contenderent, dicentes illum & purpurâ usum & percussâ monetâ Augustum esse vocitatum. Quin etiam nummos ejus Severus Archontius protulit.* Et Josephus Maria Svaresius in Dissertatione de Numismatis & Nummis antiqvis, cap. 6. docet quoque, quod qui imperium ambiebant, suo vultu (addo: & nomine) monetam clanculum signari curarent, addens insuper, quod eam deinde sparsione publicarent. Saltem novimus, quod recentiore ævo gentes nonnullæ, coronatis Imperatoribus, Regibus, eorumque Conjugibus. confestim in plebem nummos illorum spargere liberè diripiendos consueverint. Cujus moris vel Rutheni etiam observantes sunt. Aureos enim peractâ solenniter coronatione Mariæ Gorgonæ (ut foeminas jam duntaxat memorem) magno numero in populum missos fuisse, discimus ex Petri Petreji Historicâ Relatione de Moscoviâ: *Als sie nun wieder von der Krönung aus der Kirchen geführt / da wurden etliche tausend Pfeninge auff beyden Seiten unter das Volck geworffen / das Stück zu zween Ungarischen Ducaten / etliche auch kleiner / auff beyden Seiten mit zweyköpffigen Adlern / wie man sie damahls geschlagen.* Quæ verba Latine versa hoc sonant: *Cum ab inauguratione & templo illa reduceretur, aliquoties mille Nummi ad utrumq, via latus in vulgus sparsi sunt, quidam estimatione gemini Ducati Hungarici, & nonnulli minores, signati pro more istius temporis utrinq, aquilâ bicipite.* Nec ambigo, quin isti aurei Mariæ etiam nomen prætulert.

Et

Et Sophia Soror Tſarum Joannis & Petri Filiorum Alexii in imperii conſortium admiſſa plures variæ magnitudinis variis-que ponderis Nummos aureos ſuo ipſius etiam , præter Fratrum capita & nomina , vultu ac nomine inſignitos ( è quibus aliquot mihi in Ruſſiâ paratos curioſè aſſervo ) conſeſtim diſpergi curavit. Interim tamen nullas cum certâ ſæpiùs commemoratæ Margaretx nominis inſcriptione videmus, Oertugas ſive Ortugas. Sed extarent haud dubiè , niſi non pauci è crebrioribus Nummorum acervis, quos vel noſtrâ ætate tellus Svecana poſt longas eorum noctes è ſœcundo ſinu gremio-que in lucem edidit , aurifabrorum quorundam barbarâ & reſupinâ inſcitiâ atque negligentia clandestinò colliqvefacti æternis-que , prohi dolor ! addicti fuiſſent tenebris. Et haud ſcio , an in magnâ iſtâ & variâ Albertinarum Ortugarum copiâ , quam , ut non ſine ſtomacho inaudivi , ante quadrien- nium egregiè quidam fatuus conſlari fecit , ut poculum inde ſibi pararet , hæc noſtra Alberto proxima latuerit Margareta. At quid vicem earum doleo ? Ejusmodi enim fata non minùs aliarum gentium nummis ſæpenuerò fuère ſubeunda. Inter mille exempla hoc loco varia magnoque accuratè collecta numero nominabo duntaxat Nummiſmata antiqva , quæ apud Hiſpanos ( annotante in Symbolis epistolice Laurentio Pignorio ex Bibliothecâ Hiſpanicâ A. Schotti ) heres Joannis Andreæ Stranei Valentini eruditi hominis in mortarium ad Pharmacopolii ſui uſum ſibi conſlanda curavit , dignus utique ipſe in grandiore mortario , Anaxarchi more , piſtillis probe & naviter tundi. Dum Margaretam quærimus , ejus defectum aliquomodo ſupplebit Maritus Haquinus Norvegiæ Rex , nuper detectus in nummo ex argento cum bonâ aris admiſti portione , qui nunc penes Brennerum cernitur , habetque à fronte : HACWIN. DVX. NORWEGIE. & caput humanum oblique à parte dexterâ conſpiciendum cum ſaciâ ſeu diademate , unde circùm aſſurgunt quaſi trifolia ; à tergo autem : MONETA. EASLOIA. & crucem cum interpolitis

qua-

quatuor rosas. *Easloja*, seu, uti recentiores exarant, *Asloa* & *Alsloa* non ignobile olim fuit Norvegiæ emporium, vulgò *Oystlo* & *Ostlo* dictum, è cujus cineribus orta est vicina *Christiania* auspice Christiano IV. Quoniam Haqvinus heic Norvegiæ appellatur duntaxat Dux, videtur Nummus cufus eo tempore quo Haqvinus minorennis, Parente Magno *Smek* Svecorum, Norwegorumque Rege adhuc vivo, eiectus quidem Rex Norvegiæ, at, tutelam intereà Filii curamque Regni agente Patre, nondum ipse imperii gubernaculo manum admoverat. Nisi fortè ad Haqvinum *Galin* Sverronis Norvegorum Regis ex Sorore Nepotem Norvegiæque Ducem potius hic Nummus sit referendus, quod, ut ingenue quod sentio dicam, magis arridet, quandoquidem is cum nummo per Bircherodium vulgato Philippi ex Ingonis Norvegorum Regis Sorore nati, quem, sicut aliquot anteà mensibus Gutormius Rex Norvagicus Haqvinum *Galin*, Erlingus Rex itidem Norvagicus constituit Norvegorum Ducem, ejusdem est metalli, magnitudinis, speciei & loci, ne cætera dicam, quæ similitudo ut in Philippi & Haqvini istius, qui Magnum *Smek* habuit Genitorem, tantâ temporis intercapedine à se invicem distantium Nummis concurrere queat, periculum est, quemadmodum fusiùs in hanc rem commentaturus est ipse Brenner. Nummus verò isthic Philippi secundum Bircherodii descriptionem talis: *Argentus est, sed vilioris notæ, habens ex unâ parte laureatum (ex inspectione figuræ Nummi, quam multoties laudatus apponi curavit Auctor hic, diadematum potius dicerem, adde & obliquatum) Ducis Philippi caput, quod sanè in Septentrionalibus nostris nummis mirum & rarum est, arte prætereà haud mediocri expressum, ut etiam ad Romanos aliquo accedere possit modo: Inscriptio, quæ hoc caput ambit, ita sonat: PHILIP. DVX. NORVEGIE. Aversum nummi latus crucem cum quatuor rosas ostendit & inscriptione tali: MONETA, EASLOENS,*

## RYPÆ

*M. Petrus Terpagrius* Rypensis, Theologiæ in Æde Patriæ Cathedrali Lector, edidit *Inscriptiones Rypenses, Latinas, Danicas, Germanicas*, cum præmissâ brevi Urbis descriptione. Hafniæ, 1702. (1 Alphab. in 4to.)

Inscriptionibus Danicis & Germanicis Versionem Latinam adjecit. In Præfatione promittit Ripas Cimbricas, seu plenam Urbis Patriæ Rypensis Historiam.

*Clemens Jessæus*, Rypensis, superiori anno 1701. mensè Decembri, publicè in Collegio Medicæo, quod Hafniæ est, disseruit *de Salaris Clericorum VI. prioribus post Christum Saculû*, Respondente *Biornone Christiano Drachardo*. Hæc ipsa Dissertatio typis exscripta est, constatque 2½ plag. in 4to.

## SLESVIGÆ

E Typographeo Eckstorffiano prodiit Ordinatio quædam, ad cujus normam in Principatu Holsatico-Slesvicensi dies pœnitentialis, qui in diem 12 Maji incidit, instituendus erit, titulus ejus hic est: *Nach gnädigsten Befehl des Durchläuchtigsten Fürsten und Herrn / Herrn FRIEDRICHS / Erben zu Norwegen / regierenden Herzogen zu Schleswig-Hollstein / Stormarn und der Dithmarsen / Grafen zu Oldenburg und Delmenhorst &c. soll es an dem verordneten Bus- und Bet- Tage / so in diesem Jahre 1702. den 12. Maji, als den Freytag nach Jubilate und vor Cantate, einfallen wird / in Ihre Durchl. Fürstenthümern vorgeschriebener maffen gehalten werden.*

In hæc Ordinatione Textus horis ante- & pomeridianis explicandi præscribuntur, quorum ille ex Hebr. III. 7. 8. 9. 10. 11. 12. 13. hic verò ex Apoc. III. 10. desumptus est, succincta simul horum additur explicatio. (2 plag. in 8.)

## TONNINGÆ

Parhelii,

Tonningæ die 14 Martii an. 1702.

hora matutina 7. 30. ad 8. 30.

Q

obser-

observati.

- TAB, III. a. Sol.  
 bb. Parhelii, haud instar Solis radiis cincti, sed eos dextrorsum & sinistrorsum vibrantes.  
 c. Radii parhelii dextri, pallidi coloris, triginta circiter pedum longitudinem æqvantes.  
 d. Radii parhelii sinistri, ad 24. pedes circiter porrecti.  
 e. f. Irides.

## KILONII.


Die 22. Febr. prodiit *Gunth. Christoph. Schelhammeri*, Med. D. & Profess. Publ. Primarii, Sereniss. Ducis Archiatri, *Disputatio Fridericiana II. & de Resolatione Corporum per ignem altera*, quam publico *Φιλιατρῶν* examini exposuit *Christianus Viricus Schreiber*. (2½ plag. in 4to.)

Sicut in priori hujus argumenti Dissertatione, anno superiori, mensè Julio habitâ, Auctor ostendit, animalium nullum Chemicorum igne in sua vera principia resolvi, sed partem eorum consumi, ut pingve: partem in nigrum pulverem verti, qui in aperto igne, fuligine, quæ adhæret, depulsa, dilabatur in cineres sale & terrâ constantes: partem expelli in atras, ut humidum, & quicquid inest subtilius: aliqua verò, quod est præcipuum, in alias mutari formas, ut quæ sub specie salium prodeunt, volatilis potissimum: tale enim neque in urinâ inexistere, neque in sanguine, sed demum sub manibus eorum per ignem produci constitit; Ita nunc in hac, quid in plantas valeat ignis potestas, & an ex his eliciat elementa potius, quam composita aut immutata corpora, inquirat.

Hic ipse etiam edidit librum, qui Kiloni typis Bartholdi Reutheri impressus est, & Hamburgi in Officinâ Liebezeitianâ prostat, cujus titulus ita legitur:

*Natura vindicata Vindicatio*, quæ ea, quæ libro de *Natura* olim fuerunt asserta, ulterius confirmantur atque explicantur,

TAB. III.



1702. April.

cantur, de *Motus principio primo, & Causarum secundarum actione* illustres controversiæ elucidantur, cum primis verò Clariss. Viri *Joh. Christoph. Sturmii*, Altorfni Professoris celeberrimi, querelis respondetur. (1 Alphab. 3 plag. in 4to.)

Hic liber jam abhinc quadriennium natus est, occasione Dissertationis cujusdam *J. C. Sturmii* modo dicti, qui offensus quibusdam in *Schelhammeriano* Scripto, anno 1697. sub titulo *Naturæ sibi & Medicis vindicata*, edito, non diu post conscripsit Exercitationem, cui titulum fecit, *Naturæ incassum vindicata*, & Philosophiæ suæ Electivæ ultimam esse voluit. Causam verò, cur tam serò prodierit hic Tractatus, sequentibus verbis Auctor exprimit: *effecit Bibliopolarum morositas, quæ in hoc Europa extremo angulo est maxima, ut nunc demum lucem adspicere possit.* Tractationem ita instituit, ut tum sua priori de *Natura* libro asserta tueatur, tum recentiore illam de *DEO* immediatè omnia movente sententiam falsam, jam per universam Galliam, Angliam, Belgium disseminatam, ab ovo, quod ajunt repetat, & integram pressius urgeat, oppugnet, eamque obtundere, atque proruere tentet. Hoc dum agit, *Cap. I.* Introductionem & Occasionem Operis exhibet; hinc progreditur ad *Cap. II.* quo Naturam omnem quovis sensu se nunquam negasse, neque nomen ipsum simpliciter extinctum & extirpatum velle, *Sturmius* conatur ostendere; porrò ad *Cap. III.* se confert, quo *Sturmius* eam, quam *Schelhammerus* ipse asseruit, naturam, neque negasse se unquam, neque hoc sensu naturæ nomen abolitum voluisse contendit. Succedit *Cap. IV.* quo hæc duo, Naturâ & ex latâ semel lege, receptoque olim impetu (quæ *Schelhammeri* mens est) fieri quæ fiunt omnia, & immediatè à *DEO* moveri etiamnum omnia, secum è diametro pugnare ostenditur, & his circumfusa nebula discutitur. Postmodum *Cap. V.* sententia de lege & efficacia ejus §. III. occasione paulò diligentius expenditur, & reliqua quæ huc pertinent diluntur. Paulo post *Cap. VI.* disquiritur, an & quomodo

modo hæc lex in corporibus operetur, & quo nomine eam censerī oporteat? Vbi simul & de Naturâ denuò agitur, eaqve omni detracto velo, in aprico sistitur: itemqve duo de Motu corporum argumenta pensantur: deniqve Malebranchii inepta Philosophandi ratio & Connorii Evangelium medici examinantur: & Aristotelis definitio motus explicatur. Tandem *Cap. VII.* expenditur, an Spiritibus creatis omnis movendi materiam facultas negata sit, ut in eam prorsus nihil possint. Deniqve *Cap. VIII.* in compendium, quæ dicta sunt, contrahuntur, & quousqve *Sturmium* inter atqve *Schellhammerum* conveniat, quidve distent, ostenditur, nec non utriusque sententiæ conciliatio proponitur.

Die 6. Martii *Carolus Fridericus Luther* / Med. D. recitatâ Oratione Inaugurali, de *Experientiæ in Arte Medicâ prerogativâ*, in Professorum ordinem publicè solenniterqve receptus est.

*D. Joh. Ludovici Hannemanni*

*Meletema de primò conceptu DEI nostrò intelligendi modò.*

Communicavi hactenus unum atqve alterum meletema de hoc vel istò placitò Philosophicò aut & Scripturæ dictò. Hoc tempore, quoniam occasione quadam jubente incidere in *Schlevoogtii Disputationes Academicas* & inter eas evolverem, quæ est in ordine XIV. de *primò conceptu DEI nostrò intelligendi modò*, & legitur pag. 277-304. *inclus.* gaudetqve thesibus 47. in quâ Disputatione variæ adducuntur opiniones de *primò Conceptu DEI nostrò intelligendi modò*, quarum recensu supersedeo. Verum omnes ita sunt comparatæ, ut iis subscribere nequeam, ut ut Auctores habeat è Scholasticæ Philosophiæ foro acutissimos & perspicacissimos. Sed alius primus Conceptus DEI nostro intellectui se offert, si DEI naturam in S. Scripturâ revelatam, & in naturâ manifestatam consideremus. Sicqve mihi primus conceptus de DEO nostrò intelligendi modò neque est, quod sit vivens, neque, quod sit independens, neque, quod sit perfectus, neque est omnium attri-

attributorum ejus series, sed pulchritudo. Sicque DEUS ab homine (1) concipitur, ad eum inclinante & dictante instinctu mentis, cujus etiam amore ducitur. Et hoc est pulchrum. (2) Primus DEI Conceptus est ejusmodi Conceptus, quem præprimis effecta ejus citra formidinem oppositi dictitant. Sicque totum Univerſum, sicque totius Univerſi omnes partes pulchritudine quadam sese spectabiles reddunt. Quæ pulchritudo hominum mentem adeò statim fascinat, ut ejusmodi pulchrum admiretur & veneretur & ejus satietate nunquam capiatur. Quod itaque in homine duos parit ejusmodi animi affectus, qui in Scripturâ jubentur, ejusmodi etiam dat primum Conceptum de Numine. In Scripturâ autem jubetur Veneratio; Veneratio autem præsupponit admirationem, & ipsa fundatur in amore & filiali timore, ut & quodammodo in servili metu, quò prohibemur, ne illud pulchrum nobis inimicum faciamus, idcirco non nisi pulchrum pro primò Conceptu DEI est venditandum. (3) Quoniam mens ipsa nostra in se spectata a nobis non comprehendatur aut intelligatur, nisi sub formâ pulchri alicujus Entis, & in pulchrum innatò instinctu feratur; hinc & nullum dubium, quin & in mente nostrâ omnium primò oriatur Conceptus, mentis dictamini adæquatus, & ejus appetitui assurgens, & hic nihil aliud est, quam pulchrum. (4) ipsa S. Scriptura ex jussu DEI videtur omnia, quæ ad Cultum DEI spectant, sive olim in V. T. spectarunt, pulcherrimè adornare in fœderis tabernaculo ac sic in templo Salomonæ, qui externus cultus non aliò respiciebat, quam ut ex hoc pulchro externo, quo pascerentur oculi, quoque mens ferreretur ad primum pulchrum omnis pulchritudinis fontem scilicet Deum. Quare, ad quem Conceptum nos impellit. (a) ipsa natura (b) ipsa mens (c) ipse apparatus cultus divini (d) & amor, hoc ipsum est primus Conceptus DEI, juxta nostrum intelligendi modum.

*Num Spiritus Sanctus specie columba sese demiserit super  
Dominum baptizatum.*

Sicut non sine scandalo serpens magnus ab arbore pingitur pendulus inter protoplastas, ita nec minore cum opprobrio ad divinam Trinitatem & ad sacri baptismatis lavacrum à monachis olim efformata est, & à nostris hodieque toleratur columba super Christum cælo delapsa, è falsa interpretatione verborum Luca c. 3. v. 22. descendit Spiritus sanctus, corporali specie sicut columba in ipsum, cujus enunciationis non alia est significatio, quam si dixisset *Lucas*, persona ipsa Spiritus sancti sive Spiritus sanctus descendit personaliter super Christum tanquam columba, ut vox personalis Speciei non ad columbam sed vovula *tanquam* unicè referatur ad descensum Spiritus, veluti alias devolat ex aëre columba. Nam *Matthia Flacio* observante vox *corporalis* eadem est quæ *personalis*, & *corporaliter* quod *personaliter*. Et sic *Joh. 1 v. 32. Marci 1. v. 10. Matth. 3. v. 16.* ad augustum descensum Spiritus *Volatus* modò *Columba* applicatur ipsa figura columbæ non denotata. Cujusmodi similitudines innumeræ aliæ in veteri ac novo testamento occurrunt, nullam planè illius rei vel animalis, quocum ordinatur comparatio, formam includentes. Ero eis *quasi leona*, sicut *pardus* in via Assyriorum, occurram eis *quasi ursa*. *Hos. 13. v. 7. 8.* Sicut *vacca lascivians* declinavit Israel, nunc pascet eos Dominus *quasi agnum* in latitudine c. 4. v. 16. super eos effundam *quasi aquam* iram meam v. 10. Veniam ad te *tanquam fur*, & nescies quæ hora veniam ad te, *Apoc. 3. v. 3.* Ephraim *quasi columba seducta*, non habens cor sive prudentiam, *Hos. 7. v. 11.* Ita etiam vox *tanquam* his Evangelistarum locis habet, vidi Spiritum personaliter descendentem tanquam columbam, ut sciamus, hæc omnia in visione contigisse, cum nec in mediis populi turbis ullus columbam viderit, multo minus Spiritus hujus speciem, præter unicum Johannem atque

atqve Christum Matth. 3. v. 16. Marc. I. v. 10. Joh. I. v. 32. personali igitur specie Baptistæ atqve Christo visum apparuisse Spiritum sanctum concedo, forma vero, qvali à pictoribus adumbratur, columbæ, nego, neqve sic illum articulum fidei neqve insuper aliqva hoc mysterium turbo profana opinione, teste Martino Chemnitio *harmon. evang. c. 17. non agitur de articulo aliquo fidei, modo presentia & uictio Spiritus sancti in hac historia retineatur, qvæ melius sanè ex aliis circumstantiis erui ac confirmari potest, quam ex visibili specie columbæ.* Hinc Baptistes Joh. I. v. 31. *Qui misit me, inquit, ut baptizarem aqua, ille mihi dixit, super quem videris Spiritum descendantem ac manentem super eum, hic est qui baptizat Spiritu Sancto v. 34. Ego igitur vidi & testor, hunc esse filium DEI.* Vbi exertè addit Prodromus Christi, haud sibi datum esse symbolum columbæ (quam & alii omnes præsentés tunc vidissent) ac si illa sub figura apparere debuisset Spiritus Sanctus, sed verba potius hic infero Pellicani *super Matth. 3. Nemo ascendit in cœlum, nisi qui descendit de cœlo filius hominis*“ qui est in cœlo, quid aliud est, quam apertior DEI cognitio“ & plenior Divinitatis perfruitio. Nec aliud est tertium illud“ cœlum, in quo Paulus arcana verba audivit. Aperti sunt“ ergo Johanni cœli, quando lux aliqva admirabilis è super“ nis irradiavit, divinusqve splendor visus est, unde & Spiritus Sanctus prodiisse Patrisqve vox insonuisse dicitur, quia“ supra naturæ ordinem divina hominibus apparuerunt. “ Cui majesti minus convenit forma columbæ, & eo sane nomine splendidior fuisset inauguratio Apostolorum (quam ipsius Domini nostri ad sacerdotium suum in baptismate) luculenter descripta Act. 2. v. 2. & 3. ubi etiam nulla mentio fit ad descensum Spiritus columbæ. *Ipse Apostolos suos viva lucis fonte perfudit, ut ipsi postmodum universum mundum, tanquam duodecim solis radii ac totidem lampades illuminarent.* Aug. de temp. serm. 185. *Sedit super illos, ut nova corona Spirituales per linguas igneas imponerentur capiti illorum.* Cyrillus Hierosol. *Catechesi 17.* Greg. Nazianzenus more suo istud miraculum amplificans, *in Apostolis, addit, Spiritum sancti sedisse*

*sedisse velut in cherubico throno, quo cum splendore haut componitur vilitas columbæ, & illustrior tamen ille adventus fuit Spiritus sancti apud baptismum Christi, nec nisi à Christo & Baptista solis conspectus. Ad instantiam verò, columbæ vocabulum ab ipso Baptista atqve cæteris omnibus Evangelistis sollicitè esse insertum, rehero, mysterium ingens subesse, non in qualitatibus columbæ sed in altiori consideratione à Mose olim ipso descripta, ad quam digitum intendunt sancti isti, quandoquidem instante termino diluvii columba à Noë emissa circa vesperam ecce (ita & attentionem nostram simiter excitat Matthæus, scriptor novi testamenti, mentionem faciens columbæ) folium olivæ decerptum in ore attulit: intellexit ergò Noë quod cessassent aquæ super terram Genes. 8. v. II. Ad istam sanè omnibus Israëlitis notissimam historiam alludit nomen columbæ, à tot sanctis repetitum, aqua enim, quæ obruerat orbem tanquam instrumentum iræ divinæ, jam adhibenda erat atqve ordinabatur velut symbolum gratiæ, quo sanctissima Trinitas adoptura mortales esset in filios lucis ac heredes cœli. Enimvero tali explicatione melius profumus Evangelistis, quam afficta ipsa figura columbæ, quæ nec exculpi quidem potest e versiculis illis rectè intellectis, ne dicam de superstitionum monachalium inde derivatarum ludibriis, quæ Judæi acriter traducunt cum Deistis, quin impurus Mahomet sub dicto schemate in fraudem ulteriorem suos induxit sectatores, uti in *Dissert. de corvois Eliæ* c. 2. nondum edita indicium ejus feci è Chronicis Turcarum: Da er auff dem Platz / wohin das Volk war beschieden / viel plauderte und predigte von seinem Gesetz, / kommt eine Taube geflogen / welche er dazu lange vorher gewohnt hatte / die setzte sich auff seine Schulter / und pickte ihm ins Ohr / denn er hatte Kocken-Körnlein ins Ohr gestreuet / welche sie / wenn er sie lange hatte hungern lassen / und essen wolte / aus seinem Ohr samblen musste. Tantum potest, quod ad errores incrustandos attinet, vel unicus locus perversè intellectus, dum è nostro sensu id affingimus scripturæ, quod illa expressè nos haut docuit, neque cum majestate verbi divini examussum convenit.*



# NOVA LITERARIA

## MARIS BALTHICI ET SEPTENTRIONIS,

*Edita Mense Majo MDCCII.*

---

### ROSTOCHII.

**D**ie 8. Aprilis prodiit Collegii Disputatorii, exhibentis theses ex universâ Theologiâ selectas, Disputatio XV. & ultima sub Præsidio *Joh. Nicolai Quistorpii*, S. Th. D. ejusdemque P. P. Pastoris Nicolait. & Ministerii Directoris, Respondente *M. Nicolao Staphorsti* / Hamb. habita. (1. pl. in 4.)

Dissertationis hujus Auctor §. 1. illos operam ludere probat, quicumque ex loco Paulino ad Tit. I, 1. colligere volunt, non dari veram Theologiam quæ non sit cum pietate conjuncta, aut impium ministrum Ecclesiæ non esse verum Theologum. §. 2. Locum Paulinum, 1. Cor. VII, 18. illustrat ex illo, quod *Daniel le Clere* in *Histoire de la Medicine de Carnelio Celfo l. 4. Sect 2. c. 4.* scribit. §. 3. de monstroso *Caulaucan* nomine agit, per quod Saturniani indicare voluerunt Principem ac Salvatorem, quem 365. cœlis angelorum præesse docebant. §. 4. de *J. Asgill*, Parlamenti Londinensis membri, doctrinâ, sine morte scilicet corporali abhinc in vitam æternam translatione, nec non Ejus libello, & §. 5. de sanguineo Christi sudore.

Die 12. Aprilis Præside *Joh. Petr. Grunenberg* / S. Th. Doct. ac P. P. Consiliario Consist. & Districtus Mecklenb. Superintendente, *Nucleum Protheoria Theologica*, inter amicas Commilitonum Objectiones defendit *Bernhardus Mauritiuss*, Tundera-Holfatus, (plag. 3. in 4.)

In illo agitur (1) *de Deo*, à §. 1. ad 10. inclusivè, (2) *de Religione*, à §. 11. ad 20. (3) *de Revelatione*, §. 21. seqq. (4) *de Theologia*, §. 31. seqq. (5) *de Theologiâ Christianâ*, §. 41. seqq. (6) *de Scripturâ Sacrà*, §. 51. seqq. (7) *de Veritatibus Theologicis*, §. 61. seqq.

(8) *de Scriptoribus Theologicis*, §. 71. seqq. (9) *de Christianismo*, §. 81. seqq. & tandem (10) *de Hostibus Christianismi*, §. 91 - 100.

Die 15. Aprilis sub Præsidio Jo. Fechtii, S. S. Theol. D. atque Profess. P. Consiliiarii Consist. & Districtus Rostoch. Superintendentis, de *persuasoriis humana sapientia Verbis*, ex 1. Cor. II. 4. M. Georg. Raphaelius, Scholæ Luneburg. Senat. Con-Rector disseruit. (plag. 4. in 4.)

In Proœmio ostenditur utilitas hujus argumenti, hodie cumprimis se in Ecclesiam nostram diffundens, in qua sint, qui loco Paulino abusi omnem eloquentiam ex suggestibus cupiant eliminatam. Deinde *Cap. I.* verus loci sensus indagatur, voces singulas ex præsiidiis Philologicis pariter & Hermenevticis considerando. p. 3. seqq. Cumq; ex vocabulo κηξ nexus cum superioribus esset demonstratus, per λόγον & κήρυγμα duos separatos Evangelium prædicandi modos, privatum publicumque innui docetur. p. 10. seqq. Ex quo proceditur ad persuasoria humanæ sapientiæ verba, ostenditurque humanam sapientiam Philosophiam esse gentilium, cujus pars fuerit Rhetorica, quæque h. l. potissimum à Paulo intelligatur. p. 12. seqq. Hæc cur ἀνθρώπινη σοφία dicatur, discutitur, p. 13. deciditurque bono sensu ita dici, p. 14. Cumque Rhetorica eloquentia variis mediis ad finem suum, faciendam fidem, tentat per inventionem, dispositionem, elocutionem & recitationem, probatur per λόγος πειθὲς inventionem & excogitationem argumentorum, ad persuadendum idoneorum, denotari, idque immotis argumentis, p. 16. seqq. Ut adeo Apostolus dicere voluerit: in persuadendo mysterio de Divinitate & cruce Christi non usum se argumentis esse, ex humanorum Rhetorum scholâ depromptis, sed ex longè efficaciori Spiritus S. officinâ. p. 18. *Cap. II.* eos refellit, qui ex h. l. humanæ eloquentiæ studium ex Christianismo proscribendum esse Fanatico conatu dictitant & clamant, & Paulum utique in pluribus aliis rebus extra mysterium de Christo, & argumentis  
usum

usum esse humanis & iis sermonis elegantia excultis, plurimis exemplis ostendit, & denique illud ipsorum novatorum concessione, vi veritatis ipsis extorta, comprobat. p. 20. seqq. Ubi & quaestionem ventilat: num Doctori atque Concionatori Christiano etiam probabili tantum oratione uti liceat: quae affirmando deciditur, p. 25. seqq.

Eodem die modo dictus *M. Georg. Raphaelius* ut Praeses in Disputatione Philosophica proposuit *Elocutionem affectuosam*, in specie, *attentionis*, Respondente *Dieterico Hermano Kemmerich*, Palæo-March. (6½ plag. in 4.)

Postquam in Praefatione Auctor ostendit, quod pauci Rhetores de Affectuum Inventione dedita operam hactenus scripserint, & quam viam in praesenti hoc argumento secutus sit, addit etiam rationem suscepti hujus laboris, nempe ut specimen sit *Lexici Oratorii*, in quo quidquid vocum, phrasium, formularum, quidquid in tota orationis compositione attentioni potest inservire, ejus uberrimam copiam atque varietatem facillimo negotio sit invenire. Hinc in Prolegomenis tradit descriptionem Affectuosae Ideae Elocutionis, uti & duas generales Regulas Attentionis elocutionem adjuvantes, nec non Dissertationis hujus ordinem, ubi duo constituit Capita. *Prius Perspicuitatis* usum ad movendam attentionem demonstrat. *Posterius* vero *Elegantias*, sive, *Ornatum* attentioni accommodatum exhibet. Quibus III. accedit, specialiores nonnullas Regulas complectens. In duobus prioribus sequitur ductum Accessionum Rhetoricarum *B. Vinc. Placcii*, & quidem Part. III. adhibito interdum etiam earundem Promptuario secundo. Exempla desumpta sunt à *Cicerone* & *Chrystomo*, imprimis vero ex Scriptoribus Divinis. Undecim denique Disputationi huic annectit Corollaria ex universa Rhetorica depromta.

Die 16. Aprilis Acad. Rector, *Joh. Barnstorff*, J. V. D. ac

R 2

Prof.

Prof. Publ. Civibus suis Programmate publico *Resurrectionem Christianam piè estimandam* proposuit. (1. plag. in 4.)

Die 19. Aprilis Præsidi *Johanne Fechtio*, paulo ante laudato, S. Theol. Doct. P. P. Superintendente, & Consist. Ducal. Ades. Megapolitano, Exercitationem Exegetico-Historico-Polemicam, Indifferentistis hodiernis oppositam, *de Formâ Catecheseos Paulina* ad locum Hebr. VI, 1. & 2. defendit *M. Adamus Wildius*, Badâ-Durlaco-Marchicus. (plag. 8. in 4.)

Occupat ante omnia Auctor, non se de Catechesi Paulinâ secundum omnes vel textus vel argumenti circumstantias, sed de eo tantum acturum esse, quod in loco Paulino repræsentetur certa doctrinæ Catechetice forma, variis articulis, necessario inter sese nexu copulatis, constans, quæ ad sequentem cum veterem tum recentiorum Ecclesiam fuerit propagata. Quæ Tractatio ideò hodie & fructuosa sit & necessaria, quia in ipsâ Ecclesiâ Lutheranâ, quod antea inauditum fuerit, Indifferentistæ oriantur, qui certis credendi formis quibuscumque, utpote Confessionibus, Symbolis, Catechesibus, Articulis, Systematibus & aliis id genus Vatiniano odio sint infensi, negentque ullam unquam sive in Apostolicâ sive primitivâ Ecclesiâ extitisse fidei formam, ad quam fideles fuerint vel manuducti vel obligati. Ut hoc pacto obtineant, quicquid hodie librorum Symbolicorum Ecclesiæ obrudatur, ab instituto Christi & Apostolorum longè esse alienissimum. Tractatio ipsa ita instituitur, ut I. voces in hoc argumento frequentatæ, imprimis in loco Apostolico occurrentes exponantur. §. I. seqq. Deinde ut numerus Articulorum fidei & eorum cum aliis nexus ostendatur, partim in genere, §. VI. partim in specie Articulus de pœnitentiâ. §. VII. cum connexis. §. VIII. De Fide in Christum, §. IX. f. De Baptismo. §. XI. f. Ubi simul discutitur quæstio: cur omisum in Catechesi Paulinâ fuerit Eucharistiae Sacramentum

mentum ? §. XIII. De Impositione manuum, seu Ministerio Ecclesiastico, §. XIV. f. De resurrectione ad vitam. §. XVI. f. De æterno judicio, §. XIX. f. Subjiciuntur tertio septem confectaria, ex institutâ hæctenus tractatione excerpta. §. XX. seqq. Et concluditur: utiqve jam Apostolorum tempore extitisse certam & distinctam Doctrinæ Catechetiçæ formam, omnibus iis partibus, quibus & hodiernæ Catecheses nostræ gaudent constantem. §. XXVII. Quarto ostenditur eandem Doctrinæ Catechetiçæ formam, certâ Articulorum serie & immotâ veritate constantem, servatam fuisse in Ecclesia post Apostolorum ætatem. §. XXIX. f. Quamquam AntiChristiano seculorum ambitu vel suppressam vel extinctam, §. XXXIV. f. Resuscitatam a Luthero, cujus catechesin, quoad ipsâ doctrinæ capita, cum Paulinâ exasse convenire demonstratur. §. XXXV. Quinto ut credendi omnium, ita & Catecheson hostes irreconciliabiles producuntur, Ericus in primis Fridliebuis & Godofredus Arnoldus. §. XXXVII. seqq. Quorum duo, partim credendi formis in genere, partim in specie Catechetiçæ, opposita argumenta diluuntur. §. XL. f. Postremo febriculosum istud Indifferentistarum argumentum, ex eo desumptum, quod Christus & Apostoligentes conversuri, nunquam ad Catecheses, Symbola, Confessiones addiscendas, eos adduxerint, sed voluntatem tantum convertendorum per pœnitentiam sanaverint, ad Divini verbi limam revocatur & concluditur. §. XLIV. seqq.

Die 22. Aprilis *M. Joh. Christianus Sensius, de Kabbala Judæorum* disputavit Respondente *Henrico Cordes, Stadâ-Bremenensi.* (plag. 3. in 4.)

De *Kabbala*, quæ expedienda fuerunt, *duabus Sectionibus* inclusit Auctor, quarum *altera ὀνοματολογίαν, πραγματολογίαν* altera explicat. Prior tribus constat membris, scilicet *Etymologia, Homonymiâ & Synonymiâ.* Posterior descriptionem & divisionem exhibet,

Die 28. Aprilis *D. Job. Petrus Grunenberg* / paulò ante memoratus, Dissertationem Theologico-Exegeticam de *Sa-litura ad ignem aeternum*, è Marc. VI, 49. ventilandam exhibuit, Respondente *Job. Henr. Bussenio*, Gadeb. Mecklenb. (plag. 4. in 4.)

Quinqve Disputationis hujus sunt partes, harum *prima* est *Critica*, & Textum Græcum examinat; *Secunda* est *Onomatologica*, in vocum valorem inqvirens; *Tertia Historica*, quæ circa hunc versum è Judæorum antiqvitatibus quædam observat, quæ ad instillandum & agnoscendum veritatis sensum facere possunt; *Quarta Pars Hermenevtica* est, & veram horum Verborum evolvit sententiam, duabus potissimum nitens Regulis Hermenevticis, 1. *Connexio rerum & verborum Exegetæ est observanda.* 2. *Litæra eouaque in expositione tenenda, donec teneri potest.* Tandem subjungitur *Pars Quinta Vsuælis*.

Die 29. Aprilis *M. Henr. Ascanius Engelke*, Rostoch. Respondente *Burchardo Camphövener*, Apenr. Holsat. Disputationem Philosophicam habuit, quâ traditur usus Logicæ, quoad maximam partem eorum, quæ P. Gassendus exercit. Paradox. lib. I. Exerc. 6. quod in hac doctrina quoque apud Aristotelem innumera superfluant, probaturus assert. (plag. 3½ in 4.)

Die 30. Aprilis Rector Acad. *D. Johannes Barnstorff*, *Cives* Acad. Programme invitavit ad actum solennem, quo novus Academiæ Rector electus *Christ. Hildebrandus*, Phil. M. & Log. P. P. Duc. publicè die 2. Maji renunciandus erat. (1. plag. formâ patente.)

### GRYPHISWALDIAE

Die 5. Martii *D. Brandanus Henricus Gebhardi*, S. S. Theol. ac LL. Oriental. Prof. Publ. Ordin. ad audiendam Orationem Latinam de *Laudibus Vsedonii*, Equitis Rugiani, trium Alumnorum Nutritii (cujus vitam in N. L. superioris anni 1701. mens. April. pag. 100. descripsimus) quam d. 8. Martii recitaturus erat *Carolus Helvigius*, Gryphiswaldensis, Programme publico

publico 1. plag. in 4. invitavit, quod literarum utilitatem ostendit, atque omnes illos inter quos & *Vsedomius, Wacknitzius, Blicherus, Pagencopius*, qui sua munificentiam omnibus sæculis sollicitè caverunt, ne rei literariæ sui deessent cultores ac propagatores, laudandos & commendandos esse hortatur.

Die 4. Aprilis 70. *Frid. Mayer*, D. h. t. Rector, juxta §. 14. Ordinationis illius, Mensè Martio, p. 63. seqq. nobis memoratæ, in partes justissimi doloris, cujus ex obitu CAROLI XI. Svecorum, Gothorum & Vandalorum Regis, concepti memoriam Academia Gryphica d. 5. April. renovatura erat, Eruditos omnes & Cives Academicos Programmate publico vocavit, quod 1 plag. in 4to constat. Interpretem sui doloris dicta Academia exhibuit *D. Brandanum Henricum Gebhardi*, S.S. Theol. & Ebr. Lingv. Prof. Ordinarium.

Die 5. Aprilis Disputationem *Carolinam de Utilitate Præsentia Principum in Comitibus Imperii Romano-Germanici* sub Præsidio *Johannæ Schack* / Wollinõ-Pomerani, J. V. D. PP. O. & Consist. Regii Assessoris, respondendo defendit *Samuel Palthenius*, Rostoch. Mecklenb. (2 plag. in 4.)

Duo constituuntur *Capita*, quorum prius tractat *generalia de utilitate præsentia Principum in Congressibus negotiosis*, hujus §. 1. docet conventus Principum institutos fuisse vel *belli vitandi*, vel *pacis conservanda* causa. Ad bellum evitandum juxta *Grotium* utile esse *Colloquium inter præsentis Principes*. §. 2. Exemplum proponit in *Julio Casare*, qui cæpto bello civili cum Pompejo colloqui sapius expetiverit. §. 3. in Duce Parmensi, colloqui cum *Elisabethâ*, Angliæ Reginâ, cupiente, tempore belli inter Hispanos & Belgas. §. 4. laudat exemplum *FridERICI III.* Imperatoris qui cum *Carolo Burgundo* ann. 1475. in secretum colloquium venit. §. 5. Congressum dicti Imperatoris cum *Alphonso* ann. 1457. habitum deprædicat. §. 6. sistit Conventum celebrem inter præsentis Imperatorem Maximilianum, & tres

tres Reges, *Vladislaum Hungariæ, Ludovicum Bohemiæ & Sigismundum Poloniæ* d. 17. Julii, ann. 1515. Viennæ cœptum. *Posterior* Caput expendit *specialia de præsentia Principum in Comitibus Imp. Rom. Germ.* & quidem §. 1. hanc ipsam utilem & necessariam esse asseverat, §. 2. ad animorum coalitionem facere. §. 3. affert quæstionem: an Status Imperii ad Comitibus Ipsimet comparere teneantur; an verò Legatos mittere, ipsis liberum sit. §. 4. Utilitatem præsentia Principum in Comitibus Imp. Rom. Germ. ulterius probat ex Auctore illo, qui se nominat *Witel Friedrich von Herden* in der *Grundfest des Heil. Römischen Reichs Teutscher Nation*, &c. cap. 6. p. 42-47. §. 7. tractat de Comitiorum Imp. Rom. Germ. indictione, §. 8. de eorum tempore, & §. 9. de Subjectis ad Comitibus vocandis.

Die 12. Aprilis Differtationem *Carolinam*, hanc quæstionem tractantem: *Vtrum Ipse Deus necem Redemptori intulisset, si abstinissent homines?* sub Præsidio *D. Jo. Frid. Mayeri*, Profess. Theologiæ Primarii, Consist. Regii Præsidis, Superintend. General. FCtis Theol. Decani, Academiæ Pro-Cancellarii, & h. t. Rectoris, publicè tuitus est *Georgius Christkenius*, Rugian, vocatus Pastor Sagardensium. (4 plag. in 4to.)

Postquam in Proœmio ostensum est dictam quæstionem abstrusam & utilitatis plenam esse, eadem affirmatur sequentibus argumentis, (1) quia jam majora in Filio hominibus concesserat cœlestis Pater, præ quibus mors temporalis cruenta nihili æstimanda, & Deus qui medium redemptionis dederat, etiam modum dare non recusasset. (2) Majus certè est alicui dolores inferni, gehennæ inferre mortem, quam temporalem vitam auferre. (3) Sæpius iratum Numen Peccatoribus in terris haut mediante hominum ministerio, mortem infligit corporibus violentam, quidni Peccatorum maximo? Hic vindicat Auctor Lutherum ita scribentem: *Christus ist der größte Sünder gewesen / den die Sonne beschienen / & propterea Christum Diaboli servum non dici posse, ostendit.* (4) Deum ipsum hostiam

fiat hanc pro humani generis redemptione sibi offerendam, propriis quasi manibus mactare voluisse, & imolatio Isaaci, & sacrificiorum per flammam cœlestem consumtio clarè innuit. (5) Homines inter eò patres adversus justitiam adegit amor, ut propriis filiis non pepercerint, quid non per viam eminentiæ fecisset Deus, quæ ipsa justitia? (6) Quia decretum Dei de hominibus per mortem Christi cruentam reparandis alia ratione, quantum literæ sacræ docent, perfici non potuisset. (7) confirmatur quæstio proposita testimoniis *Wolffgangi Frantzii in Schola Sacrificior. Disp. 5. p. 112. 113. in lib de Interpret. Scripturae, p. 188. 189. Danhaueri in Hodosoph. p. 306.* His ita pertractatis Reformatorem quosdam breviter refutat, qui Judæorum invidiam, falsa testimonia, crudelitatem, odium, quibus morti turpissimæ sanctissimum Dei filium tradiderunt, probasse atque decrevisse Deum asseruerunt; ut & illos, qui proditio- nem Judæ non excusarunt modò, sed & gratias pro crimine tanto habendas illi esse putavere, salutemque æternam consecutum esse.

Die 14. Aprilis *Idem Doct. Mayerus* Programmate publico, quod egit de desiderio moriendi in Die Parasceves, ad Dei Funus, celebrandasque Dei exequias ipso Die Parasceves, invitavit. (1½ plag. in 4.)

Quum à voto Paulino, ex Epist. ad Philip. I, 23. initium fecit, cujus vim & gravitatem Philippus Melanchthon moribundus meditatus est, vocabulum *ἐπιθυμίας* expendit. Antè verò quam rem ipsam aggreditur, quærit: *An omninò salvâ conscientia mortem optare liceat?* & postquam ejusmodi argumenta protulit, ex quibus constare videtur, vehemens moriendi desiderium cum offensione Dei & peccato omninò esse conjunctum, non tamen se temerè definire velle ait, quod planè nemini mortem sibi optare liceat. Rationem enim habendam esse Subjectorum vorentium, num videlicet ex impatientiâ præsentis calamitatis, vel ex flagranti Servatoris Jesu & æter-

næ beatitudinis amore mortem exoptent. Priori modo moriendi cupiditatem impiam esse Deoque invisam; posteriori autem Deum admittere illam, cum ipse talis desiderii auctor sit. Hac occasione etiam mortem fidelibus in pœnæ locum non reputandam esse probat. Postea rei ipsi se accingit, ulterius quærens: *An certus aliquis dies, quo mors nobis contingat, expetendus sit, & quidem præcipuè Dies Parasceves?* Hanc quæstionem eo modo pertractat, ut primò illorum Pontificiorum utriusque sexus mentionem faciat, qui memorato die, aut saltem Die Veneris mortem oppetere desideraverunt, quique voti compotes facti, quales Johannes à Bobadilla, Jacobus Gordonus, Georg. Federus, Franciscus Cajetanus, P. Joan. de Castiglio, Joach. Senensis, Catharina Senensis, Joana Vastia, Catharina de Jesu, Anna Bellovacensis. Horum vota præferenda affirmat impiis illis Hyacinthi, Jacobi de Brevania, Stanislai Kostkæ, aliorumque Festo Assumptionis Mariæ, nec non Ludovici XI, Galliæ Regis, die Sabbathi, quod Mariæ ille facer sit, mori desiderantium. Deindè affert quidem tria argumenta, quæ ad probandum, quin & excitandum, tale mortis desiderium idonea videntur, at tamen definit tandem ac tribus evincit argumentis, quod præstet, ut homo omnem rem supremo moderatori Deo committat, id unicè in votis habens atque ardentè exoptans, ut ipsi in mortis Jesu Christi meditationibus altè defixo beatâ morte, tempore, die, horâ, loco, quocumque tandem divina voluntas definiverit, ex hujus vitæ hospitio ad cœlestem domum & patriam discedere contingat.

Die 16. Aprilis, ipso Paschatis Festo aliquoties nominatus *D. Mayerus* ad Resurrectionis Dominicæ Memoriam piè recollendam Cives suos hortatus est publico Programmate 1. plag. in 4. quod hanc expedit difficultatem, *quare Christus post Resurrectionem neque Phariseis, neque populo Judaico apparuerit?* Licet nonnulli, inter quos & Drexelius Tom. II. Opp. de Christo resurgente p. 625. statuunt, Christum Hierosolymis multo die

omnibus

omnibus se ostendisse adscensionis festo, tamen sententiæ huic refragari monstratur (1) Comminationem Christi Matth. XXIII, 38. 39. (2) Sollicitam decem apparationum Christi enumerationem. Quare autem Pharisæis post Resurrectionem non apparuerit, hæc afferuntur rationes. (a) Quia admitte-  
 tendæ Resurrectionis Christi veritati protervè illi manibus pedibusque oblucebantur. (b) Quod nullus ejus rei fuisset usus atque fructus. (c) Idem ex Originis lib. II. adv. Celsum p. 93. & 101. probatur, qui ad objectionem Celsi ita respondet; noluisse Christum ita facere (a) quod oculi Judæorum ad videndum corpus glorificatum inepti, nec eorum acies ferendo illius splendori esset idonea. (b) In singularis beneficii à misericordiâ Dei accepti loco id Judæis aliisque incredulis numerandum, ne scilicet divino illi fulgore, & gloriæ ferendæ oculi planè occæcerentur.

Die 21. Aprilis sæpius laudatus *D. Mayerus* vi §. 14. Ordinationis supra memoratæ edidit Programma Invitatorium ad audiendum elogium *Wratulæ* XI. Ducis Pomeranorum, Academiæ Gryphiswaldensis Fundatoris, quod postero die 22. Apr. *Jo. Philippus Palthenius*, Juris Nat. Philos. Pract. & Historiar. P.P. recitaturus erat. In hoc Programmate *Calixti* III. Rom. Pontificis Bulla foundationis Vnivers. Gryph., quarto Kal. Junii 1456. Romæ data, recensetur, (1. plag. in 4.)

Die 26. Aprilis loco Dissertationis *Carolina*, Præses *Jo. Philip. Palthenius*, Histor. & Philos. Civil. Prof. Ord. & Respondens *Thomas Gadebusch* Gryphisw. Pom. publicè pertractarunt Quæstionem Juris Gentium; An *Gwilhelmus* III. Regnum Angliæ habuerit jure Conquestus? uti visum est Viro summo *Gilberto Burneto*, itemque Cl. V. *Henrico Hulsio* (2. plag. in 4.)

In Proœmio varia de rerum Anglicanarum ante 14. annos Conversione judicia affert; in Tractatione ipsâ autem *Burneti* verba ex *Epist. Pastoral. ad Diaecesos sue Clerum*, p. 20. & 21. & *Hulsii*, ex libro, quem vocat *jura Gwilelmi* III., asserta, p. 133. Hinc

in propositâ quæstione, ad quam negativè respondet, ita vērfa-  
tur, ut (1) quid inusitatus illud vocabulum *juris Conquestus* sibi  
velit, & quid eo designent Auctores, à §. 2. ad 12. inclusive, (2)  
quæ istorum sententiarum veritas sit, si ad principia doctrinæ  
Civilis & sincerioris historię exigantur, §. 14. seqq. ostendat.

Eodem mense Aprili prodiit alia Dissertatio *Carolina, Hæresin  
Berengarianam* sistens, de quâ Præses *Nicolaus Dassovius*,  
SS. Theol. D. ejusdemque Prof. Ord. Reg. Consist. Assess. &  
ad D. Mariæ Pastor, & Respondens *Dionysius Behrens* / S.  
Theol. & Philos. Stud. disputarunt. (2. plag. in 4.)

*Thef. I.* Berengarii vitam describit, simulque addit encomium  
ejus ex Centuriatoribus Magdeburgensibus. *Thef. II.* eos er-  
rare monstrat, qui Hæresin Berengarianam Apostolorum ferè  
tempori acceptam referunt, & testimoniis adductis probat,  
in Ecclesiâ prisçâ de verâ Corporis & sanguinis Christi in  
sacrâ Cœnâ præsentia dubitatum non fuisse. *Thef. III.* Expen-  
dit illorum argumenta, qui hanc sectam antiquissimam fa-  
ciunt. *Thef. IV.* meminit, circa sæculum nonum floruisse Ber-  
tramum, (quem alii Pertramum appellant) itemque Johan-  
nem Erigenam, Scotum, qui Controversiam Berengarianam  
primùm promoverunt, post hunc Scotum sæculo undecimo  
vixisse Berengarium, horum errorem qui interpolavit. *Thef.*  
*V.* ejusdem errorem recenset, atque refutat. *Thef. VI.* argu-  
menta, quibus Berengarius usus proponit. *Thef. VII.* de damna-  
tione hujus Hæreseos quædam habet. *Thef. VIII.* Berenga-  
rium in dubitatione è vitâ excessisse narrat, quoniam etiam  
hodiè illius in hæresi sint successores ostendit.

#### GEDANI

Die 26. Januarii *Christophorus Behr*, Eloqv. & Poës. P.P.  
Agonem VI. in Plinii secundi Panegyricum à c. 59. usque ad  
c. 69. egit, Respondente *Carolo Godofredo Heinio*, Dantisc. (plag. 5)

In Athenæo sub Præsidio D. *Samuelis Schelgvigii* WI-  
GANDIANA continuabantur.

Excutebat autem respondendo Partitionem IV. de *Ceremoniis, Ecclesiâ & Ministerio, Jacobus Matthæi*, Gedan. 9. Febr. (plag. 3½.)

Partitionem V. de *Ministerio Ecclesiastico & Magistratu Politico, Georgius Andreas Messerschmidt*, Gedan. 16. Febr. (plag. 4.)

Partitionem VI. de *Magistratu, Baptismo, Cœnâ, Pœnitentiâ & Confessione, Thomas Völcker*, Gedan. Nobil. Dicast. Alumnus. (plag. 3½)

Partitionem VII. de *Novissimis, itemq; de dissensu inter Wigandum & Navatores, Carolus Ernestus Kettnerus*, Ged. Alumnus Oelhasianus, (plag. 3½)

Materia hâc ad finem perductâ totum Opusculum cum Præfatione & indice produit, sub titulo *D. Samuelis Schelgwigii Wigandiana, hoc est Anabaptismus D. Johannis Wigandi, Pomesanienfis quondam Episcopi, septem Disputationibus in Athenæo Gedanensi ita excussus, ut primùm Parallelismus inter Anabaptistas & hodiernos Novatores, postcâ autem dissensus inter hosce & Wigandum proponatur: cum Appendice lepidam Descriptionem & Divisionem Pietistarum exhibente.* Gedani, typis Joh. Zachar. Stollii, 1702. (1 Alphab. in 4to.)

Die 30. Martii Præsede *M. Gabriele Groddeck*, Logic. Metaph. & Philosoph. Pract. Prof. Publ. & Reip. Bibliothecario de *Enthusiasmo Philosophico*, publicè disputavit Auctor Respondens *Michaël Gottlieb Hanschius*, Gedan.

Proœmium ab occasione scribendæ Dissertationis, à nonnullis Cartesianis, veram Philosophiam meram esse relationem asserentibus, suppeditatâ, ducitur. § 1. Vocis originem sistit tum Historicam, tum Grammaticam. § 2. in diversimodam Enthusiasmi acceptionem inquirat. § 3. Synonyma & varias appellationes proponit. § 4. Diversa Enthusiasmi genera apud profanos Autores, præsertim apud Platonem & Plutarchum obvia recenset, paucisque exponit Enthusiasmum Corybanticum, Bellicum & Bacchicum. § 5. agit de Enthusiasmo divinatorio. § 6. de Enthusiasmo Poëtico. § 7. adjungit Enthusiasmum

siasmum Rhetoricum ac Musicum. § 8. exhibet Enthusiasmum Amatorium. § 9. tradit Enthusiasmi Philosophici definitionem. § 10. considerat causas Enthusiasmi, tam remotivè, illum non à Deo, quàm positivè, eum à morbo & diabolo esse accersendum, confirmans. §. II. idem probat à mediis, quibus Platonici ad *θεομαρτυριαν* adipiscendum usi sunt. §. 12. reducit ad illa Platonis Meditationem Mortis, atque ecstasin non esse naturæ perfectionem demonstrat. §. 13. ostendit hunc errorem ex falsissimo illo Platoniorum principio: *Omnia esse ex ipsâ DEI substantiâ producta, & in eam ultimò refundi, provenisse.* Quod dum refutatur simul quæ superstruuntur, nempe ecstasin esse appetendam, & à liberâ voluntate pendere, concidunt. §. 14. expendit finem Enthusiasmi Platonici, qui est Deificatio, reditus ad Divinam Legem, & effecta, quæ sunt Visiones Philosophicæ, penitior atque intimior rerum cognitio. §. 15. Subjectum quod Enthusiasmi Philosophici constituit hominem; subjectum quo idque mediatum animam; hâc occasione doctrinam Platoniorum de animarum præexistentiâ & multiplici in corpora reditu examinans. §. 16. ad immèdiatum Enthusiasmi Philosophici subjectum, intellectum humanum descendit, & quæstionis: *An intellectus noster merè passivus sit? an verò possimus etiam activitate nostri intellectus consequi scientiâs veritatesque Philosophicas?* partem priorè negat, posteriorem tuetur, contra Hermannum Alexand. Roëllium & Petrum Poiret, cujus singularem opinionem ex *Tr. de verâ Methodo inveniendi Verum, & tribus libris de Erudit. solid. superfic. & falsâ excerptam* às *ἐν συνόψει* legentium oculis subjicit. §. 17. Ratiunculis Poireti satisfacit. §. 18. Continet quæstionem, in quo cardo arduæ de Enthusiasmo recentiorum Cartesianorum Philosophico controversiæ vertitur: *Utrum scilicet mens nostra Idearum sit causa efficiens principalis; an postquam ex universali dubitatione emerfit, scriinia sua excutiens cum naturâ à Deo inditas atque instas inveniat?* §. 19. Negativè quæstionis partem posteriorem, priorè affirmativè decidit, adversamque Cartesianorum sententiam

tiam cum propriis Magistri principiis stare non posse evincit. §. 20. quæ Plato de Ideis senserit deberi Pythagoræ, Orpæo, Ægyptiis, & Chaldæis, neque immeritò exinde Platonis Philolophiam Magiæ Vetitæ insimulari docet, ac Dissertationi imponit colophonem. Superadditur Corollariorum Triga. (4to, plag. 6.)

Die 6. Aprilis disputavit *M. Christianus Sahnius*, Mathem. Profess. Publ. Ordin. & Rector Johannitanus, de *Columna Nubis & Ignis*, Respondente *Jacobo Magno Rosenfrank*, Gedanensi. (plag. 3 $\frac{1}{2}$ )

Argumentum est sequens: §. 1. Columnam Nubis & Ignis præcessisse Israëlitas egredientes ex Ægypto, tam ex Scripturâ, quàm Autoribus, qui de rebus gestis populi Israëliti scripserunt, probatur. §. 2. Proponitur quæstio de Columna Nubis & Ignis ventilanda, quæ hæc est: Utrum naturæ viribus ea producta, an verò viribus majoribus, quam quas natura habet, ortum suum debeat? §. 3. Phænomena præcipua hujus Columnæ ex Scriptura recensentur. §. 4. An Columna Nubis & Columna Ignis unum, an verò diversa fuerint subjecta inquiritur? §. 5. Examinatur sententia *Andreae Rose*, qui inter Phænomena cælitus, singulis bis mille annis prodeuntia, & novas stellas, hanc Columnam retulit. §. 6. Inquiritur, an hæc Columna fuerit Cometa? §. 7. An Meteoron igneum de nocte, de die verò Nubes naturæ viribus producta & mota, hanc Columnam exhibuerit? §. 8. An ignis sacer de nocte lucens Columna ignis, & fumus ex eo ascendens de die Columna Nubis dicatur? §. 9. Concluditur, non naturæ viribus, sed divino miraculo hanc Columnam aut productam aut motam factam fuisse & conservatam, & quæ præter necessitatem cumulentur hic miracula annotatur.

Die 27. Aprilis *Samuel Fridericus Willenberg*, J. U. D. Fjusedemque & Histor. P. P. ac Athenæi Inspector, disputabat de *oneribus Matrimonii*, Respondente *Jacobino Jacobo Schrodero*, Gedan. Dis.

Dissertationis hæc summa est: *Cap. I. de consequentiis Matrimonii*, §. 1. Immensa Dei sapientia in conservatione generis humani exhibetur. §. 2. Hominis proclivitas in matrimonium. §. 3. Matrimonii dignitas. §. 4. An Sapienti expediat uxorem ducere? Rabbini matrimonium necessitatis, non voluntatis esse statuerunt. §. 5. An omnes & singuli homines ad contrahendum matrimonium obligati sint. §. 6. An cœlibatus conjugio præferendus, vel viceversa. §. 7. Ad quosnam ritus nuptiales obligentur futuri conjuges. *Quæ sint consequentia matrimonii in genere.* §. 9. Conjux conjugii ad debitum conjugale obligatur. §. 10. Inducit matrimonium affinitatem inter Conjuges & alterius conjugis cognatos, non inter ipsos conjuges. §. 11. Idem inducit quendam bonorum communionem. §. 12. An jure civili matrimonio contracto inter conjuges oriatur bonorum omnium communio? neq; resolvitur dubium. §. 13. An de jure statutorio? Aff. §. 14. *Quomodo dividatur secundum statuta bonorum communio.* §. 15. Marito in uxorem competit potestas. In quo ea consistat. §. 16. & in liberos patria potestas. §. 17. Uxor marito subjecta esse debet. An fœminæ digniores viris? §. 18. An propter subjectionem uxor omnis juris experta? neg. §. 19. Ea sequitur dignitatem & forum mariti. §. 20. Recapitulatio quædam præcedentium. §. 21. Etymologiæ rubricæ disputationis: Synonymia matrimonii. §. 22. Definitur matrimonium. §. 23. Definitio onerum matrimonii ejusque explicatio. §. 24. Causa remota horum onerum divina pœna est: causa propinqua. *Cap. II. de Personis, quæ ferunt & pro quibus feruntur onera Matrimonii.* §. 1. Onera matrimonii ferunt conjuges, sed diverso respectu. §. 2. Primariò ea sustinet maritus & quare. §. 3. Datur hujus vera & adæqvata ratio. §. 4. An marito inopi adhuc incumbant O. M. §. 5. *Quis ea ferat, si constante matrimonio fiat inops?* §. 6. *Quomodo secundariò ad uxorem pertineant.* §. 7. Ad quasnam operas uxor marito obligetur? §. 8. Personæ pro quibus feruntur onera matrimonii sunt uxor. §. 9. Liberi, §. 10. &

Famuli. *Cap. III. de speciebus quibusdam onerum matrimonii.*

§.1. Onera matrimonii non possunt certâ regulâ comprehendendi. §.2. Primum onus est alimentorum & quid sub illis comprehendatur. §.3. Maritus uxorem alere tenetur. §.4. Etiam si pauper ad eum venerit, & nullam dotem dederit. §.5. An & post separationem quoad thorum & mensam? §.6. In quâ quantitate alimenta præstanda. §.7. Cujusnam pretii vestes maritus uxori comparare debeat? §.8. An vestes à marito datæ præsumantur donatæ? §.9. An maritus æs alienum pro uxore debeat solvere? distingv. §.10. Ubi omnium omnino bonorum communio, ad æs alienum ex contractu, constante matrimonio, conflatum alter conjux pro altero tenetur: Etiam si ex delicto sit debitum. §.11. Quando ad illud tenetur ubi viget communio bonorū simpliciter omnium vel particularis. §.12. An idem ante matrimonium contractum exsolvendum, pro diversitate statutorum dijudicandum videtur. §.13. Affirm. sententia, si alicubi sit universalis bonorum communio. §.14. Resolvitur dubium. §.15. An adhuc post mortem unius conjugis debita matrimonio antiquiora, à superstite in solidum solvenda? §.16. Quænam onera subit maritus pro dote servandâ. §.17. Maritus tenetur ad Xenia, quæ uxor facit in honorem suum. §.18. Quando ad uxorem in judicio defendendam teneatur. §.19. Tenetur idem ad medicamenta ægrotx uxoris. §.20. Et ad funeris uxoris impensas. Quid harum nomine veniat. §.21. Quando in funus uxoris erogandæ. §.22. Marito mortuo debentur viduæ vestes lugubres. §.23. Nec non per annum luctus reliqua alimenta. §.24. Ut & dotalitium. §.25. Quæ impensæ faciendæ initio nati filii. §.26. Incumbit Patri onus educationis liberorum. §.27. An statim nato filio teneatur ad alimenta. §.28. Matre non valente lactare, infanti nutrix danda. §.29. Tenetur Pater alere liberos suos & emancipatos, etiam immorigeros & exheredatos, ac bannitos. §.30. Quamdiu debeantur liberis alimenta. §.31. Obligatio Patris ad educationem liberorum mentalem. §.32. Quænam sit

primaria cura Patris circa illam. §. 33. Pater filium instruendum dare debet bonis magistris & his ad Minerval tenetur. §. 34. An teneatur ad sumtus studiorum filio se invito studenti. §. 35. Idem prospicere tenetur liberis suis de amabili conjugē. §. 36. Et sumtus in convivium nuptiale impendere. §. 37. Ut & filius dotem constituere. §. 38. An etiam emancipatam filiam dotare debeat? Affirm. §. 39. An locupletem? Aff. §. 40. Filius tenetur dare donationem propter nuptias. §. 41. Hujus donationis finis & effectus. §. 42. An doti debeat esse æqualis? §. 43. Succurrit liberis nuptis subsidio paterno. §. 44. Nonnunquam fert donationes à filio factas. §. 45. An liberis famulantibus debeatur merces? §. 46. Impensas facit in medicamenta & funus liberorum. §. 47. Maritus famulis suis ad victum. §. 48. Et ad mercedem tenetur. An debeatur, si quis pro gratiâ servit? §. Quando solvenda? An tota solvenda, si Dominus servum expellat? An si famulus à famulatio ante tempus discedat? §. 50. An teneatur ad impensas funerales servi? *Cap. IV. De Actionibus prosequendi competentia onera Matrimonii.* §. 1. Onera matrimonii tanquam quoddam debitum actionibus prosequi licet. §. 2. Quando actione præjudiciali experiendum. §. 3. Probatum, contra maritum ad O. M. subeunda competere actionem. §. 4. Et quidem pro alimentis consequendis datur imploratio officii judicis. §. 5. Eadem datur ad sumptus disciplinæ addiscendæ. §. 6. An pro alimentis uxori in bonis mariti competat tacita hypotheca? §. 7. Quæ competat actio ad æs alienum & dotalitium consequendum? §. 8. Quâ actione conveniatur pater ad dotem, vel ad donationem propter nuptias dandam? §. 9. Quæ detur pro mercede famulitii consequendâ? §. 10. Et quæ pro impensis funeris repetendis? *Cap. V. De Subsidis onerum Matrimonii*, Marito in subsidium O. M. debetur dos. §. 2. A quo illa petenda? §. 3. An maritus uxorem ducens sine mentione dotis adhuc cogere possit ad dotem dandam dictas personas? §. 4. An sponsus ante nuptias petere possit dotem? §. 5. An ob non solutam dotem uxorem domo expellere

lere possit? §.6. Quale jus maritus habeat in dotem? §.7. An incerta quantitate dos præstari debeat? §.8. Pro sublevandis his oneribus juvat uxorem morganicam ducere. §.9. An privatis hoc permissum? §.10. Jure Romano conceduntur conjugatis varia privilegia. (plag. 8.)

## REGIOMONTI

Mense Martio Præses M. *Johannes Engelbrecht* / Schiff. Pruss. & Respondens *Georgius Albertus Willudovius*, Philosoph. Stud. Læcens. Pruss. proposuerunt Paradoxon Politicum de *Politicorum Demonstrationibus Scientificis, quas vulgò dari negant.* (plag. 2½. in 4.)

Die 16. Aprilis, ipso Festo Paschali, à Pro-Rectore & Senatu Acad. Regiom. propositum est Programma ex Num. XXIV, 17. *Sceptro ex Israël surgenti sacrum*, Autore *D. Godofredolff Egnero*, h.t. Decano, qui ex eodem loco etiam Programma Natalitium concinnavit. (plag. 1½. in 4.)

Die 27. Aprilis, Præside *Benjamino Ewaldt* / Med. Doct. Disputationem Medicam de *Formicarum usu in Medicinâ*, defendit *Immanuel Henr. Garmann*, Chemnicens. Mistr.

Disputatio in duo fuit divisa capita, quorum prius egit de *formicarum generatione*, & reliquæ proprie constitutionis historiam; posterius verò de *formicarum variis præparationibus & directione harum ad debitos usus in praxi medicâ*. Calci hujus Dissertationis annexa legitur *decas Corollariorum Chymico-Medicorum Paradoxorum.*

Die 29. April. Exercitationum Philosophicarum de *Requisitis ad Virtutum Moralium acquisitionem necessariis* secundam habuit Præses M. *Fridericus Stadlender* / Regiom. Pruss.

Respondente *Christiano Musculo*, Trempenf. Pruss.

Postquam in Disputatione prima, cujus Mense Febr. hujus anni p. 45. meminimus, requisita ista juxta mentem veterum Philosophorum recensuit, quorum potissima numerantur: *Φύσις*, *Natura*, *μάθησις*, *Doctrina*, aut *Institutio* & *ἔθος*, *Afvefactio* s. crebræ actiones. jam in secunda Dissertatione al-

terum exhibet requisitum, *Doctrinam* s. *Institutionem*. Ubi (1) Stoicorum refellitur opinio, existimantium, eam causam esse efficientem proximam. (2) Propria traditur Assertio, ostendens, non omnem doctrinæ ac institutioni in parandâ virtute morali efficaciam & vim adimendam esse, quod variis confirmatur rationibus. (3) Quid quantumque ea ad obtinendas virtutes habeat momenti explicatur.

Eodem die sub Præsidio *M. Reinholdi Stürmer* / *Dissertationem Moralem de Laude Propria*, ventilandam proposuit Respondens *Reinholdus Seel* / *Pruss. Phil. Stud. (pag. 4. in 4.)*

Contenta ejus sunt sequentia : §. 1. Laus bonis ac honestis viris debetur, quia ipsis virtus inest, cui laus primariò tribuitur. §. 2. Sed nec vitio verti potest viris honestis, si laudem virtutis suæ præmium legitimo modo appetant. §. 3. Illud verò adhuc disquisitionem meretur : Utrum laus propria viro bono conveniat, sive : Utrum vir honestus seipsum laudare possit? Vulgò injustum censetur seipsum laudare, quia laus ab aliis potius expectanda. §. 4. Laus propria arguitur arrogantiae & ambitionis ex nimia Philavtia profectæ, itemque stultitiæ & impudentiæ tribuitur. §. 5. Laus propria in aliis hominibus molesta atque exosa, quia seipsum laudans alios præ se contemere putatur, aliosque vel invidiæ vel adulationis suspitioni exponit. §. 6. Laudans seipsum apud alios omni laude excidit; Hinc testimoniis sapientum laus propria dissuadetur. §. 7. Ostenditur, quantum argumenta hactenus contra laudem propriam allata valeant, sc. quod solum illam laudem propriam improbandam evincant, quæ ex ambitione proficiscitur, & cum jactantia conjuncta est, hæc autem si à laude propria absint, eandem certis casibus à viro honesto adhiberi posse, probatur, quia laus propria & veracitati, & magnanimitati & justitiæ congruit, ejus autem intermissio quandoque vitiosæ dissimulationis, pusillanimitatis & injustitiæ accusari potest. §. 8. Laus propria equeidem ex Philavtia proficiscitur, sed licita ac ordinata, unde & à sapientibus non omnis laus propria rejicitur, sed

sed quædam admittitur. §.9. Adducuntur casus quidam, quibus quis seipsum licitè laudare possit nempe quando calumniæ refellendæ sunt, quando rectè facta culpantur ab aliis imprimis talia quæ ad officium nostrum pertinent. §.10. Ulterius, quando in calamitates quis inciderit, aut quando ingratis beneficia commemoranda. §. 11. Quando laus propria est ex usu aliorum, ut per illam vel ad virtutem excitari, vel à timiditate revocari possint. §.12. Modus in laude propria adhibendus, ut illa fiat quam modestissimè, non sit intempestiva, nec nimis crebra, nec cum obtreptione alienæ laudis conjuncta, nec nostræ laudes aliorum laudibus statim immiscendæ. §.13. In laude propria potius ad defectum quam ad excessum inclinandum, aliquando etiam defectus quidam laudibus nostris admiscendi, & jactantiæ suspicio atque invidia certis formulis deprecanda. §.14. Laudans seipsum ad invidiam declinandam etiam aliorum, in primis Auditorū laudes admiscere debet, nec præclare facta sibi soli sed etiam aliis simul adscribere, quod non saltem Oratores, sed etiam Ministri aulici facere tenentur, ut gloriam rei benè gestæ non tam sibi quam Principi adscribant. §.15. Nonnunquam facta præclara fortunæ assignanda, in primis verò ad Deum referenda, quod etiam Ethnici fecisse leguntur.

**Menſe Aprili M. Gottfried Erasmii, Reg. Pruff. Respondente Johanne Sigismundo Babatio, Reg. Pruff. S. Theol. & Phil. Stud. pro receptione in Facultatem Philosophicam Diatribam Geographico Historicam, de S. S. Apostolorum Evangelizationum peregrinationibus per quatuor terra partes, placidæ eruditorum disquisitioni submisit. (7½ plag. in 4.)**

Præfatio ad Lectorem Dissertationis hujus occasionem exponit, & ad duo dubia circa Thema propositum respondet. Tractationis §. 1. considerat Dominum mittentem, §. 2. Legatos s. Apostolos, §. 3: Horum nomina enumerat, & §. 4 numerum, §. 5. ac 6. Apostolos olim ex mandato divino totum terrarum orbem peragrassè, atque verbi divini semina sparsisse

probat, nec non contrariam sententiam refutat. §. 7. necessarium non fuisse dicit, ut singulas civitates, pagos & angulos in quatuor mundi partibus perreptarent Apostoli. §. 8. eos universum orbem inter sese divisisse, hancque divisionem non sorte, sed vel mutuâ inter se voluntate, vel ductu ac impulsu Spiritus Sancti factam esse asserit, simulque tempus illud notat, in quo Apostolorum cœperit peregrinatio. §. 10. observat, Deum confectis bellis pacem ubique terrarum dedisse, omnesque ferè gentes vel Romani Imperii Subditos, vel confœderatos fuisse, ita ut ea propter pedes Apostolorum absque impedimento universum potuerint percurrere orbem. §. 11. ostendit in *Asiâ* & quidem in *Palestinâ* docuisse Servatorem ipsum & Apostolos, §. 12. in *Syriâ* viros Christianos Cyprios & Cyrenæos, item Paulum & Barnabam atque Petrum; in *Phœnisiâ* Paulum iterum & Barnabam cum aliis; in *Ciciliâ*, *Pamphiliâ*, *Paterâ*, *Rhodo*, *Cypro*, *Troade* Paulum; in *Asiâ minori* præter Johannem etiam Petrum; in *Licaoniâ* & *Armeniâ* Bartholomæum. §. 13. apud *Indos*, *Persas*, *Medos*, *Hircanos*, *Bactros*, *Parthos* Thomam; apud *Scythas* autem, & in specie *Sogdianos* & *Sacos* Andream, apud *Arabes* Paulum prædicasse scribit. §. 14. probat *Africam* Evangelii lumine illustratam statim à nece Stephani, in *Ægypto* Marcum; in *Æthiopiâ* Matthæum concionatum esse. §. 15. In *Europam* progrediens disquirat, num *Jacobus major*, vel *Paulus ante Jacobum in Hispaniâ prædicarit*? §. 16. refert, Crescentem evangelizasse in *Galliâ*, §. 17. Paulum in *Italiâ*; an *Petrus Roma fuerit*? expendit. §. 18. In universâ *Graciâ*, *Thraciâ*, *Mæsiâ*, Paulum, Andream, Lucam & Matthæum verbum Dei annunciasse tradit. §. 19. In *Germâniâ* porrò Lucium Cyrenæum, Marcum, Clementem, Maternum, Evcharium, Valerium, Thomam, Andream, Egistum. §. 20. in *Prussiâ* Andream, Bartholomæum & Thaddæum. §. 21. in *Scandinaviâ* Andream, §. 22. in *Britanniâ* Paulum, in *Hiberniâ* Jacobum, in *Religio* Maternum, Petri discipulum præcones fuisse. §. 23. asserit Apostolos in *Americâ* prima Religionis fundamenta posuisse, contrarium sentientes citat,

& §. 24.

& §. 24. eorum argumentum præcipuum, quod sc. America ante tempora Americi Vesputii Florentini aut ante inventionem Christophori Columbi Genuensis veteribus prorsus fuerit incognita. §. 25. probat Americam non esse novum orbem. §. 26. habuisse incolas ante adventum Hispanorum, §. 27. notam fuisse tempore Salomonis, §. 28. imò ante & post diluivum. His absolutis enodat quæstionem: *quomodo & quâ ratione Apostoli Discipulis, Christi nudipedes, pauperes in Americam pervenire potuerint, cum ipsis Oceanus obstaculo fuerit?* §. 30. confirmat quosdam ex Apostolis fuisse in Americâ. §. 31. inquit: *quisnam Apostolorum ibidem fuerit?* & Matthæum penetrasse affirmat. §. 32. Epilogum Dissertationi subjungit.

## H A F N I A E

Die 15. Martii, Præside *Laurentio Th. Schevio*, in Collegio Medicæo proposuit *Synodum Chronozevticam*, s. Dissertationem Astronomicam *de conjunctionibus Saturni & Jovis*, Respondens *Magnus Bircherus*, Joh. F. (2. plag. in 4to.)

Die 3. Aprilis, *Johannes Bartholini*, Theol. Prof. Respondente *Job. Linberg*, disputavit *de Sepulturâ Christi*. (pl. 2½ in 4.)

Argumentum Dissertationis est: Primò ostenditur Subjectū *Θσάιν Σπώρος*. Deindè probatur quod Articulus de Sepulturâ sit cognitu necessarius. Jam in V. T. creditus. Sepultura pertinet ad statum Exinanitionis. Tamen fuit honorifica. Est meritoria. Quod negant Pontificii & Calviniani. Qui refutantur. Ut & qui volunt, quod non mors, sed resurrectio demum cruciatibus finem imposuerit. Inter quos Pierius. Post quem & alii refutantur Calviniani, descensum Christi ad inferos per Sepulturam exponentes. Uti & Beza corpus Christi in sepulchro Cadaver appellans. Realiter quidem in sepulchro animam fuisse separatam à corpore. Verum tamen Christum mansisse hominem ob personalem unionem. Finem sepulturæ esse duplicem, *primarium*, ut illâ lueret partem pœnæ peccati, ut nostra sepulchra fierent jucunda cubilia, *secundarium*, ut spiritualiter cum Christo

Christo sepeliamur. Non autem finem esse religiosas Pontificiorum peregrinationes.

Die 27. April. prodiit *Joh. Wandalini* Discussio spei speciosæ de *Conversione Judæorum illustri*, ex Rom. XI. 25. 27. habita Respondente *Christiano à Moinichen*. (6. plag. in 4.)

Summa hæc est: affert brevem analysin sententiæ Apostolicæ. Ostendit quomodo Conversio Judæorum gentilibus tempore Pauli fuerit mysterium. Ut &, quomodo judæis conversio gentilium. Quomodo Israël ex parte obvenit induratio, & quis ille Israël. Et sic porro examinat singula ferè verba hujus loci, refellens simul analysin *Sperantium*. Monstrat quomodo h. l. applicentur ab Apostolo duo dicta prophetica Es. LIX, 20. 21. Jer. XXXI, 33. 34. *Sperantium* opinio de conversione ad absurdum redigitur, sc. convertendos esse Judæos, aut secundum Oeconomiam gratiæ in Evangelio, aut secundum longè aliam. Si hoc, fore alium salvandi modum, quàm indè à lapsu Adami fuit, quod absurdum. Si illud, quæritur: quænam vis gratiæ, quæ efficacia Verbi & Sacramentorum, quod meritum filii, quæ voluntas Patris & operatio Spiritus Sancti ultrà expectari possit, quam quæ huc usque nos convertit? Quo manifestior est Dei indulgentia & longanimitas erga Judæos, eò gravius ipsis incumbit judicium ob pertinaciam. Adfertur consensus Patrum & Doctorum Ecclesiæ, ad quod *Spenerus* aliique *Sperantes* provocant.. Sed ostenditur ambigere *Hilarium*, *Ambrosium*, *Cyllum Alexandrinum*, *Basilium M.*, *Originem*, &c. *Augustinum* verò & *Chrysostomum* nodum magis secare, quam solvere, dum putarunt, Eliam, V. T. Prophetam, ante diem judicii venturum, Judæos ad fidem conversurum. Exponitur autem, quis ille Elias fuerit? *Sperantium* dogma esse novum, & quo respectu. Docetur, plurimos Ecclesiæ nostræ Doctores, ad quos provocant *Sperantes*, non favere *Sperantibus*.

#### KILONII.

Die II. Martii sub Præsidio *Henrici Müllii* Doctoris atque Professoris Theologiæ Ordin. de *Fato duorum Testium*

ex Apocalypſeos Johanneæ Cap. XI. 3. - II. publicè diſſeruit  
*Albertus à Selbe* /Bremeniſis. (plag. 9. in 4to.)

In hac Diſputatione ſe id unicè curaturum dicit Auctor,  
 ut ſepoſitis omnibus præjudicatis de hoc loco opinionibus,  
 Spiritus Sancti mentem enucleatè reddat. Proinde à §. 2.  
 ad 19. incluſivè, non ſolùm expendit verborum vim eorum-  
 que connexionem, ſed etiam ſtatuit, per binos teſtes Johan-  
 nem S. Vatem intelligere Sacram Scripturam, veteris ac no-  
 vi fœderis libris comprehenſam, teſtium numero, nomine,  
 officio, viribus, fato, aliisque argumentis ex Hiſtoriis de-  
 promptis ac comprobatis, ad id credendum inductus. A §. 20.  
 ad finem usque Diſſertationis oppoſita ſibi ſuæque ſententiæ  
 argumenta diluere allaborat.

Die 30. Martii ſub Præſidio *Georgii Paſchii*, Artis ratio-  
 nis Philoſ. Primæ ac Moraliſ Prof. Ord. h. t. Decani, Poſitio-  
 nes ex naturæ rationis que principiis deductæ de *DEO, Ejusque*  
*attributis*, pro obtinendis ſummis in Philoſophiâ honoribus  
 Eruditorum examini ſubmiſit *Bartholomæus Naſſer*, Tunderâ-  
 Slefviſciſis. (2 plag. in 4to.)

Loco Præſationis de *Premio Literario*, quod *Magiſterium vo-*  
*cant*, hac occaſione ſermonem inſtituit Præſes, & hunc A-  
 ctum reſpondendo ad propoſitam quæſtionem: *Cum quo di-*  
*ſcendicupidus aptè comparari poſſit?* novellus Magiſter finivit.

Eodem menſe Diſputationem Juridicam de *Feriis & Dilationi-*  
*bus*, ad lib. ff. 2. Tit. 12. Sereniſſimi Principis Auſpiciis,  
 Præſide *Nicolao Martini*, Jcto & Anteceſſ. Primario, Se-  
 reniſſimi Ducis Slefvi & Holſatiæ Conſiliario Juſtitix  
 Pandect. & Philoſophiæ Civil. Profefſore publico, publicè  
 defendit *Petrus Fridericus Arpe*, Kilonienſ. Holſ. (plag. 3. in 4.)

Hujus Diſſertationis §. 1. tradit vocis *Feriarum* derivationem,  
 §. 2. variam acceptionem, §. 3. diſcriptionem, & §. 4. earun-  
 dem diſiſionem, à *Subjeſto*, in publicas & privatas, §. 5. à *Fine*,  
 in illas, quæ cultui divino debitè peragendo, & quæ humanis  
 necel-

necessitatibus aliis deserviunt; illæ sunt dies Festi, qui vel ordinarii, §. 6. vel extraordinarii, §. 7. hæc pertinent vel ad rem Rusticam, vel ad mercatum exercendum. Hinc docet §. 8. totum diem cultui divino dicatum immunitatem à necessitate in judicio comparendi tribuere, §. 9. aliter tamen fieri si necessitas urgeat, pietas svadeat, §. 10. Citationis insinuationem die feriato factam non valere neque licere, §. 11. uti nec Studiorum tractationem, tum §. 12. indicat, quæ Feriæ diversa Sacra colentibus sint observandæ? §. 13. ad Ferias Humanas progrediens earum descriptionem addit & divisionem, in Rusticas & Urbanas, quæ & Nundinales dici consueverunt, de illis agit §. 14. seqq. de his §. 17. Deindè considerat §. 18. duo Nundinarum privilegia; quorum alterum protectio & securitas; alterum, quod ad Nundinas venientes de debito conveniri, bonaque arresto detineri non possint; circa hoc posterius quærit §. 19. de Personis quibus competat? §. 20. de Objecto, h. e. debito, §. 21. de debito jurato, §. 22. de loco, ubi competat? Postea §. 23. expendit Feriarum effectum, §. 24. describit *Dilationem*, & quidem §. 25. undè oriatur, §. 26. cui obtingat, §. 27. Formale, in quo consistat, §. 28. Causas s. lites, in quibus locum sibi vindicet, contemplatur, §. 29. in judicio Cameraali tres Dilationes; §. 30. autem in crimine adulterii nullam dilationem dari dicit, §. 31. notat dilationis effectus, & §. 32. seqq. dilationis terminum s. tempus, nec non §. 35. ejusdem divisiones, à causâ efficiente, in publicam & privatam; ab objecto, in judicialem & extrajudicialem; ab effectu, in peremptoriam & dilatoriam. §. 36. Dilationis legalis exemplum sistit, §. 37. de Dilatione Probatoriâ agit, & tandem §. 38. de Dilatione *Citatoriâ, Deliberatoriâ, Exceptoriâ, Litigatoriâ, Definitoriâ & Judiciali.*

Dicto mense sub Præsidio *Samuelis Reyheri*, JC. Cod. & Mathem. super. & infer. Prof. Publ. *Christiani Henrici Weidemann*, Lips. pro summis in utroque jure honoribus ac Privilegiis Doctoralibus obtinendis, publico examini submisit Disputationem juridicam Inauguralem de *Epactis Solaribus*

*ribus præcipue verò de XI. dierum, ex fastis restitutis, & ad tempora Concilii Nicani reductis, exemptorum jure.* (pl.9.in 4.)

Postquam in *Proæmio Causas* exposuit, ob quas de XI. dierum exemptorum jure agere voluit, *Cap. I.* agit de Epactis in genere, de Lunaribus verò in specie, nec non de mensis intercalaris jure; *Cap. II.* de Epactis Solaribus, earumque causis; *Cap. III.* de modis, quibus aliqui ex Fastorum mutatione ortis difficultatibus mederi voluerunt; *Cap. IV.* de temporum cursu; *Cap. V.* de tempore continuo & utili; *Cap. VI.* de Præscriptionum, V. s. u. c. a. p. i. o. n. u. m & Dilationum temporibus, uno anno & uno mense minoribus, & quidem de horis & diebus; *Cap. VII.* de præscriptionibus & dilationibus per menses definitis; *Cap. VII.* de præscriptionibus, dilationibus, aliisque temporibus annalibus; *Cap. IX.* de præscriptionibus, dilationibus aliisque temporibus annum usque ad quinquennium excedentibus; *Cap. X.* de septem, decem, quatuordecim, septendecim, octodecim, viginti, nec non vigintiunius annorum temporibus, præscriptionibus & dilationibus; *Cap. XI.* de viginti quinque, triginta, quadraginta, quinquaginta, sexaginta annorum temporibus & præscriptionibus; *Cap. XII.* de sexaginta quinque, septuaginta, nonaginta, centum annorum, item perpetua & immemoriali præscriptionibus; *Cap. XIII.* de aliis quibusdam temporibus ob emendatum Calendarium dubiis; *Cap. XIV.* de modo solvendi omnes difficultates ex undecim dierum suppressione ortas, deque conditionum, consensuum & aliarum circumstantiarum retrotractionibus; *Cap. XV.* de temporum, emendationem Gregorianam antecedentium, ad naturale tempus reductione.

Prodiit *Sebastiani Kortholts*, Poët. Prof. Publ. & Ordin. Programma, de Poëtis qui itinera sua Carmine complexi sunt, quo Patres Civesque Academicos invitavit ad audiendum iter suum *Belgicum & Anglicanum*, quod versibus descripsit & die 8. April. publice recitavit. (1. plag. in 4.)

Principe loco Auctor producit *C. Jul. Casarem* & alios Imperatores, qui itinera sua versu profecti sunt, de quibus pluribus se dicturum promittit in Dissertatione de *Poëtis Imperatoribus*. In alia de *Poëtis Pontificibus* jam meminit *Alexandri VII.* qui itinera sua inter proficiscendum depinxit. Nec obliviscitur *Horatii, Caji Lucilii, Ovidii, Laëtantii, Aquilii Severi, Claudii Rutilii Nummatiani*, qui e veteribus itinera sua carmine descripsere. Ex Anglis ipsi celebratur *Robertus Wild, Richardus Eedes, Rich. Corbetus, Georgius Sandisus, Isaacus Barrow* qui idem saxum volverunt. Deinde mentione facta *Rich. Bartholini Perusini, Jo. Bisselii Jesuitæ, Jo. Scoti, Jo. Secundi Belgæ, Andreae Bajani Lusitani, & Jo. Isaacii Pontani Dani*, transit ad Germanos, inter quos de profectio- nibus suis versu scripsisse memorat *Joachimum Camerarium, Frid. Widebramum, Petrum Lindebergium, Jo. Ludov. Brassicanum, Mart. Braschium, Georg. Fabricium, Jac. Micyllum, Georg. Sabinum, Henr. Porsum, Paulum Rubigallum* & denique *Hildebrandum ab Horn*, quem civem suum ob notitiam poësis Gallicæ, Latinæ, Italicæ, Russicæ & Slavonicæ pluribus commendat, ejusque iter Moscoviti- eum se publicaturum promittit. Denique inter superstites celebrat *P. D. Huetium* Antistitem Abricensem & *Jo. Nicolaum Pechlinum*, Consiliarium justitiæ, quorum uterque excitatoris ingenii vires periclitatus est in itinere Svecico carmine de- pingendo. Addit se quoque admodum adolescentem *A. MDCXCVI.* iter suum Anglicanum versibus complexum esse, cujus publicationem quidem non necessariam, recitationem tamen nec inutilem, nec injucundam fore judicavit. Excitare enim voluit juvenes laudis capaces ad poemata secundum mandatum Sereniss. Cimbrorum Principis publice recitanda, ideoque, veluti quondam *Morhofius* habita oratione *de laudibus auri*, oratoribus; ita poëtis exemplo suo viam prævit, & aliquam partem profectio- nis suæ prælegit.

*Idem Sebastianus Kortholt*, Poët. Prof. Ord. die 12. Aprilis Patres civesque Academicos publico programmate invitavit ad audiendam orationem, quam *Petrus Peterfenius, Schlesvicen- sis,*

sis, vernaculis versibus expressit. Egit ille memor temporis sanctissimi in quo versabatur de *Memorabilibus Hebdomadis Sacro Sancta*, quam *μαγάλην εβδομάδα* & avthenticam pia vocavit antiqvitas, testibus Chrysofomo, Theodoro Studita, Anastasio Niceno, Jo. Filefacio & aliis.

HAMBVRGI.

Lucem publicam vidit Johannis Winckleri, ad D. Michaelis ædem Pastoris, succincta Explicatio difficiliorum comarum in capite nono Epistolæ Paulinæ ad Romanos perscriptæ obviorem, sive:

Eine kurtze Erklärung der schwersten versiculn des 9. Capitels der Epistel St. Pauli an die Römer. Vormahls in einem Collegio Hermenevtico vorgetragen von Johann Wincklern / Pastor zu St. Michaëlis. Hamburg / bey Gottfried Liebernichel / 1702.

LVBECÆ

Johannes Nolto, Philosoph. & Medicinæ Doct. nec non Physicus Lubecensis edidit *Discursum Medicum de Theriaca Andromachi Senioris*, ejusque *Origine, Etymologiâ, Ingredientibus & Usu Medico*, ex variis tam Veterum, quam Recentiorum Scriptis adornatus, i. e. Eine Medicinische Lobrede des von vielen Jahren her hoch berühmten THERIACS / worin von dessen Ursprung / Namens-Benennung / herrlichen Ingredientien, und Preisbahren Nutzen / aus alten und neuen Auctoren gehandelt wird. Lubecæ, Typis Mauritii Schmalhertzii, Sumtibus Viduæ Edlerianæ, 1702. (6. plag. in 4.)

Prelo etiam parata habet:

*Gazophylacium Medico-Pharmaceuticum.*

*Historiam Josephi.*

*Sylogem Observationum Chirurgico-Medicarum.*


*Dispensatorium Pharmaceuticum Lubecense*, jam antehac in N. L. nobis memoratum.

*Ova monstrosa ex Museo.*

Jo. Jacobi Stolterfohti, D.

*Non tam ovum ovo simile*, rebus indiscretæ similitudinis, ad-


gii statuit antiquitas. A curvis incedere tibiis hoc *simile* diceres, si miram Naturæ lusum, quem in *vegetabili* non saltem & *minerali Regno*, sed & in hacce pullitiei specie, penicillo plus quam artificioso, curiosis passim sistit oculis, paulo accuratius rimaberis. En nostris ex scriniolis *caudatum* tibi trado *ovum*



AN *ovum ovo* sit semper *simile* inter res dubias numerans. Ejusdem farinae foetum ex anate, una cum alio exacte pyrum referente, inter rariora sua se servare testatur *D. Christian. Frideric. Garmann. Ephem. Nat. Curios. Dec. 1. A. 1. Obs. CXL. p. 273.* A figura nostra parum abludit *ovulum* illud *collo* crustaceo conspicuum in *Aët. Med. Hassn. Vol. V. Obs. XVII. p. 72.* Quod vero cum appendice sive *caudatum* depingit *D. Petr. Rommelius, M. N. C. Dec. II. A. V. Obs. CXLVII. p. 300.* duplicaturæ potius & superfoetationis specimen est, ut docte sentit idem, calculum adjiciente *Excell. Domino D. Luc. Schröckio in Schol. ad l. c.* interim monstrosum satis, & ab ordinaria figura multum aberrans. Ratio autem phœnomeni in nostro, quod sistimus, *ovo*, à corticis consistentia ante exclusionem petenda videtur. Hæc enim, uti ex iis quæ *A. 1699. Mens. Januar. p. 30.* occasione *ovi pregnantis* adduximus, prima duritiei rudimenta ex arena & lapidibus deglutitis in culeo gallinæ con-

contrahit, ab aëre ambiente demum ultimum indurationis gradum expectantia. Hæc vero materia cum ante plenariam indurationem sit admodum mucilaginea, in ipso exclusionis conatu extrema pars glutinosa nondum indurata culeo tenacius adhærens talem *cauda* figuram formavit, & deinceps appendicis instar sese cortici primario, cujus pars est, orbiculatim applicavit, prout se ovum in emigratione ex viscerum claustris ratione figuræ in gyrum duxit. Materiam corticis esse tortilem, *ovum Galli Gallinacei* semicircularis figuræ, quod depictum sistit Dn. D. *Marcus Gerbezius M. N. C. Dec. III. A. V. & VI. Obs. CXXXVIII. p. 278.* & illud Gallopavi monstrosum, quod ad vivum delineat *D. Gustav. Casimir. Gabrlied. I. c. Obs. CLXIV. p. 374. seqq.* itemque illud in p. n. humorem degeneratum & valde extensum, inter rariora *D. Friderici Ruyschii Observ. Anatomico-Chirurgic. XVII. p. m. 23.* nec non *caudatum* illud *Excell. Dn. D. Luc. Schröckii in Schol. ad M. N. C. Dec. 1. A. 1. Obs. XVI. p. 38.* ac istud *Olai Borrichii Act. Med. Hassn. Vol. V. Obs. XVII. p. 72.* aliaque p. n. figurata passim obvia evincunt.

Ast diversa ab hisce facie reddit se conspicuum, *ovum* tali modo figuratum



quod itidem inter reculas nostras asservamus, diversis angulis ac plicis donatum. Monstrosus namque hicce partus non videtur in ipso exclusionis actu à statu suo naturali recessisse, sed in ipsa matrice, ex particularum arenosarum reliquiis. *Ovum* in finem quippe appetitu naturali deglutiant lapillos & arenam Gallinæ d.l. sub tit. *Ovum pragnans*, paucis indigitavimus. Cum vero indigestæ remaneant mineralis convivii particulæ, utitur iisdem in suo Laboratorio Archeus Protheiformis, atterendo cortici tenello, orbiculumque culi diversimode agitando: ut politus quasi ab Artificis manu prodeat fœtus tot angulis striisque conspicuus; qualem nostro exacte similem in *Physico-theca sua custodiebat B. Dn. Doct. Henric. Liepstorpius*, amicus noster desideratissimus. Cortice plicato at tereti figura præditum *ovum* fisisit quoque Curiosorum oculis *Excell. Dn. D. Lucas Schröckius M. N. C. Dec. II. A. 1. Obs. XVI. in Schol. p. m. 37.* ubi & ex communicatione *D. Andrea Cleyeri* *ovum* Gallinaceum cum serpentis imagine in testa depictum repræsentat, cum alio, quod die 14. Decembr. An. 1680. Romæ in Capitolio apud Ministrum quendam primarium à Gallina exclusum, Cometam eodem temporis articulo in caput Andromedæ horrendum tuentem, in testa sua cum aliis Asterismis ostendens: quale phænomenon imaginationis viribus haud inepte tribuit. Huc quadrat *ovum* sole signatum *Schefferi*, cujus mentionem injicit *Job. Henric. Seyfried Medull. Mirabil. Natur. L. II. c. IV. p. m. 620.* Ejusmodi imaginationis & impressionis vim in anate, cujus *ovum* Epar Lucii piscis deglutitum reddebat, ostendit *Dn. D. Dan. Crüger. M. N. C. Dec. II. A. VI. Obs. XLIII. p. 113.* conf. quæ de Malazæ alterius in ovo figura singulari habet *Dn. D. Job. Mauric. Hoffmann. M. N. C. Dec. II. A. VII. Obs.*

CCXLV. p. 460. Viden igitur, B. L. quam sit

*ovum ovo simile?*



# NOVA LITERARIA

## MARIS BALTHICI ET SEPTENTRIONIS,

*Edita Mense Junio MDCCII.*

### WISMARIAE

**D**ie 4. Maji sub directione M. *Johannis Kindleri*, Rectoris, publicam in Auditorio Novo Cathedram animarunt tres Lycei Cives, *Johannes Caspar Clafen*, *Vincentius Beuthin*, & *Johannes Henricus Höfer*, omnes Wismarienses, de Resurrectione JESU CHRISTI verba faciendo. Et *primus* quidem *multiplitem*, qui ex Resurrectione Christi in humanum genus redundat, fructum exposuit. *Secundus* ex meritis & Resurrectione Christi Resurrectionem Impiorum pendere, confirmare annisus est; Cui contradicens *Tertius*, meritis & Resurrectioni Christi Resurrectionem Impiorum non deberi, probavit.

Stanno *Matthiae Martini* impressa exstat Concio Funerbris, ex Epist. ad Philip. I, 23. in Funere Generosæ Matronæ à *Regensdancen* habita, & publicæ luci exposita à *Johanne Conradi*, Pastore *Proseckensi*, sub titulo: *Fidelis anima cæli desiderium*, sive *Einer Gläubigen Seelen Sehnsucht nach den Freuden-Himmel*. Constat cum Personal. 16½ plag. in fol.

### ROSTOCHII

Die 6. Maji sub moderamine *Andreae Danielis Habichhorstii*, S. Theol. D. ejusdemque P. P. & Consiliarii Consist. Collegiique Ducalis & ECCLISIE Theol. nec non totius Acad. Senioris, Præses M. *Henr. Ascan. Engelcke* / Rostoch. SS. Theol. Cand. & Respondens *Christianus Henr. Schulemann* / *Dobber. Meckelb.* Dissertationum Theologicarum, quæ D. *Justi Christoph. Schomeri*, b. m. Collegium novissimarum tunc temporis Controversiarum in universam Theologiam, exhibent, *primam*, sistentem Cap. I. de Præcognitis,

tis, contra *Atheos & Naturalistas*, ventilandam proposuerunt. (2½ plag. in 4.)

Cum præliminariter dictum esset, quòd quæstioni illi, an detur Theologia, duæ sint permittendæ, 1. an sit Deus, 2. an detur revelatio? asseritur §. 1. & 2. existentia Dei contra Hobbes, eaque probatur. §. 3. ex vicissitudinibus rerum primum principium postulantis. §. 4. ex rerum harmoniâ, contra Morum. §. 5. ex naturali sensu honesti ac inhonesti, ac conscientiâ. §. 6. Additur patere ex effectibus DEum esse Ens perfectissimum. §. 7. Rejjicitur dubitatio de existentia DEI, contra Cartes. §. 8. Adstruitur Providentia, & §. 9. quod alia detur adhuc vita. §. 10. Luminis naturæ ad cultum Dei insufficientia ostenditur, undè §. 11. teneamur inquirere revelationem, contra Herbertum. §. 12. de quâ homo possit certus fieri, contra Spinosam. §. 13. Requisita revelationis sunt (a) Sanctitas, (b) Sublimitas rerum, (c) Conformitas, (d) Antiquitas. Indicia præterea ejus sunt (α) prædictio futurorum, (β) miracula. Refutantur ea, quæ contra miracula profert Spinosæ. §. 14. Requisita Scripturæ Sacræ sunt, quod complectatur (1) præcepta sanctissima, (2) mysteria, (3) conformitatem, (4) antiquitatem, (5) prædictionem futurorum, (6) miracula. §. 15. Non potest infidelis fidem historicam Scripturæ Sacræ denegare, §. 16. Alia divinitatis Scripturæ *αριτήρια*. §. 17. Descriptio Theologiæ.

Die 13. Maji Præsides M. *Davide Henrico Kæpkenio*, Lunenburg. Respondens *Johan. Henr. Finck*, Schediasma Historicum de *Lato Clavo*, Eminentiorum quondam Insigni, ejusque jure, placidæ disquisitioni submitit. (1½ plag. in 4.)

Die 20. Maji, *Collegii Schæmeriani* Disputationem secundam de *Scripturâ Sacrâ* Moderante *Johanne Fechtio*, S. S. Theol. D. ejusdemque P. P. & Consiliario Consist. nec non Distr. Rostoch. Superintendente, habuerunt Præsides supra dictus *M. Henricus Afsan. Engelcke* / Rostoch. S. S. Theol. Cand. & Respondens *Erhardus Sprengel*, Stettin. Pomer. (pl. 3. in 4.)  
Argu-

Argumentum est tale: §. 1. Scriptura S. ad huc complectitur vera & genuina Mosis, Prophetarum & Apostolorum Scripta, contra Spinofam, Hobbesium, & Peyrerium, Pentatevchum præcipuè impugnantes. §. 2. Ad Scripturam S. non pertinent Apocrypha. §. 3. Quo sermone consignata sit Scriptura, constare potest tum historicè, tum criticè ac Theologicè, contra eos, qui dicunt, id tantum ex Ecclesiæ testimonio innotescere, Calixtum & Musæum. §. 4. Literæ quadratæ sunt primævæ Hebrææ, non Samaritanæ, contra Capellum, Vossium, Waltonum, &c. §. 5. Vocalia Hebræa literis sunt coæva, contra Eliam Levitam, Capellum aliosque. §. 6. Item accentus, §. 7. Discrepantia Versionum à fontibus non potest probare fontium corruptionem, contra Vosium, LXX viralis interpretationis laudatorem. §. 8. Scriptura S. non approbat errores vulgi, contra M. H. Nicolai, Wittichium, Spinofam. Viam erroneæ sententiæ pandit Calvinismus.

Die 24. Maji *Matthias Stein* / V. J. D. & Profess. Publ. Ord. edidit Discursum *de Utilitate disputandi in Academiâ, & istius comparatione cum Disputatione in Foro*, in quo ille significavit, nonnullos Jurisprudentiæ Cultores *Exercitium publicum Disputatorium* in XXV. Dissertationes *Schnobelianas* alternis vicibus suo sub Præsidio habituros esse. (2 plag. in 4.)

Die 31. Maji prodiit Dissertationum Theologicarum semel iterumque dictarum *Tertia*, Cap. II. *de Scripturâ Sacrà* sistens, quam Moderatore *Joh. Nic. Quistorpio*, SS. Theol. D. ejusdemque P.P. nec non Pastore Nicol. & Minist. Rostoch. Directore, h. t. ECtis suæ Decano, aliquoties citatus Præses *M. Henr. Ascan. Engelste* / & Respondens *Jacobus Posselius*, Anclam-Pomer. publicæ ventilationi exhibuerunt. (2½ plag. in 4.)

Cohæret hæc Disputatio cum superiori, & sequentia continet: §. 9. Sensus Scripturæ literalis unicus est, contra Coccejanos, in specie Burmannum, it. Auctorem Tractatus: *Philosophia*

*phia Scripturae Interpres.* Differunt tamen Coccejani à Socinianis & Pontificiis. §. 10. Principia Philosophica non sunt principium eruendi sensum Scripturæ aut Dogmatum Theologicorum, contra Auctorem tractatus: *Philosophia Scripturae interpres*; qui à Socin. & Armin. in quibusdam differt, & non sufficienter refutatur à Wolzogen; quemadmodum nec hic à Joh. van der Wayen. Viam iis sternit Calvinismus. §. 11. Philosophia imperium Theologiæ agnoscere debet, contra Cartesianos. §. 12. Notitia lingvarum Theologo magis necessaria est, quam Philosophia, aut Theologia Scholastica, contra Calixtum & Hornejum. §. 13. Consensus Ecclesiæ non potest ad sensum Scripturæ eruendum novum aliquod principium esse, aut pro Apostolicâ traditione suscipi, contra Calixtum, Dreierum, Hornejum & Musæum; qui differunt à Pontificiis, §. 14. Scriptura ad vitam æternam obtinendam sufficiens est, contra Quakeros à Pontificiis aliquantum diversos. §. 15. Extra Scripturam nulla hodiè promissa est revelatio de sensu Scripturæ, vel mysteriis novis, contra Weigelium aliosque Enthusiastas. Differentia datur Quakerorum & Weigeli. §. 16. Idem quoad rem est verbum Dei cogitatum, ore prolatum & scriptum, contra Weigel. Quakeros, &c. §. 17. Vis operationum spiritualium effectiva, æque ut vis significandi Scripturæ S. semper verè ac naturaliter inest, contra Arminianos, Rathmannum, Calixtum, Musæum; quorum differentia insinuatur. §. 18. Auctoritas Scripturæ S. non solum voluntati, sed etiam intellectui nostro imperat, contra Arminianos.

Prodiit ex officinâ Monetariâ Sverinensi Nummus in memoriam nuperæ combinationis utriusque Ducatus Mecklenburgici culus, qui primâ sui facie offert effigiem Serenissimæ Principis ad vivum juxta omnia lineamenta expressam, cum perigraphæ:

FRIDERICVS. WILHELMVS. D. G. DVX. MEGAPOLITANVS. PIVS. FELIX. INCLITVS.

In averâ Sverinensî & Gultroviensî arces catenâ firmiter

ter inter se junguntur, in medio sui Bucephalum Mecklenburgicum suspensum tenentes, addito lemmate:

DEI GRATIA. CAESARIS. LEOPOLDI. IVSTITIA.  
Inferiori loco scriptum legitur:

*Indissolubili junxit catena. Anno 1701.*

Concio illa *Johannis Sensii*, Templi Mariani Archi-Diaconi, quam Dominica Oculi horis pomeridianis in praesentia Serenissimi Mecklenburgicorum Principis Regentis habuit, typis exscripta extat hoc titulo: *Königliche Würde der Heiligen / bey Volckreicher Versammlung / da der Durchl. Fürst und Herr FRIEDRICH WILHELM / u. u. am Sontage Oculi unsern Tempel mit seiner hohen Gegenwart gnädigst ersteuete / aus der ordentlichen Epistel vorgestellet durch Joh. Sensium, Archi-Diac. zu St. Marien / und Pastorem des Klosters zum Heil. Craus. (plag. 7. in fol.)*

### STRALESVNDÆ

Cum superiori anno 1701. mense Aprili p. 103. seq. mentionem fecimus longævi cujusdam Dantis mortui, hac vice iterum placuit memorare grandævi alius 104 ætatis anno denati, qui d. 7. Maji in cœmeterio Steinhagensi propè Stralsundam terræ mandabatur. Ter in Conjugio vixit, fuitque 13. liberorum ex primâ uxore susceptorum pater, 48. nepotum Avus, & 11. Pronepotum Pro-Avus. Annum ætatis 98. agens matrimonium posterius iniit. Ast numero annorum uti & liberorum dictum Ruricolam superat Venetorum Consul nuper Smyrnæ demortuus, de quo mentio facta in *Novellis a. c. de 9. Junii*. Hic enim vixit 118. annos, atque ex binis conjugibus 60. habuit liberos, quos inter filius octogenarius, nec non alius eo quatuor annis major.

### GRYPHISWALDIAE

Die 3. Maji Dissertationem *Carolinam Theologicam de fundamento precum veterum Hebraeorum, quod est Messias*, sub Præsidio *Brandani Henrici Gebhardi*, S. Theol. D. ejusdemque ut & S. Lingvæ Prof. Ord. h. t. Fac. Phil. Decani, publi-

co examini exhibuit *Christianus Philippus von Santen / Gryphiswald.* (2 plag. in 4.)

1. Instituitur disquisitio de fundamento precum veterum Hebræorum ex Dan. IX. 17. 2. Adonai habet puncta peregrina à nomine Jehovah mutuò sumta. 3. Continet duas voces, Jehovah & Adonai. 4. In Adonai Elohim compendium quoddam est revelatæ Doctrinæ. 5. Hic nomen Adonai notat Filium DEi, Messiam Satisfactorem, pro peccatis. 6. in specie pro incredulitate. 7. quæ Messiam ab omnibus Prophetis prædicatum repudiat. 8. Satisfacientem, severæ DEi justitiæ & misericordiæ temperamentum. 10. unde est quod & ipsa misericordia justitia DEi vocetur. 11. Expenditur R. *Abenesra* de hoc loco sententia. 12. R. *Mosis*. 13. *Medraschicorum*. 14. R. *Abarbenelis*. 15. Concluditur, Judæos modernos non exaudiri, quia non orant in nomine Messia.

Die 10. Maji prodit *Bibliotheca Biblica*, exhibens *Scriptores Judæos & Christianos è quibus Iudæorum in V. T. Commentariorum notitia peti potest*, quam sub Præsidio *Jo. Frid. Mayeri*, Lips. S. Theol. D. Prof. Prim. Facult. Theol. Decani, Superint. General. & Univerfit. Pro-Cancellarii, h. t. Rectoris, publicè defendit *Christian Philip. von Santen*, antè dictus. (1½ plag. in 4.)

§. 1. Ex Judæis adducitur Menasse Ben Israël, qui *Bibliothecam suæ gentis*, inque eâ *notitiam Commentariorum in libros legis & Prophetarum per Hebræos editorum* tradere aggressus est, & §. 2. R. Johannes Baptista Jonas, ex Judæo Christianus, idem saxum volvens, sed ambo ante absolutum opus mortui. §. 3. mentio fit R. Schabtai Ben Joseph, qui *Bibliothecam Rabbinicam* edidit, sub titulo: *Siphie Jeshbenim*, s. *labia dormientium*. §. 4. Julii Conradi Otthonis, ex Iudæo Christiani, *Academixque Altorffinæ Professoris*, libri *Gali Razia*, s. *occultorum detectio* dicti. §. 5. E Christianorum libris, in quibus illi Rabbinis Rabbinarumque scriptis enarrandis operam suam addixere, sistitur *Conradi Gesneri lib. Pandect.* §. 6. *Sixti Senensis Bibliotheca Sancta*. §. 7. D. Joh. Molderi

deri *malleus obstinationis Judaica*, cui subjecit *Catalogum precipuorum judaicae Gentis Doctorum*; Theodori Eberti *Chronologia succincta precipuorum sanctioris linguae Doctorum*. §. 8. Antonii Possevini *Apparatus Sacer*; it. Petri Besodneri *Bibliotheca Theologica*. §. 9. Joh. Buxtorffii *Bibliotheca Rabbinica*. §. 10. Joh. Plantavitii de la Pause, Episcopi Lodoviensis, *Florilegium Rabbinicum*, cui addita *Bibliotheca Scriptorum Rabbinicorum editorum & manuscriptorum*. §. 11. Joh. Henr. Höttingeri *Bibliotheca Orientalis*. §. 12. Cœlestini à Monte Marfanno, *Clavis Davidis*. §. 13. Nicolai Antonii *de Judeorum Hispanorum scriptis liber*. §. 14. Richardi Simonis *Historia Critica V. T. cum notitiâ Autorum precipuorum Judeorum, tam Scripturae interpretum, quam aliorum*. §. 15. Joh. Henr. Heideggeri *Enchiridion Biblicum*. §. 16. Julii Bartoloccii *Bibliotheca Rabbinica*.

Die 24. Maji prodiit Disputatio *Carolina Historico-Philologica de Ascensu non Arcæ Fœderis, sed Angeli Fœderis*, h. e. *Domini nostri JESU CHRISTI gloriosa ascensione*, ad Psalm. 47. quam Præses M. *Nicolaus Köppen*, P. P. Extra-Ord. & Respondens *Petrus Schöppich* / SS. Theol. Stud. placidæ disquisitioni submiserunt. (3. plag in 4.)

Judæi circa interpretationem hujus Psalmi in duas classes dispescuntur: quorum alii eum referunt ad *Messiam*: alii aliorum eum detorquent. Ad utriusque partis sententiam tum intelligendam, tum illorum ex toto, horum, quatenus male applicatur, facilius rejiciendam, *Historia Arcæ Fœderis* è Scripturâ sistitur, & quid de ejus restitutione habendum sit, inde decernitur; tum quoque quæ illi de temporibus Messiae fingunt prodigia, excutitur, & quo fundamento subsistant, breviter dispicitur.

## COLBERGAE

*Excerpta ex Amici Colbergensis*

*Epistola.*

Virgo, *Euphrosyna Auenia*, nata patre *Johanne Auenio*, Med. D. & Camerario Colbergensi, Amorem in studia ab ipsis

ipsis fere incunabilis singularem prodidit. Annum ætatis ingressa quintum Scholam protinus ingressa est privatam cujusdam tum hæc degentis Studiosi Juris. Hujus dexterrimâ per integrum quinquennium informatione usâ, *Donatum*, *Grammaticam*, *Comenium*, *Cornesium* ejusque farinae Auctores sedulo pertractavit; *Justino* quoque manus admovere cœpit. Imo & in Græcis sub ejusdem auspiciis ita profecit, ut plurimos dignioris sexus, quos commilitones habuit, longè post se relinqueret. Præceptorum dehinc Lycei Colbergensis publicorum privatæ tradita est curæ, nimirum Dn. M. *Hollazii*, Rectoris, & Dn. *Höfelii*, Con-Rectoris, quos in omni virginem maximè decentis doctrinæ genere Doctores venerata est fidelissimos. Annum agens decimum sextum Stargardiam venit ad Patrum suum, qui eo tempore verbi Divini Minister atque Collega Collegii *Gröningiani* ibidem erat. Hic Dn. M. *Paschium*, Philosophum celeberrimum Logicam, & Patrum Oratoriam ac Poësin privatim docentes non semel audivit. Inde cum Patruo Colbergam repetiit & jam multos annos libros versat diurnâ nocturnaque manu, literisque nihil sanctius reputat jucundiusque. Lingvam quoque Gallicam didicit, hinc epistolas, si quas habet ad eruditos scribendas Latino filo aut Gallico stilo contexit, tantâ elegantia ut legi mereantur. Carmina tam Latina quam Germanica eadem facilitate ac felicitate scribit, exempli loco inter alia plurima sunt, partim illud, quò in Nuptiis Celsissimi Principis FRIDERICI, Landgravii Hassiaci, cum Serenissimâ Brandenburgicâ Principissâ, *Loyssâ Dorusheâ*, *Sophiâ*, celebratis, suam testata est observantiam; partim illud Gratulatorium, quò *And. Cass. Rothium*, in Acad. Lips. Magisteriali Laureâ ornatum hoc ipsò annò profectebatur.

## GEDANI

In R. Ministerio *Ephraim Prætorius* hæctenus Ecclesiæ ad D. Lazari Minister, Dom. *Qvasimodogén*, suis valedixit & Dom. *Misericordias Domini Ecclesiam* ad D. Jacobi, cui Ecclesiastes præfectus est, adituâ concione salutavit, Luœm

Lucem publicam vidit Concio Funeris M. Friderici Büthneri, Mathem. Prof. Publ. & Rectoris Johannitani unâ cum imagine & insignibus æri incisis. Titulus est: *Das richtige Prognosticon, welches bey Volckreicher und ansehnlicher Leichbegängeniß des weyland Edlen / Großachtbahren und Bollgelahrten Hn. M. Friderici Büthneri, Mathematicum, Hochverdienten Prof. Publ. beyrn lobl. Gymnasio und treugewesenen Rectoris an der Schulen zu St. Johannis allhie in Dantsig / als derselbige Anno 1701. den 13. Febr. diese mühselige Welt gesegnet hatte / und der entseelte Leichnam den 25. selbigen Monats darauff / zu seiner Ruhe-Kammer / in der Kirchen zu St. Johannis beygesetzt wurde / in einer Christlichen Leich-Sermon, aus den Worten Davids Psalm XXXIX. 5. seqq. denen Menschen stellet / Johann Henrich Nothwanger / Diener des Göttlichen Wortes bey gemeldter Kirchen. Dantsig druckts Simon Reini- ger. fol. Alph. I.*

Idem Nothwangerus cū Gedani ex Logica Bucheriana primum segmentum è cathedrâ defendisset, duas Disputationes ut Autor *de Philautiâ licitâ* sub præsidio M. Friderici Christiani Bücheri, habuit, alteram 1683. 21. Octobr. (pl. 5½) alteram 1684. 4. Maji. (pl. 7½)

*Witteberga* sub Præsidio D. Jo. Frid. Mayeri, ut Autor & Respondens *de Osculo pedum Romani Pontificis* 1687. 21. April. disputavit. (pl. 8. 4to.)

Sub Præsidio D. Casp. Læscheri 1692. *de Glorioso animarum celo* differuit. (4to pl. 9.)

Ibidem edidit Parentationes:

In obitum *Anne Mattheæ*, natalibus Steindorffæ, sub tit. *Der versetzte Edelstein* / pl. 3½

In obitum *Matthæi Henckelii*, Academiae Typographi, sub tit. *Die rechte Simmels-Schrift*. pl. 4½.

In obitum *Anne Jagerie & Anne Elßermannie*, sub tit. *Das verwundete Herz bey dem vereinigten Grabe zweyer Geliebten*. plag. 3.

Ad prelum paratas habet *de Cælo novo & Terrâ novâ*, Dissertationes quinque, Neotericis oppositas, & Parentationum fasciculum.

*Emmanuel Sofsmannus*, Ecclesiæ ad Div. Petri & Pauli Pastor, *Biblia Precatoria Parentis Cunradi Sofsmanni*, Superintendentis quondam Lippiaci, denuò imprimi curavit versiculosque mnemonicos singulis capitibus addidit. Titulus Germanicus est: C. S. weyland Superintendenten der Grasschafft Lippe/ neue Bet-Biebel / darin auff ein jedes Capitel der gangen heil. Schrift ein besonder kurtz Gebet / und also / daß zugleich eines jeden Capitels rechter Verstand / vornehmste Lehren und heilsamer Gebrauch den Einfältigen gezeiget / und zu der Seelen Erbauung Anleitung gegeben wird / von vielen und groben Druckfehlern gesaubert / und mit Denselben heraus gegeben von *Emmanuel Sofsmann* / Pfarrern bey S. Petri und Pauli Kirchen in Danzig. In Verlegung des Editoris. (3. Alph. 7. plag. in 8.)

Antehac idem *Emmanuel Sofsmannus* edidit sequentia: *Marburgi* an. 1661. *Chiliasticon Græcum* Elegiacum in laudem S. S. Theologiæ concinnatum, & publicè ex memoriâ recitatum.

*Heidelberga* an. 1663. Dec. 3. Disput. Inaug. cui titulus: *Centuria thesaurum ex universâ Philosophiâ*. Eiqve annexa collatio vocabulorum Hebraicorum & Arabicorum, ad primam utriusque lingvæ literam pertinentium.

1665. Febr. II. Assertionem: *Non ita vero dissimilem esse sententiam eorum, qui negant, puncta Textui S. Hebraico ab Esrà fuisse subjuncta*, in Collegio Sap. publicè defendit, Respondente *Joh. Adamo Wentzio*.

1666. Maji 19. Disput. Philolog. ex Genes. Paraschæ 3. c. 1. Respondente *Cas. Fried. Martini*.

Jul. 21. Disput. Philolog. ex Genes. Paraschæ 3. c. 2. Respondente *Joh. Henr. Richelio*.

*Rintelii* an. 1667. Aug. 10. Orat. Inaugur. *de autoritate notularum vetustiora Græcorum scripta distinguentium*. 1671.

1671. Mart. 14. Acerba Threnodia in obitum Serenissimi  
WILHELMI VII. Hassiæ Landgravii, &c.

Jun. 27. Elegus in obitum celeberr. *Job. Henichii* S.S.  
Theol. Doct. & Profes. in Acad. Rint. sub initium Histo-  
riæ ejus Civilis & Eccles. defuncti. Quo respiciens titulum  
ejus *Johannes Henichius*, Sacræ Theologiæ Doctor, & in  
Academiâ Rintelensi Professor Primarius ( si pro uno b.  
ponatur s. ) seqv. anagrammate expressit: Doctrinâ &  
moderato nomine clarus, in ipso Historiæ sacræ auspicio  
hærens, flere genis his!

1673. Sept. 10. Orat. funebris in obitum Magnif. & ampl.  
*Salomonis Cyriaci*, Consilarii Hassiæ, Dicafteriiqve Has-  
so-Schauenb. Directoris.

1674. Sept. 12. *Exercitationum in Nov. Testament. Prodromus*,  
Respondente *Wilb. Lymbergero*, in Convictorio Wilhel-  
miano stipendiariorum majore.

Decembr. 11. *Exercitationum Philologicarum in Mat-  
thæum prima*, Respondente *Philippo Neuburg*.

1676. April. 29. *Secunda*, Respondente *Job. Frid. Piederich*.

1685. Mart. 26. *Tertia*, Respondente *Job. Guilielmo Gellero*.

Carmen Græcum Epicum, cujus inscriptio: *Rintelium  
munitum*.

Porro prodiit Musicalischer Jahrgang / aus denen Sonntags  
und Fest-Evangeliën / auch andern Biblischen Sprüchen / mit unterschied-  
lichen geistlichen Reimen / und schönen Arien bestehend / welcher vor-  
nehmlich zu des Dreyeinigen grossen Gottes Lob und Ehren / wie auch  
derer Hochgeneigten Herren Wolgönnern und Music Liebhabern der  
Christlichen Gemeine zur H. Dreyfaltigkeit sonderbahren Seelen-Bes-  
lüstigung / dieses jetztlaufende 1702. Jahre daselbst musiciret wird /  
von Martino Calixto, Cantore Eccl. und Tertiæ Classis beyrn  
Gymnasio Collegâ. (plag. 5.)

#### REGIOMONTI

Die 5. Maji Decadem XII. Thesium Controversarum, ex  
Y 2 loco

loco de gr̄atiâ Prædestinationis, Conversionis, & Justificationis selectarum ad disputandum proposuit, D. *Bernhardus von Sanden* / Jun. S. Theol. Prof. Ordin. Respondente *Michael Gronert*, Regiom. Prusslo. (plag. 3. in 4.)

Die 11. Maji sub Præsidio D. *Gothofredi Wegneri*, S. Theologiæ Prof. Ordinar. Disputationem de *Sabbatho Christianorum Judaico*, examini eruditorum subjecit *Laurentius Christophorus Stiege* / Belgard. Pomeranus, Theol. Stud. in quâ post *ἰσχυρολογίαν* exhibet *πραγματολογίαν*, in quâ demonstratur 1. quod Sabbathum à Christianis fuerit observatum. 2. Quare. 3. Quomodo. 4. ubi: an etiam in Romanâ Ecclesiâ? 5. Quod aliquibus in locis Baptismus in eò administratus, in Græcâ Ecclesiâ Communio, & Festa Martyrum hoc die celebrata. 6. Quod Habessinî & Melchitæ Sabbathum observent. 7. Judicium additur de observatione Sabbathi, quatuor thesibus comprehensum. (plag. 7½ in 4.)

Die 18. Maji sub Præsidio D. *Bernhardi von Sanden* / Jun. S. Theol. Ordin. Decadem XIII. Thesium Controversarum ex loco de Ecclesiâ selectarum, ad ventilandum proposuit *Christianus Martinus Roschatius*, Kaukehna Pruss. (plag. 3. in 4.)

Die 26. Maji Præside *Paulo Pomian. Pesarovio*, SS. Theol. D. ejusdemque Prof. ExtraOrd. Ecclesiæ Cathedr. Pastore, Consistorii Sambiens. Assess. Scholæque ejus Inspectore *Pentæ Quæstionum Practicarum à Theologiâ Conscientiariâ depromptarum* ventilationi publicæ exposita est à *Johanne Sigismundo Babatio*, Reg. Pruss. S. Theol. Stud. Auctore & Respondente. (plag. 3½ in 4.)

Postquam in Procæmio de Conscientiâ malâ & bonâ quædam dixit, quæstiones proponit, quarum *Ima*: An quispiam interrogatus ab Hæretico, cui Religioni sit addictus? salvâ conscientiâ veritatem reticere possit; vel, utrum liberè, spreto omni corporis periculo, absque ullis reservationibus mentalibus veritatem confiteri teneatur? prius negatur & posterius affir-

affirmatur. *Uda.* An Evangelicus sive Lutheranus salvâ conscientia cum Hæretico, v.g. Pontificio, liberè conversationem instituere possit? Resp. distinguendo inter conversationem *spiritualem* s. *internam* & *Civilem* s. *externam*, de illâ negatur, de hac verò affirmatur. *Uita.* An Lutheranus sive Evangelicus ab Hæretico, v.g. Pontificio, ad officium Susceptoris vocatus, illâ conscientia munus illud obire possit? Circa hanc quæstionem Evangelicæ Doctrinæ Confessoribus modò affirmativam, modò negativam responsionem placere ostendit, & hanc quoque approbat Auctor. *Uita.* An Parentes Lutherani liberos suos salvâ conscientia Jesuitarum informationi confidere possint? *Neg.*; *Vta.* An Lutheranus medios inter Pontificios degens in casu necessitatis à Sacrificio Pontificio Sacramentum Cœnæ, etiam sub utraqve specie dare volente, salvâ conscientia accipere possit? *Neg.*

Ex Typographiis prodierunt sequentes libri :

1. *M. Christiani Langhansen* / Diaconi Palæopolitani, Tract: Germanicus, cujus titulus, *Diertzig Passions Betrachtungen* / für die Kinder und andere einfältige Christen / darin die ganze Geschichte des Leidens Christi durch Frag und Antwort erkläret / uñ was für Lehren aus jedem Theil fließen / angeführet worden. Sumtibus Henr. Boy. (plag. 18. in 12.)
2. *Ejusdem*, altera Editio *Kinder Catechismus* / das ist / eine kurze und einfältige Erklärung des kleinen Catechismus D. Martin Luthers. (12. plag. in 12.)
3. *Ejusd* *Kinder-Postilla* / das ist / eine kurze und einfältige Erklärung der ordentlichen Sonn- und Fest- Tags- Evangelien / durch Frag und Antwort. (3. Alph. in 8.)
4. *Porro D. Bernhards* von *Sanden* / Senior. Fürstellung der Geschichte von dem Leyden und Tode unsers Herrn Jesu Christi / wie selbige aus den vier Evangelisten zusammengezogen ist / begleitet mit Betrachtungen und Gebeten. Königsberg 1702. (1. Alphab. 2. plag. in 4.)
5. *Ejusdem* *Concio*, daß die Herrlichkeit eines Königes in der Vielheit

des Volcks bestehe/aus Luc. VIII. 4-15. und Proverb. XIV, 28.  
am Contage Sexagesima, anno 1701. erwiesen und fürgestellt.  
(II. plag. in fol.)

6. Eiusdem *Theologia Positiva*, brevibus lineis adornata, &  
ab anno 1690. continuata, XXIV. Dispp. 1690. absoluta; anno  
1691. publicata cum Dedicacione ad Ordines & Status Prussiae,  
Indicibus & Præfatione ad Lectorem, in quâ brevis discussio  
Libelli illius, qui vocatur *Manuductio Regiomontanorum Theologiae  
Professorum ad Ecclesiam Catholicam, ex variis ipsorum scriptis adornata*,  
olim publicè prælecta fufius, nunc brevibus stricturis repetita.  
(2. Alfab. 12. plag. in 4.)

Publicè exstat Disputatio illa *de Annulorum in Republicâ usu*,  
quam sub Præsidio M. *Georgii Thegen*, Philos. Pract. P. P.  
Ordin. Respondens *Johannes Arnoldus Pauli*, Prussus defen-  
dit. (3. plag. in 4.)

§. 1. Probat Annulorum usum antiquissimum fuisse apud *He-  
bræos, Egyptios, Midianitas, Babylonios, Persas, Græcos, Sabinos & He-  
truscus, Samios, Carthaginenses, Adiabenos*. §. 2. dicit Auctor, se,  
ut Annulorum in Republ. usus eò distinctius pateat, præcipuos  
Reipubl. Ordines & Status, nec non Causas & varias Annuli  
adhibendi rationes perlustrare velle. Proindè ab *Imperantibus*  
initio factò, Annulum divini illorum officii Symbolum esse  
ait, illudq; prout à Deo & naturâ capit suum initium, ita rursus  
adidem, à quo cœpit, punctum instar annuli reverti. Porrò,  
sicut in Annulo singulæ partes communi termino ita inter se  
cohærent, ut sine totius Annuli destructione ab invicem sepa-  
rari nequeant, ita non solum ipsa jura Imperantium commu-  
ni Majestatis vinculo ita inter se connexa esse, ut sine totius  
*τὴν κοίτην* interitu ab invicem sejungi non possint. Tandem,  
sicut singularis Annuli figura omnes reliqvas figuras ambitu  
suo continet: pari ratione Imperantem in Republ. omnes Ma-  
gistratus, Ordines & Status ambitu suo complecti. §. 3. osten-  
dit Annulos vel Sigilla in Imperantium Inaugurationibus an-  
tiqvi-

tiqvitus adhibita hodieqve adhiberi. §. 4. docet, qvænam Diplomata, literas, Privilegia &c. & qvam ob causam annulo & sigillo obfignârint Imperantes? §. 5. qvare etiam sæpius illi in Collatione Feudorum Vafallis Annulum in signum Investituræ obtulerint? sc. ut Feuda hac ratione confirmarent, Vafallosqve de fide promiffâ admonerent. §. 6. ad *Ordinem Ecclesiasticum* progrediens memorat antiqvus jam temporibus inter alia Investituræ Sacerdotalis solennia etiam annulum adhibitum, qvem unâ cum Baculo *Imperantes* tanqvam certum Symbolum mittere soliti sunt illi, cui beneficium aliquod Ecclesiasticum conferre voluerunt. Cur hoc factum adducit rationes. Licet hodiè hanc per Annulum Investituram Sacerdotalem *de facto* exercean Pontifices, *de jure* tamen competere Imperantibus asserit. §. 7. exponit, cur inter alias solennitates, qvæ in creandis Doctoribus & Magistris adhiberi solent, etiam Annulus aureus eorum digitis inferatur. §. 8. ad *Civilem Statum reliquum* se confert, & qvibusnam Annulorum usus concessus sit, monstrat. Tandem §. 9. & in *Oeconomico Statu* Annulorum usum frequentissimum exindè probat, qvòd nullum ferè negotium alicujus momenti in eo statu reperiatur, in qvo non singulariter Annuli usus sese conspiciendum præbeat.

RIGAE.

Ex Typographiâ *Nöllerianâ* libelli seqvences prodière:

1. *Brevis Manuductio ad Poësin Letticam*, sive: *Der unteutsche Opitz / oder kurtze Anleitung zur Lettischen Dicht-Kunst / wolmeinend abgefasset von Johann Wischmann, Pastor zu Donsdangen.* (13. plag. in 8.)

*Septem* continet *Capita*, qvorum 1. agit de Naturâ & Constitutione Poëtices. 2. de *Quantitate Syllabarum* in genere, & *Rhythmorum* in specie. 3. de *Carmine Lettico*, ejus *Partibus*, *Generibus* & *affectionibus*, 4. de modo *Lettica Carmina* scribendi. 5. de verâ *Imitatione*. 6. de *Poëmatis Lettici Materiâ*. 7. de *Carminis Lettici Denominatione* à modo tractandi.

2. *Lese-Lectioes*, in ordentliche und gewisse Tafeln eingetheilet/ zum vortheilhaftigen Lernen den Kindern vorzulegen. (4 $\frac{1}{2}$  plag. in 12)
3. *Paradigma Græcæ Conjugationis*, unà cum *Tabulâ Synopticâ Declinationum Græcarum ac typo Contractioinum*, eum in finem, ut expeditior studioſæ juventuti Regii Lycei, quod Rigæ est, & quidem *Secunda Classis*, ad linguam Græcam ediscendam, pateat aditus, digestum à *Johanne Caspate Schöpfi*/Con-Rectore. (2 $\frac{1}{2}$  plag. in 4.)

## NARVAE.

Luci publicæ exposita est Disputatio Theologica, de *aternali Fidei delium ad salutem aternam Prædestinatione*, & oppositâ illi incredulorum *Reprobatione*, quam ad voluntatem *M. Nicolai Bergii*, Superintendententis Narvensis & Ingriz Regiique Consistorii Præsidis, designati itidem Generalis per Livoniam Superintendententis, nec non Pernaviensis Academiz Pro-Cancellarii, in Synodali Conventu a. c. placidæ ventilationi submisit *Henricus Brüninck*, Ecclesiæ Narv. Teutonicæ Pastor, & Consistorii Assessor, Respondentibus *Edwardo Nybeck*, Past. in Jerwifari, & *Johanne Melartopæo*, Comministro Caporiensi. (3. plag. in 4.)

Duo hujus Dissertationis sunt Capita. *Primum est Analytico-Theiticum*, quod Prædestinationem s. Electionem dari dicit, expendit præterea vocis *Electionis* *Synonymiam*, & *Homonymiam*, deinde *Formam*, *Causas*, *Objectum*, *Finem*, *Definitionem*, & tandem *Oppositum* Prædestinationis. *Secundum est συζητικο-Polemicum*. *Quæstio 1.* Num Prædestinatio sit genus in respectu ad Electionem & Reprobationem? *2.* An Deus certa hominum Individua prædestinârit ad salutem aternam? *3.* An Deus ex absoluto decreto homines quosdam ad vitam aternam elegerit sine intuitu fidei apprehendentis meritum Christi? *4.* An Ecclesiæ Reformatæ, sic dictæ, & hodiè viginti, absolutum decretum possit tribui?

Modò laudatus M. *Nicolaus Bergius*, Superint. Narv. edidit *Scriptum Petitorium*, in quo, postquam Russicæ Lingvæ notitiam Theologo inprimis necessariam esse ostendit, ab omnibus Russorum Lingvæ, Historiæ & Librorum amatoribus humanissimè petit, velint sibi indicare, si quos sciant vel habeant Moscovitarum libros typis vel manu descriptos, eosque *Ecclesiastica* præsertim tractantes, illorumque titulos secum communicent, summoperè contendit. Præterea scire avet, num cuiquam constet tum de aliâ *Bibliothecâ Moscoviticâ*, præter eam, quam *Olearius* habet in *Itinerario suo*, tum de libro *Vloschamie* dicto, tum de *Annalibus Russicis*? an sc. horum aliqui editi, quando, & à quo anno Christi ordiantur? ( $\frac{1}{2}$  plag. in 8.)

## HOLMIAE

*Thomas Campanius*, Holmiensis, librum vernaculum edidit, cujus titulus: Kort Beskrifning om Provincien Nya Sverige/ uti America, som nu förtiden af the Engelse Kallas Pensylvania. Af Lärde och trovärdige Mäns Skrifter och berättelser ihopaflettad och sammanfästrefven / samt med äthstillige Figurer utgirad / af Thomas Campanius. Holm. i. e. *Brevis descriptio Provinciae Novae Sveciae in America, quam Angli hodie Pensylvaniam vocant, è Scriptis & Relationibus Virorum eruditorum ac fide dignorum collecta & conscripta, nec non figuris aeneis exornata, à Thoma Campanio, Holmiensi, Stockholmiae, apud Viduam Wankifianam, 1702.* (1. Alfab. 3. plag. cum fig. æn. in 4.)

Tractatum hunc, præter varios antiquos pariter ac recentiores Scriptores, præcipuè ex *Avi*, *Johannis Campanii*, qui *Coloniae Svecicæ* an. 1642. in *Americam* missæ *Pastor* fuit, schedis compilatum, Auctor *quatuor* libris absolvit. *Quorum primus* agit de *America* in genere, & quidem *Cap. 1.* *Situm* ac *partitionem* *Americæ* exhibet, docetque, quomodo *novus ille orbis* ab *Europæis* coli cæperit, & quænam *forma regiminis* ibi *florat*. *Cap. 2.* ostendit, *qua ratione*, *quo tempore*, & à *quibus Europæis* *America* fuerit *detecta*. *Cap. 3.* de *ortu & origine*

gine Americanorum agit, quâve isti viâ, unâ cum animalibus brutis, in novum orbem venerint, disquirat. Cap. 4. Fertilitatem Provinciarum Americanarum describit. Liber *secundus* agit de Provincia Americæ *Novâ Sveciâ*, quæ hodie num *Pensylvania* appellatur; & quidem Cap. 1. de Situ & fertilitate *Novæ Sveciæ* in *Virginiâ*. Cap. 2. de præcipuis *Novæ Sveciæ* locis, eorumque nominibus, in Tabulâ Geographicâ adjectâ obviis. Cap. 3. de anni tempestatibus & cœli temperie in *Virginiâ* & *Novâ Sveciâ*. Cap. 4. de *Virginiâ*, & vicinis Provinciis, utpote *Novâ Angliâ*, *Novâ Hollandiâ*, & *Novâ Sveciâ*, quo tempore & modô à Christianis fuerint detectæ. Cap. 5. de *Novâ Sveciâ*, quando & quo casu à Svecis fuerit navibus petita & habitata. Cap. 6. de Gubernatoris *Johannis Printz* itinere in *Novam Sveciam*, ann. 1642. institutô. Cap. 7. de populo *Virginiam* petente in genere, & quomodo is ab Americanis fuerit exceptus. Cap. 8. de domiciliis ac fortalitiis Svecorum in *Novâ Sveciâ*. Cap. 9. de ereptâ Svecis *Novâ Sveciâ*, ejusque novis Dominis. Cap. 10. de Statu Svecorum in *Novâ Sveciâ*, postquam ea *Coronæ Svecicæ* fuit erepta, deque missis eò à *CAROLO XI.* Rege verbi Divini Ministris, librisque sacris, &c. Cap. 11. de Svecicis verbi Divini Præconibus, Ecclesias primùm in *Americâ* & *Novâ Sveciâ* plantantibus. Liber *tertius* agit de Americanis in *Novâ Sveciâ* sive *Pensylvania*; & quidem Cap. 1. de Origine & Lingvâ Americanorum in *Virginiâ* & *Novâ Sveciâ*. Cap. 2. de eorum qualitatibus. Cap. 3. de Vestitu eorum. Cap. 4. de Cibo & Potu eorum. Cap. 5. de Habitationibus & Supellectile eorum. Cap. 6. de ipsorum Conjugiis, & educatione liberorum. Cap. 7. de exercitiis & opificiis eorum. Cap. 8. de Mercaturâ & Monetâ ipsorum. Cap. 9. de Magistratu & formâ regiminis apud eos, nec non de Legibus, quibus ibidem vivitur. Cap. 10. de belligerendiratione, armisque & ferociâ ipsorum adversus hostes. Cap. 11. de ipsorum cultu divinô, & impedimentis obstantibus, quo minus ex voto ad religionem Christianam perducantur

cantur. Cap. 12. de Funeribus & Luctu ipsorum. Liber *quartus* Vacularium & Colloquia familiaria, aliquot capitibus Americanorum istorum Lingvam exhibentia, complectitur; cui accedunt *Addenda*, 1. de Populis *Mynckvesser* vel *Mynckusfar* dictis, eorumque Lingvâ. 2. de memorabilibus & rarioribus nonnullis in Americâ.

Typis Wankyfiarum quoque exscripta est *Sermo Funebris*, habitus à *M. Daniele Norlind*. Dalecarlo, Past. Aulico, in obitum Lib. Bar. *Canuti Axelson Legonhuffud*, Heredit. in Åböd & Erstavyk/ in prælio Narvensi d. 20. Novembr. 1700. cæsi, Holmiæ d. 31. Decemb. 1701. sepulti. Textus desumptus est ex Act. XX, 24. (in 4.)

Porrò *Magnus Ronnow*, Ahufio-Scanus, jam Historiographus Regius, *novæ & antiquæ Sveciæ Historiam*, à B. *Lagerlöfse* cœptam, & à Secretario *Hermelin* jussu Regio continuatam, in publicum emitteret.

#### HAFNIAE

Die 3. Maji in Colleg. Med. Præses *Henricus Hierild*, Respondente *Johanne Adolpho Sturze*, proposuit Dissertationem Philologico-Historico-Criticam de puritate Lingvæ Latinæ, & castitate Historiæ Danicæ in Saxone, contra *Job. Gorop. Becanum*. (4 plag. in 4.)

Die 4. Maji sub Præsidio *Henrici Weghorst*, Respondens *Christianus Moynichen* disseruit de Regulis, in quibus Jus Danicum cum Romano concordat, expositis extit. *Digest. de Reg. Juris*. Corollarii loco accessit *Labyrinthus Graduum Cognationis*. (8. pl. in 4.)

Die 10. Maji Præsidis munus sustinente *Martino Braem*, *Job. Faber* Respondens in Colleg. Med. habuit Disputationem Historico-Criticam de Diebus ac Festis Natalitiis ex Gen. XL, 20. Matth. XIV, 6. 2. Maccab. VI, 7. (plag. 4½ in 4.)

Die 15. Maji prodiit Dissertatio *Christiani Reitzeri*, Prof. Juris, in qua Positionum ex jure divino universali Partis *Imæ* Caput primum sistitur, quæ agunt de iis quæ in jure universo præcognita esse debent. Habita fuit Respondente *Olao Sletting*. (8. pl. in 4.)

Die 18. Maji sub Præsidio *Cassparis Bartholini Thesum Philosophicarum* Disputationem tertiam 82. Laureæ primæ Philosophicæ Candidati defenderunt. (1 plag in 4.) &

Die 24. Maji 38. Candidati supremum Philosophiæ Gradum obtinuerunt.

Dicto Mense *Iohannes Steenbuch*, Respondente *Nicolao Severini*, continuavit Examen Versionis vernaculæ ad Stateram Ebræi Codicis, ejusdemque Dissertationem quartam proposuit. (6½ plag. in 4.) Priores vid. in N. L. ann. 1699. p. 148. ann. 1700. p. 175. an. 1701. p. 147.

Publicæ luci exposita est *Series Dynastiarum & Regum Dania*, à primo eorum *Skioldo Odini* filio ad *Gormum* Grandævum, *Haraldi Cærulidentis* Patrem, per *Thormodum Torfaum* Historiographum Regium. (3 Alph. in 4.)

Continet tres libros, quorum I. agit, de *Antiquitatibus & Documentorum, quæ Conditores Historiarum Septentrionalium secuti sunt, Auctoritate & Fide*, & quidem cap. 1. de Antiquitatibus Islandorum. cap. 2. de Mythologicis Islandorum relationibus cap. 3. de Fabulis Islandorum. cap. 4. de Fabulosis Islandorum monumentis. cap. 5. de authenticis Islandorum historiis. cap. 6. de Historiarum Islandicarum fundamentis & auctoritate. cap. 7. de vetustissimorum rerum Danicarum Scriptorum auctoritate & fundamentis. cap. 8. de Antiquitatibus Gothlandicis. cap. 9. de Sveticis Scriptoribus. II. de *Epocha Regni Danici*, cap. 1. de Dania antiquitus Gothia dicta, Gothorum & Vitarum nomenclatione. cap. 2. de initio temporis historici apud Danos, secundum documentorum Islandicorum asserta, vel de immigratione Asianorum in Septentrionem. cap. 3. plures fuisse Odinos, demonstratur. cap. 4. Odinum Vpsalensem maximam mutationem Septentrioni intulisse. cap. 5. Saxonis de Odino asserta expenduntur. cap. 6. Danielis Langhornii sententia de immigrationis Odinianæ tempore examinatur. cap. 7. Rudbeckii de gentium Septentr. antiquitate asserta expenduntur. cap. 8. asseritur, nil de tanta gentium Septentr. anti-

antiquitate concludi posse ex nominibus propriis terrarum, locorum, gentium, moribusve hominum, quæ Orienti cum Septentrione communia apud vetustissimos Scriptores occurrunt. cap. 9. antiquissimæ Scantianorum emigrationes expenduntur. cap. 10. Hibernicæ antiquitates expenduntur, & asseritur, ex iis nil certi concludi posse de vetustate gentium Septentrionalium. *III. de Catalogo seu Serie Dynastiarum Regumq; Daniæ.* Cap. 1. de fundamentis, quibus hic liber superstruitur. cap. 2. antiquissimorum Septentrionis Principum Chronologia continetur. cap. 3. de Skioldo primo Daniæ Dynasta. cap. 4. de Fridleifo I. Frodio I. seu Pacifico. Fridleifo II. Havare Manuforti & Frodio II. Daniæ Dynastis. cap. 5. de Vermundo Sapiente, Olaso Mansecto, Dano Magnanimo, Danici Regni Eponymo, Frodio III, seu Tranquillo, Halfdano I. & Fridleifo III. cap. 6. de Frodio IV. Vegeto dicto, Ingialdo Starcadi alumino, Halfdano II. Frodio V. Hroare & Helgio I. Helgiuque filio Hrolfo Krakio. cap. 7. de Interregno. cap. 8. de Ivare Vidfadmio, Danicæ Monarchiæ Restauratore, Haraldo Hilditane, & Sigurdo Hringo. cap. 9. dictorum nonnulla illustrantur, & objectiones, quæ afferri possunt, examinantur. cap. 10. de Ragnare Lodbroche, Sigurdi Hringi filio. cap. 11. varia Auctorum testimonia de Ragnare Lodbroche adferuntur. cap. 12. plures fuisse Ragnares Lodbroches. cap. 13. de ditionis Ragnarianæ divisione, & de Sigurdo Angvioculo, Daniæ Rege. cap. 14. de Jutiæ regulis Sigurdi Hringi, Ragnaris Lodbrochis & ejus filiorum Vasallis. cap. 15. de posterioribus Jutiæ regulis. cap. 16. de Hordaknuto & Gormo Grandævo, Haraldi Cœrulidentis patre, ac Danicæ Monarchiæ Restauratore secundo. *Appendix I. de Johannis Magni callida Saxonis imitatione in describendo Daniæ, Sveciæque Regum ordine.* cap. 1. de Dano, primo Daniæ Rege. cap. 2. de Regibus inter Danum & Frothonem III. cap. 3. de Regibus à Frothone III. ad tempora Ingonis I. cap. 4. de Regibus Svecicis, quos aliunde, quam à Saxone mutatus est *Job. Magnus.* *Appendix II. de Hognio & Hedino.*

Die 15. April. lucem adspexit Dissertatio Theologica, de *Oraculo Johanna*, ex I. Epist. Cap. II. comm. I. & 2. quam sub Præsidio *Henrici Opitii*, SS. Theol. D. Ejusdemque Prof. Ord. publico Eruditorum examini submitit Auctor *M. Balth. Gerb. Hannekenius*, Lubecensis. (11½ plag. in 4.)

In Præfatione occasionem hujus materiæ aperit. Ipsa Disputatio divisa est in tres Sectiones. *Prima* est *Exegetica*, in qua Textum à verbo ad verbum intimè resolvit, à pag. 3. - 25. *Secunda* est *Positivo-Polemica*, in hac tres Positiones locavit; *Ima*, *Christus est Mediator inter Deum & homines secundum utramque Naturam*. Roborata est hæc Thesis 12. paragraphis tam εν θεω, quam εν τρι θεω Adversariorum considerantibus. *Uda*, *Christus etiamnum in celo verè & propriè pro nobis intercedit*. Fulsa est hæc Thesis 8. paragraphis, εν θεω & εν τρι θεω iterum continentibus. *Ultia*, *Christus nostri loco substitutus justitiæ Divinæ plenè satisfecit, Deumque iratum hoc modo verè placavit*. Firmatur Thesis dicta 27. paragraphis, à pag. 25 - 79. Sectio *Tertia* est *Porismatica*, continens duo Porismata; *Primum* est: *Lapsis post Baptismum & penitentiam patet reditus ad Deum per advectionem Christi verà fide apprehensam*, contra *Novatianos*. *Secundum* est: *Sancti defuncti non sunt Advocati nostri*, contra *Pontificios*. Tandem Redemptori gratias agit voto ardenti, à pag. 79. ad finem.

Die 23. April. *Carolus Fridericus Luther* / Med. D. & P. P. per Programma 2. plag. in 4. significavit Scholas suas Medicas publicè aperiendas, Studiosos ad eas frequentandas officiosè simul invitans.

In illo attingit summas Orationis Inauguralis, de *Experientiæ in Arte Medicâ prerogativâ* die 6. Martii c. a. recitata, nobisque præterito mense Aprili p. 118. memorata. *Pag. I.* quæstionem ponit: *Utrum ratio an Experientia præferenda sit, & quanam illarum dignitate ac antiquitate emineat?* *pag. 2.* suam de hac quæstione aperit sententiam, quod sc. primis temporibus aliqua fuerit *Rationis prerogativa*, & quod post inventam Medicinam

Ratio non demum quæ sit. *Pag. 3.* In Medicinæ originem inquiri, atque *Adamum* cogitando & ratiocinando eam invenisse dicit. *Pag. 4.* non *Apim* neque *Æsculapium*. *Pag. 5.* cum hodiè Experimentotum multitudine aucta sit Medicina, prærogativam Experimentiæ tribuit, quam & B. D. *Majoris* verbis describit, quod sit *habitus mentis in universali quadam cognitione rerum singularium sensu & memoriâ sapiùscule perceptarum* consistens. *Pag. 6.* ostendit Experimentiæ dominium in Physicâ, Physiologiâ, Medicâ, *Pag. 7.* f. Pathologiâ. *Pag. 8.* f. Semiothicâ. *Pag. 9.* Pharmacovicâ. *Pag. 10.* Chymicâ. *Pag. 11.* Medicinâ Practicâ, tam Conservativâ, quam Restitutivâ. *Pag. 12.* dicit per praxin Medicam minimè addisci Experimentiam, sed acquisitam in Propædiâ Medicâ per Praxin deinceps magis magisque confirmari. *Pag. 13.* asseverat cum D. *Schelhammero*, Juvenem Medicum, istâ Experimentiâ Propædevticâ combinatâ si polleat, non esse spernendum. *Pag. 14.* se operam daturum ait, ut successu temporis ostendat (1.) qualis sit illa quæ in qualibet Artis Medicæ parte requiritur Experimentia, & (2.) quænam subsidia ad Experimentiam istam acqvirendam necessaria sint.

Mense Aprili sub Præsidio *Güntheri Christoph. Schelhammeri*, Med. D. & in Acad. Kiloniensi Prof. Primar. Seren. Ducis Cimbr. Gottorpiens. Archiatri, Societat. N. C. *Leopoldina* Adjuncti & in Italiâ Recuperatorum Socii, Exercitationum Medicarum *Nonam*, 68. *Theses selectas de Cordis & Pulmonum officio acufu*, continentem publicè tuitus est *Christoph. Martinus Burchardus*. (2 plag. in 4.) Adjecta sunt 4. Epimetra.

Die 7. Maji Præside D. *Wilh. Huld. Waldschmidt*/Med. & Phil. Experim. P. O. Facult. Med. h. t. Decano & Collegii Chirurg. Præside, publicè defendit *Christianus Vricus Schreiber*, Disputationem, cui titulus: *Quid pro Qvo. s. de Substitutis Therapeuticis*. (3. plag. in 4.)

P. 3. ait: Substitutionem unius pro altero rem esse non adeo insolentem. Ibid. ponit Definitionem *Quid pro Qvo*. p. 4. dividit

vidit substituta (1) ratione generum, (2) subjecti, (3) termini. Primam classem in Actione consistere monstrat. p. 5. Ibidem docet adhiberi quid pro quo, (1) quando à Medico aliquid agitur, quod primario non intendebatur, vel aliud quid admititur, quod morbi indoles non requirebat. Historiam hac de re narrat Medici Receptas in tabulâ locantis, & tesseris medicamen quærentis. (2) quando tempus prætermittitur. p. 6. quod probatur exemplo febrium acutarum, quæ, si vomitus non citò promoventur, lethales diarrhæas attrahunt. Causam quoque neglectus temporis indicat, quando nempe Medicus in medicamentorum farragine fluctuat. p. 7. (3) quando ordo non observatur in medicamentorum usu. (4) quando morborum tempora non notantur. p. 8. posse tamen præter intentionem Medici nonnunquam adhiberi quid pro quo, legitur. p. 9. scil. si de morbi qualitate nondum constet (5) quando Medicus adhibet remedia extraordinaria. p. 10. *Ex parte Aegri* adhibetur quid pro quo, (1) quando vel nullum Medicum ex avaritiâ accersunt, vel (2) Medicastrum adhibent. Tales homines verò peccare in Deum, proprium Corpus, proximum, leg. p. 11. & 12. (3) ad impia & superstitiosa remedia refugium sumunt. Historia de hoc errore videtur p. 13. (4) non ritè utuntur Medici præscriptis, historia legitur. p. 14. *Ex parte administrantium* adhibetur quid pro quo, quando scil. Pharmacopœi aliis se miscent negotiis. p. 15. quando falcem mittunt in alienam messem, quando Medicorum formulas immutant, p. 16. quando adulterant tam simplicia, quam composita. p. 17. Pharmacopœi avaritiæ accusantur, ob quam res viles magno divendunt pretio. p. 18. non omnis substitutio damnatur. p. 20. quando Chirurghi in Medicinam illotis manibus irruunt, in curandis vulneribus quid pro quo substituunt, dum turundas nimis longas vulnere intrudunt &c. p. 21. administrantes in culina substituunt quid pro quo, si regulis diæteticis morem non gerant; administrantes ad lectum dum non benè observant salutem Medici in fovendo &c. p. 22. Ratione termini & even-

eventus, errores quosdam esse salutare, quosdam periculosos, quosdam indifferenter se habere constat ex p. 22. 23.

*D. Willb. Hulder. Waldschmidt/ Med. D. & P. Ord. Collegii Chirurg. Præses, modo dictus, per publicum programma invitavit ad Floralia Riliensia, die 18. Maji celebranda.*  
(1. plag in 4.)

Continet hoc Programma multa jucunda. p. 1. Romæ urbis tria genera nominis recenset; vulgatum, quo Roma, Græcis robur; arcanum, quo Amaryllis, ab amore; sacrum, quo Anthusa, i. e. Floras. Florentia dicebatur. Ex hoc ultimo factum dicit, Romanos plurimos Deos hortorum coluisse, ut sunt Priapus, Bacchus, p. 2. Cybele, Vesta, Ceres, Pomona, Pales, Vertumni uxor, Robigus, Flora, quæ dignitate prior. p. 3. memorat ludos Floralia dictos. p. 4. utilitatem studii Botanici inculcat, in quantum sit Theologo, Jcto, Medico & Philosopho proficium.

Die 26. Maji habebatur Dissertatio Inauguralis, de *Vindictæ Prætextu defensionis adumbratæ*, Præsede *Simone Henrico Musao*, J. V. D. Institut. nec non Jur. Nat. & Gent. P. O. Facult. Jurid. h. t. Decano, ab Autore *Andrea Heincke*, Bredstadiensi-Hofsato. (5½ plag. in 4.)

Tota Disputatio XVII. habet Theses. *Thes. 1.* Etymologia Vocum Vindictæ & Adumbrationis traditur. *Thes. 2.* Homonymia vocis vindictæ datur. *Thes. 3.* legitur descriptio hæc: Vindicta prætextu defensionis adumbrata est actio illicita, per quam aggressor non per modum tutelæ, sed ultionis, quamvis sub defensionis prætextu ab eo læditur, quem ipse aggressus est. *Thes. 4.* habetur Descriptio defensionis, quod sit instantis periculi propulsio. In eadem Thesi probatur defensionem necessariam esse (1) Juri Naturæ (2) Juri præceptivo (3) religioni Christianæ non adversam. *Thes. 5.* memorantur Requisite defensionis inculpatæ; (1) est, ut præcedat injusta offensio seu invasio; (2) est Modus in defensione observandus, consistens in propulsa

pulfatione, qui gradui offensionis & periculi respondet & cum illo proportionem habet; (3) ut defensio fiat in continenti & in ipso conflictu. Hinc alleganti necessariam defensionem incumbit probatio, reo probanda provocatio & legitima defensio. Probatio fit vel per testes, vel præsumptiones. *Thef. 6.* quaestio movetur: an colapho percussus verberantem impunè interficere queat. Quod negatur. *Thef. 7.* privatam vindictam illicitam esse demonstratur. *Thef. 8.* ostenditur injuriis verbali-  
 bus affectum afficientem interficere non posse. *Thef. 9.* dicitur, homicidam initio provocantē moderatam defensionem malè opponere. Item, impetitur, si aggressorem fugientem necat, ex mera ulciscendi libidine hoc agere præsumi. Item, conflictu jam composito amplius ad cædem aggressoris provolare non licere. Ibidem agitur de homicidio post modicum temporis spatium commisso, & *Thef. 10.* de homicidio post longum temporis intervallum commisso. *Thef. 11.* de homicidio ad bona sua conservanda commisso. Requisita hujus defensionis sunt: (1) ut illa fiat pro se ipso rebusque suis tuendis conservandisque, ita tamen ut is, cui res ablatum itur, in vitæ discrimen veniat; (2) ut volens occidere furem clamorem edat; (3) cum eum apprehendere & judicio sistere nequit. *Thef. 12.* de injuriis indeque sequenti retorsione agitur. *Thef. 13.* statuitur, actionem ad palinodiam civilem non criminalem esse. *Thef. 14.* tangitur controversia, num retorsio injuriarum legi naturali rectæque rationi repugnet? *Thef. 15.* memorantur requisita retorsionis injuriarum, quorum (1) est, ut si quis audiat injurias statim retorqueat; (2) ut provocatus animo defendendi non ulciscendi retorqueat; (3) ut retorsio respondeat injuriæ illatæ. *Thef. 17.* continetur, illum qui injuriam passus est remissam semel injuriam recolere non posse &c.

## BARMSTADAE


*Excerpta ex Christiani Dethlevi Rhodii, P. Barmst. literis.*

Sub finem elapsi anni Operarii bini, non suspectæ fidei,  
 & quorum industriâ in perscrutandis Veterum tumulis jam  
 inde

inde à plurimis annis usus sum, Collem inter eos, qui in Dice-  
 cesi nostra ad Pagum *Collen* (citatum in *N. L. an. 1699. p. 94.*) siti,  
 non minimum, atque ab aliis antea ex dimidia parte dudum  
 effossum, ulterius rimati sunt, statimque, vix uno pede fodi-  
 endo emenso, *duo minutissimi annuli aurei, ossaq; nonnulla, in tan-  
 tam exusta albedinem*, ut iis cretæ instar scribere possis, sese la-  
 borantibus obtulerunt. Quo fato impulsi ab opere prius non  
 desistere, quam ad ipsum Tumuli fundum pervenissent, animo  
 firmiter proposuere, nec à proposito aversi, donec in ima col-  
 lis parte repererunt *Saxum planum*, quatuor ferè pedes longum  
 tresque latum, & sex pollices crassum, quatuor aliis Saxulis,  
 duobus à solo pedibus, erectis incumbens, & undique duplici  
 serie lapidum campestrium, magnitudine ferme caput homi-  
 nis æquantium, coopertum. Sub his lapidibus, & super plani-  
 tudinem saxi, parvi *aliquot* carbones sparsi erant, sub ipso verò  
 saxi majoris medio cernebatur exigua & admodum subtilis *Vr-  
 na*, injuriâ temporum confracta, quæ complexu suo, nil, nisi  
 spissam quandam *pingvemq; & viscosam materiam*, coloris griseo-  
 lutei, testis adhærescentem continebat; in circuitu autem suo  
 tot ossa dissipata habebat, quod plerumque ex combusto cada-  
 vere superesse solent, nitro tamen vel albis scoriis in officinis  
 vitriariis, quam ossibus similia. Quibus ossibus aut si majoris,  
 scoriis complures grandiusculi Carbones, crassitudinem bra-  
 chii pedisque longitudinem referentes, additi erant. Testis  
 verò *Vrnæ* hujus remotis, à tergo ejus loci, ubi requieverat,  
 mirandum ac in his oris nunquam visum *Φαινόμενον* apparuit;  
*Fulgur nempe eximius, rutilans, formâq; rotundâ*, ut etiam alter Ope-  
 rariorum alteri adstanti attonitus inclamaverit: Ecce! ecce  
 Stellam! Hic rari quid præclarique erit! &c. Tentarunt igitur  
 cupidi, saxum ipsum loco movere: verum ambo impares se  
 huic oneri experti sunt. Hinc alter eorum, ligone arrepto, Lu-  
 cidum illud expromere Solique exponere conatus est: sed fe-  
 fellit opinio hominem. Simulac enim *Αείψανον* hoc rarissi-  
 mum attigerat, lumen evanuit, nil nisi flavum quandam re-

linquens pulverem, qui etiam culpâ horum hominum, non satis circumspicte agentium, cum reliqua terra commixtus, eheu! penè omnis periit. Hoc solùm observatum, clarum istud tumuli jubar septem circiter pollices circulatim crassum, duodecim verò longum fuisse, pyxidi scilicet ejus magnitudinis rotundæ, sive ferreæ sive ex cortice querceo aut simili materia confectæ inclusum. De hac enim particulæ tantùm quædam ferrugineæ fibrasque ligni ostendentes supersunt. *Silice* itidem, duos pollices longus, unum autem latus, in orificio capsulæ inventus, cui adhuc paululum flavescens pulveris adheret. Ab hoc silice alius ejusdem generis lapis, utrinque acuminatus, quatuor pollicum longitudine, unius latitudine & altitudine insignis, inter ossa & scorias supra memoratas repositus, ad pedis mensuram distabat. Præterea è superiori hujus Tumuli versus Austrum plaga eruta sunt sequentia *εργαλεία αέρα*, singula cum effoderentur pristinum & nativum splendorem retinentia, nullaque ærugine per tot secula obducta; Sed vix aëri tum temporis humidiori exposita idem senserunt fatum quod ferrum illud ex urna Jutica erutum, de quo *Olaus Wormius in Monum. Dan. l. 1. c. 7. p. 74.* Statim enim flos æris se prodidit. Erant vero *κεμήλια* hæc (1) *Instrumentum incurvum*, undecim pollices longum, lituique Romani vice usurpatum. (2) *Cuspis cujusdam haste, sive frameæ* (ut *Tacitus l. de Mor. Germ. c. 6.* Germanorum vocabulo nominat) *minoris*, duos saltem pollices, longa, sed alterius & dubio procul sacri usus. (3) *Forceps, evellendis crinibus communiter inserviens*, qualem in *N. L. an. 1699. T. 3. fig. 4.* delineavimus. (4) *Novacula* ejus formæ, quam habet instrumentum uno latere acutum, itidem in *N. L. An. cit. fig. 6.* exhibitum. Novaculas enim hæc Antiquitatis reliquias esse, plurimi hujus generis Cultri ab eo tempore è tumulis eruti, nec non quidam Cultri tonsorii hodiernum in *Anglia* usitati, satis probatum dederunt. Et ex his novaculis forcipibusque memoratis, atque ex aliis documentis Majores nostros tonsuræ & evulsioni crinium valdè deditos fuisse, abunde perspectum habeo. (5)

TAB. V.



*Anchora minutissima*, longitudine solum unius & quartæ partis pollicis conspicua. (6) *Acus*, seu *Fibula parva*, ligno manubrio, tres pollices in longitudinem habens. Suffimentum quoddam, sive resinofum sive alterius generis, quod igni injectum haud ingratum odorem emittit. Et in proximè adjacente tumulo tres elegantissimi *Cultri sacrificatorii*, quorum primus incurvus pedis mensuram cum duobus pollicibus; alter octo plus minus adæquans pollices; tertius verò quatuor pollices cum quadrante longus, inventi sunt. Quid igitur de isto *Φαινομένω* statuendum? Num *Lampas*, Romanorum illis sepulchralibus similis, an *Phosphorus mineralis* aut alius ignis perpetuus dicendum? Hoc ex rerum harum peritis scire avidissimè cupio. Interim prius fidei absonum mihi non videtur. Ex *Plutarcho* enim in *vita C. Marii* constat, ultra sex myriades Cimbrorum, in pugna illa infelicissima ad *Vercellas*, captas, Romam deductas, ibique per plurimos annos detentas esse, inter quos facilè vel Sacerdos aliquis, vel alius ingeniosus Nostratum esse potuit, qui cupiditate earum rerum, quæ Romæ eo tempore vel maximè excolebantur, incensus, lampados sepulchralis adorationem ibidem addidit & postmodum vel libertate donatus vel fugâ elapsus, secum in Cimbriam nostram attulit. Sacerdotes verò bellantibus adfuisse, ex *Taciti c. 7. de Mor. Germ.* colligere licet; & omnia illa instrumenta, quæ in superiori plaga hujus tumuli versus Austrum & altero adjacente colle reperta sunt, Sacerdotem indicare autumo, qui iis partim in Sacrificiis, partim in pervestigandis victimarum extis usus est, fortassis etiam, tumulò hoc in honorem alicujus Principis vel Ducis exstructò, lampadeque addita, sua in eodem ossa recondi mandavit. Et de ejusmodi lampade sepulchrali propè *Coloniã Agrippinam* inventa *Erasmus Francisci* quædam, ni fallor in *Acerra sua Exoticorum*, ex *Job. Henrici Pflaumeri* narratione refert. &c. Taceo Lampadas illas Romanas, quas in Germania nostra ad *Urbem Moguntinam* erutas esse, è *Dni. Job. Kraft Hiegeli* Specimine primo Antiquitatis testatur *Celeb. Fentzelius*, in *Colloq. Mensi. Anno*

1698. p. 652. Vide sis etiam Humanissimum pariter atqve Doctissimum *Olearium* in *Mausoleo suo* p. 27. & 28. ubi *Lampadum* quoque sepulchralium alibi effosarum meminit.

## LVBECAE.

*Francisci Wörgeri Scholion,*

*Licere in causa veritatis vel à doctisimis interdum dissentire.*

Quamquam magnificè hodierni Pontificii de *Concilio Tridentino* existimant, quod *saluberrimum* deprædicat *Job. Cabasfutius*, de *noctitia conciliorum* c. 96. *cujus vox Ecclesie Catholice (Pontificice) vox est Bellarm. l. 5. de grat. & lib. arbit. c. 13. cujusve decreta omnes Catholici qui ante illud vixerunt in eventum prætulerunt suis privatis sensibus addit Bartholdus Nibufius*, id quod tamen, uti pleraque alia, è *Bellarmini l. 3. de justif. c. 3.* habet, *illius ait, decretis Catholici (Pontificii) omnes ingenia sua atqve judicia subjiciunt.* Anne quidpiam illustrius de ipsa poterat asseverari Scriptura? Nihilominus testatur *Job. Letus de Claudio de Sainctes*, Theologo Parisiensi atqve Ebroicensium Episcopo, cum solenne Carmen in Concilii primi Apostolorum clausula usurpatum, *visum est Spiritui Sancto & nobis* repeteret, crebrò dicere solitum: *In Tridentina Synodo plus NOBIS quam SPIRITUI Sancto tributum esse.* Sic *Stephanus Curcellaus* rectè defendit *Davidem Blondellum* asseverantem, *Synodum Dordraccenam plura definiisse, quam debuisset*, licet omnibus in orbe synodis illam præferat longè *Maresius*. Quidni igitur magis liceret particulares doctorum refutare sententias cum veritate haut convenientes? *Prudentissimè homines eruditissimi sensisse mihi visi sunt, qui scripsere, scientiam esse eorum, qua sic comprehenduntur, ut sonvelli ratione non possint; sin aliter, inscientiam vocari, ex qua existit opinio, qua est imbecilla, & cum falso incognitoque communis, Arnoldus Ferronus l. 7. de reb. Gall. fol. 127. a.* Non deprecor, sic loquitur *Ludovicus Vives* præfat. in *Aug. de civ. DEI*, quo minus sentiat loquaturque de opere quisque pro libito. *Si enim malum est opus, irasci ob veritatem non debeo, sin bonum, eos qui maledixerint, sua invidentia excedet tanquam venenum, in quo uno justissima est invidia ipsa (sc. vindicatrix) ceteris in rebus iniquissima.* Rectè hinc *Paulus Scherlogius* in

*Cant.*

*Cant. Cant. anteloquii 4. sect. 4. tota propugnat: Non omnia a deo antiquos, potuisse nonnunquam à junioribus vinci. Et ante illum Seneca Epist. 33. quante nos ista moverunt, non domini nostri sed duces sunt. Patet omnibus veritas, nondum est occupata: multum ex illa etiam futuris relictum. Item Epist. 64. Veneror itaque inventa sapientiæ, inventoresque adire tanquam multorum hereditatem juvat. Mihi ista acquisita, mihi laborota sunt. Sed agamus bonum patrem familiæ: faciamus ampliora, major ista hereditas à me ad posteros transeat. Multum adhuc restat operis multumque restabit, nec ulli nato post mille secula præcludetur occasio aliquid adjiciendi. Et ego ipse, ut cum Ludovico Vive finiam, agre non feram me vel admoneri vel etiam reprehendi, imò debere me multum profitebor potiora suggerenti & reprehendenti doctè. Nam & me ipsum non pigebit mutare sententiam, si vel studium vel ætas alia docuerit meliora.*

APPENDIX

*Ad pium desiderium CL. Dn. Severini Lintrupii,*

*De selectioribus Eruditorum Opusculis & Dissertationibus Academicis in sua Syntagma a conscripandis, in N. L. p. 110. A. 1701. mens. Apr. cujus fin. p. 250.*

Cum pium hoc desiderium Senatui Erudito subjectum sit, non est dubium, quin plurimum approbationem invenerit. Sed difficultatem non unam animadvertent eruditi in illâ collectione desideratâ, ut desiderare & sperare eam liceat, sed haud facile expectare & consequi ex voto. Quare, cum valde diu, aut nunquam fortè expectanda sit illius *Pii Desiderii* ex omni parte executio, impleatur interea seorsum, quod collectum desideratur, ut saltem copia Dissertationum Academicarum, aliorumque opusculorum, eruditis fiat, quæ passim habentur & eduntur. Quid juvat, tot egregiorum opusculorum & dissertationum, de tam variis argumentis, in Novis Literariis Maris Balthici, titulos & contenta quorundam legisse, quæ in paucissimorum conspectum & notitiam veniunt, quorumque usus est particularis, & fortè unius & alterius loci. Et quamvis libri atque opuscula, sumtibus Bibliopolarum edita, (Autorum enim vel aliorum curâ quæ prodierunt, ab iis suppressi plerumque solent, ut pau-

cis velnullis innotescere possint, quia sibi oeconomiam librariæ rei solis vindicant, & pro lubitu suo dirigunt, ) magis innotescant, citiusque haberi queant, tamen Dissertationum copia, quarum numerus longè major, non ubique tam facilis est. Notitia itaque earum, quæ per Nova Literaria, & per Catalogum Lipsiensem universalem, in posterum cuique contingit, licet non sit absque omni utilitate, absque usu tamen non sufficit. Pio igitur *Lintrupiano Desiderio* additur novum hoc desiderium, ut non minus usus, quam notitia, fiat communis. Huic autem desiderio ex parte satisfiet, si Domini Disputantes & Editores, publicis Urbium Bibliothecis, ad communem usum, saltem unum exemplar destinant, asservandum & inserendum Collectaneis. Nam hoc modo, omnes unius loci, uno exemplari uti frui possunt. Quibus legendo desiderium habendi excitatur, facilè viam invenient. Quomodo transmissio instituenda sit, occasiones monstrare oportet. Sed hoc negotium facilè per Bibliothecarios ageretur, quibus aliquot exemplaria aliorum transferenda committuntur, qui etiam pro fasciculis aliunde translatis portorium solvere non detrectabunt, si gratis perferre detrectabunt portitotes, sive oblatores, aurigæ aut navæ, (quod ut facerent, publicâ autoritate, quia in publicum bonum vergit, persuaderi possent,) in gratiam enim boni publici literarii, ex publico ærario, pro portorio aliquid numerari possent, compensandum insigniter cum annis, tot fasciculis Dissertationum hinc inde acceptis. Si verò quilibet Bibliothecarius hanc sibi curam imponi sineret, suoque loco diligenter colligeret ibi edita, ac pro aliis XV. aut pluribus Bibliothecis collecta, atque in tot fasciculos per Subbibliothecarium aut Ministrum distributa, fideliter asservaret; singuli suum ex quolibet loco fasciculum rogare, & commodâ occasione ad se perferri, procurarent, missis brevissimis literis, quæ testes nominis essent, & subscriptionis ejus, qui petit fasciculum. Quod commercium literarium ad aliorum quoque novorum certitudinem profuturum esset. Qui melius consilium in medium attulerit, pro communi bono, majore laude dignus erit, imprimis si consilii dati quoque accedat facilis executio.

# NOVA LITERARIA

## MARIS BALTHICI ET SEPTENTRIONIS,

*Edita Mense Julio MDCCII.*

### ROSTOCHII

**D**ie 4. Jun. Rector Acad. *Christianus Hildebrandus*, Log. PP. & FCTis Philof. Senior Programma aterni *Dei Spiritus S. ex Patre & Filio procedentis Majestati sacrum* pentecostale publicavit. (plag. I. in 4to.)

Die 21. Jun. *Andr. Daniel Habichhorstius*, S. Theol. D. ejusdemque PP. & Consiliarius Consistorialis, nec non FCTis Theol. & Collegii Ducalis totiusque Vniversitatis Senior *Dissertationem XV. Partis II. illustriorum Jesaiæ Locorum de Incessu Jesaiæ nudi & discalceati*, ex Jesai. XX, I. 2. 3. 4. Academicæ sententiarum collationi stitit, Respondente *Job. Friderico Rahn*, Sedin. Pom. SS. Theol. Studiofo. (3. plag. in 4.)

Disputationis hujus §. 1. connexionem cum præcedentibus tradit, §. 2. Analysin totius Cap. 20. sistit, quod duabus absolvitur partibus, quarum prior exhibet *incessus Prophetici injunctionem & executionem*, v. I. 2. posterior *explicationem & applicationem ad gentes Mizrajim & Cusch*, per captivitatem & deportationem denudandas & discalceandas. §. 3. sequentes quæstiones proponit, (a) *quæritur de Chronologia s. tempore mandati, & quis ille Tartan & Sargon, quorum Chronologia s. tempus mandati meminist?* (b) *Quomodo per Jesaiam Deus sit locutus dicendo: Vade, &c. quod tamen ad ipsum Deus dixit, quodque faciendum à Jesaiâ solo erat? item quid sibi velit phrasis: loqui per manum Prophetæ?* (y) *An Jesaias sacco indutus fuerit, cum solvere illum juberetur, ut nudus incederet, & quid per saccum b. I. intelligatur?* (d) *Verum per modum Visionis tantum*

*tantum, an reverà sit factum, quod de incessu Prophetæ nudi hic narratur? (ε) quæritur, quomodo nudus incesserit? utrum ex parte; an verò totum se nudaverit? (ζ) An illi tres anni incessum Prophetæ nudi; an verò gentes Mizrajim & Cusch captivandas & denudandas respiciant? (η) Si tres anni non prius, sed posterius respiciant, an hoc ipso significetur, quod gentes Mizrajim & Cusch post tres demum annos per Assyrios captivæ sint ducendæ; an verò Calamitas & bellum, per Assyrios Ægypto & Cusch inferendum, per tres annos sit duraturum? Ad has quæstiones sequentia respondet, & quidem ad *Imam*, §. 4. Tempus vaticinii fuit annus, quò Asdodà Tartane oppugnata fuit & expugnata; Tartan autem bellicus Regis Assyriæ Dux atque legatus; & Sargon, tertius quidam qui inter Salmanassarem & Sancheribum regnavit. Ad *Idam*, §. 5. (α) Hebræus stylus hic concisus est, qui distinctius & magis explicatè ita exprimi potest: *Tempore illo Dominus per Isaiam, filium Amoz, locutus est, & quidem ita, ut primò quidem ad ipsum dixerit Dominus: Vade, & solve &c. deinceps verò per ipsum locutus sit: Sicut servus meus nudus, &c.* (β) Verba: *Locutus est Dominus per manum Isaiæ*, h. l. significant, Dominum loqui vel prædicere vel promittere, vel minari per ministerium & operam Prophetæ. Ad *Illiam*, §. 5. respondens famosiorē potius significationem vocis *de sacco*, quàm illam *de pallio Prophetis usitato* sectatur; cumque *saccus frumentis capiendis destinatus huc non quadret, de vili lugentium & coram Deo se humiliantium habitu illum interpretatur.* Ad *Itam*, §. 8. hæc regerit: *revera nudus incessit Prophetæ.* Ad *Veam*, §. 9. seq. illa nuditas ex parte tantum, & aliqualis fuit. Ad *Vltam*, §. II. seq. tres anni non ad incessum Prophetæ, sed ad Ægyptum & Cusch denudandos referendi sunt. Ad *Vllmam*, §. 13. Verba Prophetæ ita comparata sunt, ut tam de priori, quàm posteriori explicari queant. His absolutis §. 14. Vsum didacticum, pædeviticum & paracleticum indigitat.*

Die 23. Jun. Collegii Schomeriani, præcedente jam mense ter memorati, Disputationem *quartam*, quæ ex Cap. II. Locum de *Articulis fidei*, & Cap. III. de *Deo* sistit, Moderatore *Joh. Petro Grunenberg* / S. Theol. D. & PP. nec non Consiliario Consistoriali, & Districtus Mecklenburgici Superintendente, ventilandam proposuerunt Præses *M. Henr. Ascan. Engelke* / Rostoch. & Respondens *Joh. Lanzius*, Mecklenb. (3. plag. in 4.)

Summa Dissertationis hæc est. §. 19. Non omne, quod in Scripturis revelatum extat, ad articulos fidei pertinet, contra Tannerum. §. 20. Quam quisque articulus fundamentalis & necessarius sit, vel minus, ex ipsâ naturâ rei definiendum est, contra Arminianos & Calixtum. §. 21. Symbolis Ecclesiæ, etsi non obtinent auctoritatem judicis, sed pro religione tantum nostrâ testimonium dicunt, pure tamen absque conditione subscribimus, contra Anabaptistas Collegiatos, Arminianos, Anglos, & Calixtum. *Cap. III. de Deo*, §. 1. Notitia Dei naturalis, non acquisita tantum, sed & insita, per modum habitus connati, ante omnem rationis usum actu primo nobis inest, contra Joh. Musæum. §. 2. Insita Dei notitia est obscura & valdè imperfecta, contra Cartesium & Burmannum. §. 3. Datur notitia Dei acquisita, quâ ex contemplatione creaturarum demonstratur Dei existentia, contra Cartesianos. §. 4. Existentia Dei ex Scripturis S. probatur, contra Calixtum & Hornejum. §. 5. Cum Deus dicitur Spiritus, nulla hujus vocis notioni includitur materialitas, aut extensio quantitativa, contra Wittichium, Hobbesium, Crellium, Vorstium. §. 6. Deus rectè dicitur esse à se ipso sensu negativo, contra Cartesium & Cartesianos. §. 7. Deus est Ens ab omnibus Creaturis distinctissimum, contra Weigelium. §. 8. Omnis à conceptu Deitatis imperfectio removenda, contra Episcopium & Henricum Morum. §. 9. Præsentia Dei universalis apud Creaturas non est nuda & otiosa quædam adessentia;

sed præter eam non minus , quam gratiosa & gloriosa præsentia, efficacem quoque operationem involvit, & non tantum ab immensitate Dei , sed & à liberrima ejus voluntate oritur , contra Tubingenses. §. 10. Omnipræsentia divina non solâ operatione absolvitur ; sed includit substantialem adessentiam ad omnes res creatas , vi immensitatis Dei, contra Episcopium & Cartesianos. §. 11. Specialis Dei præsentia, quæ fidelibus promissa est, præter operationem gratiosam, de peculiari quoque intelligitur essentia divina ad nos approximatione , contra Lucam Osiandrum, Calixtum. §. 12. Deus quidem omnipotens est, attamen nec veritas , nec possibilitas rerum omnis simpliciter à DEi libera voluntate pendet ; sed quædam etiam ab ipsâ DEi naturâ : adeoque æterna ac necessaria est, contra Cartesium, Wittichium, Petrum Poiret, Spinosam. §. 13. DEus ab æterno idem ac immutabilis est, nec per creationem quicquam ei accessit perfectionis, contra Weigelium. §. 14. Cognitio DEi divinorumque attributorum salutaris admodum & ad salutem necessaria est, contra Arminianos.

Die 28. Jun. sub Præsidio M. Franc. Alb. Æpini , Mecklenb. Dissertationem Philos. quâ *Moralitas Graduum Academicorum* ex Juris Naturæ Principiis, contra Fanaticos præsertim, àfferitur, defendit Auctor Respondens , Joannes Carlquist, Svecus. (5. plag. in 4.)

Tria continet Capita , quorum *Imum statum Contròversia format*, ostendendo, quibus Gradus Academici sint conferendi, videlicet §. 1. sufficienti eruditione instructis, §. 2. vitæ morumque integritate ornatis, §. 3. rejicit ab usum gradus Academicos temerè & solius lucri causâ impertiendi. §. 4. notat quorundam temeritatem in gradibus Academicis petendis. §. 5. Fœminis etiam gradus, excluso tamen illo in Theologia summo, conferri posse probat. §. 6. Hactenus dicta *αὐτὸς ἐν Συνέσει* proponit. §. 7. Illud Juris Naturæ principium, quo dicenda

MENSIS JULII, M DCCII. 191

da probaturus est, adjicit, nempe: *Quicquid socialitati convenit, illud justum est ac licitum.* Cap. II. *Idum, Fanaticorum de gradibus Academicis sententiam & argumenta recenset, & quidem §. 1. Thomæ Muntzeri, Carolstadii, §. 2. Weigeli, §. 3. Christiani Hohburgi, §. 4. Quackerorum, §. 5. Gothofredi Arnoldi, §. 6. Zwinglii, Gualtheri & Boxhornii, §. 7. seqq. horum Fanaticorum contra moralitatem graduum argumenta & rationes enumerat. Cap. III. *Idem, veram sententiam proponit, probat & defendit, adversariorum rationes à §. 2. ad 9. inclusivè refellens, §. 10. seqq. Graduum fundamentum juxta Juris Naturæ principium supra suppositum paulò altius repetit. §. 15. porismata X. ex hactenus dictis deducta adjicit.**

GEDANI

*In Athenæo.*

Die 11. Maji *M. Christianus Sabmius*, Mathemat. Prof. P. & Scholæ Johannit. Rector disputabat *de Figura Terra*, Resp. *Daniele Mannio*, Elb. Bor. (1. plag. in 4.)

Die 14. Jun. *Idem de Situ Telluris*, Resp. *Leonbardo Gebauero*, Silesio. (1. plag. in 4to.)

Die 18. Jun. *M. Daniel Gradus*, Græc. & Hebr. LL. Prof. Publ. programme, *de Societate homini utilissima, & ex De jussu necessariâ*, studiosam juventutem ad nuptias suas cum Florentinâ Virginâ Rebeschkiâ invitabat. (in fol. plag. 1.)

Die 21. Jun. *M. Christ. Sabmius* habebat *de motu Terræ* Disp. I. Resp. *Job. Leonb. Schlichero*, Gedan. (1. plag. in 4.)

Die 22. Jun. *D. Samuel Schelguigius*, Theol. Prof. Athen. Rect. & ad S. S. Trinit. Past. solenni Disputationi exponebat *Aphorismorum ex Scholâ Pietatis Gerbardianâ Congeriem I. ex præfatione & de Attributis Dei communiter, ac in specie de Bonitate*, Resp. *Leonb. Gebauero*, Silesio. (pl. 3½.)

Die 5. Jul. *M. Christ. Sabmius* addebat de *Motu Terra*  
 Disp. II. Resp. *Carolo Godofr. Heinio*, Ged. (1. pl. in 4.)

Die 6. Jul. *D. Samuel Frieder. Willenberg*, Jurium & Histor.  
 Prof. ac Athen. Inspector, solenniter disputabat de *Excep-  
 tione doli in cambiis cessante*, Resp. *Joh. Gottlieb Becker*,  
 Ged. (plag. 5 $\frac{1}{2}$  in 4.)

Argumentum hujus tenoris est: §. 1. Jus est vel commune, vel singulare. §. 2. Cambia sunt privilegiata & quare? §. 3. Prægnantia materiæ hic tractandæ: Etymon vocis Cambii. §. 4. An Campsores hodierni cum Argentariis Romanis conveniant. §. 5. Cambium in quo conveniat & non conveniat cum aliis contractibus. §. 6. Quatuor Personæ regulariter cambio interveniunt. §. 7. An & pauciores vel plures? Quid sit cambium indossatum. §. 8. Exponitur differentia contractuum in cambiali negotio occurrentium & 1. Remittentis & Trassantis. §. 9. 2. Trassantis & Acceptantis. 3. Acceptantis & Præsentantis. §. 10. 4. Remittentis & Præsentantis. Nulla est obligatio inter Remittentem, Acceptantem vel Præsentantem & Trassantem. §. 11. Definitur Cambium. §. 12. Proponuntur ejus differentia. §. 13. Objectum Cambii est pecunia. §. 14. Lagium dandum Campsori & quantum esse possit. §. 15. An Cambia exercere sit licitum. §. 16. Ad melius promovendum Cambium dantur literæ cambiales. Quid sint hæ literæ. §. 17. quibus clausulis muniantur. §. 18. Quid sint literæ avisoria. §. 19. Tam literæ Cambii, quam avisoria statim sunt transmittendæ. §. 20. & illæ in tempore præsentandæ. §. 21. Ob non acceptatas literas cambii protestandum. §. 22. Quot modis fieri possit acceptatio. §. 23. An & quando pro honore literarum tertius acceptet Cambium. §. 24. Acceptationis effectus est, quod ea obliget Acceptantem ad solvendum. §. 25. Probatur hoc variorum locorum statutis. §. 26. An post acceptationem sit quædam

qvædam delegatio facta. §. 27. Proponuntur qvædam privilegia Cambii. §. 28. Qvænam competat actio inter Remittentem & Trassantem. §. 29. Qvænam inter Tractantem & Acceptantem ; ut & inter Remittentem & Præsentantem. §. 30. qvæ Præsentanti contra Acceptantem. §. 31. qvæ ei, qvi pro honore acceptavit. §. 32. Cambiis an opponi possint exceptiones. Opponi potest solutionis & compensationis. §. 33. An etiam exceptio non numeratæ pecuniæ ? variæ Dd. sententiæ. §. 34. ab Auctore distingvitur. §. 35. Concurrit cum exceptione N. N. P. exceptio doli generalis. §. 36. Casus de dolo in Cambio commissio. Qvæstio inde format. §. 37. Affirmativæ sententiæ Ratio I. à nullitate mandati ob dolum. §. 38. Ratio II. ab inhabilitate Trassantis. §. 39. Ratio III. à dolo Remittentis & Præsentantis. 40. Ratio IV. à qualitate exceptionis doli. §. 41. Ratio V. à conditione acceptationis. §. 42. Ratio VI. ab officiositate Acceptantis. §. 43. Ratio VII. ab autoritate Ddum. §. 44. Præfertur negativa, cujus Ratio I. in Cambiis non admitti except. altioris indaginis. §. 45. Ratio II. ex acceptione literarum generali. §. 46. Ratio III. est specialis contractus Acceptantis & Præsentantis. §. 47. Ratio IV. qvod in hoc contractu nihil admissum, qvod illum vitiaret. §. 48. Ratio V. à naturâ exceptionis doli. §. 49. Ratio VI. à Mercatorum receptâ regulâ. §. 50. Ratio VII. à consensu Doctorum. §. 51. Sententia Senatus Gedanensis. §. 52. Laudum qvoddam Mercatorum Amstelodam. §. 23. Verba qvædam supplicationis ad Senatum Francofurt. §. 54. Responsio ad rationem dubitandi I. §. 55. Responsio ad rationem II. §. 56. Responsio ad rationem III. §. 57. Responsio ad rationem IV. §. 58. Responsio ad rationem V. §. 59. Responsio ad rationem VI. §. 60. Responsio ad rationem VII. §. 61. Ampliatio qvædam sententiæ Auctoris. §. 62. An Acceptans pecuniam in judicio deponere possit ? §. 63. Cautela pro Acceptante. §. 64. Qvale auxilium ipsi superfit. §. 65. An Remittens per Cambium extortam pecuniam cum Creditori.

toribus Trassantis communicare debeat? §. 66. Cujus sit damnum si ex mandato alicujus inhabili Campsori pecunia perferenda data? §. 67. Cujus sit damnum ex literis falsificatis ortum? §. 68. Quid si literæ auferantur vel casu amittantur? §. 69. Epilogus.

*Ex Rev. Ministerio.*

Die 26. Jun. vitam finivit *M. Andreas Gnospius*, ad S.S. Trinit. per XXII. annos Diaconus.

Natus ille est Regiomonti Borufforum, d. 16. Jun. 1633. Patre *Lucâ Gnospio*, Ministro Jesu Christi variis persecutionibus exagitato, tandemque magni Xenodochii Loebnicensis Diacono, & matre *Catharinâ*, Johannis Campii, Pastoris Libemolensis ac in Consistorio Pomesaniensi Assessoris filiâ. Studiis *Regiomonti*, *Wittebergæ* & *Lipsiæ* pertractatis, Academicisque insuper Gryphiswaldensi, Jenensi & Rostochiensi perlustratis, ann. 1661. à Senatu Regiomontano Palæopolitano Concionator Xenodochii ad *D. Georgii*, anno 1677. *Gedani* Rector Scholæ Bartholomæitanæ, porrò ibidem anno 1679. Ecclesiastes in fortalitio *ad osium Vistula*, denique anno 1680. Diaconus Ecclesiæ ad SS. Trinit. vocatus est.

*Prodicunt sub ejus nomine.*

1651. Wittebergæ Disputatio *de Qualitate ex Physicis*, Præside *M. Samuele Pomario*. (pl. 1.)  
 1653. Ibid. Disput. *de Passione ac Mortis Christi tempore*, Præside *M. Egidio Strauchio*. (pl. 3.)  
 1657. Regiomonti Disput. *de vanitate Astrologorum*, Præside *M. Andreâ Concio*. (pl. 4.)  
 1669. *Leich-Abdankung* *Hn. Ludovico Spelnero*, Pastori in *Thürenberg* gehalten. (plag. 3.)  
 1672. Predigt über den 22. Psalm. (pl. 5½)  
 1680. *Abund Anzugs-Predigten*. (pl. 7. in 4to.)  
 1688. *Leichpr.* über *Hr. Michael Engeln* / ad S.S. Trinit. Diacon. & ad *D. Annæ* Concionat. Polonicum. (in fol. pl. 14)

Ex

Ex Latino in Germanicum vertit tres supposititias Liturgias Jacobi, Marci, & Petri, cumque notis, durante Syncretistico inter Regiomontanos certamine, edidit sub titulo: Die 3. vermeinten und sehr verdächtigen Liturgien und Messen des Jacobi, Marci und Petri, aus dem Tom. I. Magnæ Bibliothecæ veterum Patrum Edit. Colon. Anno 1618. ins Teutsche übersehet von A. G. R. B. (plag. 6½.)

Mens. Junio Ephraim Pratorius, hactenus ad ædem D. Lazari, jam ad ædem S. Jacobi Ecclesiastes, brevem & perspicuam edidit instructionem pro dignè accessuris ad SS. Synaxin, titulus est: Der würdige Tisch-Gast bey der Gnaden-Tafel Jesu Christi im Heiligen Abendmahl. Informatur ille Sectione priori quid salutariter ei sciendum sit, suppeditatâ scilicet Catenulâ totius doctrinæ Christianæ. Porro, quid eidem ante, in & post S. Cæna sumtionem piè suscipiendum sit, Sectione posteriori edocetur. (Edit. Lips. 3. plag. in 12mo.)

REGIOMONTI

Die 5. Febr. M. Michael Schreiber, Eloqv. & Histor. P. P. & Bibliothec. Wallenrod. in funere Johannis Xebe / Collegæ Scholæ Palæop. Programma Germanicum scripsit, cujus titulus: Das flüchtige Xebe. (1. plag.)

Die 10. Febr. in funere Regina Goltiebia Droßie, virginis: Sellbrennende Lampen / womit die sehl. Jungfer dem Bräutigam ihrer Seelen in der Mitternacht des Todes entgegen gangen. (2. plag.)

Die 16. Febr. in funere Christophori Qvandt, Pastoris in Pago Burchardi 50. annos benè meriti, ex Levit. XXV. de anno quinqvagesimo, quo servi apud Israelitas manumittebantur: Seliges Erlaß-Jahr / in welchem der selige Pfarrer nach geleistetem 50. jährigen Dienst in die Himmlische Freyheit versetzt worden. (2 plag.)

Die 26. Febr. in funere Matthia Trentovii, Pastoris Pyfanicensis in Districtu Lyccensi, occasione ipsius insignium,

in quibus conspicitur aliquis satelles, hasta armatus, quasi excubias agens; Titulus: *Der bewährte Seelen = Wächter an dem Saufe des Erren.* (1 plag.)

Die 8. Martii in funere *Barbaræ Buloviæ, Bernhadi FridERICI Hahn*, Concionatoris Aulici Conjugis: *Die beste Art des Todes.* (2 plag.)

Die 7. Maji, Programma Latinum *Idem* scripsit, quo promulgabatur, quod ex aliis Academicis Germanicis propter digladiandi ferociam proscripti, hic quoque pro talibus impofterum habendi, & nequaquam admittendi sint.

Die 16. Maji in funere *Henrici Bartsch*, Vice-Consulis Palæopol. *Auferlesene Edelgesteine / mit welchen des Wolfel. silberne Ehren-Krone seines grauen Saars geschmückt worden.* (3. plag.)

Die 17. Maji in funere *Euphrosyna, Comitissa & Burggravia à Dobna, Vidua à Güldenstern*: *Die Vereinhabung des Goldes mit den Sternen.* (4. plag.)

Die 5. Junii, Programma Latinum in memoriam *Andree Hedionis* J. V. D. qui anno 1673. d. 30. April. Regiomonti natus, Patre *M. Andrea Hedione*, Log. & Phil. Prim. P. P. Alumn. Reg. nec non Convict. & Colleg. Inspect. Prim. & Bibliothecario Regio. Studiis, domi forisque, in Germania, Belgio, Dania, Anglia & Gallia, gnaviter excultis, ann. 1698. Franecqueræ, prævia Disputatione inaugurali, de *Duello*, J. V. Doct. renunciatus, ann. 1701. d. 16. Junii Lugduni Batavorum gladio transfossus obiit, anno ætat. 28. & 24. dierum. Sepultus ibidem d. 19. Sept. ejusdem anni.

Die 11. Junii, Programma Relegatorium nomine publico scripsit ex Cæsar. L. VI. *Comment. Bell. Gall. de more Druydarum, quod sicorum decreto non stetisset aliquis, sacrificiis suis interdixerint.*

Die 23. Junii, in die *B. Cancellarii J. D. à Tettau* memoriæ quotannis hic sacro, Orationem habuit, de *Deserto, S. Johannis Academia*. Præmissum fuit Programma de hoc deserto in se spectato.

THO-

## THORVNII

*M. Georgius Wendius*, Gymnasii Thorun. Rect. & Prof. die 22. Februarii *D. Johannis Nicolai Misleri*, Gifs. P. P. *Theologia Thetico-Polemica Disputationem quintam*, Respondente *Wilhelmo Steinck* / Mitaviâ-Curlando, denuò ad ventilandum proposuit.

Sub anni superioris 1701. exitum, hujusque 1702. exordium Thorunii partim vivis excefferunt, partim verò tumulati sunt sequentes: (1) *Aaron Blivernitzius*, Thoruniensis, verbi divini in & extra Patriam per annos 48. Præco fidelissimus, inprimis autem Templi D. Mariæ apud Thorunienses per 26. annos Ecclesiastes Polonicus. (2) *Carolus Albertinus*, ab *Ostenbund*, Reipublicæ Gedanensis Syndicus, Waravia extinctus, & Thorunii sepulchro illatus die 15. Januarii. (3) *Johannes Kislingius*, Reipublicæ Patriæ Thoruniensis Præcon- sul meritisissimus, Dominica IV. post Epiphan. terræ traditus.

## RIGÆ.

Superiori anno 1701, mensè Decembri, pag. 381. seq. B. *D. Johannis Breweri*, Ecclesiarum Rigensium Superintendentis, Consistorii Assessoris & ad D. Petri ædem Pastoris Primarii, vitam descripsimus. Quum verò Scripta ab eodem in lucem edita ibidem desiderentur, illa hic subjicere placet, quæ sunt:

1. *Orationes* in Rigensi Athenæo habitæ, unâ cum *Programmatibus*. Francofurt. ad Moen. 1655. (in 8.) In duas divisæ sunt Partes, quarum prima continet I. Alphab. 16. plag. Secunda autem I. Alphab. 14. plag.

2. *Catechesis Germanica*, juxta Methodum minoris Catecheseos Lutheri, in usum Scholarum Rigensium. Rigæ ex officinâ Georgii Matthiæ Nölleri, 1681. (I. Alphab. in 8.)

3. *Catena Theologica*, in usum Gymnasii Rigensis, apud G.M. Nöllerrum, 1697. (2½ plag. in 8.)

4. *Adumbratio Theologia Dogmatica & Moralis* duabus Tabellis, Rigæ apud modò dictum Nöllerrum, 1686. (in 4to.)

Reliqua ejus Scripta colligi possunt ex illâ Disputatione, quam *M. Jon. Phragmenius* anno 1699. d. 27. Maji Rostochiæ edidit.

*Qui ex Reverendo Ministerio vitam cum morte commutarunt nobisq; nondum memorati, sunt sequentes:*

Anno 1701. d. 7. Octobris *M. Andreas Baumann*, *Ædis Joannitanæ* Diaconus.

*Qui* cum Rigæ ann. 1649. d. 15. Julii natus esset, ac fundamenta eruditionis in Scholâ Patriâ jecisset, *Wittebergam* profectus est, ibique absoluto cursu Philosophico, *de jure Majestatis circa Sacra* publicè disseruit. Hinc ann. 1672. *Academiam Giessensem* adiit, ubi etiam Disputationes *de Christo Pastore, de Imagine DEI, &* pro gradu Magisterii, *de Ritibus precandi veterum Hebraeorum*, habuit. Postea peragravit varia Germaniæ loca. Tandem ann. 1675 domum rediens, d. 18. Octobr. 1690. Pastor *zur Neuen Mühlen* / & ann. 1694. Rigæ ædis *Joannitanæ* Diaconus constitutus est.

Anno 1701. d. 22. Decembris *M. Andreas Schwarz* / electus ad ædem *D. Joannis* Diaconus.

*Lucisufurâ* frui cœpit ille in urbe Rigâ ann. 1665. d. 2. Novembr. & studiis scholasticis in patriâ feliciter peractis, an. 1685. *Rostochiensem*, & anno 1686. *Lipsiensem* invisit *Academiam*. Hinc ad iter se accingens superioris Germaniæ Provincias perlustravit. Anno 1690. d. 3. Jan. *Lipsiam* iterum rediit, & hic non dignitatem solum Magisterii, sed in patriâ etiam hoc ipsò annò vocationem ad *Pastoratum Ecclesiæ Steinbohmensis* obtinuit, cui aliæ, nempe anno 1697. ad *Pastoratum Ecclesiæ S. Georgii* in suburbio Rigensi; & anno 1700. ad *Diaconatum templi Cathedralis*, successerunt. Præterito quidem anno Diaconus ad *D. Joannis* eligebatur, ast in ipsâ electione vitam finiebat annum trigesimum septimum agens.

Anno 1702. d. 31. Januarii, *Hermannus Zimmermann*, *templi Cathedralis* Pastor & *Consistorii* Assessor.

Nata-

## MENSIS JVLII, M DCCII. 169

Natale solum contigit illi in urbe Rigâ, anno 1654. d. 24. Septembr. Postquam in Scholâ Cathedrali, quæ in patriâ est, literis excultus erat, Rostochii & Wittebergæ studio Philosophico atque Theologico operam dedit. Deindè per varios Principatus in Germaniâ iter fecit, & anno 1680. d. 21. Aprilis patrium solum revisit. Hic anno 1681. d. 14. Maji Ecclesiæ Joannitanæ, anno 1683. d. 30. Martii templi Cathedralis, & mox Ecclesiæ Petrinæ Diaconus; porro anno 1691. d. 17. Septembr. Ecclesiastes Concionum hebdomadalium & Consistorii Assessor, ac tandem anno 1700. mense Julio Pastor templi Cathedralis vocatus est.

Die 1. April. *Georgius Caspari de Redemptorâ Christi passione* orationem habuit, in quâ simul B. Parentis sui, cujus vitam & scripta mense Martio pag. 79. seq. recensuimus, memoriam pie recoluit, prævio Programmate invitatorio M. *Michaëlis Pinsdörfferi*, Gymnas. Prof. & Scholæ Cathedr. Rectoris.

### VPSALIAE

Die 10. Maji sub Præsidio *Laurentii Normanni*, S. Theol. Prof. Regii & Academiae Bibliothecarii, *Ericus Benzelius*, *Erici filius*, publico examini submitit *Joannis Chrysoستي Homiliam in Evang. Joannu V, 19.* hætenus ineditam; quam cur *Suppl. Homil. in Divit. & Lazarum* ex MS. *Baroccianis* celebratissimæ Bibliothecæ publicæ *Oxonienis*, quæ à fundatore suo Illustri *Thomâ Bodlejo*, Bodlejanæ nomen obtinuit, descripsit, Latine vertit, & notis illustravit. (6 plag. in 4to.)

Idem *Benzelius* etiam in publicum emittet *Philonis Lib. IV. de LL. special. Decalogi*, hætenus *avëndorov*, ex membranis vetustis *Biblioth. Bodlejane* descriptum.

### MALMOGIAE

*D. Joh. Jacobi Döbelii*

*De Aquâ Salsâ, tutissimo pro infantibus Emetico,*  
*Observatio.*

Dum puerorum ventriculum, corrupti lactis saburrâ refer-

tum, lernæ paludi non abfimilem pronuncio, Medicorum neminem contrarium existimo, qui lactis acidi malignitatem, hydræ verò circumjacentibus terris adeò infestæ noverit indolem. Vt enim Hydra plusquam unicò infensa fuit capite, ac eorum unicò abs Hercule præcisò, aliud statim propullulabat; ita massa hæc venenata variis multisque insultibus in ventriculo, tanquam in sua non solum se volutat Lerna, sed & omnibus vicinis partibus suâ virulentiam quam est nocentissima! Comprobant hoc ipsum omnes ferè infantum morbi, diversis titulis tam diversissimi, quam inter se sunt corporis partes. Demas nunc Hydræ huic, quâ Nauseam excitat, acrimoniam, & ecce! datâ aut nullâ, aut parum tutâ, quâ robur colligit, morâ, hypochondria rursus inflabit, pectus contrahet, seminium verminosum animabit, febres excitabit, vixque sublato unius morbi fomite, aliis novis spiculis novorum malorum erit causa, nisi potente illam concremes elemento. Præstant id egregiè ruricolæ nostri, vel si in gratiam fabulæ fortem & robustum cupis virum, Vulgus nostrum Svecanum, quod Herculeo sanè conatu ad extinguendam talem bestiam non quidem tam felix, quam fortunatum est. Cum enim molesta talis progenies in puerorum vel aliquot menses natorum ventriculo, domesticum quasi aliquod occupavit hospitium, non absorbentibus, non alcalibus, non stomachicis, nec purgantibus, nec anthelminticis Nostrates digladiantur, quæ omnia illam quidem feriunt, sed vix tollunt. Quid ergo? Patriâ suâ quam habere putant potestate ac libertate utentes, animal hoc accensis torribus aggrediuntur ac comburunt. Ignis scilicet Græcus illis sal est, quo in pauca aqua dissoluto atque exhibitò, universam Lernam movent, angvemque ejiciunt ac conficiunt & masculè & laudabiliter satis. Quamvis enim haud ignorem, quam tenera tenellulorum sit constitutio, & quam caute cum infantibus sit agendum; certum tamen ac rationi planè congruum est, pluribus frustra adhibitis Ventricu-

lum plus affici & debilitari, morbi verò mineram in periculum nostrum incrementa capere, cum contra unicò generoso remedio istiusmodi periculosus hospes, qui ne dignus quidem est, ut publico alatur aëre, momento quasi exturbetur. Æquum pròinde non minus, quam tritum illud est: *Pueri qui vomunt, crescunt, quamdiu debitis circumstantiis ejus habeatur ratio. Nimirum*

*Interdum Vulgus rectum videt, est ubi peccat.*

Etenim, qui ex repletionem oriuntur, evacuatione curandi sunt morbi: & quàm feliciter hanc methodo ipsi non sæpius curam absolvent Medici, si agrorum Parentes cum Rusticis hac in re tam simplices esse vellent, quàm felices. Ignem talem, hydræ nostræ fatalem, olim jam Celsus lib. I. c. 3. descripsit, usum ejus omnes deprædicant & commendant Practici, effectus verò felicitatis certitudinem creberrima Nostratium experimenta confirmant. Quid? mei obliviscar? oblitus ferè fuissim puerum me cum reliquis meis fratribus, falsæ scyphum, Parentis nostri jussu & eodem scopo & magno cum fructu exhaustisse. Modum, quò ignis hicce noster agat, ceu rem cuius apertam, pluribus hic exposuisse præter rem videbitur; hanc igitur benevolum Lectorem dimittito admonitione, ut pro aqua ex tempore sale imprægnata, potius propinet muriam, butyro condito supernatantem, quò ob fracta aliquantum à butyro salis spicula, delicatis magis prospiciatur ventriculis, ne ab acidi lactis acrimonia violentius evadat emeticum, sæpiusq; justo vomitus recurrat.

KILONII.

*Andr. Albertus Rhode*, Barmstad. lingvâ Teutonicâ peroravit *de laude Historiæ*. Programma vernaculum à *Jo. Burchardo Majo*, Eloquent. & Historiar. P.P. huic actui Oratorio præmissum lingvæ Germanicæ studium magnificandum esse ostendit. (i plag. in forma patente.)

Die 10. Maji sub Præsidio *Samuelis Reyheri*, J.C. Cod & Mathemat. Profess. Publ. Disputationem Juridicam *de singularibus*

*ribus Alimentorum juribus* habuit *Christoph. Jacob. Pfenning*,  
Kiliensis. (2 $\frac{1}{2}$  plag. in 4.)

Summa Dissertationis. §. 1. per alimenta quid intelligitur? magnus eorum in Jure est favor. §. 2. Bona ad alimentationem destinata nec arrestari nec sequestrari possunt. §. 3. Quando de alimentis agitur, sumtus litis & alimenta Reus actori indigenti subministrare cogitur. §. 4. Si de alimentis quaestio est, etiam in feriis adiri Magistratus potest. §. 5. Si pupillo, vel adulto, alimenta non praestantur, (*sine Curatore*) potest adire praesidem. §. 6. In causis alimenta futura concernentibus appellatio non admittitur. §. 7. Filiabus vel Sororibus Vassalorum, quamdiu non elocantur, alimenta ex feudo debentur. §. 8. Ratione alimentorum sorores contra fratres, vel alios agnatos, jus tacitae hypothecae, nec non jus retentionis habent, §. 9. etiam contra agnatorum & fratrum creditores, etiamsi hypothecam cum consensu Domini habeant, praeferruntur. §. 10. Sorores ex feudo paterno dotationem vel educationem sive alimenta petentes praeferruntur fratris uxori vel viduae dotem illatam repetenti. §. 11. Quod in alimenta aetatis puta infirmae relictum est, ad honorem civitatis pertinet. §. 12. Divus Marcus oratione in Senatu recitata effecit, ne aliter alimentorum transactio rata esset, quam si auctore praetore facta. §. 13. juxta constitutionem *Hadriani*, pueri usque ad decimum octavum, puellae ad quartum decimum annum alantur. §. 14. Notabilis lex de forma computationis in alimentis faciendae habetur.

Die 28. Maji prodiit Programma *Sebastiani Kortholti*, Profess.

Poet. Publ. & Ordin. (1. plag. in fol.) quo Patres Civesque Academicos invitavit ad audiendam Orationem super obitum GVILHELMII Regis numeris Germanicis adstrictam, & die *Gvilbelmo* in fastis sacro recitatam publice à *Jo. Fridrico Meins*, Lubecensi.

In eo auctor affirmat, ex quo *Caroli Stuarti*, sive potius trium Regnorum amputatum Caput, nullum Angliam, nullum

lum Europam, nullum deniqve totum terrarum orbem funus magis luctuosum illo *Gvilhelmi* adspexisse. Deinde laudes Regis compendio exponit, memoratqve quomodo fugato *Jacobo*, M. Britannia Regem ipsum se constituerit & coronam acceperit, quæ dudum imperium ipsi augurata & à cælo promissa sit cum supra thronum ejus, testibus innumeris, comparuerit. Refert item Regem hunc *Cantabrigia* Juris Doctorem creatum, cum octo annos natus fuerit, literis animum *Lugd. B.* perpolivisse, & in ipsa semente præclariss. messis spem fecisse, ac in prima juventute Gubernatorem & Belgici exercitus Imperat. constitutum pro Batava prope oppressa libertate propugnasse; *Nardam, Voerdam, Bonnam, Crepiscordium, Bommeliã, Elburgum, Valckenburg, Tongern, Rheinbach, Brevil, Sechwig, Hardtwich, & Kempten* expugnasse; Gallos *Noviomagum, Zutphaniam, Tielam, Arenacum & Vesaliã*, Episc. autem *Monasteriensem Daventriã* ut desererent coëgisse; *Coördiam, Binchen ac Gravã* aliaque sibi erepta loca recuperasse, & *Condeum* æqve ac Ducem *Luxenburgum* fugasse. Addit Hiberniæ motus eum pacasse, exercitum Boinam fluveum trajecisse, *Waterfordiam, Vexfordiam, Duncanonum, Kerckingsal, Droghedam, Bellingarti & Dublinum* potestati subjecisse suæ, & *Jacobo* iterum fugato occupataque *Atlona, Landsborough, Kablymore, Galliva, Slego & Limerico* totius Hiberniæ factum Dominum, maximo postmodum prælio Gallos vicisse, *Huum* in ditionem suam redegegisse & *Namurcum* quoque recepisse. Quibus factis tantum gloriæ *Gvilhelmi* accesserit, quantum inde ad subditos salutis redundarit. Has aliasqve, quas enumerat Auctor, laudes latino carmine celeberr. *Petr. Francium, Alemanico Cl. Jo. Christ. Wentzelium* complexos esse docet. Nec tacet Anglico Poemati easdem inseruisse *Richardum Blackmorum*, qui ideo, se Londini agente, in Equitum ordinem à Rege receptus sit, quem Musa hac sua mori vetabit, licet Medicina sua, cum à morti vicino adesse coram juberetur, eidem eripere non potuerit.

Idem *Sebastianus Kortholtus*, sicut mense Majo p. 150. notavimus, publicæ luci dare constituit *Hildebrandi ab Horn Iter Moscoviticum*, sub hoc titulo: *Sildebrand von Horns/ Königl. Maj. zu Dännemarck Norwegen weiland Abgesandten/ Moskowitzsche Reise/ welche mit einer Vorrede von des Verfassers Lebens- Lauff zum erstenmahl ans Licht stellet Sebastian Kortholt / Poët. Prof. Publ. und Ordin. der Hoch- Fürstl. Vniversität zum Kiel. Kiel bey Barthold Neuther. (in 4.)*

Data hac occasione subjicere placet Epitaphium dicti *Hildebrandi ab Horn*, curâ moestissimæ Matris illi positum, quod præclaras ejus ingenii dotes, vitam laudabiliter actam, & mortem præmaturam sequenti modo ob oculos ponit:

Memoriæ *Hildebrandi von Horn*, ætatem ingenio, ingenium felicitate, felicitatem virtutibus supergressi. Qui postquam ad omnes à naturâ elegantias factus, omnes studiorum Veneres, Eloquentiam, Poësin, in Lingvâ Latinâ, Germanicâ, Gallicâ, Italicâ, incredibili solertiâ exhauferat, Matheseos Civilis, Militaris, Nauticæ, Mechanicæ artibus, Historiæ qq. & Civilis Prudentiæ doctrinis ornatisissimus, moribus prætereâ suavissimis & meras Charites spirantibus amabilis, Seren. ac Potent. Dan. ac Norvag. Regi CHRISTIANO V. ita se probavit, ut insolitô in illâ ætate exemplo bis in Moscoviam mitteretur, primum ut Secretarius Regius, ad componendas Polonorum & Moscorum lites, iterum ad alia negotia ablegati honoribus insignitus, ubi toto triennio verlatus Magnorum Ducum gentisque universæ gratiam sibi conciliavit, quem in Russicâ & Sclavonicâ lingvâ Poëtam venustissimum Nasonem quondam Getæ Peregrinum Cives mirarentur. Rebus optimè & ex votô confectis, ut pacis artibus virtutem militarem jungeret, in Græciam Venetorum in Castris pugnatum ivit, veterem Musarum & Elegantiarum sedem à Barbaris vindicaturus; illic inter Melitenses Eqvites Peregrini Eqvitis titulo honoratus in expugnatione Ceronis & Naupliæ, munitissimarum Peloponnesi urbium, in præliis maxi-

maxima animi fortissimi specimina ostendit. Hospes summo Veneti Exercitus Imperatori, Morosino, acceptissimus. Sed quem non tela & enses, nec graviora, quæ accepit, vulnera peremerunt, illum ad majora munera capeffenda jussu Regio revocatum è morbò Epidemio mors in nave pia placidaque Regi fidum Ministrum, magnam patriæ spem & ornamentum, præclarum literis elegantibus decus, Matri desiderium eripuit. Natus an. MDCLV. d. XXVI. Aug. Patre, *Petro von Horne*, hujus urbis Senatore, Matre *Catbarina Büllen*. Obiit anno MDC LXXXVI. die VII. Octobr. anno ætatis XXXI. Exuvie ejus in Cytherâ Insulâ tumulo illatæ cumque illis tot ingenii Veneres in antiqvâ Veneris sede sepultæ, Anima è sacrâ militiâ ad triumphantem in cœlos evolavit. Filio unico, vere unico, ætatem virilem vix ingresso, ingenio, virtutibus, meritis plusquam virilibus supergresso, Mater septuagenaria mœstissima, jam non amplius Mater, contra votum superstes supremum hoc in patriâ munus posuit.

## LVBECÆ.

Die 4. Junii, ipsis videlicet Feriis Pentecostalibus, Spiritui S. sacris, *D. Georg. Henr. Goetzius*, Ecclesiarum Lubecensium Superintendens, Concionem suam auspicalē habuit, postquam eò ipsò die à *M. Balthaf. Gerbard. Hannekenio*, Pastore Mariano, Superintendentis munus ipsi per solennem institutionem impositum esset. Natus ille est Lipsiæ, ubi non solum sub privatissimâ Præceptorum institutione literarum fundamenta posuit; sed & in Academiâ Patriâ, postmodum Wittebergensi ac Jenensi, Doctores tam Philosophos quam Theologos frequentissimè audivit, & publica in iisdem edidit eruditionis specimina. Quum autem in Vniversitate Lipsiensi, quam secundâ vice repetierat, præviâ Dissertatione Historicâ de *Aræ Deioru Christi*, an. 1687. Gradum Magisterialem consequutus esset, tum ibi, tum etiam Wittebergæ, quorsum iterum se contulerat, varias de variis argumentis tam ut Præses quam ut Respondens proposuit

posuit Dissertationes infra enumerandas. Studiis Academicis absolutis an. 1690. d. 4. Apr. ad Pastoratium *Burgensem* in Ducatu Magdeburgico, & eodem anno ad Diaconatum Ecclesiæ *Chemnicensium* vocatus est. His vocationibus an. 1694. alia ad D. Sophiæ templum, quod *Dresda* est, successit. Hoc in loco cum an. 1696. Concinator Aulicus requireretur, illius quidem opera à Proto Synedrio desiderabatur, ut Concionem *δοκιμασινῶν* haberet, sed an. 1697. mense Septembr. Annæbergenses Pastorem & Ephorum eum expetiverunt impetraruntque. Hic dum hæreret, an. 1698. d. 25. Augusti pro Gradu Licentiaturæ *de Centurione sub Cruce Christi*, in Acad. Patriâ publicè disputavit, atq; Honoris istius Academici Axioma Brabevta *D. Joh. Bened. Carpzovio* reportavit. Anno insequenti à Facultate Theologicâ ejusdem loci S. Theol. Doctor renunciatus est interprete *D. Joh. Oleario*, exhibitâ ante Exercitatione Historico-Theologicâ *de Cornelii à Lapide Commentariis in Scripturam S.* Anno 1700. Halenses in Ducatu Magdeburgico ad suscipiendum Pastoris munus literis vocationis illum invitarunt, quas tamen rationibus diligenter expensis acceptare recusavit. Anni currentis 1702. mense Februario, ad Superintendentis munia in hac Imperiali subeunda ab Amplissimo Senatu electus est vocatusque, & mense Majo huc concessit, postquam Annæbergæ per quinquennium, si quinque menses excipiantur, vixisset.

*Syllabus Dissertationum & Scriptorum tam Latinorum quam Germanicorum*

*D. Georg. Henr. Goetzii, Superintend. Lubecensis.*

*Histor. Philol.*

*De Quartadecimanis*, Lips. A. 1685. Præf. *M. Joh. Schmidii*,

Eloqv. Prof. Ord. (pl. 3.)

*De Ritu Lætionum Sacrarum*, Witteb. 1685. Præf. *M. Wilh. Ern.*

*Tenzelio*, Ord. Phil. Adj. (plag. 9½)

*De Historia Principum Anbaltinorum*, Jenæ, 1686. Præf. *D. Casp. Sa-*

*gittario*, *Histor. Prof. Ord.* (pl. 31.)

- De' Αποστάσει Christi*, Lips. 1687. Præf. *M. Jo. Jacobo Sulzbergero*,  
(h.t. Pastore in Agro Delitiano) (pl. 4.)
- De Unctura Christi Bethaniae facta*, Lips. 1687. Resp. *Jo. Nicol. Graëberg/ Longo-Saliffa* Thuring. (h.t. Phil. Magistro & Ecclesiæ Patriæ ad D. Stephani Diacono) (pl. 3.)
- De Vigiliis Paschalibus Veterum Christianorum*, Lips. 1687. Resp. *Job. Hoffmann/ Selba-Varisco*, (nunc Phil. Mag. & Ecclesiæ Patriæ Diacono.) (pl. 3.)
- De Bibliothecâ Parrum*, Lips. 1687. Resp. *Jo. Dav. Neubauer/ Curia Varisco*, (h. t. Phil. Mag.) (pl. 2.)
- De Archidiaconis Vet. Ecclesiæ*, Lips. 1687. Resp. *Petro Ambrosio Lehmann/ Doebelâ-Misnico* (h.t. Phil. Mag. & variis Scriptis Histor. Geneal. quæ in Nov. Liter. Maris Balth. ad Ann. 1700. p. 30. 187. recensentur clarissimo.) (pl. 2½)
- De λόγῳ Johanneo*, Wittb. 1687. Præf. *Conr. Sam. Schurzfleischio*, Hist. Prof. Ord. (pl. 2.)
- De Scriptoribus Hærescologicis*, Disp. I. & II. Witteb. 1687. Resp. *Jo. Lubin, Spremberga Lufato, & Job. Andr. Damm, Mittweid. Misn.* (pl. 4.)
- De Candidatis Veterum*, Witteb. 1687. Resp. *Jo. Hoffmann/ Selba-Varisco*, cujus modò mentio facta est. (pl. 2.)
- De Supposititiis ac deperditis Pauli Scriptis*, Schediasma Historicum. Witteb. 1687. (pl. II.)
- De Christi Scriptis*, Witteb. 1687. Resp. *Jo. Christ. Schenckio*, Liebenwerda Misn. (pl. 2.)
- De Magno Pietatis Mystério ad 1. Tim. III. 16.* Witteb. 1687. Resp. *Christiano Schneider*, Domitio-Misnico, (Phil. Mag. & h.t. Scholæ Patriæ Rectore.) (pl. 2½)
- De Ritibus Solemnibus Magisterialibus*, Witteb. 1688. (pl. 4.)
- De Macedonianis*, pro Loco in Fac. obtinendo, Witteb. 1688. Resp. *Godofr. Vögelo*, Grimma-Misnico. (pl. 2½)
- De Variis Miscellaneis Historico-Criticis*, Witteb. 1688. Resp. *Gabriele Seidelio*, Planizensi Misnico, (h.t. Phil. Mag. & Verbi divini Ministro Dioecæs. Leisnicensis.) (pl. 3½)

- De Dubiis Athanasii Scriptis, quæ in Nova Operum Ejus Editione leguntur,*  
Lipf. 1689. Resp. *Job. Philippo Wankelio*, Libenavia Martis-  
burgensi (nunc Phil. Mag. & Eccl. Patriæ Pastore.) (pl. 2.)
- De Scriptorum Ciceronis Lectione, pro Loco in Fac. obtinendo,*  
Ima vice Lipf. 1689. absqve Respondente. (pl. 3.)

*Theologicorum.*

- Synopsis Errorum Arminianorum, Præf. D. Jo. Oleario,* Lipf. 1686.  
1687. (plag. 14½) (1687. (pl. 6))
- Discussio Singularium Quæstionum Theol. Præf. D. Georg. Moebio,* Lipf.  
*De Traditionibus Pontificiorum semetipsas evertentibus, Præf. D. Cassp.*  
*Loeschero,* Witteb. 1687. (pl. 4.)
- D. Job. Taufreneri de absoluto Reprobationis decreto, Exercit. I. & XI.*  
*Præf. D. Cassp. Loeschero,* Witteb. 1688. (pl. 4. & 4.)
- Amanitatum Juris divini Ecloga,* Lipf. 1689. (pl. 7.)
- Observationum sacrarum Specimen in Memoriam Jubilei Annæ. d. 8.*  
Dec. 1697. celebrati, Annæb. 1697. (pl. 3.)
- De Centurione sub Cruce Christi, pro Gradu Licentiaturæ,* Lipf.  
1698. (pl. 8.)
- De Spiritu S. ad Job. XIV, 26. Dissertatio Synodalis, cum annexo*  
*Programmate de Claudii Clementis Museo, Resp. M. Jo. Christ.*  
*Genfelio, Annæb. Eccles. Patriæ Archi-Diac. Lipf. 1699 (pl. 6.)*
- De Clavis Schmidii, Oratio Synodalis,* Lipf. 1699. (pl. 5.)
- De Cornelii à Lapide Commentariis in Scripturam S. pro Gradu*  
*Doctoratus,* Lipf. 1699. (pl. 5.)
- Num Scriptura S. eaqve Canonica, ejusdem valoris sit, ac Fabula Æsopi,*  
*vel Titus Livius?* Lipf. 1700. (pl. 5½)
- Num Lutherus Librum Jobi cum Terentii scriptis & Virgilii Anside*  
*contulerit?* Lipf. 1700. (pl. 4.)
- De Theologis Pseudo-Medicis, seu, Num Theologo Artem Medicam exer-*  
*cere liceat?* Lipf. 1700. (pl. 3½) (pl. 6½)
- De Concionatoribus Castrensibus, vulgò Selbstpredigern /* Lipf. 1700.
- De Principe Concionatore s. Principibus Illustribus, vel Durchlauchtis*  
*gen Predigern /* Annæb. 1700. (pl. 6.)

*De Vestibus Sacris, in administratione Cæna Dominica usitatis, vulgò*

*Messegewandten/Annæb.1700. (pl.2½)*

*Observationes Exegetico-Præctica in 2.Cor.XII,20.21.Lips.1701(pl.5½)*

*De Imperatoribus Romano-Germanicis, qui fidem Lutherano-Evangeli-  
cam morte confirmarunt, vel von Lutherischen Röm. Råyfern/  
Dresdæ 1701. (pl.5½)*

*De Lutheranismo D. Bernhardi, Dresdæ 1701. (pl.5.)*

*De Principe Hebraice docto, Lips.1701. (pl.5.)*

*De Cultu Abrahami, Lips 1702. (pl.3.)*

*De Cultu Josephi, Parentis Christi, Lips. 1702. (pl.4.)*

*De Cultu Anna, Avie Christi, in Misniam inveccto, Lips.1702. (pl.5½)*

*Germanicorum.*

*Homilia ad Ps.CXLV, 18. 19. Chemnicii 1691. (pl.5½)*

- *ad Pericop.Evangel. Dom. post Nativ. Luc. II, 33-40. Chemn.  
1691. (pl.8½)*

- *ad III. Præceptum de Sabbatho, Chemnicii 1693.(pl.5½)*

- *ad Pericop. Epist. Fest. Epiphan. Chemnicii 1693. (pl.6½)*

*funebri, memoriæ Dn.M. Wolff. Stegeri, SS.Theolog.Stu-  
diosi sacrata, ad Apoc.1,5.6. Chemnicii 1693. (pl.9.)*

*Unterricht von denen stolzen Reden derer Pietisten und fanatischen  
Schwärmer/ ad Pericop. Epist. Fest. Ascens. Act. I. Lips.  
1693. (pl.17.)*

*Chemnitzer Valet-Predigt ad Act.XX, 31.32. Dresdæ 1694.(pl.4.)*

*Homil.ad Pericop.Ev.Dom.XVI.p. Trin.Dresd.1694 (pl.10½)*

*Christliche Warnung für denen falschen Popheten / Dresdæ 1694.  
8vo. (plag.7½.)*

*Beweis/ daß man bey der Lutherischen Religion könne recht glauben/  
Christlich leben/und selig sterben/Dresdæ 1694. 8vo.(pl.4½.)*

*Der wohlgeschickte Lutherische Communicante / nach Anleitung  
des Catechismi Lutheri, Dresdæ 1695. 8vo. (plag.4.)*

*Der ChristenFürsichtigkeit wieder des Teufels Bosheit/ad Pericop.  
Evang. Dom. I. Advent. adv. Beckeri bezauberte Welt/  
Dresdæ 1696. (plag.5.)*

- Der Bußfertige Schächer am Creuze/ in 2. Betrachtungen / Dresdæ 1696. (plag. 19.)
- Der von Vater und Mutter verlassene Jfmael/ad Gen. XXI, 14-19. Dresd. 1696. (pl. 4.)
- Christliche Bad- und Brunnen-Predigt ad Apoc. XIV, 7. & I. Joh. I, 7. Dresdæ 1697. (pl. 7½.)
- Nahemia Wahl- und Leibspruch ad Neh. XIII, 31. Dresd. 1696. (pl. 4)
- Lazarus unser Freund schläfft / Joh. II, 11. Lips. 1698. (9½. pl.)
- Buß-Predigt ad Es. LXIV, 8-12. Lips. 1698. (plag. 6½.)
- Investitur-Predigt Hn. Christoph Titschens, Pfarrers in Crotenzdorf/Dom. III. Adv. ad Matt. XI. 2.-10. Annæb. 1688. (pl. 11.)
- Annabergische Schulpredigt/ad Act. VII, 22. Annæb. 1698. (pl. 3½)
- Betrachtung von sterbender Christen letzten Seuffzer/über die Worte des Gesangs: Und wenn ich nicht mehr reden kan ic. (pl. 10.)
- Wit geheiligte Charfreystags Andacht von dem Absterben des H. Erri Jesu/ad Luc. XXIII, 46. Annæb. 1699. 8vo. (pl. 3½.)
- Leichen-Predigt Herrn Bürgerm. Joh. Christoph Schwaber seel. in Annaberg gehalten ad 2. Tim. I, 12. Lips. 1700. fol. (pl. 18.)

*Ovum Galli Gallinacei, & Basiliscus*

*ex Museo*


*Jo. Jacobi Stolterfohti, -D.*

*Ovum ovo* quam sit haud raro *dissimile*, partu diversimode monstroso, mense Majo probavit seqvior pennati gregis sexus, cui nec masculinum genus speciei suæ vult esse secundum, nam &

*Parturiunt Galli: risum teneates amici.*

Succubum habes, nunc incubum indigites velim B. L. & *eris mihi magnus Apollo*. Rei veritatem aniles quidem obscurarunt fabulæ, at exempla fidei robur addunt. Inter nonnulla *nature curiosa* nobis Haffniâ transmissa, capsulæ sanctius quasi inclusas videbam testas, Portatoris forsân incuria diffractas, cum inscriptione: *Ovum Galli Gallinacei*. Portenti rudera tristi contemplabar vultu; miratus secunda Nuntii Fata, haud metuentis quid sit *Aspidis ova rumpere*. Sed nec mihi

mihi capsulam aperienti virus *Basilicæ* in mero vacuo fuit infestum. Lætabar, at quin ridiculi partus jacturam aliquatenus lugerem, vix à me impetrare potui; usque dum ultro ad nos veniret Amicus quidam candore suo nobis admodum probatus, scatulam secum ducens, quæ *ovulum* habebat reconditum hujus figuræ:




Hoc Physicotheculæ nostræ se consecraturum dicebat, tanquam verum *Galli Gallinacæ* sui *ovum*, quod in conspectu suo exclusisse in fimo *Aurora indicem* sancte jurabat. Fidem hinc animo nostro extorquebat Viri sinceritas, munita tot aliorum testimoniis: inter quæ istud *Petri Bovelli*, qui itidem *ovum Galli* vidit sine vitello, in quo autem quasi serpens generatus fuerat. *Observ. Physico-Medic. Cent. III. obs. XLII. p. 230. conf. Cent. IV. obs. 1. p. 280. Act. Medic. Hassn. Vol. II. observ. X. p. 14. De Gallo Gallinacæ* intra tredecim dies decem ova excludente vid. *Henric. Scretæ à Zavorziz. Ephem. Nat. Curios. Dec. I. A. III. Observ. CLXXVII. p. 332. De Gallo* qui spatio unius mensis sex ova posuit vid. *D. Sam. Ledel. l. c. Dec. II. A. I. Observ. CXLV. p. 359. seqq. Galli ter ovipari* mentionem facit *D. Joh. Bened. Gründel. l. c. Dec. II. A. V. Observ. CCXI. p. 435. conf. Obs. CCCII. p. 436. item quid de Anserè masculino ovum excludente* refert *Excell. Dn. D. Luc. Schröck. in Schol. ad l. c. p. 437. De ovo Galli Gallinacæ semicircularis figuræ* vid. *D. Marc. Gerbiz. l. c. Dec. III. A. F. & VI. Obs. CXXXVIII. p. 278. conf. quæ de ovis Galli Gallinacæ & Gallopavi* habet *D. Gustav. Casimir. Gabrliep. l. c. Obs. CLXIV. p. 374. seq.* Partus hujus rationem assignat putrefacto feminis excremento, ex humorum colluvie conflato, *Levm. Lemnim de occult. Nat.*

,,miracul. L. IV. c. XII. p. m. 349. dum decrepitis esse incipit ac se-  
 ,,nectute confici Gallus, quod nonnulli septimo, nono, aut ad  
 ,,summum decimo ætatis anno evenire credit, ac pro virium  
 ,,robore vel imbecillitate, aut etiam coëundi assuetudine,  
 ,,qua nulli non animantium naturæ vis dejicitur atque ener-  
 ,,vatur, ovum profert æstivis mensibus, ac caniculæ sideris ex-  
 ortu. Conf. Job. Jonston. *Thermatograph. natural. Class. VI. c. XVII.*  
*p. m. 259. Gaspar. Schott. Physic. Curios. L. IX. c. XXXIX. §. 2. p. 995. In-*  
*genio magis excelsio nodum solvit Augustanorum Machaon*  
*Luc. Schröck. in Schol. ad M. N. C. Dec. II. A. V. Obs. CCXII. p. 438.*  
 ,,ubi, cum, inquit, in Gallorum intestinis tum pituitæ viscidæ,  
 ,,cumprimis in annosis, majorem lentorem, ob spirituum ali-  
 ,,quam penuriam, qua debita ejus rarefactio & attenuatio re-  
 ,,tardatur, induentis, præsentia adsit, ex qua spumescente quasi  
 ,,oriri possunt vesiculæ, tum & serofus ille & tartareus non  
 ,,desit renalis humor, globulorum oviformium in masculino  
 ,,Gallinaceo genere concretionem non plane pro impossi-  
 ,,bili habere possum. Atque adeo non quidem proprie sic  
 dictum ovum, oviforme tamen aliquod corpus à Gallo Gallina-  
 ceo excludi posse credit Vir Incomparabilis, quod ambabus  
 eidem largimur manibus, cum ut nostrum sic & aliorum,  
 ovula mentio quorum jam facta, absque vitello, cum materia  
 quadam alba viscosa & quasi spumescente deprehendantur. At  
 cum ex defectu particularum terrearum in ventriculo & ipso  
 sanguine ova quoque pariant subventanea vel ipsæ Galline,  
 ut vult *Gladbach. Prax. Medic. idea noviss. p. 256.* fieri posse credi-  
 derim ut eadem hæc materia viscosa in Gallorum ovis conspi-  
 cua obducatur crusta, si debita adsit materia terrea, quam val-  
 de cretam, lapillos, arenulasve devorando, amare Gallina-  
 ceum genus diximus *Mens. Maj. b. 4. p. 154.* Annorum vero  
 computum rejicere videtur Exemplum illud Galli vix unius  
 anni qui ovum posuit, teste *Tb Bartholino Cent. III. Ex. LII. p. 214.*  
 quem vero utriusque fuisse sexus credit, *l. c. p. 215.* Simile Fatum  
 aliis hujus speciei pennigeris oviparis, & nostro quoque Gallo,  
 cujus

cujus partum sistimus, contingere potuisse, ita ut & *incubi* & *succubi* partes sustinuerit, facile concesserim, victus exemplo Hermophroditæ Londinensis, ad utrumque Veneris aciem paratæ, cujus mentionem fecimus A. M. DC. XCVIII. *Mens. Decembr. p. 242.* Quoniam vero eundem exenterare non licuit, incomparabilis quondam Haffniensium Æsculapii sententiam amplectimur, qui *Gallum oviparum* cultro subjecit anatomico, nec locum conceptionis aut formationis invenire potuit; unde erudite suspicatur, à copiosissimi seminis vaporibus ex testiculis ad intestina per vicinos poros patulos exhalantibus ovum conceptum fuisse, & per anum redditum: quod argumentis haud vacillantibus probat *Cent. 1. Hist. Anat. XCIX. p. m. 164.* quibus cum conferri merentur quæ habet passim in aureo suo Tractatu de *Insolitis partus viis.* Unde & apud *Salmuthum Cent. III. Obs. XCIV* Fœmina Fœtum in ventriculo conceptum per os eniti potuit. Alia Fœtum extra uterum repertorum exempla habent idem *Tb. Bartholin, Cent VI. Hist. Anat. XCII. p. 359.* *D. Philipp. Jac Sachs à Lewenheimb M. N. C. Dec. 1. A. 1. Obs. CX. p. 224. seqq. Dion. Chirurgus Regius Parisiensis, in Historic Relat. M. N. C. Dec. II. A. II. p. 478. Rosin. Lentil, Dec. II. A. VII. Obs. CCXXXVII. p. 450* & alii, quos pagina non capit, Conf. quæ rudi Minerva commentatissimus in *Dn. D. Job. Jac. Döbelii observat. de Foetu extra uterum in abdomine reperto A. M. DC. XCIX. Mens. Mart. p. 77.* Hos omnes citatos Artis nostræ Antistites si studiose evolvere non detrectabis B. L. non habebis quod mireris, quomodo Mulier illa Parisiensis apud Mr. *Bernard dans les Nouvelles de la Republique des Lettres*, cujus mentionem fecit Polyhistor ille Hamburgensis in *Denen Historischen Remarques hujus anni Hebdomad. XXV. d. XX, Junii, p. 299. seq.* Fœtum putrefactum extra uterum rejicere frustratim per anum potuerit. Sed quo dilabor? Ad *ovulum* nostrum revertor, quod *subventaneum* deprehendo, ex defectu forsan spiritus proliferi, ut quid veneni intus latere minus timeam; quale notavit in *Gallo oviparo D. Sam. Ledel. M. N. C. Dec. II. A. I.*

*Obs. CXLV, p. 362. conf. Job. Bened. Gründel. Dec. II. A. I. Obs. CCXL. p. 435. & Obs. CCXII. p. 436. ubi in centro istius ovi vermem quadrupedem, coloris nigri, & quoad figuram Lacerto parvo similem, cum cauda inter pedes inclusa, apparuisse refert. Quid vero magis inter res exploratas credit vulgus quam ex ovo Galli Basiliscum generari? quam sententiam haud temere explosione dignam judicat Excell. Dn. D. Georg. Wolffg. Wedel. M. N. C. Dec. I. Obs. A. III. Obs. CXXVIII. p. 202. ubi Imaginem animalis depictam sistit, qualem & nos inter curiosa servamus, ac æri incisam tradimus, huic ferme similem, ut jurares ejusdem farinæ exuvias esse quas circumtulerunt Jenæ A. M. DC. LXXI. Ex Raja autem arte formatam esse Bestiam novimus, & sub hoc titulo possidemus. Modum asfingendi eidem pedes Gallinaceos detegit D. Job. Jenisch in Schol. ad d. Observ. Dn. D. Wedel. p. 204, qui post subolfactam, ex confessione Assessoris, fraudem ne falsa pro veris obtruderentur Amstelodamo in itinere suo curioso A. M. DC. LXXII. d. 8. Novembr. monuit D. Salomonem Reyfeliu, ut habet Cornel. Stalpart van der Wiel Cent. Rost. Part. pr. Observat. rarior. l. p. 506. seq. qui Hagæ quoque A. 1681. ejusmodi fictas exuvias vidit. L. c. p. 480. Huc referri quoque posse videtur Basiliscus, quem ex relatione Mosani Archiepiscopi Casalensis describit Job. Pincierius L. III. Enigm. 22. unde recte Magnus Scaliger. Comm. in Histor. Animal. L. II. cap. VIII. multos formam Basilisci Gallo similem artificio expressisse testatur. Talem quoque ex Raja pisce Draconem artificiosum exhibuisse Muscum Calceolaris Veronensis refert D. Philipp. Jac. Sachs, M. N. C. Dec. I. A. I. Obs. XLVIII. p. 121. Hujus quoque sortis fuisse Basiliscum quem in itinere suo vidit Monconys en Voyage de Portugal. p. m. 35. nullus dubito; nam quotquot eorum in itinere suo vidit Th. Bartholinus, vel arte fictos credit, vel monstra fuisse, scribit Cent. VI. Histor. Anat. XXXVII. p. 350. Absurdum hinc magis tale Brutum ex Ovo Galli ortū ducere, cum & Galli cantum Bestiam hanc occidere scribat Elianus Hist. l. III. c. 30. conf. Sim. Majol. diæ. canicular. l. I. Colloq.*

TAB. VI.



Colloq. VI. p. m. 156. ex quo capite & inter aniles fabulas hunc Basilisci ortum refert Petr. Borell. *Histor. Medico-Physic. Cent. IV. Obs. I. p. 280.* Illuc quoque relegatur à Cardano l. 1. de Venenis c. 16. G. Charleton Onomast. *Zoico cap. de Serpent. terrestr. fol. 32. Mizald. memorabil. Cent. IX. aph. 53. Sim. Schultz. M. N. C. Dec. I. A. III. Obs. CXC. p. 359. seq. Pincier. L. III. Ænigm. 3. D. Job. Mich. Febr. de Scorzoner. p. 160. Matthiöl. in Dioscorid. L. VI. cap. ult. Cornel. Stalp. van der Wiel. l. c. p. 482. &c.* Alia interim quæstio est de vera Basilisci existentia (pro qua pugnant Solin. *Polybistor. cap. 49. Alian. L. I. Histor. Animal cap. 1. Plin. Histor. Natural. L. VIII. c. 21. & alii,* quam nos in medio relinqvimus, ablegantes B. L. ad Excell. Dn. D. Wedel. l. c. Cornel. Stalp. van der Wiel. l. c. p. 497. seqq. & alios, qui accuratius hanc tractant materiam, nec proprietates istas quas præter vulgarem illam, de vi aspectu vel halitu necante, opinionem, ipsi tribuit Zacut Lusitan. L. V. *Hist. V. qv. VI. f. m. 805.* examinare animum induximus nostrum) & alia de ejusdem generatione ex ovo Galli Gallinacci, cui nostram ut addamus affirmativam, nullis hætenus argumentis convinci potuimus. Nec fidem meretur Paracelsus L. 1. de *Nat. rer.* qui Basiliscum ex menstruo foeminarum corrupto generari scribit. conf. Christian. Frideric. Garmann. *Dialog. curios. Dissert. II. S. 151. p. 177. seqq.* Minus interim negaverim, putrefactionem esse progeniei verminosæ foecundam satis matrem, ut infinita docent exempla quotidianæ experientiae respondentia, quæ peculiari schediasmati de *vita in morte* reservamus. conf. quæ in medium produximus A. M. DC. XCIX. *Menf. Octobr. p. 310. seqq.* Quidni etiam concederimus, eadem competere phænomena posse humori in *ovis* putrefacto, ab idea verminosa, non penitus ex ingestis destructa, inibi latitante, ita ut non possimus non pollicem premere Aristoteli, qui L. IV. *Generat. Animal. c. 4.* monstra, ait, sæpius gigni iis, quorum numerosus est partus, & præcipue in *ovorum* genere, potissimum in *Gallinis* &c. siquidem illæ varias fordes devorant & inquinamenta ædium & samporum, seminiaque insectorum, ut facile inde in ovo peregrina

grina corpora excreſcant, notante *Tb. Bartholino Cent. VI. Hiſt. Anat. LXXXVII. p. m. 350.* Varii quoque generis vermes monſtroſos in *ovis* obſervatos enumerant *D. Sim. Schulz. Ephem. Nat. Curioſ. Dec. I. A. III. Obſ. CXC. p. 354. ſeqq. Ulyſſ. Aldrovand. Hiſtor. Monſtr. f. 389. Jo. Faber Lynceus in Not. ad Hiſtor. Mexican. p. 773. Job. Pincier. L. III. Enigm. 23. Zod. Medic. Gallic. A. I. Obſ. VII. p. 147. Tb. Bartholin. Cent. I. Hiſt. Anat. IV. p. 14. Aët. Med. Haſſn. Vol. II. Obſ. X. p. 24. Licet. L. II. de Monſtr. c. 87. &c.* quinimo ſacer etiam codex *Serpentes Lacertosque ex ovis* produci teſtatur *Jeſ. LIX. 5.* unde proverbium eſſe natum *Ova aſpidis rumpere* credit *Deſider. Eraſm. Lib. adag. f. m. 1259.* pro eo quod eſt ſummo periculo rem aliquam tentare. Valet hinc Medicorum axiomata : *Ova corruptioni admodum eſſe obnoxia, eaque quam recentiſſima optima, quo vero ſunt antiquiora, eo deteriora, à quibus ceu à veneno abſtinendum eſt.*

### Franciſci Wörgeri Scholion

#### De Papa Domino.

Quia eminentia ficta Papæ ſupra Reges atque univerſam eccleſiam ſudes eſt in oculis Gallorum (Concilia enim poſſe judicare de Papa, adeoque ipſum deponere toto capite 91. ibidem non ita pridem *de notitia Conciliorum* evicit Caballuſtius) mirum quanta iſtud ſeu vecordia ſeu impudentia obnubilent mancipia Papæ. Papa vocatur *Domnus* non *Dominus*, quia *Dominus* titulus Dei eſt, *Domnus* vero hominis præclari. Ita è *Baronio* cornicatur *Claudius Arnaud in epitomâ theſauri ſacrorum rituum Bartholomæi Gavanti p. 481. fine.* Dum nec ipſum titulū Dei denegant Papæ, quem ne *Dominum* quidem vocari hinc poſſe ſimulat monachus ludibriis turpibus fucum vendens lectori. Memini Cl. noſtrum *Hermannum Nottelmannum* narrare, dum adhuc in Ducatu Brunſwigenſi vivebat nondum ſcholæ Lubecenſis Rector, cænare ſe aliquando cum Canonicis aliquot pontificiis ac tribuno evangelico ſive Lutherano, ibi cum adulationes Papæorum velut Deum Papam venerantium perſtrinxisset *Nottelmannus*, hos contra aſſeveraviſſe,

viffe, se cum capitis periculo istud nusquam scriptum extare præstituros. Et cum nihil reponeret Nottelmannus longè animosiores suam illam acrius adhuc negationem repetivisse. Altera vix illucescente aurora Nottelmannus rogat tribunal suo ut nomine ultimum tomum corporis canonici glossatum per servum curaret à Syndico vicino afferendum, ubi ad extravagantem Joh. 22. tit. 14. c. 4. *cum inter de V. 5. sub finem exerte deprehenderunt Credere Dominum Deum nostrum Papam non potuisse statuere, prout statuit, hereticum censetur.* Recurrente hinc prandii tempore tribunus hesternam objectionem renovans. Vos, inquit, heri dimicastis cum capitis prostitutione, perseveratisne adhuc in tam obstinata sententia? Annuentibus promi sibi codicem jubet, & ad oculum sacrificulis ostendit contrarium. Tum verò illi in ruborem dati, metaphoricam esse locutionem regerunt. Sed tribunus subridens, caput verè, ait, erit amputandum. Similes perfrictâ fronte ludos agitât Nihusius: *apud nos Vice Deus non solus Papa sed & quilibet Episcopus, &c. cum & ipsis operibus supra Deum atque Dei ecclesiam se extollat Papa, novos enim fidei articulos, ne tota quidem ecclesia condere potest, ut est per se notissimum,* ait Marcus Antonius de Dominis l. 4. de Republ. Eccles. c. 10. §. 98. Neque concilium neque summum pontificem habere ullam potestatem Sacramentorum differentias immutandi, easque à solo Christo esse immutabiliter institutas addit Cabassutius de notitia conciliorum c. 2. Rationem affert ipse Bellarminus l. 3. de justif. c. 8. *Fides enim non est, nisi verbi divini auctoritate nitatur. Neque de hoc principio vel catholici vel heretici dubitant.* Quid igitur Baronius (è cujus mente Arnaud Papam ne Dominum quidem multò minus Deum appellari volebat.) T. 4. *Annal. ad annum 373. num. 21. molitur, ab arbitrio, proclamans, Romani pontificis pependisse fidei decreta sancire & sancita mutare?* Enimvero sic suo Symmystæ contradicit in os apertè qui de verbo Dei l. 4. c. 9. vi veritatis constrictus fatetur: *Nihil est de fide, nisi quod Deus per Apostolos aut Prophetas revelavit, aut quod evidenter inde deducitur.* Deus igitur ipse non

Papa

Papa est conditor articulorum fidei. *Non enim novis revelationibus* (qualia additamenta Papalium monachorum sunt) *nunc regitur ecclesia* (sc. vera Papæ abominaciones respiciens) *sed in iis permanet, quæ tradiderunt illi* (Scriptores divini) *qui ministri fuerunt sermonis.* Enucleat istud etiam citati l. 3. de justif. c. 8. uberius: *Non potest aliquid certum esse certitudine fidei, nisi aut immediatè contineatur in verbo Dei, aut ex verbo Dei per evidentem Consequentiam deducatur.* At hodierni Jesuitæ omnem movent lapidem, ut consequentias evidentes deludant, isthæc omnia dum testimonia tanquam interpretationes falsas traducunt, famulantes huic sic vicedeati Pontificis, *quem tantum non Deum faciunt, ejusque auctoritatem non modo supra totam ecclesiam, sed supra ipsam scripturam divinam efferunt.* Hæc Georgio Cassandro de officio pii viri p. 35. Et ipse Papa se Dei locum pronunciat in terris tenere, & vinculum matrimonii rati & consummati inter Episcopum & ecclesiam occasione translationis ad aliam sedem dissolvere non ut hominem sed ut Deum, *quia quos Deus conjunxerit, nequeat homo separare sed Deus,* apud laudatum Archiepiscopum Spalatensem l. 2. de Rep. Eccl. c. 6. num. 15. Quid, quæso, unquam esse possit manifestius? Scribit Georgius Calixtus quidem in actis ad Hassiæ Landgraffium p. 191. sibi visum exemplar corporis Glossati 1507. excusi Parisiis, in quo extitit modo *Dominum nostrum Papam,* sed posteriores eò magis sunt culpandi, quod reformationis tempore adjecerint, dum & Venetiis & in celeberrimo Galliarum emporio Lugduno cum Dei titulo est recusum, grassantibus licet contra optimos aliàs auctores indicibus quos vocant expurgatoriis. Et Claudius Arnaud cum Baronio in Galliis tamen ipsis inficiari ausus est, Papam vocari Dominum, quâ mendacissimâ impudentia nulla potest esse major, nam ubi pudendum est maximè, ibi eos deserit planè pudor.

---

In *Tabulâ Viâ* præterito mensi Junio adjectâ errorem numerorum, qui commissus est, B. L. haud gravatim ita corrigere velit, ut Zyfram 1. in locum Zyfra 4. substituatur, & vice versâ.



# NOVA LITERARIA

## MARIS BALTHICI ET SEPTENTRIONIS,

*Edita Mense Augusto MDCCII.*

### ROSTOCHII

**D**ie 2. Jul. *Andr. Danel Habichborst*, S. Theol. D. ejusdemque P.P. & Consiliarius Consistorialis, nec non Facultatis Theol. & Collegii Ducalis totiusque Vniversitatis Senior, publicavit *Theses Collegii Disputatorii* in Augustanam Confessionem & Controversias Recentiores Pietisticas, Augustanæ Confessioni haut conformes, & singulis Articulis annexas, quas *Disputationibus XXIX.* sub Præsidio ejus, diebus Merc. & Sabb. horis Pom. factæ ad d. 5. Jul. initio, & duobus semper Respondentibus, altero Assumente, & altero Assistentæ majoris exercitii gratiâ, adhibitis, seqq. XIV. Studiosi ordine ventilabunt, 1. *Johannes Krüger* / Buchholtzio Marchicus. 2. *Alex. Joach. Scherping* / Rostoch. cujus in N.L. an. 1698. p. 104. meminimus. 3. *Christianus Dreyer* / Rostoch. 4. *Job. Balthaf. Neshencf* / Rostoch. 5. *Jacobus Posselius*, Anclam. Pom. (quorum trium supra quoque Mens. Febr. p. 35. in relatione similis Exercitii Disputatorii mentionem habuimus, de quinto vid. supra Mens. Jun. p. 157.) 6. *Erhardus Sprengel* / Stetin. Pom. (quem supra eod. Mens. Jun. p. 156. memoravimus.) 7. *Bernb. Christ. Paris*, Wismar. 8. *Matthias Meyer* / Lubecensis. 9. *Joach. Frid. Husnagel* / Primislav. March. (quorum duorum etiam supra Mens. Febr. p. 35. meminimus.) 10. *Mart. Meinelovs*, Primislav. March. 11. *Josua Statius*, Dobbrano-Mecklenb. 12. *Petrus Craatz* / Menkin. March. 13. *Dan. Gottfr. Kammerike*, Stet. Pom. 14. *David Granckes* / Lychena-Vcar-March. (3. plag. in 4.)

Die 8. Julii sub Moderamine ejusdem *D. Andr. Dan. Habichborstii* supra *Collegium Schomerianum* sapius dictum *Disputationem*

tionem *qvintam*, sistentem *Cap. IV. de SS. Trinitate*, & *Cap. R. de Creatione*, habuit Præses *M. Henr. & Ascan. Engelke / Rostoch. SS. Theol. Cand. Respondente Erentreich Köppert Mecklenb.* (2½ plag. in 4.)

Argumentum hujus Dissertationis ita se habet : *Cap. IV. de SS. Trinitate*, §.1. Ex sacris literis Novi & Veteris Testamenti de mysterio SS. Trinitatis satis clarè & apertè constat, contra Calixtum. §.2. Mysterium hoc SS. Trinitatis scitu ac cognitu omnibus ad salutem est necessarium, contra Arminianos & Calixtum. §.3. Tres personæ SS. Trinitatis à se invicem sunt realissimè distinctæ, contra Weigelium & Keckermannum. §.4. Vocibus *Trinitatis* & *Persona* rectè & licitè docendi gratiâ utimur, contra Qvackeros. §.5. Filius Dei respectu æternæ sui generationis proprium habet Patrem, non verò matrem, contra Weigelium. §.6. Appellatio Filii Dei, quæ Christo in sacris literis tribuitur, ejus Deitatem & humanam pariter ac angelicam sortem excedentem generationem arguit, contra Arminianos. §.7. Haud leve argumentum Deitatis Filii petitur ab ejusdem adoratione, contra Arminianos. §.8. Non est contra dignitatem Filii, quod ipse Angeli nomine indicetur, contra Calixtum. §.9. Spiritus S. non tantum specie, sed & numero unus est, contra Socinianos & Christoph. Sandium. §.10. Spiritus S. planè diversus est ab Angelis, contra eundem Sandium. *Cap. V. de Creatione*. §.1. Creatio omnium rerum non ex aliquâ præexistente materiâ, sed purè ex nihilo facta est, contra Vorstium & Weigelium. §.2. Non tantum rudis materiæ productio & impressus ei motus, sed & ipsa ejus in hanc cœli & terræ variorumque animalium formam & naturam succedentibus diebus facta conformatio, opus est omnipotentis divinæ, contra Cartesium & Wittichium. §.3. Ordo Creationis, quem narrat Moses, procul dubio veris naturæ principiis homogeneus est; nec licet falsas & huic narrationi adversas circa creationem hypotheses assumere, quibus rerum

## MENSIS AVGVSTI, M DCCII. 221

rerum conditarum natura explicetur, contra Cartesianos. §.4. Datur certus terminus mundo, contra Cartesiu & Wittichium. §.5. Non alia est Creatio, quæ Gen. II, 7, quam quæ Gen. I, 27, indicatur, nec alius homo, qui utrobique conditus esse dicitur, contra Isaacum Peyrerium. §.6. Præter corpus & inditum ei spiritum vitæ nullas alias agnoscimus partes hominis essentielles, contra Cartesianos & Weigelianos. §.7. Hominum animæ ante corporum generationem actu non extant, sed potentiâ sunt in parentibus, contra Henr. Morum. §.8. Bruta animantia & vitam à Deo nacta sunt & sensum, contra Cartesianos.

Die 22. Julii Moderatore *Joanne Fechtio*, SS. Theol. D. ejusdemque P. P. & Consiliario Consistoriali, nec non Districtus Rostoch. Superintendente, super Collegium Schomerianum Disputationem *Sextam*, quæ sistit *Cap. VI. de Angelis, Cap. VII. de Providentiâ, Cap. IX. de Imagine Dei, Cap. IX. de Peccato*, proposuerunt ventilandam Præses jam dictus, *M. Henr. Ascan. Engelcke* / & Respondens *Job. Henr. Neufenius*, Walikend. Mecklenb. (2½ plag. in 4.)

Disputatio hæc sequentia tradit : *Cap. VI. de Angelis. §. 1.* Angeli, qui in Scripturis tam Veteris quam Novi Testamenti leguntur fidelibus apparuisse, sunt substantiæ permanentes, contra Thom. Hobbes. §.2. Postquam ex Angelis quidam lapsi, reliqui in bono confirmati, ut jam amplius labi nequeant, contra Arminium & Arminianos. *Cap. VII. de Providentiâ.* Deus, quæcunque creavit, etiam sustentat & conservat, omniumque curam habet, contra Remonstrantes. *Cap. VIII. de Imagine Dei. §. I.* Deus hominem creavit rectum, inque perfectâ sapientiâ, sanctitate & justitia, quam imago Dei, ad quam homo conditus est, vi restaurationis involvit, contra Arminianos, Weigelium, Calixtum & Drejerum. §. 2. Veram justitiæ Originalis rationem nosse, interest, tum ad sanctitatem Dei vindicandam, tum ad miseriam lapsus & peccati gravitatem vehementius deplorandam, & ardentius adspirandum ad sanctitatis

ctitatis perfectionem, contra Arminianos. §. 3. Eadem est imago Dei, contra Autor. Præ-Adamit. §. 4. Adamus, si morigerum se Deo præbuisset, immortalis fuisset, contra Arminianos, Weigelium, Calixtum, Drejerum, & alios. §. 5. DEUS erexit cum Adamo fœdus legale, contra Beckerum. *Cap. IX. de Peccato.* §. 1. Historiam lapsus Adamitici non minus, quam historiam Creationis, fratricidii, diluvii, literaliter intelligere oportet, contra Weigelium & Hadr. Beverlandum. §. 2. DEUS nulla ratione peccati causa vel auctor dici potest, contra Calixtum & Drejerum. §. 3. Homo, postquam peccavit, servus peccati factus est, & unico actu violento omnis prærogativa amissa est ex ipsâ naturâ rei, absque alicujus surreptionis divinæ interventu, contra Arminianos & Corvinum. §. 4. Vitium naturæ ab Adamo in universum genus hominum carnali generatione derivatum est, contra Josuam Placeum, & Arminianos. §. 5. Non tantum reatus ex primo peccato in omnes homines transit, sed & ipsa illa mors, quam DEUS Adamo comminatus est, contra Qvackeros & Arminianos. §. 6. Peccatum formaliter & abstractivè consideratum non tantum est privatio, sed etiam positivum quid, contra Corn. Martini & Georg. Calixtum, item Dreierum, nec non Joh. Musæum. §. 7. Peccati Originis propagatio adhuc etiam durat, contra Weigelium. §. 8. Infantes non originali tantum peccato polluti sunt, sed & actualia peccata committunt, contra post Pontificios, Photinianos, Anabaptistas & plures Calvinianos, etiam Arminianos & Buscherum. §. 9. Peccatum Originis præcedit actualia peccata, contra Burmannum, Petrum Alinga. §. 10. Recta explicatio & notitia peccati omnis, & in specie originalis, multum valet ad beneficium Redemptoris agnoscendum ac celebrandum.

## GRYPHISWALDIAE

D. . . . . unii, primâ scilicet Pentecostes Feriâ, Acad. Gryphiswaldensis Rector, *Jo. Frid. Mayer*, Doct. Consil. Regius & Ducalis, S. Theol. Prof. Primar. & Vniversitatis Pro-Cancellarius

cellarius publico Programmate disquisivit, *quare Deo Patri peculiare Festum dicatum non sit?* (I. pl. in 4.)

Postquam dixit in eo, quendam inter Pontificios Festo DEi Patris Dominicam Rogationum delegisse ob duas præcipue rationes, quarum prior *ex toties repetitâ in ejus Dominice Evangelio DEi Patris mentione*; posterior autem ex congruenti Festorum consecutione desumpta, asseverat Ecclesiam peculiaribus rationibus non esse adductam ut à festo die DEO Parri peculiariter dicendo abstinuerit, nec quicquam ejus rei omissione peccasse, quia in sanctissima Divinitatis unione nihil divortii atque æmulationis sit, sicubi uni personæ præ altera plus forte honoris exhibeatur. Porro addit Feras omnes memoriæ operum Deitatis ad extra inter pios celebrandæ dicatas, honori quoque & laudibus DEi Patris subservire, idque probat de Feriis Natalitiis, Paschalibus, Adscensionis Christi, Pentecostalibus, & si has pro Festo DEi Patris vendicaret, se nihil à rei veritate alienum dicturum esse scribit, argumenta petens partim *ex Pericopis Evangelicis* cœtui fidelium hoc Festo proponi solitis & ad Patrem respectum habentibus, partim *ex præcipuâ hisce diebus Jesu tractanda de Spiritu S. doctrinâ*, eaque de ejus Processione & missione temporali, quæ neglecto Patris respectu proponi haud possit.

Die 14. Junii sub Præsidio D. Jo. Frid. Mayeri, modo dicti, de *Jesuatis* publicè disseruit M. Georgius Langemak, Vtersâ-Hol-satus. (4. plag. in 4.)

Disputationis hujus §. I. recenset Ordines à nomine JESV appellationem ducentes, qui sunt: *Milites JESV, Jesuati, Jesuite*, seu ut dici malunt, *Clerici Societatis JESV*, Gallis *Jesuaste* & *Jesuiste*, Campanis *Jesuini* dicti, notat obiter, quod Del-Rio reprehenderit *Scardeonium, Fumum & Abbatem*, eo quod inconsideratè *Jesuitas* vocarint, qui propriè *Jesuati* nominantur. Ordinibus citatis accenset *Jesuitissas, Congregationem Virginum Infantie JESV*, an. 1657. institutam & an. 1686. abolitam, *Fratrum Boni JESV Colle-*

gium, *Ordinem Servatoris*. §.2. Ostendit *Jesuati* unde dicti sint, & alias *Injesuatos*, *Viros Apostolicos*, *Clericos Apostolicos*, *Pauperes Jesuatos*, *Frates Jesuatos S. Hieronymi*, vocatos meminit. §.3. Indicat Auctorem hujus Ordinis, *Johannem Columbinum*, natione Tuscum, simul describens ejus vitam, miram conversionem lectione *vite Mariae Aegyptiaca*, initium, socium & Confirmationem Ordinis *ab Urbano V.* atq; *Martino V.* nec non mortem & sepulturam. Narrat denique quod Martyrologio eodem die cum *Ignatio Lojola* adscriptus sit, & quinam de ejus Vita scripserint. §.4. Sittit *Jesuatorum* habitum, qui ante confirmatum *Ordinem* simplex & vilior, post confirmationem, tunica alba albumque Caputium, Zona scortea, lignea solea, pallium cinericei coloris. Hujus habitus mysticam quoque addit expositionem. §.5. dicit *Jesuatos* Regulam *Augustini*, *Hieronymi*, & *Antonii de Tossiniano* professos, sacris item ab initio non initiatos, imò *Gregorii XIV.* & *Clementis VIII.* edicto ne initiarentur prohibitos fuisse. Porro meminit, quod indulgentiam *Pauli V.* illis permissum fuerit centum ad Presbyteratus ordinem promoveri, & quod idem his mox addiderit duodecim Diaconos, totidemque Subdiaconos, tandem etiam generalem ad Ordines sacros habilitationem dederit. Præterea sequentia tractat: Confessiones audire illis indultum; assiduitas in precibus fuit magna; ad horarum *Canonicarum* recitationem admissi; *Literarum* studia neglexerunt; *Pontificis Pauli V.* jussu ad ea coacti; prohibebantur *Gradibus*, qui deinde concessi; Eorum labores manuum fuerunt varii, præcipuus distillatio. §.6. Memorat, Privilegia Ordinis Fratrum *Eremitarum S. Augustini*, item omnium mendicantium eis fuisse indulta. §.7. Indicat, loca *Congregationum* fuisse primò domus privatae, deinde *Oratoria*, & paulò post *monasteria* exstructa; monstrat item illos à *Prioribus* & *Patre Generali* gubernatos, Ordinem vero eorum à *Clemente IX.* superiori Sæculo, an. 1668. videlicet, sublatum. Tandem subjungit *Pontificiorum* de reducendis ordinibus consilia.

Die 28. Junii 70. *Philipp. Paltbenius*, Juris Natur. & Gent. Professor Ordin. & Respondens, *Samuel Paltbenius*, Jurisprud. Studiosus, Fratres germani, Dissertationem de *Marito Reginae* publicæ disquisitioni subjecerunt. (5½ plag. in 4.)

In hac Dissertatione primò dubia, quæ circa vocabulorum explicationem enasci solent, expedit, & quidem §. 3. brevissimis circa vocabulum *Mariti*; §. 4. pluribus autem circa vocem *Reginae*, ubi rejicit (a) significatum illum, ut prodivite quacunque & velut Regiarum opum foeminâ usurpetur. (b) Non admittit illum ejusdem vocis sensum, qui foeminas denotat aut sanguine Regio ortas, aut quocunque modo ad familiam eorum, qui Regnum obtinent, pertinentes. Nec (γ) se loqui dicit de merâ Conjuge Regiâ, sive Reginâ *Titulari*; Nec (γ) intelligere se Viduam Regiam, nonnullis *Reginam Regentem* dictam; nec denique (δ) *Reginam Regnantem*, sive Regis de præsentis Regnantis Conjugem; sed (ε) Principem foeminam ipso opere regentem, quæ suo jure summum in Civitate imperium, quod regulariter viris competere censetur, & habet ipsa & exercet. Et postquam tali modo rem ipsam, quæ hoc vocabulo designatur, proposuit, pergit §. 5. indicare, quem per Maritum Reginae intelligat, videlicet illum, qui Principi foeminæ hereditario jure Regnum possidenti matrimonio est junctus, eâ quidem lege, ut in isto statu conjugali pristinam vitæ conditionem nequaquam mutet, neque adeo aut in Conjugem imperium, aut ejusdem cum Conjuge divisionem, nec denique post illius fata nullo alio interveniente actu, qui jus peculiare conferat, in eodem imperio regnoque successionem sibi vindicare possit. Hinc manifestum esse ait, *Reginam*, quam dixit, pro vero Rege haberi, idque nonnullis exemplis probat. Dum verò Reginae ejusmodi Maritum Regi opponit, & Conjuge suâ superiorem esse negat, nequaquam se asserere scribit §. 6. quod in universum nemo, qui Maritus Reginae est, Regnum habere possit, aut quod idem Conjuge sua continuo inferior sit

sit existimandus, & hoc quomodo fieri possit, ulterius exponit. §. 7. Concedi sibi postulat, omne imperium civile naturâ suâ esse simplex & indivisum, idemque in statu Monarchico sive regno non posse esse penes plures unò, salvâ Republicæ formâ, hocque ad Principem fœminam ibidem applicat. §. 8. Duplici ratione fieri posse & solere notat, ut virgo regina, quæ pleno jure Regina est, maritum sortiatur: ut scilicet aut extraneo Regi Principique, qui suæ Reipubl. caput est, nubat, aut ut subditum amore complectatur. De priori casu ibidem; de posteriori autem §. 9. agit, ubi subditum considerat, prout est vel alienæ, vel suæ, nempe Reginae Reipubl. subditus. Hos casus exemplis aliquot è recentiori historiâ petitis illustrat, *illum* quidem §. 10. exemplo *Ferdinandi* Arragoniæ Regis, & *Isabellæ* regni Castellæ Reginae, ubi initum matrimonium nec *Ferdinando* Castellæ regnum, nec *Isabellæ* Arragoniæ regnum contulit &c. §. 11. exemplo *Johannæ*, Testamento matris *Isabellæ* in regno Castellæ Reginae, & *Philippi* Austriaci, Belgiique & Terrarum Burgundicarum Domini, qui nil nisi Maritum *Johannæ* Reginae egit. §. 12. item *Philippi* II. Hispaniæ Regis, nepotis *Johannæ*, & *Mariæ* Angliæ Reginae, ubi ille contractis inter se & *Mariam* nuptiis peculiaris juris nihil in regnum uxoris acquisivit. *Hunc* sc. posteriorem casum §. 13. firmat exemplis utriusque *Johannæ* Neapoleos Reginarum, ostendens harum alteram primò *Andream*, deinde *Ludovicum*, *Tarentinum* Principem, tum *Jacobum* *Balearem*, & tandem *Ottonem* *Ducem* *Brunsvicensem*, Maritos accepisse, administratione regni sibi retentâ; *alteram* autem, de quâ agit §. 14. Maritum sibi delegisse *Jacobum* *Narbonensem*, *Marchiæ* Comitem, hac conditione, ne *Neapolitani* Regis nomen usurparet. §. 15. proponit exemplum *Mariæ*, *Scotiæ* Reginae, quæ matrimonium cum *Francisco* *Delphino*, *Henrici* II. *Galliæ* Regis filio iniiit, & huic præter nomen regium nullam accessisse in *Scotos* potentiam probat. Quod post hunc nuperit *Henrico* *Stuarto*, *Leviniæ* Comiti, Reginae Anglorum, *Elisabethæ*

thæ, subdito, & hoc casu, *Jacobo Bodivello*, tradit, utroque tamen regiâ majestate & dignitate destituto. §. 16. Contemplatur casum illum qui hoc anno in Angliâ exstitit, & qui Reginam *Annâ* fecit, Maritum verò ejus, *Georgium* Daniæ Principem, non fecit Regem, sed Conjugis suæ subditum, hocque ideo, quia (1) Vocabulo populi Anglicani *Georgius*, Daniæ Princeps, continetur. (2) quia inter Vasallos quoque Annæ Reginæ nomen profiteatur. (3) Nunc etiam peculiari sacramenti religione ut Minister Reginæ obligetur. §. 17. dispicit de genio Rerum publ. quarum conditio id fert, ut Reginarum Maritos habeant, & quidem illum casum non contingere posse affirmat §. 18. in regno electio, §. 19. interdum quidem in regno successivo, §. 20. nunquam autem in regno usufructuario. His ita suppositis §. 21. ad potissima quæ nunc sunt Europæ regna respicit, & Reginarum Maritos non quærendos aut expectandos esse dicit in Germaniæ; Poloniæ & Galliæ regno; in reliquis omnibus verò eisdem aut esse, aut fuisse, aut esse potuisse, demonstrat. §. 21. In causas facti, quo à personâ Regis conditio maritalis secernitur, inquirat.

Eodem mense Junio lucem publicam viderunt *Bibliotheca Biblica Armaria duo*, Reformatos atque Lutheranos tradentia Scriptores, qui Commentatores in Scripturam collegerunt, quæ Præside *D. Jo. Frid. Mayero*, semel iterumque supra nobis laudato, ostendit *Christianus Ernestus Klein*, Marien-Werdâ-Prutenus, S. Theol. Stud. (2 $\frac{1}{2}$  plag. in 4to.)

*Armarium* II. exhibet *Scriptores Reformatos*, qui laborem Commentatores in Scripturam recensendi, in se susceperunt, quales sunt (1.) *Conradus Gesnerus*, Tigurinus, an. 1565. demortuus, tum in *Bibliotheca universali*, seu *Catalogo Alphabetico omnium Scriptorum in tribus linguis, Latinâ, Gracâ, & Hebraicâ ex-*

stantium & non exstantium, & veterum & recentium, excusorum & in Bibliothecis latentium, usq; ad annum Domini 1545. (Tiguri 1545. in fol.) tum etiam in *Pandectis*, seu *Partitionibus universalibus*, (ann. 1548. in fol.) (2) *Thomas. Jamesius*, Anglus, 1629. vitâ functus, in *Catalogo Bibliotheca Bodlejana*, Londini 1620. impresso. (in 4to.) (3) *Gübbertus Voëtius*, Theologus Ultrajectinus, 1676. denatus, in *Bibliotheca Studiosi Theologia Lib. 3. p. 523. seqq.* qui libellus prodiit primum *Vltraj. 1644.* (in 12mo.) auctior postmodum ibid. 1651. & Lips. 1688. subjicitur quoque Joh. Andr. Bossii de hoc Voëtiano libello iudicium *ex Introduct. in notit. Scriptor. Ecclesiast. Cap. 2. §. 14. p. 19.* (4) *Joh. Henr. Höttingerus*, Tigurinus, anno 1667. in Limago fluvio aquis submersus, in *Bibliothecario quadripartito*, vulgato Tiguri 1664. (in 4to.) Hujus libri œconomiam petendam esse dicit ex *Morbhoff. Polyhist. Part. I. p. 190. seqq.* (5) *Gerhardus Meierus*, Bremensis Theologus, non ita pridem defunctus, in *Bibliotheca Theol. contracta lib. 2. cap. 3.* anno 1660. Bremæ impressæ (in 12mo.) (6) *Joh. Heinr. Heideggerus*, Theologus Tigurinus, in *Enchiridio Biblico*, sive *Hiero-Mnemonicò*, Tiguri anno 1681 edito, in adscribendis prænominibus & recensendis Scriptoribus minùs accurato. (7) *Gvil. Crowaus*, Britannus, Croydoniensis Ludimagister, in *Elenchò Scriptorum in Scripturam, tam Græcorum, quàm Latinorum &c.* Lond. 1672. (8vo.) innumeris magnisque erroribus scaente. Auctoribus hætenus memoratis subjicit *Appendicem de Scriptoribus Anglis*, eosque speciatim enarrasse scribit *Joh. Heinr. Hottingerum*, in *Bibliothecario quadripartito* supra dicto, pag. 60. seqq. *Martinum Kempium*, Historiograph. Brandenb. in *Bibliothecâ Anglorum Theologicâ*, Regiomonti an. 1677. editâ (in 4to.) & ex *Vernevilii libro, Catalogus Scriptorum nostratum Anglorum in V. & N. T. seu integram seu in partes*, nominato, maximam partem transcriptâ, & tandem *Joh. Heinr. Heideggerum* in *Hiero-Mnemonicò* supra citato. *Armarium II.* sistit *nostrates Lutheranos*, qui in eodem scribendi genere elaborarunt, quos inter (I) *Anonymum*

*nymum* quendam dicit collegisse *Catalogum Autorum*, qui in *sacros V. & N. T. libros scripserunt*, Witteb. 1581. (8vo.) (2) *Petrum Besodnerum*, Transilvanum, concinnasse *Bibliothecam Theolog. seu Indicem Bibliorum precipuorum*, eorundemq; *Interpretum Hebraeorum, Græcorum, & Latinorum*, tam veterum, quàm recentium, in certas classes ita digestorum, ut primo intuitu apparere possit, qui in numerò *Rabbinorum, Patrum, Lutheranorum, Pontificiorum, aut Zwinglio-Calvinianorum* contineantur, Francof. 1608. (in 4to.) (3) *Petrum Draudium* in *Bibliothecâ Classicâ*, Francof. an. 1611. & 1624. editâ (in 4to) Eum Commentatores in Libros Biblicos enumerare quidem ait, sed frequenter lectorem fallere. (4) *Paulum Bolduanum*, Stolpensem Pomeranum, scribit expositores *Scripturæ* annotasse in *Bibliothecâ Theologicâ*, sive *Elencho Scriptorum Ecclesiasticorum illustrium*, &c. Jen. 1614. (in 4to.) (5) *Michaëlem Waltherum* quoque in *Officinâ Biblicâ* pag. 440. seqq. selectos Commentatores in singulos libros *Scripturæ* commendasse, & (6) *Philippum Henricum Friedliebium*, Stralsund. Ecclesiæ Ephorum, in *Theologiâ Exegeticâ* similiter indicasse expositores. (7) Porro *Joh. Koelmergerum* eosdem parum accurate recensuisse in *Statuâ Mercuriali Theol.* Helmst. 1662. evulgatâ (in 4.), nec non (8) *Danielem Springinsgut*, in *Aurifodinâ Biblicâ*, Stralsund. 1671. (in 4to.) (9) meminit *Georgium Dorchaum* etiam comparasse *Indicem Scriptorum* in *Scripturam*, post ejus obitum sub titulo *Bibliorum numeratorum* Francof. in fol. editum. (10) Tandem *Augustum Pfeifferum* in *Criticâ Sacrà* pag. 184. seqq. selectos Commentatores indicasse, & denique (11) *Martinum Lippenium*, Con-Rectorem *Gymnasii Lubecensis*, edidisse *Bibliothecam Theologicam*, Scriptores in *Scripturam* magnò numerò enarrantem, memorat, simul quid in hoc libro desideret addens. Hos Auctores sequitur *Appendix de iis, qui Scriptores vernaculos recensuere*, quod præstiterunt *Georgius Draudius* in *Bibliotheca Librorum Germanicorum*; *Paulus Bolduanus* in *Bibliothecâ Theolo-*

*gicâ* non indiligentèr quidem; ast longè diligentius M. *Henningius Witte*, Gymnas. Rigens. Profesi. in *Repertorio Biblico*, an. 1680. & 1690. auctius Rigæ in 4to edito; postremò *Ephraim Pratorius*, Gedanensis, in *Bibliothecâ Homileticâ*, Dantisçi 1690. & Lips. 1698. in lucem emissâ. (in 4to.)

Die 5. Jul. Præses *Brandanus Henric. Gebhardi*, S. Theol. & Ling. D. & Prof. P. O. ut & Respondens *Henricus Splith*, Stralsundensis, de quæstione, *an Sextiduum sex atates mundi, Sabbatum Chiliaismum præfiguravit?* disputarunt, occasionem sumentes ex argumento *Peterseus*, à Sabbato, & præcurrente illud sextiduo deducto, quo inter alia Chiliaismum probare conatur in Parte II. tractatus, *die Wahrheit des herrlichen Reichs Jesu Christi* inscripti, pag. 16. seqq. (2. plag. in 4.)

Die 12. Jul. sub Præsidio *D. Jo. Frid. Mayeri*, aliquoties nobis memorati, *Miscellanea Theologica* publicæ Sententiarum collationi exposuit *Fridericus Genzke*, Vsedomiensis. (1. pl. in 4.)

Summa est hæc : N. 1. Pontificiis novam Lutheri sæpius ordinem in versione German. nobis exprobrantibus opponenda propria eorum confessio, divisionem Bibliorum Versionis vulgatæ in Capita non esse authenticam, & obrepere potuisse vitium sejungendo quæ ad caput præcedens pertinebant. N. 2. Argumentum *Malleti* in *lib. de Lect. Script. prohibitionem* ab Evangelio Barnabæ petitem, quod sc. Evangelium Matthæi potius secum contumulari, quam in manus hominum venire voluerit, non meretur confutationem. N. 3. *Hieronymi Columbi* hypothesis, majorem Beatorum ac Damnatorum futurum numerum, contrariatur verbis Christi Matth. XX, 16. N. 4. Definitum Damnatorum numerum, scilicet nonaginta novem seu centum mille hominum, quem vult *Leonb. Lessius*, nos ignoramus. N. 5. *Luxuriam Spiritualem* rectè *Scotus* dixit immoderatum istud adversus disciplinam studium, quæ non nisi ad superiorem referri debet, quæ fuit in *Francisco Philelpho* erga græcas literas. N. 6. Imprudenter à Pontificiis Christo Salvatori nostro tituli Monachiales

# MENSIS AVGVSTI, M DCCII. 231

fiachales adscribuntur, dum ab iis vocatur *Prior* vel *Abbas* in Collegio Apostolorum. N. 7. Detestanda est arrogantia *Clandii Salmasii*, afferentis, datâ occasione sese omnibus eruditibus opponere nequaquam se dubitare. *U.* Epitaphium *Salmasia* scriptum, sortem humanam & felicitatis æternæ lucem intelligens, quis non execretur?

## GEDANI

*In Athenæo*

Sub Præsidio M. *Christiani Sahmii*, Mathem. Prof. Publ. & Rect. Joh. de *Transitu Israelitarum per Mare rubrum* d. 12. Jan. disputabat *Leonhardus Gebauerus*, Silesius. (in 4. pl. 2½)

Dissertationis §. 1. confirmat Israëlitas transitum celebrasse per Mare rubrum. §. 2. describit terminum ex quo ingressi sint, nempe ex littore Ægyptiaco maximè Boreali. §. 3. Terminum ad quem pervenerint egressi ex Mari rubro exponit, qui fuit Arabici littoris pars Mara Septentrionalior, transmissò medio ipsius maris rubri, quod illo loco sesquimilliarum Germanicorum non videtur esse latius. §. 4. Ventilat quæstionem, annon potuerit naturæ viribus resfluere aqua maris rubri, ut Israëlitis iter concederetur? & respondetur, quoniam negari nequeat fluxum & refluxum in mari rubro dari, & quidem magnum, eum tamen non potuisse medium fundum maris denudare aquis. §. 5. Ostendit, nec ventum causam naturalem denudati aquis fundi extitisse. §. 6. Non plures, sed unam tantum per mare rubrum viam apertam fuisse Israëlitis demonstrat.

Die 20. Jul. sub Moderamine *Christophori Behrii*, Eloqv. Prof. P. solennibus Orationibus valedicebant duo fratres, *Joachimus Jacobus*, & *Johannes Georgius Schraderi*, *Gedanenses*: ille quidem de *variâ Principum illustrium fortunâ*; hic autem super quæstionem: *Qualis esse debeat anlicus*. Præmittebantur gemina Programmata, quorum primum commentabatur in Taciti verba; *Quo pluribus munimentis insisteret*, Ann.

l. i. c. 4. n. 7. alterum verò cum argumento declamantis conveniebat. (2 pl. in 4.)

Die 27. Jul. M. *Gabriel Groddeck*, Philof. Profess. P. & Bibliothecarius, ex Historiâ literariâ disputando excutiebat *Observationum Triadem*, (1.) *de Scriptis Antonii Galatei*, (2.) *de Christoph. Helvici Systemate Chronologico*, (3.) *de libro Tobia*, Respondente *Dieterico Valentinern*, Flensb. Hoff. (1. pl. in 4to.)

## REGIOMONTI

Die 6. Jul. *Johannes Gottsched*, Phil. & Med. D. hujusque Extraord. Phys. Ord. P. P. Dissertationum Physiologicarum *de æthere & aëre, eorumque in corpus humanum & ejus humores vi atque operationibus* in specie secundam habuit, Respondente *Job. Georgio Weyandt*, Bausca Curon. (4½ plag. in 4to.)

Die 7. Jul. *Idem Praeses* Dissertationum Physiologicarum *de Circulatione Humorum*, ex fundamentis Hydraulicæ Mechanicis, secundam *de Circulatione Chyli* ventilavit, Respondente *Michaële Sieffert*, Elb. Pruffo.

Die 11. Jul. *Natalem S. Reg. Majest. in Prussia* celebravit *M. Michael Schreiber*, Eloqv. & Histor. P. P. & Bibliothec. Wallenrod. Præcesserat Programma de *more singula quinquennia Imperatorum solenniter celebrandi*. Oratio ipsa cum recensione præcipuarum rerum à Rege hoc anno gestarum, tum gratulatione ob accessionem aliquot ditionum Ipsius Imperio factam, constabat.

Die 13. Jul. Præsides *Bernhardo von Sanden* / Jun. Decadem Thesium Controversarum ex loco de *Novissimis* selectarum, ad disput. proposuit *Johannes Schulz* / Catenaviâ-Insterb. Pruffus. (3. plag.)

Die 14. Jul. M. *Michael Schreiber*, paulo ante memoratus Disputationem habuit Respond. *Gustav. Ernesto*, Lib. Barone à *Külitz*, de *Concordia Imperii & libertatis*. (plag. 3½)

Hic §. 1. & 2. enodatur vocabulum Imperii & libertatis, hujus

hujusqve divisio observatur, quæ in libertatem contradictio-  
nis, & libertatem à coactione, communiter dispescitur. De-  
inde adducuntur rationes dubitandi, utrum Imperium inter  
& libertatem detur concordia? Prima deprompta est ab  
opinionem plurimorum contraria, §. 3. & 4. Secunda, à dif-  
ferentia inter Democratiam & Monarchiam, §. 5. Ad quas  
rationes respondetur, concedendo, quod non cum quovis Im-  
perio singulari stare possit libertas, videlicet non cum tyran-  
nico, §. 6. non cum dominatu, §. 7. sed cum Regno, prima-  
riò sic dicto; quod in quo consistat, §. 8. & 9. determinatur.  
Inde evincitur, quod hic libertas obtineat contradictionis;  
cujus natura ostenditur, nimirum quod non consistat in li-  
centia quidvis agendi, §. 10. 11. 12; sed in facultate agendi  
secundum rectam rationem, §. 13. 14. hancque vel maximè  
in Regno dari & intendi docet. §. 15. Probatur postea hic  
quoque inveniri libertatem à coactione, §. 16. 17. 18. Quo-  
modo hoc dici queat, ut dominium eminens, potestas indi-  
cendi tributa & vectigalia simul admittatur, hoc §. 19. & seq.  
patefit. Concluditur tota materia testimoniis Politicorum.

Die 19. Jul. M. *Reinholdus Stiirmer*, Regiom. Pruffus Dissertationem moralem priorem, de *Cade propria*, publicè ventila-  
vit, Respondente *Job. Georgio Nicolai*, Regiomont. Pruffo. (Plag. 3 $\frac{1}{2}$ .)

In cujus §. 1. indicatur, per eadem propriam id intelligi;  
quod Græcis *αὐτοχρησία* dicitur, sive tale factum, quod quis  
proprio ausu atque arbitrio sibi mortem consciscit. §. 2. Va-  
ria propicidarum exempla adducuntur, qui ex variis causis  
manus violentas sibi intulerunt; tandem disquiritur: utrum  
Aristoteles fuerit *αὐτοχρησ*? quod negatur. §. 3. Descenditur  
ad cædis propriæ defensores, inter quos primò locò nomi-  
nantur Stoici, quorum sententia explicatur. §. 4. Inter  
*αὐτοχρησίας* assertores collocantur Indorum Philosophi agre-  
stiores, itemque Plato, Diogenes Cynicus, Plutarchus, Plī-  
nius,

nus, præter Philosophos variæ gentes allegantur, à quibus cædes propria approbata. §. 5. Adducuntur varia testimonia eorum, qui cædem propriam fortitudini adscribunt. §. 6. Rejicitur sententia eorum, qui cædem propriam inprimis privato ausu susceptam approbant, & ejusmodi *αυτοχειριαν* illicitam esse ostenditur sequentibus rationibus (α) quia directe repugnat amoris sui & naturali inclinationi, quâ homo ad sui conservationem fertur, à destructione sui verò naturaliter abhorret. §. 7. (β) quia *αυτόχειρ* homicidium committit, & quidem turpissimum ac crudelissimum. §. 8. (γ) Quia homini non competit in vitam propriam jus ac dominium absolutum, ut eam pro lubitu abrumpere possit, sed tale dominium Deus sibi reservavit. §. 9. (δ) Quia per cædem propriam civitas injuria afficitur, quæ propterea quoque propticidam variis afficit pœnis, quod ex historia deducitur, & tandem justitia harum pœnarum asseritur. §. 10. Refutatur sententia eorum qui *αυτοχειριαν* fortitudinis titulò in crustare audent.

Die 22. Jul. *Idem Praeses* Dissertationem moralem *posteriorem, de Cæde propriâ*, proposuit, Resp. *Daniele Nicolai*, Regiom. Prusso. (3½ plag.)

In hujus Dissertationis §. 11. transitus fit à generalioribus ad casus quosdam specialiores. Et quidem initio considerantur ii, qui ex melancholia aut phrenesi mortem sibi consciscunt, quorum exempla adducuntur, & ipsorum cædem propriam excusandam esse ostenditur, quia mentis impotes sunt, & ex ignorantia agunt. §. 12. Proponitur sententia Hebræorum, qui cædem propriam duplici casu permittunt, α. si quis metuat, vitam suam ludibrio habitum iri in contemptum Dei. β. ne tormentorum magnitudine exagitatus deficere cogatur ab agnita veritate. §. 13. Refutantur Hebræi, & neutro casu cædes propria licita asseritur, non priori, quia nulla lex talem exceptionem permittit, neque exempla Simsonis & Saulis Hebræis patrocinantur, non posteriori, quia non est committendum unum pecca-

peccatum, ut effugiamus alterum. §. 14. Descenditur ad  
 fœminas, quæ pro conservanda pudicitia mortem sibi intule-  
 runt, quarum exempla ex scriptoribus gentilibus & Christia-  
 nis adducuntur. Quinam fœminas has laudent, aut excusent  
 & quid pro iis excusandis afferatur ostenditur. §. 15. Nega-  
 tur, quod fœminis ob stuprum evitandum se interficere  
 liceat, quia per stuprum fœminæ pudicitia animi auferri  
 non potest, si ipsa in libidinem non consentiat, adeoque  
 stuprum respectu fœminæ patientis est malum molestum, ob  
 cuius declinationem malum turpe, quale est *δουροξοφία*,  
 committere non licet, imò dubium adhuc est, utrum violentus  
 stuprator à fœmina occidi possit. Unde laudatur consi-  
 lium Anthimi Euphrasiz datum, & quod ejusmodi fœminæ  
 non egerint ex ignorantia inculpabili, monstratur. §. 16.  
 Adducuntur exempla eorum, qui, ne in hostium potestatem  
 pervenirent, se interfecerunt. §. 17. Occasione quorundam  
 exemplorum disquiritur, quid sentiendum sit de facto mili-  
 tum aut nautarum, qui, ne in potestatem hostium perveniant,  
 se una cum navi perdunt, & pulvere tormentario in auras  
 elidunt. Rationes in utramque partem tum pro approban-  
 do tum pro improbando hoc facto allegantur. §. 18. Sub-  
 nequitur propria sententia, & initio distinguitur inter eos, qui  
 navem perdunt, se verò mari committunt cum spe probabili  
 enatandi, & inter eos, qui se una cum navi perimunt. Priores  
 excusantur, quia non intendunt sui interitum, sed potius mor-  
 ti se eripere student. Posteriores iterum vel privata vel pu-  
 blica auctoritate id faciunt. Illi ab homicidio non sunt im-  
 munes, nec factum ipsorum prætextu amoris patriæ, salutis pu-  
 blicæ, aut damni hosti inferendi excusari potest. Hi itidem  
 per jussa superiorum non excusantur, quia ad innocentem  
 occidendum nec jussu Magistratus quisquam obligari potest.  
 Hinc quousque jus imperantis in vitam militis se extendat,  
 explicatur. §. 19. Denique quæstio movetur: An maleficus  
 jussu Magistratus capitalem sententiam in se licitè exequi pos-  
 sit? Quod moribus quorundam gentium consentaneum fuisse

ex historia probatur, & tam pro affirmativa quam negativa quæstionis Autores allegantur. §.20. Rationes, pro utraque quæstionis parte adducuntur, & tandem negativa defendenda suscipitur, utpote quam tutiorem quidam ex ipsis contrasentientibus profitentur.

## THORVNII

*M. Georgius Wendius*, Gymnasii Thorun. Rector & Prof. P. de primis Polonorum Nummis argenteis, sive Grossis Pragensibus, duabus Exercitationibus egit, quarum priorem die 17. Maji defendit *Adamus Lemcke* Gedanensis; posteriorem verò mense Junio ventilandam proposuit *Samuel Kephalides*, Neosoliensis Vngarus. (3½ plag. in 4.)

Exercitationum harum Caput 1. agit de Causâ Nummi efficiente atque in Poloniam introducente; *Wenceslao* nimirum *secundo*, *Przemislai III.* Boh. Regis filio, sæculo XIII. summæ rerum præfecto, cujus numisma ære expressum in fronte utriusque Dissertationis conspicitur. Cap. 2. agit de causâ materiali; puro puto scilicet argento, nihil æris admixtum habente, quod Germani 16. lotonum appellare solent. Cap. 3. agit de Causâ Grossorum Pragensium formali; quæ in proposito numismate hæc est, ut priori latere *Coronam* præferat, cum inscriptione: WENCESLAVS. SECVNDVS. DEL. GRATIA. REX. BOEMIE. In posteriori verò *Leonem* salientem coronatum, & caudâ bifurcatâ conspicuum, cum perigraphæ: GROSSI. PRAGENSES. Caput 4. denique & ultimum agit de Causâ finali, sive usu & eventu Grossorum Pragensium.

## REVALIAE.

*Excerptum è literis M. Christiani Hoppii, Consistorii Ecclesiastici Regii Revaliensis Assessoris & Notarii.*

Evoluti mihi *Nova Literaria Maris Balthici & Septentrionis*, de an. 1700. mens. Sept. sese offert nummus quidam Ducis Magni æri incisus, & ex historiâ illustratus. Hujus generis quum diversa penes me sint numismata, unicum eorum hic depictum B.L. oculis subjicere placet. Hoc autem dum facio,

TAB. VII.



August. 1702.

cio, intermittere non possum quin breviter moneam, non quinque præter Rigensem fuisse Episcopatus, uti *Pistorius*, &, si rectè memini, *Schurtzfließbius* quoque in *Hist. Enffer.* statuunt; sed quatuor tantum: Osiliensis enim & Wykiensis unicum modò constituerunt, quod & *Sam. Conr. Schurtzfließbio* in *Disp. de Ord. Enffer.* observatum lego. Wykienses Episcopi primum quidem sedem sibi eligebant Lealia, templum Cathedralè hodiè in ruderibus jacens habentis; ast postea Pernaviam, & tandem ob motus rusticorum crebriores Hapsaliam domicilio sibi delegerunt, ubi & castellum probè munitum extruxère. Hinc factum, ut misso Episcoporum Wykiensium nomine, Hapsaliensium sibi sumserint. Et licet postmodum non defuerint, qui Osiliam habitatum concedentes Osilienses appellari voluerint; alii tamen Hapsaliæ hærerè maluerunt, ita ut nunc hîc, nunc Arensburgi Sedes fuerit Episcopalis. Ad Revalienses Episcopos quod attinet, illos in diplomatis suis modò Revaliensium, modò Estiensium nomen usurpasse constat. Notandum tamen non omnem illis paruisse Esthoniæ; sed majorem Wyklandiæ, Allentakeni & Jerweniæ partem, nec non ipsum Episcopale prædium alimentarium Borckholm Cœnobii Falkenaviensis Abbatem dominum agnovisse, quod & pactio probat juxta quam Episcopo atque Capitulo Revaliensi convenit cum dicti Cœnobii Abbate super quibusdã litigiosis Borckholmienfium pratis. Quum autem Dux *Magnus* Episcopatus Osiliensem, Curoniensem atque Revaliensem numeratã certã pecuniæ summã redemptos haberet, diversos etiam nummos cudi faciebat, & eos omnes, quos mihi hætenus videre licuit, (qui tamen numerum fermè quinqvagenarium attingunt,) uno eodemque typo. Altera enim facies Ducis vultum præfert; altera autem exhibet Aquilam, prout Tabula adjuncta monstrat. Verba quibus hi nummi circum-  
TAB. VII.  
 scripti varie ac multimodè leguntur. Alii, Hapsaliæ forsan cusi, eam quam nummus hîc effigiatus, habent perigraphen, (qvalem Nov. Lit. l. c. tradunt, hætenus non vidi) cujus explica-

tio omni difficultate carens hæc est: *Moneta nova Hapsaliensis. Magnus Dei gratia Episcopus Oslia, Curonia & Revalia.* Alios aliæ ambiunt inscriptiones, nimirum quosdam ex unâ parte, MO. NO. ARENSBÖRCH. 64.; ex alterâ, MAG. D. G. EPS. OSI. CV. ET. RE. Rursus quibusdam à fronte inscriptum, MA. D. G. EP. OSI. C. E. ER.; a tergo, M. N. ARENSBÖRCH. 65. In quibusdam denique signatum legitur in uno latere, MAG. D. G. EPS. O. C. R. H. N. 64.; in altero, MO. NO. ARENSBURGENS. Illam inscriptionem ita explico: *Moneta nova Arensbörcbenfis, anno 1564. Magnus, Dei Gratia Episcopus Oslia, Curonia & Revalia.* Istam sequenti modo: *Magnus, Dei gratia Episcopus Oslia, Curonia & Revalia.* (Hic errore Cælatoris factum esse suspicor, ut literam E ante R. locarit, quæ tamen sequi eam debuisset, quod collatio curi aliis nummis docet.) *Moneta nova Arensbörcbenfis, anno 1565.* Hanc denique talem in modum interpretor: *Magnus Dei gratia Episcopus Oslia, Curonia, Revalia, Hapsalia, Narva, anno 1564. Moneta nova Arensbörcbenfis.* Episcoporum sedes quidem nunquam fuit Narvæ, utpote quæ ad ditionem Abbatis Cœnobii Falckenaviensis pertinebat; attamen Cœnobio hoc à Russis funditus deleto, Ducem *Magnum* illo titulo jus quoddam sibi fortè acquirere voluisse, & nomen Narvæ vel idèò delegisse autumo, quia urbs illa munitione pariter ac arce clara, Cœnobium verò sæpius dictum in cineribus jacebat. Vnde porro factum sit, ut monetæ Hapsaliensis Aquila imprimeretur, non exploratum habeo: Arensbörcgenfisibus quidem illa est pro insigni & nota; nequaquam verò Urbis Hapsaliæ ejusque Episcopis. Præterea & illud noto, quamquam Ducis Magni ætate haud exiguus monetæ numerus Revaliæ signatus sit, me tamen ne ullum quidem Revaliensem nummum, effigie ejus insignem, hactenus vidisse, nec etiam talia numismata, quæ à quoquam Episcopo Revaliensi publicata. Ex his aliisque circumstantiis hanc mihi licebit concipere opinionem, Episcopos modò dictos Jure numismatum cudendorum vel plane caruisse, vel illud non exercuisse. Verum de his forsân alio tempore plura.

## HAFNIAE

Haud ita pridem *Sigismundus Wilhelmus Toppius*, Ecclesiae Havniensis Teutonicae ad D. Petri Comminister, spartam, quam unico anni & quod paullulum excurrit, spatio, ornavit, sponte depositam, maturato abitu vacuam reliquit.

## KILONII

Die 4. Junii Pro-Rector & Senatus Academicus publico Programmate 2. plag. in 4. ad anniversarios Honores, Spiritui S. citra errores impietatisque exhibendos, invitarunt.

In illo p. 1. proponitur *Weigelii*, & ejus a seclarum circa locum Joh. XIV, 23. portentosum dogma, quod scilicet *ita supremum Numen ad pios appropinquet, ut horum humana natura in illius divinam commutetur*, argumentum ex 2. Pet. I, 4. quo id roborare contendunt, habetur p. 2. ubi simul Pontificiorum, Socinianorum, Arminianorum erronea sententia indicatur, quod videlicet *Dei tantum gratia & virtus nobis adsit*, nec non Cartesianorum & Reformatorum, *Christum à piis aequè longè distare credentium, ac caelum, cui inclusum illum fingunt, ab hac terrâ*. Ibidem quoque memoratur varia corruptio loci Joh. XIV, 28. Ovis ille Paracletus sit, item, quod Simon Magus, Montanus Phryx, Manes, Muhammed, aliique, se eum jactitarint, legitur p. 4. seqq. Pag. 7. seqq. recensetur descriptio Spiritus S. & circa ejus *Personalitatem* error Valentini Schmaltzii, Johannis Crellii, Christophori Sandii, Pauli Samosatani, Praesulis Antiocheni, Photini Galatae, Syrmienisium in Pannoniâ Antistitis, Michaelis Serveti, aliorumque; circa ejus *Divinitatem* error Macedonii, Eunomii Galatae, Praxeae Noëti, Sabellii, Samosatani, Apollinaris, Petri Abailardi, &c. Circa *processionem illius*, & in specie à Filio, error Graecorum Armeniorum, Ruthenorum & Moscorum. Pag. 13. adducitur lemma istud: *Filioque*, quod insciis ineonsultisque Graecis Confessioni Constantinopolitanae inferuerunt Latini, & asseritur Saeculo IX. nondum additam fuisse in Romanâ Ecclesiâ particulam illam; à quo Pontifice autem addita sit, non

determinatur, quanquam Vossius iudicet, Sergium III. illud additamentum apposuisse. Pag. 15. seq. de Sæculo Spiritus S. aliquid adjicitur.

Die 17. Jun. Præses *Theodorus Dassovius*, Licentiat. Profess. Theologus, & Philologus Ordin. & ad D. Nicolai Pastor Primarius, & Respondens *Claudius Gustavus Rothelffer* / Livonus, de *Emphasi Sacrarum vocum, ex veteri Hist. Hebr. repetendâ*, publicè cum aliis colloqvuti sunt. (5 $\frac{1}{2}$  pl.in.4.)

Commata, quibus explicandis operam impenderunt, sunt XIII. & desumpta ex Psalm. 31, 6. 133, 1. & 2. Es. 49, 16. Mich. 7, 19. Malach. 3, 10. Rom. 7, 14. 1. Cor. 3, 16 & 17. 2. Cor. 4, 7. 1. Pet. 1, 18. 2. Pet. 1, 19. Hebr. 7, 27. c. 9, 14. Apoc. 16, 15.

Die 25. Jun. prodiit Dissertatio Theologica *Henrici Opitii*, SS. Theol. D. ejusdem Profess. Ordin. quâ *Messias Cap. LIII. Jesaiæ scopus unicus esse*, contra *Hug. Grotium & Judæos recentiores* demonstratur, habita est Respondente *Josia Henrico Opitio*. (in 4to.)

Argumentum Disputationis hujus est hoc: Textus Jesaianus cohæret à Cap. 52, vers. 13. ad Cap. 53, vers. ultimum, p. 4. Subjectum totius hujus Sectionis est *θεανθρωπος*, quod probatur (1.) è Textus cum præcedentibus non minus quam sequentibus cohærentia, p. 5. seqq. (2.) ex infallibili ac frequentissima Spir. S. de Christo in N. T. expositione, p. 8. (3.) ex auctoritate Christianorum omnium, itemque antiquorum Judæorum, p. 9. seqq. (4.) ex Contradictentium perpetuâ fluctuatione & collisione, caput hoc vel de Abrahamo, de Mose, Zorobabele, Angelis Ministerii, Messia filio Iosephi, Jeremiâ, Josiâ, Populo Israëlitico, vel denique de quovis justo explicantium, p. 15. seqq. Speciatim de Jeremiâ explicavit Anonymus quidam & Grotius, hic refutatur à p. 17-23. de Populo Israëlitico, R. Sal. Jarchi, R. Dav. Kimchi, Aben-Efra, Abarbenel, &c. h. refelluntur à p. 30-34. Qui de quovis justo intelligunt, refutantur à p. 34-37. (5.) Probatur ex infirmitate contrariarum ratio-

rationum contra expositionem de Messiâ, quæ rationes Objectionibus sex inclusæ refelluntur à p. 37. ad finem.

Die 15. Jul. Præside *Simone Henrico Musao*, D. Institut. nec non Jur. Nat. & Gent. Prof. Ord. Disputationem juridicam, de *Revocatione donationis ob præstitam contra Donatorem ad vocationem*, publicè defendit *Franciscus Johannes Singelman*, Dorpato-Livonus. (4 $\frac{1}{2}$  plag. in 4.)

In proœmio Dissertationis hujus scopum proponit, qui eij disquirere, *prohibitumne an permissum sit donatario contra donatorem postulare*, & §. 2. dicit probè discernendas has duas quæstiones *num donatario postulatio contra donatorem prohibita? & an suscepta contra donatorem causa aliena patrocinio, hic donationem possit à donatario revocare?* §. 3. priorem quæstionem affirmat quidem ex Jure Nat. §. 4. & 5. ex Jur. Civili. §. 6. ex Jure Romano, exinde tamen nondum sequi scribit §. 7. hujusmodi postulationem jure nostro Civili simpliciter prohibitam esse, simulque objectionem quendam solvit. §. 8. nullam legem esse monstrat, quæ ad postulationem contra donatorem omittendam donatarium simpliciter obliget vel expressis verbis, vel per consequentiam, idemque de jure Canonico asserit. §. 9. *Posterioris quæstionis* tractationem orditur, & aliquas Auctorum sententias recenset. §. 10. *Gailium* in affirmatione quæstionis cum *Lauterbachio* consentire probat, atque diversas Auctorum sententias conciliat. §. 11. Ad firmandam communem affirmativam sententiam verba, quæ in *l. ult. C. de revoc. don.* continentur, allegat, eaque §. 12. explicat. §. 13. 14. 15. 16. 17. & 18. sex pro affirmativa adducit argumenta. §. 19. f. objectiones solvit. §. 21. qualis actio hoc in casu debeat institui demonstrat, nempe non realis, sed personalis, & quidem à donatore, non ejus heredibus, adversus donatarium non tertium. Quod donator hac actione solas res non etiam fructus, quos post ingratitude commissam ex illis ante lit. Contest. donatarius percepit, persequatur; §. 22. asserit; item, quod actio hæc perpetua sit, &

fit, & quæstionem, si servitus vel hypotheca à donatario in re donatâ ante donationis revocationem constituta sit, post hanc resolvatur & extinguatur? negat. §.23. Actionem ingrati à reo per exceptiones subinde elidi posse statuit, quales quatuor recenset, & hinc §.4. contingere ait quadruplici respectu, ut actio memorata, in casu advocacionis contra donatorem præstita, haut obtrineat, videlicet §. 25. (1) respectu conditionis vel causæ donationis, quæ facta vel ob causam futuram, §.26. vel ob præteritam, §.27. vel ob præsentem. §.28. vel favore matrimonii, sive proprii, sive alieni, quæ donatio nunquam ex sola ingratitude causa revocanda, vel favore amici, vel Ecclesiæ, vel Civitatis, reipubl. universitatis, & denique cujusvis tertii. §. 29. (2) respectu donantis. §. 30. (3.) respectu donatarii, tandem etiam §.31. (4.) ratione causæ, cujus patrocinium donatarius suscepit. §. 32. addit, donatorem non tantum ob præstitum contra se patrocinium in causis ab auctore memoratis, rem donatam ac traditam conditione *ex l. ult. C. de rev. don.* à donatario repetere, verum etiam actionem ex stipulatu per exceptionem ingrati elidere posse.

Die 22. Jul. Præses *Carolus Fridericus Luther* / Med. Doct. & Prof. Publ. & Respondens *Christianus Vtricus Schreiber* publicè disquisiverunt, *an potus Thee exsiccandi virtute polleat?*  
*Ob der Thee zehre?* (3. plag. in 4.)

Disquisitionis hujus Medicæ hoc est argumentum: §. 1. de virtute & utilitate Theæ multi scripserunt. §. 2. Innocuum Thee non gaudet tabificâ facultate. §. 3. ad propositam quæstionem enodandam se accingit. §. 4. Cum in præsentiarum qualitas Medica potus Theæ in contentione versetur, supponitur, ad qualitates tum sensibiles tum insensibiles constituendas, & *Agens* requiri, & *Patiens*. §. 6. utriusque ratio habetur, & quidem §. 7. Subjecti *Patientis* seu corporis Humani, quod physicè spectatum minimas & insensibiles particulas agnoscit,

agnoscit; sensu autem Anatomico-Medico Elementa ejus dicuntur cunctæ partes sensibiles. §. 7. Primum in partium corporis humani serie locum tenet sanguis. §. 8. Ad imperitiendam partibus solidis vitalitatem, & habitus cujuscunque individualis conservationem, ipsius etiam sanguinis vitalitas requiritur, seu status naturalis, & mediocritatem non excedens in quantitate, qualitate & motu. §. 9. De his verba facere hujus non est loci nec instituti. §. 10. Siccitatis notione in genere intelligitur certa perceptio, quam habemus ipsimet in corpore nostro, vel etiam certus effectus, quem deprehendimus in aliis corporibus. §. 11. De sanguine siccitas non nisi improprie prædicari potest. §. 13. Tres sunt modi exsiccationis, quorum duo ex Philosophiâ naturali, tertius autem è Scholâ Medicorum petitus. §. 15. Ad *Agentis*, seu Potus Medicati Theæ examen progreditur: Thea, ut in se est, siccantibus est annumeranda. §. 16. Infusum è Theæ foliis cum aquâ ebulliente paratum, si dilutius & tenuius, juxta jam introductum morem, lubricandi & humectandi qualitatem; si verò crassius & magis saturatum, ratione diversi Tincturæ gradus modò debiliorem, modò validiorem exsiccandi potentiam habet. §. 17. Theæ potus siccantibus adscribendus, (1) propter Calorem in illo potu evidentem, (2) propter virtutem diaphoreticam & sudoriferam, (3) propter Diuresin, seu urinæ excretionem. §. 18. 19. 20. Hæ virtutes Theæ extenuationem corporis non inducunt. §. 21. Eluditur argumentum eorum, qui ob famem subsequentem Theæ tabificam facultatem attribuant. §. 22. Thea nonnunquam, ut pinguescant, multum juvat. §. 23. Certâ circumspectione utendum est Theâ. §. 24. Inanem is suscepit laborem, qui, ut Theæ laudibus detraheret, illi Epitaphium scripsit, præfixo titulo, *Thea Novissima*.

Die 27. Julii sub Præsidio *Simonis Henr. Musai*, JC. Institut. Jur. Nat. & Gent. Profess. Ordin. Facultatis Juridicæ h. t. Decani & Acad. Pro-Rectoris, *Theodorus Wolff* / Schlaizâ Variscus, Summi Tribun. Wismar. & Reg. Svec. in Duc. Bremenf.

menf. & Verdenf. Dicafter. Advoc. immatric. pro Licentia summos in utroque Jure honores confequendi, publicæ ventilationi expoſuit Diſſertationem Inauguralem *de Pretio Juris Juſtiniani ſacri*, in quâ autoritas uſuſve illius in Germaniæ judiciis, ad ſeriem *Tract. Grönwegii de LL. abrogatis in Belgio* &c. aſſeritur. (8. plag. in 4.)

In Præfatione Auctor adverſus eos primum agit, qui Juris Juſtiniani nullum plane uſum eſſe dicunt. Poſtea demonſtrat, Jus Sacrum Juſtinianicum tractare ejuſque auctoritatem & uſum inveſtigare, non unicè curioſitatis opus, ſed oppidò neceſſarium eſſe. Hinc laborem ſuum ita aggreditur, ut primò *textum & contenta Legis*, poſt *Summaria Grönwegiana* præmittat, & his *notata* breviter ſubjiciat.

*Johannus de Vergerio Mercurius Triceps, i. c. de triplici via perveniendi ad Facultatem exponendi, loquendi & componendi Italica*, Opus novum lucem publicam vidit. Chiloniæ, ſumptibus Johannis Sebaſtiani Riechelii, & typis Bartholdi Reutheri. 1702. (plag. 16½ in 8.)

Tractatus hujus præfatio, quam *Jo. Burch. Major*, Eloqv. & Hiſt. Prof. P. præfixit, Italiæ Lingvæ præ aliis excellentiam probat non ſolum ex eo, quod elegantiffimis abundet ſententiarum acuminibus, ingenioſiſſimisque dictionum translationibus, ſed etiam pluribus aliis rationibus, quarum haud poſtrema eſt & illa, quòd in aulis Principum, & in Cæſareâ Vindobonenſi ea hodiè ferè ſola loco Gallicæ uſurpetur. Hinc utilius multò in Italiam profeſſiones inſtitui aſſerit, quàm in Galliam; in nullo enim alio Europæ loco majori cum prudentiâ reipublicæ navim gubernari, gubernandæque modum feliciter faciliusque addiſci poſſe quam in Italiâ, quum modica ibi ſint imperia, quæ majorem calliditatem circumſpectionemque accuratiorẽ requirant. Exempli loco proponit Rempubl. Venetam & Romanam Curiam, ubi ſimul addit, quid peregrinos Venetias & Romam invitare poſſit. In Italiâ porrò urbes præclaras

ras & spectabiles dari meminit, dum commendat Florentiæ pulchritudinem, Neapolis splendorem & amplitudinem, Anconitani portus præstantiam, Cremonensis turris altitudinem, Mantuani palatii magnificentiam, Novæ Palmæ Casaliæque munitionem & propugnacula. Nec etiam varia illa antiquitatum veterisque elegantiae monumenta, quæ passim in Italiâ visuntur plurima, prætermittit, neque Academiam Pataviensem, ut & plurimas quæ ibi habentur doctorum Virorum societates, præstantissimas item Bibliothecas, quæ sunt Romæ, Venetiis, Patavii, Mediolani, Bononiæ, Neapolis, Ferrariæ & Florentiæ. Hæc cum ita sint, egregiè illos scientiis locupletari posse ait, qui majoris cultus capeffendi causâ in Italorum terras commeant. Quid verò è contra peregrinantes è Galliis secum abportent, brevibus quoque attingit. Hòc argumentò ita pertractatò ad Italorum redit linguam, quam valdè utilem esse demonstrat homini politico, quinimò juxta *Caroli IV.* Constitutionem in Aurèa Bullâ Illustrium etiam Principum Electorum filiis, quibus, ut eam discerent vel ea de causâ injunctum, ne interpretibus uti aliisque suam de rebus majoribus sententiam ac consilia aperire necessum habeant. Præterea Italicè scire cupiendum esse dicit, non solum ob cognoscendos egregios eo idiomate de civili scientiâ exaratos libros, quos inter *Nicolai Macchiavelli de Principe* liber, sed etiam ad pernoscendam Italorum in artibus, quas vocamus, humanioribus præstantiam, præcipuè in Epigrammatibus conficiendis & historiis componendis, &c. &c.

PREZAE.

*Johannes Polzius*, Pastor Primarius Ecclesiæ Prezensis, Concionem funebrem Vernaculam edidit in funere Generosi Viri, *Deslevi Reventlovii*, Ordinis Danebrogici Equitis, S.R.M. Daniæ & Norvegiæ Consilarii intimi, Conferentiae, Statûs & Provincialis, Cœnobiorum generosarum

Virginum Prezensis ac Slesvicensis Præpositi, Domini Hereditarii in *Schmoel / Hohenselde / Colmar / und Quarnebeck /* ex Ebr. IV, 15, 16. die 11. Januarii h. a. habitam, cui titulus: *Sieg des Glaubens. &c.* (14. plag. in fol.)

Natus est Hic an. 1654. d. 23. Aug. in nobili prædio *Gutterhamff /* Patre *Detlevo Reventlovio*, Daniæ & Norvegiæ Regis, CHRISTIANI IV. Gloriosiss. mem. Consiliario intimo, Cancellario Germanico, & Haderslebiensi ac Romsdahleusi Præfecto. Postquam Kiliæ studiorum causâ commoratus esset, Gallos aliosque populos externos adiit. Ab his quum rediret, ann. 1676. conjugium iniit. Hinc primùm an. 1680. à CHRISTIANO V. orbis Arctoi Monarchâ, Consiliarius Conferentiæ & Status, deinde Provincialis, & postea Cœnobiorum generosarum Virginum Prezensis ac Slesvicensis Præpositus, tum an. 1693. Ordinis Danebrogici Eqves, & tandem an. 1696. Consiliarius intimus constituebatur. Sed his omnibus honorum & dignitatum titulis an. 1701. d. 4. Novembr. mors illum exiit, quum ageret annum quadragesimum octavum. Ex generosâ Viduâ superstitute duos reliquit filios, *Henricum*, Cœnobii generosarum Virginum Slesvicensis Præpositum, & *Detlevum*, nec non totidem filias. Hac occasione meminisse juvat singularis pietatis pariter ac humilitatis utriusque B. *Reventlovii*, Patris & Filii. Horum ille nullatenus passus est, ut aliquis precibus suis interveniret, hinc & factum, ut ipse Rex *Christianus IV.* qui ejus conveniendî causâ quodam tempore venerat; comminus expectare, quam preces ejus interpellare mallet; Hic vero in publico Ecclesiæ cœtu una cum aliis in numerum Communicantium receptis uno eodemque tempore Cœnam Domini sumere non erubuit.

#### HAMBURGI.

Sub Præsidio *Jo. Alberti Fabricii*, SS. Theol. D. Eloqv. & Moral. Prof. Publ. & h. a. Rectoris, Dissertationem *de Hæresi & Moribus Bogomilorum* in Gymnasio Hamburgensi publicè tuitus

tuitus est Auctor & Respondens *Job. Antonius Wincklerus.*

(4. plag. in 4.)

Tria Dissertationis sunt Capita, quorum *Imum* agit de nomine, origine, fati & interitu *Bogomilorum*; *Ildum* tradit eorum *heresim* & *falsa dogmata*, & quidem (α) circa Scripturas, (β) Articulum de Deo, (γ) Creationem, (δ) Baptismum, (ε) Sacram Cœnam, & tandem (ζ) circa Resurrectionem; *Illium* observat *malesanos Bogomilorum mores*, quod cultum videlicet divinum in templis contemserint; omnia, ut delatoribus laterent, fecerint & simulârint; omnibus precationibus posthabitis solâ Oratione Dominicâ, septies in die & quinqvies de nocte, usi sint; ad precandum accedentes sapiissimè genua flexerint; à sanctæ crucis signaculo & Orationis Dominicæ clausulâ abhorruerint; die Lunæ, Mercurii & Veneris jejunia celebraverint; his diebus autem præterlapsis comessati sint.

Ex Typographiâ *Wieringianâ* prodiit *Gothofredi Barwassers*/S.S.Theol. Stud. *Novum Multiplicationis & Divisionis Arithmetica Compendium*, i. e. *Neue Rechnungs-Art*/dadurch die Multiplication in die Addition, und die Division in die Subtraction, oder nach Gelegenheit in die Addition und Subtraction verwandelt / ohne die mühsame Weitläufftigkeit / welche bey dem bisher gebräuchlichen *Zinnabl Zins* unvermeidlich / sehr leicht und mit grösster Behendigkeit / auch viel sicherer und gewisser / oder sonder so leicht einen Irrthum zu begehen / als durch die schon bekanten Arten / können verrichtet werden / nebst einer Anweisung / wie das Büchlein zu gebrauchen &c. (5. plag. in 12. oblong.)

Luci publicæ etiam exposita est Relatio illius, quod Reverend. Ministerium Hamburgense inter & Johannem Diecken / S. Theol. Studiosum, oculorum lumine orbatum, actum est de licentiâ concionandi, antea quidem promissâ, postmodum autem denegatâ. Germanicus titulus ita se habet: Kurze und warhafftige zur Befriedigung des Gewissens abzielende Relation und Nachricht dessen / was zwischen Einem Hoch. Ehrw. Ministerio in Hamburg / und Johann Diecken / S. Theol. Stud.

vorgefallen; Betreffend die ehmahls theurst-versprochene / hernachmahls aber abgeschlagene Licence oder Vergünstigung zu predigen. (1. plag. in 4.)

In hoc Scripto narrat Auctor, concionandi licentiam sibi denegari, quia (1.) ad concionandum non sit idoneus, (2) Gravidis etiam exinde evenire possit periculum, nec (3) Schedulas evcheticas (die Zetteln) legere queat, & tandem (4) quia singulare Dei mandatum de Sacerdotum V. T. nævis habeatur Lev. XXI, 16-24. Ad has rationes contrarias postquam respondit, in primis duo argumenta, conscientiam suam stimulantia ad licentiam modò dictam urgendam, affert; alterum desumit ex verbis Christi, Matth. XX, 6; alterum autem ab aliorum exemplo. Tandem se informationem petere ait, quo conscientia suæ tranquillitati consulatur.

#### LVBECAE.

Sumtibus *Petri Böckmanni* prodiit *Johannis Mölleri*, Flensburgensis, Scholæ Patriæ Rectoris, *Diatriba de Helmoldo*, *Presbytero in Wagriâ Bosoviensi*, Historico Sæculi Æræ Chr. XII. incluto, ejusque *Chronico Slavorum*, & hujus Continuatoribus atque Editoribus. Lubecæ 1702. (5½ plag. in 4.)

Hujus Diatribæ §. 1. Scriptionis occasionem proponit. §. 2. Observat, quomodo nomen *Helmoldi* à Scriptoribus variis, antiqvis pariter ac recentioribus, depravatum sit. §. 3. Eum Scriptoribus Cimbriæ indigenis accenset, atque S. *Vicelini*, Episcopi Aldenburgerensis, & *Geroldi* discipulum, *Bosoviensis* Ecclesiæ, ad Lacum *Plönensem*, Ministrum, non autem Presbyterum *Wagiensem*, nec Canonicum *Buzoviensem*, nec *Batsoniensem* vel *Batsoniensem*, nec Presbyterum *Lubecensem* & Canonicum *Bosoviensem*, nec denique Episcopum *Ratzeburgerensem* fuisse scribit. §. 4. Quomodo Christianismi semina inter *Wagrios* spargere studuerit, narrat. §. 5. Tempus, quando vixerit, definit, de anno emortuali cum *Henr. Bangerto* aliisque nihil certi statuens. §. 6. Ejus libri, *Chronici* nempe *Slavorum*, hortatu *Geroldi* scripti,

Scripti, itemqve temporis quo concinnare cœptum, meminit. §. 7. Scriptionis finis primarii, & divisionis *Chronici* mentionem facit. §. 8. agit de primâ *Chronici* hujus à *Sigism. Schorckelio* Francof. ad Moen. ann. 1556. (in 4to.) & 1573. factâ editione. §. 9. de *Reineccianâ*, Francof. 1681. (in fol.) longè emendatiori & pleniori. §. 10. Editionem *Helmoldi ac Arnoldi* per Decretum Sacræ Congregationis, die. 4. Februarii anno 1627. promulgatum, legi vetitam esse dicit, ac censuras quorundam Pontificiorum iniquas de editione *Schorckelianâ & Reineccianâ* affert. §. 11. Defectum editionis *Reineccianæ* attingit, quem seorsim anno 1609. in *Scriptorum de Rebus Germanicis Septentrionalibus Syntagmate*, Francof. (in fol.) publicato, supplevisse *Erpoldum Lindebrogium*, §. 12. & hoc supplementum, cum mendosè editum esset, emendatius denuò anno 1624. seorsim publicatum fuisse ait ab *Henr Meibomio*, Seniore. §. 13. s. Editionem *Bangerinam* considerat, quæ Lubecæ anno 1659. (in 4to.) prodiit. Hujus Curriculum vitæ brevibus etiam proponit, addens simul judicia tum aliorum, tum suum de *Henrico Bangero*, ejusque labore, *Helmoldo atq; Arnoldo* impenso. §. 15. Codicibus *Chronici Helmoldino-Arnoldini* Manuscriptis, *Lubecensi* videlicet, *Diestelmeieriano*, *Stetinesi*, *Ranzoviano* & *Böckeliano* adjungit *Hafniensem* Bibliothecæ Academicæ, & *Gottorpiensem*. §. 16. Docet, cur Viri eruditi *Helmoldum* certatim edendum, emendandum, ac illustrandum sibi sumserint? porrò apponit laudes illi à Scriptoribus in Studio Historico versatissimis tributas, & quidem §. 17. ab *Arnoldo*, Abbate Lubecensi, §. 18. à *Presbytero Diœceseos Bremensis Anonymo*. §. 19. ab *Alberto Krantzio*, §. 20. à *Matthiâ Flacio*, Illyrico, *Job. Wolfio*, §. 21. à *Gerh. Job. Vöffio*, *Henr. Meibomio*, Sen. *Hermanno Conringio*, *Casp. Sagittario*, *Job. Henr. Bœclero*, *Casp. Danckwerthio*, *Henrico Meibomio*, Jun. *Henr. Bangero*, §. 22. à *Conr. Sam. Schurtzfeischio*, *Mich. Hertzio*, *Jacobo & Mellen*, denique à *Gosfr. Arnoldo*. §. 23. s. Ea, quæ obelo nonnulli in *Helmoldo* notarunt, à sinistra interpretatione vindicat. §. 26. Lectores, de Auctore citato plura scire qui desiderant, ad alios

lios remittit Scriptores. Hinc pergit dicere de Chronici Hel-  
 moldini *Continuatoribus*, & quidem §. 27. de *Arnoldo*, cujus vi-  
 tam describit. §. 28. meminit quo dictionis genere, & quã  
 methodo usus sit. §. 29. ostendit Supplementi *Arnoldini* jam  
 Sæculo XVto æstimium, item §. 30. quater illud esse editum,  
 nec non editionum illarum historiam. §. 31. sistit Encomia-  
 stas *Arnoldi* ejusque *Supplementi*, nempe *Henr. Meibomium*, *Sen.*  
*Gerh. Job. Vossium*, *Job. Ern. Gerhardum*, *Petrum Lambecium*, *Henr.*  
*Bangertum*, *Conr. Sam. Schurtzfleischium*, & *Jac. à Mellen*. §. 32. mo-  
 net, quod in Supplemento *Arnoldino* quædam desiderent eru-  
 diti. §. 33. Auctores illos, de *Arnoldo* plura habentes, recenset,  
 §. 34. de *Anonymo, Dioeceseos Bremensis Presbytero*, agit, & §. 35-38.  
 hujus *Historiam Continuationis Chronici Slavorum Helmoldi* exhibet.  
 §. 39. Aliam fictitiam & editione haud satis dignam adducit.  
 §. 40. Errorem *Joach. Molleri* taxat, & Epilogum subjungit.

Mense Februario c. a. pag. 55. dedimus descriptionem &  
 effigiem *Vermis Hannoveræ* per alvum ægræ foeminae excreti.  
 Super singulari hoc casu in Academiã Hallensi die 28. April.  
*Joh. Jacobus Stangius*, *Servestã-Anhaltinus*, Disquisitionem Me-  
 dicam pro Doctoris dignitate impetrandã instituit, quæ sub hoc  
 titulo prodiit: *Curiosa Pulli Gallinacei in femina Cachecticã for-*  
*mati Historia*. In ipsa Disquisitione Auctor curiosum hunc fœ-  
 tum non vermem sed pullum gallinaceum fuisse probat, qui  
 ortum suum traxerit ex gallinæ ovo, eoque exiguo, nondum  
 parto atque incocto, qualia ex gallinis & avibus depromun-  
 tur exenteratis. Hoc ovum autem ab ægrã simul cum lacte  
 deglutitum atque per œsophagum ad intestinorum ductum  
 detrusum esse, ibique non tam in ipso ventriculo, (quoniam  
 ægræ propinata medicamenta proventum & genituram  
 hujus animalis potius invertendo destruxissent,) quam circa  
 initium intestinorum crassorum, & quidem valvulæ con-  
 venti coli adhæsisse, & in eo loco pullum exclusum sensim  
 incrementem signatam molem acquisivisse statuit.



# NOVA LITERARIA

## MARIS BALTHICI ET SEPTENTRIONIS,

*Edita Mense Septembri MDCCII.*

### GVSTROVII.

**T**Ypis Lembkianis impressa exstat Oratio illa, quam habuit *Joachim. Otto*, Rect. Gymnas. Güstrov. de *Fatis Güstrovii benignis sub Principibus suis*, occasione Recuperationis Ducatus Güstroviensis à Serenissimo Principe FRIDERICO WILHELMO, d.9. Maji, An. 1701. successione jure factæ. (3. plag. in fol.)

### ROSTOCHII

Die 5. Aug. Moderatore *Joh. Nic. Quistorpio*, SS. Th. D. ejusdemque P. P. nec non Pastore Nicol. & Minist. Rostoch. Directore, h. t. Facultatis suæ Decano. Collegii Schomeriani sæpius superioribus mensibus memorati de *novissimis Controversiis Theologicis Disputationem septimam*, Cap. X. de *libero Arbitrio*, & Cap. XI. de *Christo* sistentem, publicè ventilandam proposuerunt Præses *M. Henr. Ascan. Engelke* / Rostoch. SS. Theol. Cand. & Respondens *Petrus Voldkman* / Crivitz Mecklenb. (2½ plag. in 4)

Die 12. Aug. Præses *Caspar. Matth. Müller*. V. J. D. ac Inst. Imperial. Profess. Ducalis, Disputationem Juridicam de *Demonstratione Autoris in delictis*, Respondente *Johanne Müllert* / Lubecensi, habuit. (5. plag. in 4.)

Argumentum est hoc : Cap. I. *Generalia exhibentis* §. 1. Cur onomatologia præmittenda ? §. 2. Vocabulum autoris ex græco sermone descendit. §. 3. Variæ Vocabuli Autoris sunt acceptiones. §. 4. Demonstratio hic est nihil aliud, quam ostensio vel nominatio autoris. §. 5. Demonstratio autoris etiam fit in contractibus, & ad hanc demonstrationem requiruntur,

ut nominans autorem (1) rem nudè detineat, adeoque nullum in re jus prætendat, (2) ut nominatio fiat ante lit. contest. imò statim in primo termino. Delictum quid sit? Est vel publicum, vel privatum. In utroque locum habet demonstratio auctoris. *Cap. II. de Demonstratione Auctoris animo se liberandi facta*

§. 1. Furtum est contrectatio fraudulosa lucrificandi gratia vel ipsius rei, vel etiam usus ejus possessionisve. Ad furtum requiritur dolus malus. Furtum dividitur in manifestum & nec manifestum. Hujus distinctionis hodiernum superest usus. Furtum jure Romano dividitur in conceptum, oblatum, prohibitum & non exhibitum. Quomodo requisitio rei furtivæ in ædibus alienis facta fuit? Hæc requisitio non facillè concedenda. Ad illam requiruntur (1) publica magistratus autoritas, (2) certa indicia, aut suspicio contra aliquem. §. 2. Ut inventio rei furtivæ inducat suspicionem furti, attendenda est (a) personæ, apud quam inventa, qvalitas, (β) considerandum ubi res furtiva inveniatur. §. 3. Ut is, apud quem res furtiva inventa est, torqueri possit, requiritur, ut (1) sit vir suspectus, (2) ut autorem suum nominare nequeat. Suspectum faciunt (α) vita antea facta & fama, (β) nomen malum, mala Physiognomia, natio infamis, (γ) si quis clam à fure rem furtivam emerit, idque sæpius & vili pretio, (δ) domesticitas. Vir bonæ & integræ famæ autorem suum nominare debet. §. 4. Quid si is, apud quem res inventa, ab ignoto se eam emisse dixerit? §. 5. Qui ignoranter rem à fure emit demonstrando autorem liberatur à torturâ & omni pœnâ; qui autem sciens rem furtivam emit, demonstrando auctorem non simpliciter liberatur, sed reus furti est. §. 6. Qui rem furtivam emit, pretium non recipit, etiam si bonâ fide emerit. Nec protestatio hic quicquam juvat. Datur tamen emtori contra venditorem regressus. §. 7. Injuria est delictum privatum dolo malo in alterius contumeliam admissum. Ab animo injuriando non excusat auctoris demonstratio. §. 8. Judex obligatur in delictum inquirere, non tamen sine indiciis. Denunciatio indicium ad inquisitionem facit, si continet (1) expressionem delicti, (2) nomen denunciantis. §. 9. Ad incarcerationem non deve-

deveniendum sine iudiciis. Ad solam petitionem accusatoris nemo incarcerandus. §. 10. Iudex injustè incarcerans injuriarum tenetur. §. 11. *Qvi* libellum famosum divulgavit, ei demonstratio autoris non prodest. §. 12. *Qvi* injurias propalat ad palinodiam condemnatur. §. 13. Certis casibus, qvi injurias propalavit, excusatur. §. 14. Crimen læsæ Majestatis est duplex. Crimen falsæ monetæ variè committitur. Pœna ejus qvi falsam monetam sciens & dolo malo expendit, est ignis; jure Saxonico autem fustigatio & relegatio. Illi, qvi sciens & dolo malo in præjudicium aliorum monetam falsam expendit, etiam si autorem demonstrare velit, pœna mitiganda non est. §. 15. Falsum est delictum publicum, qvo in alterius præjudicium veritas dolosè immutatur. Falsum committit etiam is, qvi falsis instrumentis utitur. Liberatur à pœnâ si autorem nominare possit. §. 16. Hoc extenditur ad eum qvi falsis ponderibus est usus. *Cap. III. de nominatione autoris animo alium simul operandi facta* §. 1. Plus est mandare quam consule- re. Ex consilio nulla nascitur obligatio. §. 2. Consilium in- structorium in furto gravat consulentem. §. 3. *Qvi* consilium furandi dedit, ab omni pœnâ neutiqvam liberatur, secus si id ante commissum delictum revocat. §. 4. Mandatum est con- tractus consensualis de negotio aliquo licito & honesto gratis expediendo. Rei turpis non contrahitur mandatum. Mandans & mandatarius eadem pœna digni sunt. §. 5. Hoc quando proce- dat? De homicidio à mandatario commissio tenetur qvi occidi ex- presse prohibuit. De homicidio non tenetur, qvi alapam tantû dari jussit. §. 6. *Qvando* mandatario pœna mitigetur. Regula, qvòd mandans & mandatarius eadem pœnâ digni sint, decla- ratur (1) exemplo homicidii. In assassinio mandatarius gra- vius punitur, quam mandans. §. 7. (2) Exemplo diffidationis. (3) Exemplo incendii. *Qvi* magicis artibus alterum occidit, capite plectitur. Idem in eo cujus mandato factum. §. 8. Autoris & simul socii nominatio legitimè facta indicium est ad torturam. Testi non creditur, nisi dicti sui rationem red- dere

dere possit exsensu desumptam corporeo apto illi rei de qua agitur. Sagæ confessio, quod quendam viderit in monte Bructerorum, nihil operatur. §. 9. Ad nominationem auctoris legitime factam requiritur (1) ut fiat ad interrogationem iudicis, §. 10. (2) ut iudex de omnibus circumstantiis interroget, (3) ut hæc nominatio fiat absque affectu, (4) ut in nominatum cadat ejusmodi delicti suspicio, tandem (5) ut nominans in nominatione & demonstratione auctoris & socii criminis perseveret.

Die 19. Aug. Moderante Jo. Petro Grunenberg/SS. Theol. D. & P. P. nec non Consiliario Consistoriali, & Distr. Mecklenburgici Superintendente, Collegii paulo ante laudati Disputatio *Octava*, sistens ex Cap. XI. doctrinam de officio Christiani specialius, nec non de Statibus Christi, & Cap. XII. de Prædestinatione & Gratiâ, ventilata est à Præside M. Henr. Ascanio Engelke/ jam memorato, & Respondente Joach. Vric. Passow. Mecklenb. (2½ plag. in 4.)

Die 26. Aug. sub Præsidio Jo. Fechtii, SS. Theol. D. P. P. Consist. Ducal. Assessoris, nec non Distr. Rostoch. Superintendentis, Meletema Theologicum de Veritate Cœlesti, publicè defendendum fuit Autor & Respondens Dietericus Hermannus Kemmerich, Palæo-Marchicus, S. Theol. & Philos. Studiosus. (9½ plag. in 4.)

In præmio postquam de Veritatis præstantiâ dixit Auctor, se operam omnem ab initio in tria distribuisse Capita affirmat, quorum prius scilicet agere debuerit de Veritatis cœlestis natura, secundum, de ejusdem signis, & tertium deniq; de Mediis Veritatis Cœlestis. Sed cum ita in nimiam magnitudinem excrevisset opus, solum ergò primum exhibet Caput. Hujus Sectio I. est *Didascalica*, investigans *Onomatologiam* & *Pragmatologiam*. Et hæc iterum Veritatis Cœlestis Definitionem, Formam, Materiam, Causas, Finem, nec non Principium & Conclusiones ac tandem oppositum ejus considerat. Sectio II. est *Elenctica*, & hic

MENSIS SEPTEMBR. M DCCII. 255

& hic inprimis agit contra *Ennonem Rudolph. Brenneysenum*, J.V.L. Advoc. Gen. Othfrif. aliosque Indifferentistas.

Die 30. Aug. sub Moderamine *Andr. Danieli Habichhorstii*, S. Theol. D. ejusdemque P.P. & Consiliarii Consistorialis, Collegiique Ducalis & Facultatis Theol. nec non totius Acad. Senioris, semel iterumque paulo ante dicti Collegii Schomeriani Disputationem *nonam*, Cap. XIII. & XIV. de *Fide. Justificatione & Bonis Operibus* sistentem, censuræ publicæ submiserunt Præses *M. Henr. Ascan. Engelke* / Rostoch. SS. Theol. Cand. & Respondens *Christianus Dreyer* / Rostoch. (2½ plag. in 4.)

GINGESTAE in RVGIA.

Die 5. Julii terræ mandabatur *M. Augustinus Lemmius*, Pastor & Præpositus Gingstensium. Natus ille est Patre *Christophoro Lemmio*, Circuli Posericensis Seniore, qui quinque Septimanarum intervallo amisit tres Filios, *Augustinum*, modò nominatum, *Georgium Christophorum*, Ecclesiæ Nicolaitanæ apud Stralsundenses Archi-Diaconum, Philosophiæ Magistrum, d. 10. April. c.a. denatum, & *Johannem*, itemque *Nurum*, nec non tres Affines. Obiit anno ætatis quadragesimo, ex Coniuge simul cum eo, vel paucis modò ante illum horis, mortua, quinque liberos relinquens.

STRALESVNDÆ

E Typographiâ Heredum Mederianorum prodiit *Concio Funebris* à *M. Georg. Christoph. Lemmio*, Ecclesiæ Nicolaitanæ Archi-Diacono, *vv̄ es̄ ayiis*, d. 7. Decembr. an. 1701. in funere *Mariæ Buchinn* / Viduæ *Pütteriana*, ex Rom. VIII, 38. 39. habita. (12. plag. in fol.)

Porrò: *Oda Gratulatoria*, quæ personuit in *Jubileo Gamico*, à *Christiano Spalhaber* / Pastore Wykiensi, nec non Wittaviensis atque Jasmundensis Circuli Præposito, cum uxore *Anna Berens* / post 50. annorum Coniugium, celebrato. (1. plag. in fol.) (Similia Jubilæi Gamici exempla Nov. Lit. 1700. & 1701. p. 382. suppeditant.)

Die 23. August. Præside Rectore Acad. *D. Jo. Frid. Mayero*, S. Theol. Prof. Prim. Facult. Theol. Decano, Vniversitatis Pro-Cancellario, Consist. Regii Præsidi & Superint. Generali, *Bibliothecam Biblicam*, complectentem qui perpetuos in Scripturam S. Cômmentarios scripserunt ex Pontificiorum Ordine, publicè exhibuit *Johannes Krügerus*, Dorpato-Livonus. (2. plag. in 4.)

*Num. I.* monstrat, quare neglectis Patribus à Sæculo demum nono, & quidem à *Rabano Mauro* ordiatur. *Num. II.* sistit *Anselmum Laudunensem*, qui auctor esse perhibetur *Glossæ Interlinearis* in univèrsa Biblia, item *Strabum Fuldensem*, auctorem *Glossæ ordinariæ*. *Num. III.* *Dionysium de Leeris*, ejusque *Commentarios in universos Scripturæ libros*, Voluminibus VII. in fol. constantes, Colon. an. 1533. excusos. *Num. IV.* *Hugonem Victorinum*, s. de S. Victore. *Num. V.* *Nicolaum de Lyra*, qui univèrsam S. Scripturam Postillis perpetuis, seu brevibus ad literam Cômmentariis, aliisque prolixioribus moralibus illustravit, & *Paulum de S. Maria*, à quo notabiles additiones ad Lyrani postillas sunt scriptæ, nec non *Matthæum Doring*, qui replicas contra Paulum Burgensem s. de S. Maria in lucem emisit. *Num. VI.* exhibet *Biblia Glossata Duacensis*. *Num. VII.* adducit *Isidorum Clarium Brixianum*, qui in totum Bibliorum corpus Scholia composuit. *Num. VIII.* *Joannem Benedictum*, qui Scholia ex Sanctis ac vetustis Patribus nominatim citatis collegit in univèrsam Scripturam, eaque adjecit vulgatæ Bibliorum editioni à se recognitæ obeliscis & asteriscis distinctæ. Paris. 1541. *Num. IX.* profert *Thomam de Vio Cajetanum*, cujus Cômmentarii in omnes libros Biblicos, exceptis Cantico Canticorum, Prophetis, (nisi quod tria priora Esaiæ Capita illustravit) & Apocalypsi, existant. *Num. X.* denique *Thomam Malvendam*, qui per septennium in novâ Scripturæ Versione ad verbum Com-

Commentariisqve concinnandis laboravit, in quibus tamen per fata non licuit ei ultra XVI. Cap. Ezech. pervenire.

Die 27. Aug. Rector & Senatus Vniversitatis Gryphiswaldensis *Programma* ediderunt, quò promulgabatur, quòd juxta Illustriss. *Regimini Sedinensis* de 26. Jul. c.a. Decretum, ad tenorem Rescripti Regis Augustissimi, CAROLI XII. propè Varsaviam Polonorum in Castris, d. 20. Maji dati, conceptum, Civibus Acad. Gryphicæ à Duellis atqve Dimicationibus non abstinendum sit modo, sed quòd etiam illi, qui ex aliis Academiis, eò quòd cum Commilitonibus suis manus conseruerunt, relegati & proscripti sunt, à Musarum Gryphicarum consortio in omnem ætatem sint excludendi. (Similis Programmatis in Acad. Regiomontanâ promulgati suprà Mense Julio p. 196. mentionem fecimus.)

Sub Præsidio *Brandani Henr. Gebhardi*, Sacrarum Literarum D. ac P.P. Facultatis Philos. h. t. Decani, Disputationem Philologicam, exhibentem *Vsum Cabbala* in tria Capita priora Genes. publico examini stitit *Francisc. Wischmannus*, Dondanga Curonus. (2½ plag. in 4.)

### GEDANI

Die 3. Aug. D. *Samuel Friedericus Willenberg* / Juris & Histor. Prof. P. & Inspector, disputabat *de dubiis Juramentorum formulis*, Resp. *Gottliebo Schelvgigio*, Gedan. (1½ pl. in 4.)

Summa hæc est: §. 1. Veritas ac fides juramento firmatur. §. 2. Etymologia vocis Juramenti, & realis ejus definitio. §. 3. An jurare licitum? §. 4. An verbis opus ad juramentum? §. 5. Ejus forma substantialis est Invocatio DEI. §. 6. Forma juramenti accidentalis. §. 7. Quare solennitates externæ ad illud requirantur. §. 8. Ad cujus religionem formula juramenti accommodanda. §. 9. Formula juramentorum certa vel dubia. §. 10. An inferat juramentum Verba: *Ego juro*? §. 11. An illa: *Hoc faciam, Deus me adjuvet*? §. 12. An verba per animæ salutem dicta? §. 13. An assertio per Evangelia. §. 14. An quæ loco

loco juramenti facta? §.15. An per verbum æternæ veritatis? §.16. An aliæ graves assertiones? §.17. An si personæ illustres promiserint. sub fide? §.18. An per creaturas jurare liceat? §.19. An per salutem Principis. §.20. Per Genium Principis jurare prohibitum. §.21. An si per falsos DEos juratum, sit verum juramentum? §.22. An gentilem ita jurantem Christianus admittere possit? §.23. *Quæ* verba non inferant juramentum? §.24. Effectus juramenti. §.25. Contra illud opus relaxatione. §.26. Maledicta non sunt impunia.

*M. Friedericus Christianus Bücherus*, ad D. Catharinæ Ecclesiastes, D. J. W. Zieroldi crassis calumniis, quibus præcipuè doctrinam nostram de *notitiâ spirituali irrogenitorum* seu impiorum, & *fide justificâ* in præfat. Comment. super Epist. ad Rom. Socinismi, Arminianismi & Papisimi accusare non erubuit, demonstrato vero inter notitiam literæ & spiritus discrimine, paucissimis respondit, & Antecessorum fraudes in refutatione *Platonis Mystici* ac *defensione Theologie mysticæ*, hujusque primaria fundamenta, nec non Hallensis anonymi *Lutherum Antipietistam* allatrantis præstigias detexit. Scripti titulus est:

*γνώσις ψευδάρου* Ⓞ, h. e. *Dogma fanaticum de Notitiâ Literali & Spirituali, ita discussum, ut Theologastri Stargardiensis & Antecessorum Præstigia, nec non fundamenta errorum præcipua in Theologiâ Mysticâ detegantur, & Judicio Ecclesie Evangelico Lutherana exponantur à Friederico Christiano Büchero, Saxone, ad D. Catharina Ecclesiaste Gedanensi. Witeberge, Literis & sumpt. Joh. Mich. Goderitschii, A. C. 1732.* (4. plag. in 4to.)

## REGIOMONTI

Pro-Rector & Senatus Acad. Regiomontanæ *Festo Pentecostes*, five primitiarum Ecclesiæ Christianæ, in Honorem *Spiritus Sancti* Programma de *Oblatione duorum panum primitiarum* ex Levit. XXIII, 15-24. proposuerunt. (1½ pl. in 4.)

Die 30. Aug. habita Dissertatio de *Lingua Latina Prærogativa*, Præside *M. Christiano Masceovio*, Regiomont. Pruss. & Respondente *Johanne Dösel* Regiomont. Pruss. Pri-

Primum in hac Dissertatione Prærogativa relinquitur Lingvæ Hebrææ & Græcæ, ratione Sanctitatis & antiquitatis; Latinæ verò adscribitur ea ratione hodierni usus, & quidem ex triplici argumento. I. Quod Latina Lingva sit *Lingva Doctorum & Sapientum*, quâ eruditi per totam Europam scripta hodiè exarant, & in omnibus Academiis disputant. II. Quod sit *Lingva Magnatum*, quâ Magnates per totam Europam imò & per alia loca extra Europæ terminos in rebus maximè seriis utuntur, v.g. in monetis, numismatibus, monumentis, Literis, Legationibus, Confœderationibus Tractatibusque diversarum Nationum. III. etiam, quod magna ex parte sit *Ecclesiæ Lingva*, quâ tot habita sunt Concilia, tot Commentarii in S. Scripturam extant, & nostræ quoque Ecclesiæ Libri Symbolici conscripti sunt. Probatâ sic Lingvæ Latinæ prærogativâ, diluitur objectio, Gallicam Lingvam, propterea, quia hodie apud multas gentes in deliciis est, de Prærogativa cum Latina contendere non posse, quod illi hujus tria recensita prædicata eodem modo minimè competant. Solutâ objectione causæ adducuntur tantæ Latinæ Lingvæ Prærogativæ (1) per ἀρετήν, non esse causam ejusdem facilitatem, non elegantiam, neque quod mater sit multarum Lingvarum; (2) per θείον, sed quod olim Romani dominantes suam Lingvam voluerint habere dominantem, quod perfecere (1) Græcæ Lingvæ usus publici abolitione (2) constanti suæ Lingvæ proplantatione. Quod verò etiam ad ea loca pervenerit usus Lingvæ Romanæ, ad quæ non penetraverant arma Romanorum, causa sistitur, quod gentes ceteræ libenter paterentur excoli à Romanis, laudabilibus institutis præ aliis Nationibus omnibus refulgentibus, quò facillè fieri potuit, ut cum Institutis Romanorum simul eorum Lingvam reciperent. Sed plurimis in locis sublata Romanorum potestate, eorum Lingvæ usus tamen permansit. Defecit etiam multis in locis Latina Lingva, rursus tamen mirum in modum exulta. Attribuuntur hæc Providentiæ divinæ, quæ servare voluit Romanam Lingvam (1) quo

perpetua Romanæ Monarchiæ esset memoria. (2) Quò diversæ Nationes haberent commodissimam aliquam communem Lingvam, quâ Tractatus & confœderationes citra omnem invidiam commodissimè conscribi possent. Denique ad sedulum Latinæ Lingvæ studium brevis annectitur admonitio.

Die 31. Aug. *D. Bernhardus von Sänden*, Jun. Prof. Theol. Ordinarius, & h. t. Decanus, Decadem XIV. Thesium controversarum, *de falsis Pontificiorum Sacramentis*, exhibuit, Respondente *Matthiâ Senfftenberg* / Soldav. Prussio, Scholæ patriæ Rectore. (plag. 2 $\frac{1}{2}$  in 4.)

*D. von Sänden*, Ser. edidit *Catechisationem Germanicam*, sive, *Kinder-Lehre* / in welcher der Catechismus Lutheri / und dessen Verstand auff's kürzeste und einfältigste erläutert wird / nebst einer Vorrede von Einrichtung der Catechismus-Lehre / wie auch Fragen und Gebetlein auff die vornehmsten Fest-Tage des Jahrs / und einigen Gebetern / so des Morgens und Abends / dann auch vor und nach der Beicht und Heil. Communion zu gebrauchen sind. Königsberg / gedruckt und verlegt von den Neufnerischen Erben. 1702.

## RIGAE.

Die 1. Jul. *M. Liborius Depkin*, Rigenfis, Liborii filius, ad Templum Petrinum Pastor, Ministerii Rigenfis Superintendens constitutus est in locam *M. Davidis Caspari*, cujus obitum suprâ mense Martio p. 79. s. recensuimus. Anno 1688. d. 30. Octobris Concionator Aulicus Gen. Gubernatoris, Comitiss Hassfer, vocatus ille est, & d. 14. Decembr. ejusdem anni Pastor ad templum Jesu. Anno currente 1702. d. 7. Martii sparta Pastoris Cathedralis, nec non dignitas Assessoris Consistorii Regii Rigenfis ipsi collata. Die 23. Aprilis modò dicti anni Pastoris Petrini munus illi fuit demandatum.

*Scripta Ejus*

*De Lumine Natura* Disputatio. Jenæ.  
Conciones quædam diversi argumenti.

Post-

Postquam tali modo brevissimam Superintendentis Rigen-  
sis *Βιογραφία* dedimus, haud incongruum fore arbitramur, si & reliquorum Reverendi illius Ministerii membrorum vitas hac occasione breviter describamus.

*M. Arnoldus Fuhmann*, Rigen-  
sis, primùm Illustriss. *Benedictus ab Oxenstierna*, S.R. M. Senatori Primario & Comiti in Kors-  
holm &c. fuit à Concionibus sacris. Deindè anno 1690. d. 21.  
Martii ad D. Johannis in Patriâ, & mox an. 1691. d. 9. Septembr.  
ædis Cathedralis Diaconus vocatus. Dehinc an. 1698. d. 11.  
Augusti, Archi-Diaconus Petrinus & Ecclesiastes Sabbathicus,  
tum an. 1700. d. 22. Jun. Archi-Ecclesiastes, & tandem an.  
1702. d. 23. Aprilis Pastor Ecclesiæ Cathedralis, nec non Af-  
fessor Consistorii Regii constitutus est.

*Disputationes sequentes habuit.*

In Gymnasio patriâ sub Præsidio *M. Davidis Caspari*, t. t.  
Philos. Prof. an. 1683. d. 5. Novembr. de *summo Bono Civili*  
Disputationem Ethicam ventilavit. (2. plag.)

In Vniversitate Wittebergensi Præside *Jo. Fried. Mayero*,  
Doct. & Prof. t. t. Theologo Witteb. nunc Pomeraniæ Citerio-  
ris Rugiæque Superintendente Generali, an. 1685. d. 5. Jan.  
*Eclogas Evangelicas* ad Evang. in Fest. Epiphan. proposuit.  
(plag. 2½)

Sub umbone *Georg. Casp. Kirckmayeri*, Orator. Prof. Publ.  
Witteb. an. 1686, d. 27. Febr. de Oratore Civili & Ecclesiastico  
disputavit. (plag. 5.)

Anno 1702. d. 9. Martii edidit *Iussa Solemnia* in obitum *B.  
M. Davidis Caspari*, Superintendentis Reg. Consist. Rigen-  
s. Assess. Primar. ad D. Petri Pastoris, S. S. Theol. in Gymnasio Prof.  
& Scholæ Cathedr. Inspectoris. (2. plag.)

*Liborius Depkin*, Hieronymi Filius, Rigen-  
sis, natus est an. 1652. d. 20. Septembr. Pastoratui Lemsaliensi & huic annexæ  
Catharinianæ Parochiæ an. 1681. d. 21. Febr. præficietur. Post-  
ea an. 1690. d. 21. Martii ad Pastoris Johannitani munus in Pa-  
triâ

triâ obeundum vocabatur, cui an. 1702. d. 7. Martii Assessoris  
 Confist. Rigens. dignitas accessit.

*Exercitia ipsius Academica, quæ Disputando & ligata  
 Germanica perorando publici juris fecit,  
 sunt sequentia.*

*Τεσσαρακοντασιχθα (Germanicè Sonnetten) in totius anni  
 Evangelia. Rigæ, 1681. (in 8.)*

*Imago Dei deperdita, in Christo verò recuperata, ipsis Feriis Natalitiis  
 depicta. Rostoch. an. 1676. (in 4.)*

*Jesus patiens. Lipsi. 1677.*

*Carmen Pastorale de pace Wismariensium gratulatorium, Rostoch.  
 circa an. 78. (in 4.)*

*De Mundo Disp. 1673.*

*De Cognoscibilitate Disp. Præside B. Zach. Grapio, Rostoch. 1674*

*Semicenturia Ihesum Miscellaneorum Philos. 2. Dissp. Præside  
 Jac. Hieron. Lochnero, 1675. sing. in 4.*

Si pacem & vitam Deus largiturus est, publicæ luci exponere  
 constituit aliquot fasciculos *Miscellaneorum Tessaradecassicorum*  
 super *Epistolas Dominicales, tugubres, nuptiales alteriusque farinae.*

*Erhardus Schneer*/Elbingâ Prussus, an. 1682. d. 5. Febr. Ad-  
 junctus Dunemündensis in Livoniâ, eod. anno, d. 2. Junii Pastor  
 Neomündensis, & an. 1684. d. 9. Octobr. Pastor Dunemünden-  
 sis constitutus. Hinc. an. 1688. d. 8. Jun. fiebat Pastor Wen-  
 densis, an. 1692. d. 22. Jul. Ecclesiastes Rigensis, ac tandem an.  
 1702. d. 29. Aprilis Ecclesiastes primarius.

*M. Johannes Brockhausen*, Riga Livonus, lucem adspexit  
 an. 1671. d. 4. Febr. Postquam per septennium fermè Lipsiæ  
 studiis operam navaverat, finitisque itineribus in patriam ré-  
 versus erat, primùm an. 1698. d. 11. Aug. Diaconus Templi Ca-  
 thedralis; deindè an. 1700. d. 17. Julii Diaconus ad D. Petri, &  
 tandem an. 1702. d. 23. Aprilis Ecclesiastes Templi Cathedralis  
 vocabatur.

*Quatuor Disputationes habuit Lipsiæ*

1. *De mediis peruestigandi veritates rerum naturalium*, sub Præsidio Joh. Cypriani, tum Licentiati, jam Doctoris, an. 1693. d. 18. Febr.
2. *De Philosophiæ in Theologia usu*, Dissert. I. Præside Jo. Schmidio, tum Licentiato, jam Doctore, an. 1694. d. 13. Jan.
3. *De Philosophiæ in Theologia usu*, Dissert. II. Præside modò dicto, an. 1695. d. 13. Jul.
4. *De Philosophiæ in Theologia usu*, Dissert. III. pro loco in Facultate obtinendo, an. 1696. d. 27. Maj.

*Johannes von Diepenbrook*, Riga Livonus, vitæ usura frui cœpit an. 1670. d. 6. Jan. Quum per trium annorum spatium studiorum causa Lipsiæ commoratus esset, postmodum ad Ministerium Ecclesiasticum vocatus in patriâ est, & quidem an. 1698. d. 1. Jul. Adjunctus in Suburbio, nec non Pastor ibidem ad S. Georgii an. 1700. d. 24. Jul. constitutus. Dehinc in urbem ipsam concedens, an. 1701. d. 6. Decembr. ad Templum Cathedrale Diaconi, & an. 1702. d. 25. Aprilis ad Templum primum, Petriam dictum, Archi-Diaconi munus ipsi fuit de-  
mandatum.

*Disputavit*

Sub Præsidio D. Jo. Benedicti Carpzovii de Regali Fidelium Sacerdotio. Lipsi.

*M. Antonius Guldensadt*, Rigenfis, in lucem editus est an. 1656. d. 25. Jul. Pastoratui Ecclesiæ Holmhofiensis in Diœcesi Rigenfi an. 1687. d. 10. Aug. præfectus, quem an. 1697. d. 9. Aug. cum Steinholfmensi & Oleinensi in eadem Diœcesi commutavit. Huic præfuit usque dum illi an. 1702. d. 7. Martij vocatio ad D. Johannis Ecclesiam, quæ Rigæ est, obtingeret.

*Disseruit*

*De Zelo Jehu adversus Achabitas & Baalitas* ex II. Reg. X. Præside D. Valentino Alberti, 1685. d. 5. Maji.

*Christianus Lauterbach*, Vthino-Holsatus, an. 1695. d. 15. Febr.

Febr. in Suburbio Adjuncti, & an. 1697. d. 1. Septembr. Pastoris Holmhofiensis spartam obtinuit; Hoc anno 1702. d. 3. Maji vocatio ad Diaconatum Templi Cathedralis illi obtigit.

*M. Adamus Andree*, Riga-Livonus, an. 1701. d. 14. Octobr. vocatus est Diaconus Legionis illius, cui præest Illustriss. Liber Baro & Livoniæ Gubernator Regius, *Carol Gustavus Frölich*. Mox à vocatione ad subeundas Concionatoris vices in expeditione bellicâ adversus Moscovitas ad Livoniæ fines missus. Hinc, quum per aliquot menses muneri huic sacro fecisset satis, an. 1702. d. 8. Apr. Pastoratui Georgiano in Suburbio præfectus est.

*Disputationem Theologicam ventilavit*

Sub umbone *D. Valentini Velthemii de Indifferentismo Religionum profigato*, an. 1696. Jenæ.

Die 5. Aug. tres Candidati à *M. Liborio Depkin*, Superintendente Regio supra dicto, ad Ministerium sunt promoti & ordinati, videlicet:

1. *M. Röttgerus Rigeman*, Pastor Pinckenhofiensis.
2. *M. Georgius Ludovici*, Past. Holmhofiensis.
3. *Wilhelmus Rode*, Adjunctus Suburbanus & Pastor Pickerenfis.

Die 26. Aug. *M. Daniel Eberhard*, antea in Pernaviensi Academia LL. Orient. Profess. & non ita pridem SS. Theol. in Gymnasio Rigensi Professor in locum *B. M. Davidis Caspary*, de quo paulò ante mentionem fecimus, constitutus, Professionem hanc demandatam auspicaturus Orationem Inauguralem de verò *Atheismi causis* habuit. Brevi ante etiam, quum Scholæ Cathedralis Inspectionis munus, quod similiter morte *Caspary* modò laudati erat orbem, obiret, de *Impedimentis Eruditionis solida* argumentum discussit.

#### HAFNIAE

Die 30. Augusti, avito in Æde D. Virginis sepulchro illatus fuit *Christiannus Langius*, Collegii & Convictorii Regii Præpositus. Qui an. 1671, natus Patre *Wilhelmo Langio*, S. R. M. Consil. Cancell-

cellariæ, in supremo justitiæ Tribunali Affessore, & Mathematicum in Academia Havniensi Professore &c. Matre *Anna Resenia*, utriusque Resenii filia & nepte, post absoluta partim domi, partim in schola Havniensi metropolitana, Studiorum *προπαιδευματα*, civibus Academiæ Havn. A. 1689. munificentiæ vero Borrichianæ in Collegio Mediceo alumnis An. 1691. adscriptus, ter *Præses*, semel *de Ara Dei Ignoti Act.* 17. bis de *superstitioso lapidum apud veteres usu & cultu*, Respondens autem semel *Præside D. Wandalino de discrimine peccatorum actualium primario* e Psal. 19. disputavit. Hinc ab An. 1694. ordinis 5. in Schola Havn. per triennium Progymnasta, ut pulveris Scholastici molestiam dilueret, An. 1697. ad externos profectus, præcipuos *Belgii eruditos Gröningæ, Franckera, Amstelod. Ultrajecti, Leydæ, &c. Angliæ item Oxonii & Londini, Germaniæque Hala, Jenæ, Dresdæ, Wittebergæ, Lipsiæ, Hamburgi, Lubeca &c.* florentes invisit. In patriam redux A. 1699. varios passus afflictæ valetudinis assultus an. superiori 1701. Communitati Regiæ à summe Vener. Facultate Theologica præfectus fuit; ad alia haud dubie enixurus nisi indomita pthiis eos pulmonaris & fatorum violentia maturius eum dejecisset.

*D. Hennii Bornemannii* Sialandiæ Episcopi Prof. Theol. & Facult. Theol. Decani, *Descriptio Vnctionis Regiæ*, Augustiss. Regis FRIDERICI IV. & Sereniss. Reginæ LVDOVICAE An. 1700. Fridericiburgi peractæ, vernacula, sub prælo jam fudat, propediem in fol. proditura.

*Johannes Laurentius*, Grammateus Regius, Consistorii Affessor, Reg. & Acad. Typographus, in *Auctario Musei Regii*, quod ante sexennium edidit *D. Oligerus Jacobaus*, adornando strenuè versatur, propediem quoque in fol. edendo.

*Idem Præcepta Scholastica*, per omnes Daniæ & Norwagiæ Scholashuc usque recepta, Auctoritate Regiæ à Professoribus Academiæ Havniensis emendanda, & faciliiori juventutis usui accommodanda, recudere cœpit, facto à minoribus initio, ad majora perrecturus.

*M. Severinus Lintrupius* Design. Philos. & Theolog. Prof. in Vnivers. Havn. & Cathedr. Scholæ Berg. Rector, *Syntagmaticæ Controversiarum Anti-Pontificiarum Danicæ*, (de quo N. L. 1701. p. 52.) ultimo ferali incendio Bergenſi, cum aliis ipsius libris & manuscriptis consumti quidem, sed ex schedis & collectaneis quodammodo reconcinnandi, *specimen*, in controversia una forte aut altera e loco de *S. Scriptura*, cum *αὐτὰρ ἑαυτοῦ* operis & indiculo controversiarum proximè publicabit, tentaturus, an non Bibliopolæ aut Typographi alicujus animum expugnare queat & inducere, ad promovendam sumptibus suis, totius Voluminis usui Ecclesiæ Arctoxæ destinati editionem.

## OTHINIAE

*M. Elias Naur*, Græcæ L. in Gymnasio Othin. Prof. P. post edita quamplurima maximè practica opuscula, quorum bonam partem novis hisce Literariis identidem inseruimus, novum de *charitate fidelium & Christianorum tessera* opusculum vernaculum typis paratum habet, dilectionis Christianæ necessitatem variis meditationibus ex pluribus Scripturæ S. locis ostensurum.

*M. Thomas Broderus Bircherodius*, Eloqv. in Gymnasio Othi. Prof. & Cathedralis Scholæ Rector, præter alia in N. L. 1698. p. 143. & 186. memorata scripta partim editioni matura, partim affecta, *Historiam* quoque *Naturalem Fionie* molitur,

## SLESVIGAE.

Epistola illa de *statu Ecclesiæ in America*, quam superiori anno ex *Germanton* Pensylvaniæ ad *D. Henricum Muhlium*, Superintendentem Generalem, transmisit *Justus Falckner*, typis exscripta est sub hoc titulo: *Abdruck eines Schreibens an Tit. Herrn D. Senr. Mublen / aus Germanton / in der Americanischen Province Pensylvania, sonst Nova Svecia, den ersten Augusti, im Jahr unsers Hehls ein tausend siebenhundert und eins; den Zustand der Kirchen in America betreffend. (1½ plag. in 4.)*

Sistit in eâ Auctor primò duas impulsivas scriptionis suæ causas, quarum altera, favoris à D. *Mublio* sibi exhibiti memoria; altera *ejusdem* de significando Ecclesiæ statu mandatum. Hunc non adeò bonum esse scribit, cum *Aborigines* sive *Indi* in suâ adhuc dum versentur cæcitate, & exiguus, qui ibidem est, Christianorum numerus, ex variis constet Sectis, quas inter Quakerorum prævaleat. Porro addit triplicem Ecclesiæ ejusdem loci, tum quoad *confessiones*, tum quoad *Nationes* divisionem & in specie paululum prolixior est in describendâ, quæ ibi est, *Svecorum* Ecclesiâ. Tandem mentionem facit *Germanorum Evangelico-Lutheranorum*, & denique sibi videri ait, ad alliciendos & postmodum convertendos Indos aliasve Sectas organa pneumatica non parùm esse profutura.

KILONII.

Præside *Georgio Paschio*, Artis rationis, Philos. Primæ ac Moral. Prof. Ord. *παράδοξον* Morale: Et qui accipit, & qui nihil vel pauca dat liberalis est, publicè defendit *Joël Job. Kortbolt*, Kiloniens. Hofatus. (3. plag. in 4.)

Argumentum ita se habet: §.1. Liberalitatis laus. §.2. Ejusdem appellationis origo. Liberalitas imprimis decet hominem. Est necessaria ad tradendas mutuas operas. §.3. Non confundenda est liberalitas cum officiositate. Liberalitas quomodo differat à beneficentiâ? Is, qui eruditionem suam sine pretio cum aliquo communicat, propriè non dicitur liberalis. §.4. Liberalitas quomodo differat à justitia? Liberalis dat indebitum personæ, sed debitum speciei. Idem bonum aliis oblatum diverso respectu diversa induit nomina. §.5. Magnificentiâ differt à liberalitate non tantum gradu, sed specie. §.6. Objectum liberalitatis sunt τὰ χρήματα. Quid per ea intelligatur? Horum non simplex & mera possessio, sed verus usus huc proprie pertinet. Divitiæ sunt instrumentum liberalitatis. §.7. Discrimen inter divitias, opes & copias. Divitiæ dividuntur in naturales & artificiales. Pecunia dicitur à

Mm pecude

pecude. Proverbium: *Bos illi semper in lingua*, ex more illo notam bovis nummis imprimendi enatum, & de illis usurpari solitum, qui avidè pecunias corradunt, & frequentissimè de iis loquuntur. §.8. Officium liberalitatis est dare. Circumstantiæ in dando observandæ (1) *Cui dandum?* pauperibus & miseris, (2) *Quid?* de propriis. (3) *Cur?* ob honestum, Dei gloriam, animæ salutem, & aliorum divinorum munerum impetrationem. (4) *Quantum?* non major sit benignitas, quàm facultas. (5) *Quo tempore?* Cum res exigit. Liberalis non facit syllogismum. (6) *Quò loco?* secretò potius, quàm palam. (7) *Quo animo?* læto. §.9. Consistit liberalitas etiam in accipiendo. Probatur id (α) ab ejus extremis, (β) à necessitate, (γ) à fine. §.10. Desiderium divitiarum hominibus naturaliter est insitum; vocanda igitur in consilium *αὐτάρκεια*. Non diffitendum vim liberalitatis magis cerni in dando, quàm in accipiendo. §.11. Potest aliquis nihil, vel tantum pauca dando dici liberalis. Ratio *Ima*, Liberalitas non æstimatur ex quantitate muneris. Ratio *Ilda*, Liberalitas cadit etiam in pauperes. Ratio *Iltria*, Liberalitas potissimum judicanda est ex animo. §.12. Inter prodigalitatem & avaritiam tenendum medium.

D. Joh. Ludovici Hannemanni

*Meletema (ad Problema in N. L. an. 1700. p. 128. propositum) de salutatione injunctâ moribundis.*

Regula illa Theologorum fatis superque cognita est, quâ dicitur: *Christi actio est nostra institutio*. Sic & quodammodo dicere possumus: Orthodoxorum vitæque probitate sese commendantium Theologorum actio est nostra institutio. Quoniam autem quidam Orthodoxus Theologus, vitæque probitate apprimè conspicuus hanc consuetudinem habuit, moribundis, quos S. Cœnæ viatico reficiebat, diceret, hunc & istum bonum amicum salutarent. Quæ consuetudo, quoniam ab excellenti Theologo observata est, non improbanda, eandem salvâ Conscientiâ observare possumus. Hanc enim consuetudinem

svetudinem sequentia scripturæ dicta & historiæ approbare videntur. (1) Expendendum propono illud dictum Apostoli, quod donum prophetandi, fides & spes finem in futurâ vitâ æternâ assecutura; charitas è contritio perennabit. Quid si charitas quoque in futurâ vitâ perennabit, sine effectu etiam non erit. Effectus autem magnam partem in hoc consistet, ut si animæ separatæ ad animas amicorum separatas perveniant, sibi invicem osculum charitatis salutando impertiantur. Quid obstabit, quin & in vitâ superstitum piorum benevolentiam declarent animabus separatis. (2) Memorabilis est historia de divite Epulone Luc. XVI, 25. Hic ab Abrahamo petebat, aliquis è mortuis mitteretur ad fratres, qui iis concionaretur, ne quoque venirent in istum locum cruciatus. Quid si nunc affectu aliquò amoris tangitur Epulo erga vivos fratres, quidni ergo animæ separatæ piorum affectum charitatis non ederent erga aliorum animas separatas, qui & in salutatione à piis consistere potest. (3) Animas hominum à corporibus jam separatas reminisci in confesso est. Sicque bonorum factorum, quorum radix fides in Christum fuit, ac conversationis cum piis recordatione oblectantur, malorum recordatione contristantur, mordetque ea & cruciat conscientiam. Vi autem reminiscentiæ fratrum pietatis studiosorum reminiscuntur, ac illorum memoriam apud aliorum piorum animas beatas repetunt. Illa repetitio junctam salutandi formulam habere potest, non quidem mundo usitatam, sed à Christo usurpatam, quâ impertiit suos discipulos à morte resurgens. Animarum enim reminiscentia perfecta & absoluta est, ac reminiscens inque lætitiæ signum erumpens. (4) Meritò urgemus istud Apocal. c. VI. v. 9. & 10. quousque tandem ô domine sancte, atque vere non ulcisceris ac vindicas sanguinem nostrum de Terræ incolis? quod si animæ separatæ vindictam à Deo sollicitant, eodem & potiori jure pios adhuc superstites Deo commendant. Quid si eas ad eum adhuc tangant injuriæ, quibus ab inimicis affectæ vindictam implo-

rent, magis oblectabit, lætificabit memoria conversationis cum piis. Concludimus ergo, moribundis, ut ille Pastor piè fecit, hunc & istum saluent, commendari potest. Postulata, quæ opponuntur, non sunt magni momenti. Resp. ad primum: Defunctorum piorum animæ in tantum unò eodemque receptaculò continentur, in quantum beatifico intuitu Dei fruuntur. Deum autem à facie ad faciem contemplando omnes animas beatorum in unò eodemque locò habeo, video & cognosco. Ad secundum Resp. : Quod se invicem agnoscant. Apostolus Jesu Christi, qui nunquam Mosen & Eliam viderat, cognoscebat, duntaxat beneficiò eò, quod Christum in carne cognosceret, quid fiet si carnis onere caliginosò liberati simus. Resp. ad tertium : Omnino fata suorum fratrum cognoscunt beati, ceterum pro eorum liberatione ac injuriarum vindicatione ad Deum preces non fundent. Resp. ad quartum : Quidni sermones cæderent de Ecclesiæ pressurâ, de injuriis, quibus fratres premuntur, ast sermonem habendi modum à corporali distinctum agnoscere debemus. Vt enim Angeli inter se loquuntur, Deoque hymnos canunt, ita etiam animæ separatæ cum animabus separatis agunt & loquuntur &c. Quod si damnatos tangat & angat cura salutis suorum, ut de divite Epulone in inferno constat : cur non æquè, sed aliò modò, magis in Dei placitò acquiescentè, animæ separatæ cum animabus separatis avidæ essent de salute piorum ? Quæ & nunquam desinent Deo supersites commendare. Hæc mea de hoc Problemate est sententia, salvo aliorum rectius sentientium Judicio, cui hoc meletema lubens submitto.

*Sebastianus Kortholt*, Poët. Prof. Ord. edidit *Epistolam* (1. plag. in fol.) super obitu Sereniss. Principis FRIDERICI, Hered. Norv. Ducis quondam Regnantis Slesv. & Holst. &c. die XIX. Julii An. 1702. in pugna fortissime occumbentis. Hæc ad *D. Mublium*, Gener. Superintendentem scripta est, quoniam is auctorem carmen Heroicum super obitu Principis poposcit,

scit, quod se publicaturum pollicetur. Nunc mentionem  
funestæ hujus mortis fecit his versibus:

Hei mihi! FRIDRICVS non amplius æthere nostro

Vescitur, ah raptus præpete morte jacet!

Me miserum! læsit nunquam violabile corpus

Dirus sulphureo missus ab igne globus.

Vt legi, ut tremui? ut dudum conterritus hæsi?

Principis occisi non memor ipse mei.

Horror in ossa venit, rigidi stant vertice crines,

Et nece funesta non leviora fero.

Mens labat, & similis trajecto corpora plumbo

Sum miser, & vitæ nescius ipse meæ.

Principis ut telum mea sic suspiria rumpunt

Pectora nec telo sunt violenta minus.

Quæque Ducis corpus mentem mihi vulnera lædunt,

Et nihil est melior fors mea sorte Ducis. &c. &c.

*Henrici Opitii*, SS. Theol. D. ejusdemque Prof. Ord. in  
Acad. Kiliensi, *Biblia parva Hebræo-Latina*, in quibus dicta  
insigniora omnia ex Codice Hebræo secundum ordinem Li-  
brorumBiblicorum excerpta continentur, iterum prodierunt  
Lipsiæ apud J. C. Meyerum. (in 12.)

Hujus *D. Opitii* filius, *Josias Henricus*, Theolog. & Lingg-  
Orient. Cult. Auctor est *Hodegetici Hebræo-Chaldaeo-Biblici*,  
in quo Vocabula Hebraica & Chaldaica ordine Librorum,  
Capitum & Versuum ita exhibentur, ut Lectio Hebræo-  
Biblica absque tædiosæ evolutionis vocum impedimento  
facillimè institui, & intra anni spatium integra Biblia He-  
braica commodè perlegi atque intelligi possint. Ham-  
burgi apud Gottfried Liebezeit, Bibliopol. Hamb. & Ki-  
lonii, typis Barth. Reutheri, Acad. Typ. 1702. (1. Alphab.  
13. plag. in 8.)

Quo B.L. constat, in hoc *Hodegetico Hebræo-Biblico* quid præsti-  
tum sit ab Auctore, brevibus id indicabimus. Videlicet (1)

illud dispositum est secundum partitionem Codicis S. Judæis usitatam, qui illum in *Legem, Prophetas, eosque tum priores, tum posteriores, & Hagiographa* dispescunt. (2) Dispositio Capitum & Versiculorum illi, quæ in Bibliis Leusdenianis habetur, respondet. (3) Translationem Latinam ex *Parentis sui Versione*, quam à multis annis adornavit, eamque propediem unà cum Textu Hebraico juxta Masoram & optimos Codices diligentissimè emendato luci publicæ dabit, maximam partem desumpsit, ut adeò Vocabularium hoc vel Versionis cujusdam accuratæ vices obire possit. (4) Pleraque Vocabula ad minimum octies in hoc Vocabulario expressa sunt, frequentius tamen in Pentatevcho, quàm in reliquis Scripturæ partibus reperiuntur, ut adeo, qui huic diligentem impenderit operam, eò felicius in ceteris versari queat. (5) Cum unum Vocabulum pro Textus & Circumstantiarum diversitate diversas nonnunquam significationes admittere possit, eam tantum annotavit, quæ in quolibet Textu locum habere videtur. (6) Interdum annotata illi sunt Vocabula aliqua, quæ, si formam absolutam quis spectet, nullam præ se ferunt difficultatem, quæ tamen, si ad difficilem in textu occurrentem formam oculus intendatur, non carent, v. g. 2. Reg. I, 2. in  $\text{הָלַךְ}$ , Jerem. I, 5. in  $\text{רָצַח}$ , Ruth. II, 9. in  $\text{נִצְחָה}$ . (7) Verba, quorum Conjugationum significatio ex Grammatica nota esse potest, plerumque in *Kal* tantum posita in hoc Vocabulario inveniuntur, ut in Textu alia sæpe reperiatur Conjugatio, v. g. *Niphal, Piel, Pyal, Hiphil &c.* (8) Ita si verbum aliquod eandem in Conjugatione *Kal* significationem, quam in reliquis Conjugationibus obtinet, quas Textus suppeditat, tunc simplicem plerumque posuit formam Conjugationis *Kal*, ommissâ illâ, quæ in Textu continetur. (9) Participia, cum plerumque formam ac qualitatem Nominum induant, non raro ab illo simpliciter ut Nomina exhibentur, ommissâ Radice. (10) Verba quæ in Vocabulario sæpius dicto vocalibus destituuntur, innunt, quod in Conjugatione *Kal* in usu

in usu non sint, hinc statim alia ab Auctore addita est Conjugatio, quam Textus suppeditat; contra quæ punctis sunt instructa, indicant, quod in Conjugatione *Kal* sint in usu. (11) Quod si vocabula aliqua omisit (uti ea aliquando omitti debuisse ipsa Libri moles postulavit,) illa vel sunt facilia, & jam antea sæpius notata, vel si aliquam difficultatem habere videntur, aut sunt Nomina propria, ut *Ezr. IV, 9. Neh. III.* aut si sunt appellativa, quærenda ea sunt in præcedentibus vel ejusdem, vel proximè antecedentis Capituli versiculis, ut *Ez. XXVII, 25.* (12) Numeralia tam Ordinalia quàm Cardinalia, ut & pronomina sæpissimè omissa sunt, utpote quæ ex Grammaticis disci possunt. (13) Quandoquidem Chaldæis status Emphaticus magis, quam status absolutus in usu est, itaque in Daniele & *Ezra* plerumque retinere maluit Emphaticum, quàm absolutum. (14) Quod ad *Kri* & *Kribb* attinet, notandum est, quod formam marginalem, quæ Judæis *Kri* dicitur, quamque Versiones præcipuè sequi consueverunt, plerumque expresserit, quamvis propterea alteram illam textualem non pro vitiosâ aut corruptâ, sed potius pro anomalicâ ob certas rationes, quas peculiari aliquando Tractatu ex Rabb. & Philolog. Christianorum mente monstrabit, summò studiò ita expressâ habet.

## HAMBURGI.

*Andreas Paulus*, Baro à *Liliencrohn*, S. R. M. Dan. & Norveg. Consiliarius intimus & Provincialis, nec non in Ducat. Slesv. & Holsat. Cancellarius, haud ita pridem in Templo Cathedrali, quod Hamburgi est, sepulcro illatus fuit. Lucem ille an. 1630. d. 4. Febr. adspexit Bredstadi in Holsatia, parentibus ibidem ob mercaturam inclutis progenitus. Quum non ductu solùm parentum, sed in Gymnasio etiam Hamburgensi pietatis artiumque fundamenta posuisset, an. 1651. Rostochium, & mox Lugdunum Batavorum salutavit. Finito ibi studiorum cursu, & itinere per Helvetiorum, Italorum Gallorumque fines confecto, nec non Ordinis Equæstris splendore  
an. 1654.

ao. 1654. in Comitibus Ratisponensibus ab Imperatore FERDINANDO III. impetrato, domum rediit. Hinc Hafniam profectus est, ubi an. 1657. FRIDERICVS III. Dan. & Norveg. Rex Iudicii militaris Prætozem Generalem illum constituit. Postea an. 1662 ad Aulam Imperatoriam missus primùm Consiliarii & Residentis Regii, deindè Ablegati extraordinarii, & demum Plenipotentiarium spartâ fungebatur. Porro an. 1673. Imperatoris gratiâ Baronum Titulos atqve Insignia obtinuit. Anno insequenti Comitatus Pinnebergensis & Præfecturæ Segebergensis Satrapa, postmodum Consiliarius intimus & Cancellarius Hafniensis, nec non in Ducat. Slesv. & Holf. Cancellarius atq; Consiliarius Provincialis constitutus, ac tandem post obitum CHRISTIANI V. sanctioribus Regni consiliis à FRIDERICO IV. orbis Arctoi Monarchâ adhibitus est. Ast omnibus hisce summis honorum titulis mors illum privavit, quam septuagenarius an. 1700. d. 22. Augusti oppetiit, hancqve non Vidua solùm, sed & quatuor filii unicaqve filia acerbè lugent.

*Sebastianus Edzardus*, Prof. Publ. edidit *Confutationem Terministici Erroris*, ex Verbo Dei ita institutam, ut pii cordatiqve Lectores vel primo conspectu intelligere queant, *Speneri* & sectatorum ejus portentosam ac *Barclajō* conformem sententiam non solùm falsam esse, sed & fundamentō fidei repugnare. Hamburgi, sumtibus *Godofredi Liebeckzeit*, 1702. Typis *Friederici Conradi Gressingeri*. (10 pl. in 4.)

Quatuor hujus Scripti sunt *Capita*, quorum I. primò *puram & veram Ecclesiarum nostrarum Doctrinam*, ex libris Symbolicis tradit & confirmat, & quatuor continet *theses*, harum (1) Quod Deus nulli homini ante finem vitæ abscondito & occulto decreto terminum posuerit, quo elapso nolit ipsi amplius gratiam conversionis offerre, quantocunqve etiam temporis spatio adhuc vivat: Sed contra quocunqve tempore usqve ad finem vitæ sufficientem conversionis gratiam induratis-

mis

mis etiam hominibus offerat. (2) Quod verbo Dei semper infit vis & potentia homines convertendi, nec Deus efficaciam hanc à Verbo retrahat, sed per illud pœnitentiam & salutem seriò etiam datis jam in mentem rebroam offerat, qvandoqve illud vel legunt, vel audiunt, vel lectum olim auditumqve recordantur. (3) Quod hæc etiam Dei intentio fuerit, qvandoqve & qvotiescunqve Verbum Divinum Pharaoni, Sauli, Judæ proditori, Judæis illis, de qvorum horrendâ contumaciâ Christus & Apostoli tam graviter conqveruntur, aliisque similis pertinaciæ hominibus fuit propositum, etiamsi Deus prævideret, eos Verbum contumaciter repudiaturos, & tandem in finali incredulitate morituros esse. (4) Quod, qvandoqve Deus induratissimis Ethnicorum benefacit, cœlitus illis dans pluvias, & tempora frugifera, tunc se iis *ὡς ἀμάκρυον* relinqvat, sed per hanc *χρησάγωγίαν* ad Verbum Divinum audiendum eos adducere velit, ut per illud illuminentur, & convertantur. *Deindè affert falsam & erroneam Doctrinam Terministarum, ex scriptis Speneri, Rechenbergii & Bössi, qvinqve exinde formans Aphorismos.* (1) Quod Deus multis in & extra Ecclesiam visibilem constitutis hominibus jam ante vitæ finem terminum posuerit, qvo elapso nolit amplius eorum salutem, qvantoqve temporis spatio adhuc sint in vivis. (2) Quod Deus hunc terminum gratiæ ante mortem constituerit occulto absconditoqve decreto. (3) Quod termino illo præterlapso Deus non amplius offerat pœnitentiam & salutem, nec Verbum Divinum ejusmodi homines amplius ex intentione Dei convertere debeat, sed vis conversionis à verbo retrahatur, qvando elapso termino auditur vel legitur. (4) Quod sigillatim Pharao, Saul, Judas proditor, pleriqve Judæorum, multi Ethnicorum, jam eo tempore, qvo illis Verbum Dei adhuc prædicabatur, portam gratiæ prorsus clausam habuerint, nec iis similibusqve aliis Deus gratiam conversionis obtulerit, qvamdiu apud eos præconium verbi adhuc durabat. (5) Quod Deus, tum ex Ethnicis, tum ex aliis

hominibus multos sæpè adhuc diu quidem toleret, variisque beneficiis afficiat, quamvis terminus eorum jam sit elapsus: non autem id faciat amplius hoc scopo, ut per hæc beneficia ad Verbum Divinum cum fructu audiendum invitentur, atque sic per illud convertantur. *Capite II. hæc Terministica Doctrina falsitatis convincitur XXV.* argumentis, desumptis ex *Ezech. XVIII, 23. 30. 31. 32. Cap. XXXIII, II. 1. Timoth. II, 1. 16. 2. Pet. III, 9. Act. XVII. 30. 31. Matth. XI, 28. Es. LXV, 2. Ebr. III, 7. 13. Psal. XCV, 7. Ibrn. III, 23. Rom. II, 4. 5. Cap. V. 20. Levit. XVI, 17. seqq. & locis parallelis. Matth. XII, 31. & locis parallelis. 1. Job. II, 2. Zach. XIII, 1. Luc. XVI, 29. Coloss. I, 28. Matth. XVI, 19. XIIX, 18. Job. XX, 23. Matth. XXVI, 26. 27. 28. Ephes. IV, 17. 18. 19. Deut. XXVIII, 28. XXX, 1. 6. Psalm. LXXXI, 13. 14. Es. LVII, 17. 18. ex Concionibus Jeremie. Es. VI, 9. 10. XXIX, 10. Matth. XIII, 13. Luc. XIX. 41. Matth. XXIII, 37. aliisque locis. Matth. XVIII, 22. seqq. Rom. IX, 22. Act. XIV, 17. XVII, 26. 27. *Capite III. Objectiones Adversariorum dissolvuntur, quæ petitæ partim ab exemplis Diluvianorum, Sodomaorum, Pharaonis, Canaanorum, Israëlitarum in deserto & Niniuitarum, nec non filiorum Aaronis, filiorum Eli, Saulis, Achabi, Amazie, partim ex Scripturæ dictis, Es. XXII, 14. Jer. VII, 12. 15. 16. XI, 14. XIV, 11. 12. XV, 6. XVI, 5. Ezech. XIV, 12. seq. Hof. IV, 6. IX, 12. 15. Zach. VII, 13. Hagg. I, 6. Psalm. VII, 13. 14. Prov. I, 24. Job. XXVII, 8. 9. XXXIII, 29. Matth. XIII, 14. Marc. IV, 12. Luc. VII, 10. Job. XII, 40. Act. XXVIII, 26. coll. Es. VI, 9. 10. Matth. XXI, 43. XXII, 3. 7. Luc. XIV, 24. Matth. XXV, 29. 30. Luc. XIX, 41. 42. Job. III, 18. VIII, 34. XV, 2. Rom. I, 24. 28. 2. Cor. II, 16. 1. Tim. IV, 2. 2. Tim. II, 26. Tit. III, 11. 2. Pet. II, 19. 20. *Capite denique IV. ostenditur, Errorem Terministicum fundamento fidei adversari, quia (1) Divini sanctitati & veritati repugnet, (2) Verbi Divini efficaciam, & (3) Ministerii Ecclesiastici officium adoriatur, (4) Orationi Dominicæ plenum horroris sensum affingat, (5) Absolutioni, (6) Baptismò & (7) S. Cœnæ adversetur, (8) obstet, quo minus in ullo Ethnico, Judæo, vel aliàs impio homine salvifica fides accendatur, (9) tentatis fidelibus consola-***

MENSIS SEPTEMBR. MDCCIL 277

consolationem eripiat, viamque ad desperationem sternat, (10) profligatæ vitæ hominibus offendiculum ponat, ut in quovis nequitæ genere maneant, & omnes pœnitentiæ cogitationes abjiciant.

LVBECAE.

D. *Georg. Henr. Gœtzius*, Superintendens Lubecensis, cujus vitam & Scripta Mense Julio, pag. 205. seqq. recensuimus, *Concionem suam Valedictoriam Annæbergæ habitam publicæ luci exposuit.* Lipsiæ apud Christianum Emmerich. (in 4.)

Die 1. Augusti vivis excessit *Benedictus Petrus Winclerus*, V. J. D. Natus fuit is in hâc Imperiali Lubecâ, d. 17. Jul. an. 1671. Patræ, Viro Magnifico, *Antonio Winclero*, V. J. D. & Consule Reip. Lubecensis primariø. Postquam in ludo publico primùm, ubi & d. 10. Aprilis an. 1690. sermonem gymnasticum de illustri festivitate non ita pridem tunc inaugurati coronatique Regis Romani JOSEPHI habebat, & sub privatissima deinde *Zacharia Strampelii*, Conrectoris postmodum Slesvicensis, institutione, ea fecisset studiorum incrementa, ut Academias cum fructu adire posset, *Giessam* perrexit quidem, studioque juris sedulò ibidem incubuit; ast ob impendentem belli periculosi tempestatem hanc Vniversitatem cum *Rostochiensis* an. 1692. mense Decembri commutare necesse habuit. Hic *Johanne Kleinio*, V. J. D. t. t. P. P. hodie verò Duci Mecklenburgico Regenti à Consiliis intimioribus, Ductore, eò usque in juris stadio per integrum quadriennium progressus est, ut absoluto studiorum cursu, & Disputatione Inaugurali, *de Inhibitione judiciali in causis Appellationum*, sub Præsidio *Kleiniano* d. 19. Novembr. an. 1696 habitâ, summos in jure honores ambire potuerit, quos etiam d. 22. Julii anni sequentis in absentia consequutus est. Ad exteros proficiscens primùm *Hagam Comitum* in *Belgio* concessit, ut adornatæ tunc pacificationi *Risvicensi* attenderet. *Galliam* porro & *Angliam* ingressus esset, nisi infestæ viæ id prohibuissent. Visis igitur postea *Celleni* ac *Hannoveranâ* aulis, *Wetzlariam*, *Ratisbonam* & *Viennam* invisit. Tandem

dem confecto per *Bohemiam* itinere, *Pragensi* item, *Dresdensi*, *Lipsiensi* & *Berolinensi* urbibus perlustratis, an. 1697. Lubecam rediit. Hòc locò præcipuè id operam dabat, ut in forensibus causis præclare consistere posset; at præmaturâ morte extinctus est, cum 31. annos fecisset vivens. Ex Vidua superstite, quam an. 1698. d. 14. Martii uxorem duxerat, unicum filium reliquit.

*D. Jo. Jacobi Stolterfohti Scholion*

*De Calculo in ventriculo Galli Gallinacei reperto.*

Eo ipso fermè tempore, quo mense Julio nostra *de Ovo Galli Gallinacei* observatiuncula ex prelo sudare desierat, quidam Dnn. *Collectorum* in congressu aperiebat literas ab amico quodam *Gvælpberhytano*, rerum curiosarum amantissimo, ad se datas; qui *Gallum Gallinaceum* annum se aluisse referebat, quem ad aliquod temporis spatium domesticæ adverterunt cibo abstinentem, & simul subiracundum, ut idcirco ad epulas eundem damnare decreverint: & ecce ventriculi tunicæ interiori adhærentem deprehendit coqva *calculus* pondere  $\frac{5}{78}$  lothonum, ejus, quam delineatio inserta monstrat figuræ;



Quod *calculi* in omnibus corporis partibus tam solidis quam liquidis generentur, præter Excell. Dn. D. *Georg. Franc. de Frankenaui* Dissert. de *Lapidicina Microcosmi* habit. *Heidelberg. A. 1685.* & Dn. D. *Georg. Wolff. Wedel.* Diss. de *Calculi mechanica* habit. *Jen. A. 1701.* aliosque, infinitæ probant *Natura Curiosorum Observationes*, quas enumerare pagina vetat. Conf. quæ de materia hacce disseruimus *A. 1699. Mens. Febr. p. 47. seqq. An. 1700. Mens. Mart. p. 71. seqq.*  
Si vero

Si vero *Calculi* concrementum est salinum, & generatur per modum coagulationis duorum salium præternaturalium, *Acidi* sc.p.n. & *Alcali* volatilisi urinosi, dum *acidum* vitiosum in primis viis, præsertim ob stomachi errorem, dilapsum, reliquis partibus communicatur, in quibus inveniens sal urinosum purius, cum eodem se conjungit, ut necessario in unam massam ita coeant, ac se invicem firmiter coagulent, ut vult B. Dn. D. Michael Ettmüller, in *Patholog. c. III.* quid mirum, quod in ventriculo *Galli Gallinacei* nostri, quasi in lerna malorum, ex ista prædicta salium pugna sit orta ejusmodi *calculosa* compages? quoties autem inter diversas partes oritur dissidium, una alteri succumbat necesse est. Exhaustæ videntur *acidi* in conflictu vires, unde *prostratus appetitus*, qui particulis *acidis*, habitu suo blande styptico sinistrum ventriculi orificium rodendo vellicantibus tribuitur. Ad pugnam furoris effectum quod pronus fuerit *Gallus* iste *Guelpherbytanus*, ab orgasmo sanguinis à bile concitato crediderim ortum. Hujus quippe secretio ex prævia concoctione læsa, in altera vix corrigibili, dum apte fieri nequivit, *alcalicis* suis particulis *acidis* sanguinis partes ad pugnam provocavit, unde turbulentus spirituum motus: & forsân in aliis quoque corporis partibus *tartarea*, hostiæ nisi cessisset, concretio orta fuisset.

*Francisci Wörgeri Scholion*

*Super 1. Petr. 3. v. 19. item c. 4. v. 5. 6.*

Pietate pariter ac doctrina inclytus Daniæ quondam ac Norwegiæ Rex FRIDERICVS III. Candidatis Ministerii diversis explicanda pro concione offerre solebat isthæc Petri:  
 „*Quia* & *Christus* semel pro peccatis passus fuit, *Justus* pro iniustis, ut nos adduceret Deo, mortificatus quidem carne, sed  
 „*vivificatus* spiritu, in quo abiit etiam & *Spiritibus* qui erant in  
 „*carcere* prædicavit, inobedientibus quondam, cum semel exspectabatur Dei lenitas in diebus Noë, cum apparabatur arca,  
 „*in qua* paucæ, hoc est, octo animæ servatæ fuerunt per aquam  
 &c. An satisfecerit quispiam Regi Serenissimo, vix mihi fit

verosimile, dum nemo interpretum huc usque nodos illos dissolvit, quod ego quidem sciam, sed magis insuper constrinxit. Primò igitur certum est, S. Apostolum in verbis, *mortificatus quidem carne sed vivificatus Spiritu seu anima*, de illo loqui articulo temporis, quo Dominus descendit ad inferos veluti victor mortis ac diaboli, idque eam ob causam voce *vivificatus* describere S. Petrum divinam adeò denotans id ipsa morte Christi potentiam, ubi vires quasi colligens magno clamore expiravit, ac si jam tum fuisset & quidem manifestius redonatus vita, antequam erat fuscitatus è sepulchro, haut diffidente Centurione: *Verè hic est filius Dei*. Obscuraverat solem, & cum in eo esset, ut animam amitteret, velum templi summi dirupit, elementa mundi concussit, saxa discidit, monumenta aperuit, & in illis ipsos sepultos commovit, id quod brevibus hisce complectitur Petrus: *mortificatus quidem carne, sed vivificatus Spiritu*. Deinde alter scrupulus residet in voce *predicavit*, quod idem hic est ac *testatus est*, dum notante Flacio, illa Christi prædicatio apud inferos facta non tam verbalis ad institutionem fuit ac pœnitentiam, quam realis ad evidentem redargutionem, confusionem ac pœnam eorum, qui tot annis non modo conctonantem de judicio Noam, sed immenso labore arcam insuper fabricantem despiciatui habuerant, eodem quo jam furore cunctas Dei minas explodunt deistæ nostri. Noachi manus, ait *Melchior Mittelbolzerus*, haut minus docebat quam lingua. Ejus assiduitas in struenda arca erat concio realis. Quivis ictus, quem prisca mundi incolæ audiebant, erat sermo ad pœnitentiam exhortans. Atque ita sancti mundum judicant non fide tantum sed & facto (*in florilegio Anglicanò* decade 9. concionum p. 269.) Nihil aliud ergo in tot errorum labyrinthum egit commentatores quam sinistra aliquot vocabulorum explicatio, dum testimonium hic acceperunt pro salutifera Evangelii prædicatione, quod de solo eodemque manifesto testimonio erat intelligendum. Sic *testes* ad populum vocantur Apostoli, Act. 13. v. 31. & cap. 1. v. 8. *eritis mihi testes*, id est, prædicabitis in Jerusalem & in omni

omni Judæa & Samaria, usque ad ultimum terræ. Neque verò, licet floccifecerint prædicationem auditores Noe universam ante diluvium, haut tamen ipsam personam Noe infestant, quemadmodum Judæi conati sunt Salvatorem nostrum cum testimonio illius profus delere, tantum autem abfuit, ut delere istud potuerint eum *mortificantes carne*, ut potius *vivificatus spiritu*, simul ac illum mors occupavit magis illustrarint, siquidem in obitu mox malignis simul omnibus geniis ac animabus impiis, in inferno detentis sese velut supremum judicem totius prioris mundi ostentaverit, quæ genuina est hujus versiculi enodatio. Quin & ipsum *Evangelium* vocatur nonnunquam testimonium, uti patet è verbis Johannis Apocal. i. v. 9. fui in Insula Pathmos propter verbum Dei & testimonium Jesu Christi, hoc est, propter Evangelium. Item I. Cor. 15. v. 14. & 15. Si Christus non resurrexit, inanis est prædicatione nostra, inanis est & fides vestra : invenimur etiam falsi testes Dei, quoniam testimonium diximus adversus DEum, hoc est, inane erit nostrum Evangelium. Et eo sensu capiendus est versiculus cap. 4. Petri v. 5. 6. *Propter hoc enim & mortuis evangelizatum* (mortui convicti sunt veritate hujus judicii) de judicio mortis super omnem carnem id illustrat, quoniam moriuntur quidem quatenus sunt homines in carne, vivunt autem Dei potentia conclusi quod attinet ad eorum animam : hoc sibi verba volunt Petri, *ut judicentur quidem secundum homines in carne, vivant autem secundum Deum in spiritu.* Nam particula *ut* sive *ὡσαύτως* quæ sæpius idem est, quod *cum* vel *quia* omninò sic hoc loco intelligenda est, quia homines nulli judicium DEI effugiunt, sicut opinabantur in diebus Noë, & hodie dum adhuc opinantur impii, sed vivi etiamnum ratione animæ suæ in manu DEI sunt. Eo modo confirmat superiorem nostram explicationem S. Petrus. Sic enim vox *ὡσαύτως* usurpatur Joh. 17. v. 1. Pater venit hora, glorifica filium tuum, *ὡσαύτως ὡς ἡμεῖς δοξάζομεν σε.* Quia & filius tuus glorificat te. Ibidem v. 3. de sanctis jam beatorum gregi additis atque in Dei cognitione confirmatis.

Hæc

Hæc est autem vita æterna ἵνα γινώσκωσι σε τὸν μόνον ἀληθινὸν Θεὸν quia cognoscunt te solum verum DEum & quem misisti JESum Christum. 1. Cor. 4. v. 3. idem, Mihi pro minimo est, ἵνα ὑφ' ὑμῶν ἀνακριθῶ, cum à vobis judicor. Iterum Joh. 16. v. 32. Instat tempus & jam adest, ἵνα σκοπισθῆτε, quando dispergimini unusquisque in sua, me relinquentes. Iterum Joh. 15. v. 8. In hoc clarificatus est pater meus, ut fructum plurimum feratis & efficiamini discipuli, id est, quando fructum plurimum fertis, tunc glorificatur cælestis pater. Similiter 1. Joh. 4. v. 17. In hoc perfecta est charitas Dei nobiscum, ut fiduciam habeamus in die judicii, hoc est, quia fiduciam habemus in die judicii, per hoc perficitur charitas in nobis. Nihil hinc impedit, quo minus dictum Petri versiculum sic reddamus: *Propter hoc & mortuis evangelizatum*, propter hoc mortui sunt testimonio de Christo iudice confusi, *quoniam mortis quidem iudicio sunt extincti in carne, vivunt vero quod ad animam eorum attinet adhuc DEo*. Nam ita esse versum capiendum connectio ipsa docet textus, dum in præcedente v. 5. 6. *Reddent rationem ei qui paratus est judicare vivos & mortuos* ait Petrus, addens mox: *propter hoc enim & mortuis evangelizatum est, quoniam judicantur quidem secundum homines in carne, vivunt autem secundum DEum in Spiritu*, addit confestim v. 7. *omnium autem finis appropinquat*, aperto documento non nisi de potestate loqui Apostolum judicantis Domini, cujus vindictam ne in ipsa quidem morte effugere possunt deistæ, quippe in cujus manu anima omnis viventis & Spiritus universæ carnis hominum Jobi 12. v. 10. Sive ergo vivimus sive morimur Domini sumus, Rom. 14. v. 8. Quandoquidem omnes, qui in monumentis sunt, audient vocem filii Dei, & procedent, qui bona fecerunt in resurrectionem vitæ, qui verò male egerunt in resurrectionem iudicii, Joh. 5. v. 28. Neque ipsi hic infernales Spiritus excipiuntur, uti ecclesia istud solenni celebrat cantu, *quem tremunt impia tartara, colit quoque quem & abyssus infima*, cuius ultimi iudicii ideam moriens dedit Dominus in ipsa adhuc cruce, uti S. Petrus istud graphice est testatus.



# NOVA LITERARIA

## MARIS BALTHICI ET SEPTENTRIONIS,

*Edita Mense Octobri, MDCCII.*

### ROSTOCHII

**D**ie 6. Sept. sub Præsidio *Jo. Fechtii*, S. S. Theol. Doct. Ejusdemque Prof. Publ. Ord. Consist. Ducal. Assessoris, & Distr. Rostoch. Superintendentis, Dissertationem Theologicam, *de Studii Biblici cum Systematico Connexione, hujusque divinâ Origine*, publicè ventilandam proposuit *Hermannus Müller*, Riga Livonus. (5. plag. in 4.)

In hac Disputatione Auctor (1) docet, quanquam præter Scripturam S. plurimi sint libri sacri ex ipsâ Scripturâ summò studio deducti, tamen his ipsis, quantalibet sanctitate præfulgeant, Scripturæ lectionem præferendam esse, *partim* quia Scriptura sola fundamentum ultimum & immotum est, cui tota fides nostra, reliquique sancti libri innitantur, §. 1. *Partim* quia sola Scriptura S. nativam veritatis puritatem in se complectitur, cum reliqui sacri libri omnes, quicquid puritatis habent, ex Scripturâ, tanquam fonte habeant, à quâ aliquando ob humanæ naturæ labilitatem recedere possunt, §. 2. *Partim*, quod insitam Scriptura habeat efficaciam, animum hominis, cum legitur, ad res spirituales commovendi; qualis nullis aliis scriptis, nec nisi participativè, in quantum Scripturam, in aliquâ parte sic tractatam, complectuntur, competit, §. 3. *Partim*, quod innumeris admonitionibus & mandatis ad legendam Scripturam compellamur, qualia de reliquis libris sacris nunquam leguntur, §. 4. Agnovisse hujus thesæos veritatem *D. Martinum Lutherum*, qui ideò optaverit, plerosque alios libros, etiam suos, perire, & vel solam remanere Scripturam, §. 5. Quod tamen de moderatione potius scribendi libros, quam de abolitione eorundem omnimodâ intelligendum

gendum esse, ex eodem *Luthero*, & aliis argumentis confirmat, §. 6. & 7. Quo ipso porro & (2) ostendit, reliquos libros sacros, nominatim Systematicos, à Scripturâ adeò non absorberi, ut potius Scriptura, & per Scripturam Deus hos ipsos requirat, adeoque hi Divinam habeant originem. Probat hoc (α) quia Deus non solam Scripturam nobis legendam proposuit, sed etiam Ministerium Ecclesiasticum instituit, quod Scripturam variè interpretaretur, doctrinasque ad salutem necessarias ex eadem educeret, illustraret, vindicaret & applicaret ad pietatis usum. Hos autem actus producere id, quod nos Systema vocamus, §. 8. Probat (β) ex divinitus constituto ordine, in Scripturæ lectione & tractatione observando, cum non nuda lectio, sed lectio cum scrutinio & accuratâ totius contextus consideratione conjuncta à Deo requiratur, hunc autem ordinem & hoc scrutinium nemo felicius quam Ministerium Ecclesiasticum obire possit. Systemata verò omnium perfectissimum observati hujus ordinis specimen repræsentare, §. 9. Probat (γ) ex præceptâ divinitus, sicut in Ecclesiæ ritibus, ita quoque in tradendis divinis mysteriis τὰ μυστήρια, sine quâ doceri omnino, aut rectè doceri cum fructu non potest, §. 10. Quod confirmat verbis *D. Davidis Chytræi*, §. 11. Concludit Systemata Theologica Divinam habere originem, & nexum cum Scripturæ lectione indivulsum. Et, si quis ex Systematum lectione occasionem summat Scripturam negligendi, id ex accidenti esse, §. 12. Monet denique, falsum esse, quod à Professoribus Academicis maxima Theologiæ Systemata ejusdem tyronibus, qui vix primis labris sanctæ artis elementa degustant, commendentur. Aliud clamare Theologiæ methodos, à Doctoribus confectas. Quamquam pro viribus quilibet suis anniti debeat, ut in Compendiis non subsistat, sed quousque potest, provehatur, §. 13. Et quamquam Systematum non una eademque sit ratio, nullam tamen hætenus causam sufficientem adductam fuisse, cur in se illa contemni & Studiosorum ludibrio, quod

quod faciant Novatores, exponi debeant. Laudat suo merito *Locos Theologicos Gerbardianos*. Tandem asserit, illa, quæ à Fanaticis in vulgaribus Systematibus desiderentur, nihil arguere nisi virulentum erga innocentes libros odium, defectusque iis objectos fingi potius, quàm probari, §. 14.

Die 29. Sept. *Christianus Hiltbrandus*, Log. P. P. & Facultatis Philol. Senior, hodieque Acad. Rector in Festum Michaëlis Programma publicavit. (1. plag. in 4.)

Sub finem mensis Sept. *Georgius Frid. Niehencf* / Rostoch. S. Theol. Licent. Germanicum edidit Scriptum, cujus inscriptio est sequens: *Wohlgegründete Schutz-Schrift/darinn die lästerliche Charteqve, welche M. Joh. Sigismund Besseritz zur Vertheidigung Hn. D. Adami Rechenbergs / wieder seine (des Auctoris) Person zu Leipzig herausgegeben / fürslich verantwortet / und zugleich dessen unverschämte Lügen und abscheuliche Lästerungen gebührend widerleget werden.* Rostock/gedruckt bey Johann Weppling/ der Acad. Buchdrucker / 1702. (3½ plag. in 4.)

GRYPHISWALDIAE.

Die 4. Sept. Moderatore *Petro Mascovio*, Jcto, Antecessore Ordinario, Consistorii Regii Directore, nec non Facultatis Juridicæ Seniore, & h. t. Decano, Disputationem Inauguralem de *Præscriptione Feudi*, pro summis in utroque jure Honoribus ritè ac legitimè consequendis, publico Eruditorum examini submitit *Petrus Bernhardus Clasen*, Lubecensis. (3½ plag. in 4.)

Tractatio *duabus* absolvitur *Sectionibus*, quarum *prima* agit de *Feudo per præscriptionem constituendo*, hujusque §. I. ex jure Civili repetit, duo esse præscriptionum genera, *longi vel longissimi temporis*, hancque iterum duplicem; quarum *altera* jus plenum seu actionis confert præscribenti: *altera* jus minus plenum, seu exceptionis, eò quod nil habeat, quo se tueatur præscribens, quàm solum lapsum temporis. Et se in hoc argumento feudali pro diversis casuum figuris intelligere ait Au-

ctor præscriptionem vel *longi* vel *longissimi temporis*, & quidem eam, quæ tam actionem, quàm exceptionem præscribenti pariat & tam adversus *Dominum* quàm *Vasallum*, non minus ac acquisitio ea, quæ fit per investituram. §. 2. Circa feudum per præscriptionem constituendum tres casus probè distinguendos esse scribit, quos etiam allegat. §. 3. Considerat *Formam* hujus præscriptionis, quorum *primò* pertinet, ut non modò res à præscribente sit possessa; verum etiam, ut certo modo sit possessa, nimirum ut feudum. *Deindè* requiritur ad formandam præscriptionem continuatio ejusmodi possessionis per 30. annos. *Porro* secundum Jus Canonicum bona fides adesse debet, & quidem tam in initio, quàm progressu præscriptionis. Titulus *denique* & investitura præcedens non exigitur, sed ipsa patientia est vice tituli & investituræ. §. 4. Contemplatur *Subjectum* nec non *Objectum*, & circa hoc præcipuè inter Doctores controversi asserit, quanto temporis spatio possessio debeat esse continuata, ut rebus *Ecclesiæ* feudalis qualitas inducatur. Vbi quidem *Vultejus*, *Ludwellus*, *Carpzovius*, *Finckelthufius*, & *Dn. Stryck* triginta annos, etiam in re Ecclesiasticâ, sufficere existimant; ast *Schneidewinus*, *Duarenus*, *Schraderus*, *Rittershusius*, *Mynsyng*, *Rosenthal*, *Struvius*, & *Coccejus* respiciunt ad jus civile commune quadragenarium tempus Ecclesiæ indulgens. Et horum rationes fortassis palmam obtinere statuit Auctor. *Regalia* per statum imperii aliamque personam publicam, adversus alteram paris dignitatis, ordinario tempore in feudalibus recepto: ast à privato contra superiorem, non nisi immemoriali: contra alium privatum verò itidem 30 annis jura ejusmodi eximia, v. gr. *Venandi*, *pedagii*, in feudum præscribuntur. §. 5. sistit *Effectum* præscriptionis, qui in eo conspicitur, quod feudum præscriptione acquisitum naturam habeat veri & proprii feudi. Et quod præscribentem non minus quàm alium quemlibet Vasallum, Domino aut Vasallo mutato, investituræ renovationem petere, & juramentum fidelitatis subire oporteat.

§. 6. Ad *Dissentanea* spectare ait, quod restitutio in integrum ex capite ignorantiae contra praescriptionem semel completam impetrari non possit. *Item*, quod ad praescribendum sufficiat notitia Ministrorum Principis, si vel maxime Princeps, feudi Dominus, ignoraverit. Sectionem *primam* ita pertractam excipit *secunda*, quae agit de *Feudi jam constituti Dominio utili vel directo praescribendo*. Quenam praescriptionis hujus sint requisita. §. 7. docet, commemorans simul varios casus hoc in capite considerandos. §. 8. Ostendit, quod *Dominus* contra vasallum dominium *utile*, vel potius amotionem ejus, seu libertatem feudi praescribere possit, ita ut rem olim in feudum concessam pleno jure recuperet, & quod hac in re praecipue bona fides spectanda sit. §. 9. Afferit, quod *Tertius* feudum, vasallo id negligente, per 30. annos bona fide, ut feudum, possidens, itidem illud contra verum vasallum praescribat. §. 10. Meminit *Dominium Directum* a *vasallo ipso* non aliter praescribi, quam (1) per interversionem possessionis domini directi, quando nimirum in possessione libertatis per 30 annos, & quidem bona fide, quae ex lapsu tanti temporis praesumitur, se constituerit, vasallum se negando, acquiescente Domino. (2) dicit per recognitionem domini utilis ab alio bona fide factam, accedente legitimo tempore, vasallum dominium directum novo isti domino acquirere, modo sciverit hoc prior feudi dominus, quod vasallus alium recognoverit. §. 11. Perhibet, quod *Successor vasalli universalis*, si ipse rem retineat, *ignorans* eam esse *feudalem*, ne quidem ex sua persona praescriptionem directi domini inchoare possit, si vasallus antecessor ut *allodiam* possidere jam coepisset mala fide. §. 12. & 13. explicat, an *Successor singularis*, in quem illicite vasallus feudum alienavit, ullius temporis praescriptione directum dominium acquirere possit? §. 14. docet, *Tertium*, bona fide possessionem feudi adeptum, praescriptione ordinaria juris communis, decem sc.

annorum inter præsentēs, & viginti inter absentes, illud acquirere. Tandem *quinque* annectuntur *Corollaria*.

Postquam Disputationis summam hætenus dedimus, Candidati vitam paucissimis attingere placet. Natus scilicet ille est *Lubeca* an. 1675. d. 22. Julii Parente *Petro Clasen*, Jcto, & Serenissimi quondam Saxonæ, Angriæ & Westfalæ Ducis Consiliario Aulæ ac Regiminis primario. Positis primùm in Gymnasio *Lubecensi*, in scholâ deinde *Racoburgensi* oppidanâ, & tandem sub privatissimâ Præceptorum institutione, studiorum fundamentis, an. 1693. ad *Jenensem* Academiam profectus est. Hic quum per biennium, & quod excurrit, hæssisset, *Lubecam* quidem repetiit, sed sesquiannò exactò *Jenam* redire placuit, ubi & per triennium fermè iterum substitit. Postquam an. 1699. hinc discessisset, & in urbe patriâ per annum commoratus esset, ad Imperialem Cameram *Wetzlariensem* sollicitandorum, ut vocant, processuum causa, concessit. Finitis *Wetzlaria* negotiis per *Hassiam* & Ducatum *Brunsvicensem*, salutatis tamen *Gießensi*, *Marpurgensi* & *Helmstadiensis* Academiis, ad Penates suos rediit.

### REGIOMONTI

Die 2. Sept. M. *Arnoldus Henricus Sahme*, Regiomont, Prussus, Respondente *Jo. Frider. Fischer* / Morung. Prusso, Disputationem priorem habuit de Comitibus Palatinis, *des Reichs-Soff-Graffen*. (3. plag. in 4.)

In hujus Disputationis §. 1. varias significationes vocis *Comitis* evolvit: & posteaquam ex historia ostensum esset, quâ nimirum ratione vox hæc nomen officii sit facta, explicatur quisnam hodie propriè dicatur COMES? videlicet: *qui de Comitatu a Principe est investitus*. §. 2. Considerat germanicam vocem *Grass* / & fusè inquirat quænam sit hujus vocis origo? Tandem ex verissimis argumentis concludit vocem hanc *Grasse* ab origine ita natam, non autem factam, aut aliunde derivatam esse, sed originaliter *Judicem* denotasse.

notasse. Quâ occasione simul mentio injicitur der *Cente-Gräffe* / *Bo-Gräffe* / *Grey-Gräffe* / *Saltz-Gräffe* / quorum omnium definitio simul proponitur. §. 3. *Varia Comitum genera, Landgravios, Marchgravios, Burggravios & Pfaltzgravios seu Comites Palatinos* proponit, & ostendit unde *Pfaltzgravii* nomen derivandum sit? Tum *duo esse Comitum Palatinorum genera* refert. *Unum* quod ad *Classem potentissimorum Principum* refertur, quique de *Palatinatu* sunt investiti, sicuti in *Germania* die *Pfaltz-Graffen am Rhein* / in *Polonia* *WOJEWODAE &c.* *Alterum*, quod illis competit, qui titulo tantum eines *Pfaltz-Graffen* fulgent; alii *de Palatinatu* investiti non sunt, & de his præsens *Disputatio* agit. §. 4. *Varios Comitum Palatinorum titulos* proponit, nimirum quod dicantur: *Comites Palatini Casarei, Comites S. Palatii Lateranensis, Comites Aulae Casareae, Comites Imperialis Consistorii, Comites Curiae Casariae*, imò simpliciter etiam *Palatini*. Germanicè non *Pfaltz-Graffen* / sed *des Heil. Römischen Reichs Pfaltz-und Hoff-Graffen* / vel etiam simpliciter: *Reichs-Hoff-Graffen*. Additur etiam ratio cur ita salutentur? & deinde ostenditur quâ ratione *Comitivam illam dignitatem* obtineant? nempe (a) *per publicam professionem* seu lectionem LL. Imperialium per XX. annos; quæ tamen sententia ab aliquibus meritò in dubium vocatur, quæ tamen non desint exempla eorum, qui se post XX. annorum professionem *Comites Palatinos* scripserint &c. §. 5. Ostendit (b) *alterum modum comitivam dignitatem* obtinendi, & simul inquirat quis *Imperatorum Rom.* primò omnium *Comit. Palatin.* creaverit? Ulterius indagat, quoniam hodie *Comit. Palatinos* creent? videlicet *Imperator Rom. & Papa*. Reliqui *Principes* qui absoluti sunt *dominii* etiam quidem *Comites Palatinos* creare possunt, si volunt, at tamen hactenus hoc regale non exeruere. §. 6. Exponit, quoniam ad *Comitivam hanc dignitatem* admittantur? §. 7. *Primum* proponit *ius Comitibus Palatinis à S. Casarea Majestate concessum*: nempe *Facultatem creandi Notarios Publicos*, & simul *varia de Notariis Publicis* proponit collectanea. §. 8. Recenset

Recenset *secundum* privilegium Comitibus Palatinis concessum, nempe: *Potestatem illegitimos & Spurios legitimandi*, & simul alia curiosa ob oculos ponit. §. 9. Tres quæstiones considerat (1) *An Comites Palatini etiam Principum, Comitum, Baronum atque Nobilium liberos illegitimos legitimare possint?* (2) *An Comites Palatini omnes Spurios sine discrimine, etiam ex incestu progenitos, legitimare possint?* & (3) *an Comites Palatini proprios extra legitimum thorum natos liberos legitimis possint restituere natalibus?* §. 10. Docet quod Tertiò Comitibus Palatinis concessum sit jus curatores & Tutores constituendi, confirmandi, nec non justis ex causis iterum removendi & deponendi. §. 11. Ostendit quod etiam Comites Palatini habeant jus veniam aetatis concedendi.

Die 5. Septembr. sub Præsidio Zach. Hefs, V. J. D. & P. Publ. Respondente Georg. Frid. Segers, Reg. Boruss. Diff. Juris de *Venatione juxta Jus Germ. prior; posterior vero ejusdem argumenti sub eodem Præsidente*, Respondente Job. von Sanden / Heiligenbeil, Boruss. die 8 Septembr. habita fuit. (6. plag. in 4.)

Vtraque Dissertatio idem pertractat argumentum, & divisa est in II. Capita. In primo, *justitia venationis non ex necessitate seipsum sustinendi: neque ex statu bellico inter homines & bruta: sed ex licentia legibus non restricta derivatur, quæ tantisper recta est, donec à Superiore restringatur. Vtrum occupato fundo simul dominium ferarum ibi commorantium acquiratur?* discussis rationibus negantibus affirmatur, idque rationibus & moribus Germanorum convenientius esse demonstratur. Contrarium tamen apud *Ebræos & Romanos* obtinuisse indigitatur. Apud *Germanos præcos* facultatem venandi ab arbitrio universitatis, postea principis dependisse, & in alieno fundo, ut & in banno Ferino principum, regulariter non licuisse; in fundo proprio vero venari fas fuisse ex concessione superioris, sed postea subditis jus hoc recte ademptum fuisse, notatur, ob tranquillitatem & utilitatem Reip, ostenditurque non opus

opus esse ut pro asserendo jure Principis venationem sibi adscribentis, præscriptio allegetur. Ultimo Jus Romanum cum Jure Germanico circa venationem confertur, & differentia utriusque ostenditur, & remissive recensetur quid juris sit in *Prussia* circa venationem. In *Capite secundo Jus venandi à Superiore concessum* consideratur, & quomodo differat à banno ferino; quotuplex sit: quasnam feras capiendi jus ad venationem superiorem, quasve ad inferiorem referendas esse ostenditur. *An concessa venatio sit Servitus realis, an personalis? an vero effectum obligationis tantum involvat?* in utramque partem disceptatur & deciditur, jus venandi intuitu Principis esse regale: intuitu subditorum, *singulare aliquod jus*, affinitatem habens modo cum servitute reali, modo cum personali. Ostenditur porro quibus personis concedi soleat, & quid observandum sit in concessione venationis precaria. *Quæstio, an fundo vel sylva simpliciter in feudum concessa, venatio simul concessa sit?* neg. etiamsi fundus cum omnibus redditibus sit datus, vel cum omni jure quod concedens ibi habuit; nisi concessus sit *Herrlichkeiten*; Expressione unius regalis, v.g. *meri imperii, venandi jus* non comprehendi ostenditur, nisi speciali Regalium quorundam concessioni-clausula generalis annexa, vel ab eo, cui quædam Regalia sunt concessa, jus venandi olim exercitum sit. In utramque partem disputatur, *an Venatio præscriptione contra Principem acquiri possit*, & negativa sententia rationibus & testimoniis DD. comprobatur. *An, quando & quomodo privatus privato jus venandi cedere possit docetur*, & quod princeps jus convenandi in subditorum agris non habeat, nisi agri privatorum publicis sint intermixti. Porro demonstratur, quod, qui majores feras capere potest, non statim minores, & vice-versa, venari possit: quod venatio simpliciter & indefinite concessa jus capiendi feras majores non inferat: quod, qui jus venandi feras majores habet, non mox sclopetis venari possit, nisi ita quoque sit concessum, & vice-versa, quod, qui sclopetis recte venatur, non etiam retibus

& canibus venari queat. Idem in venatione præscriptione acqvisita determinatur, ut unus venationis modus, v.g. per *retia*, præscriptione acqvisitus, non sit extendendus ad venationes quæ fiunt per canes. *Quo tempore, quo loco, venari jus sit, & quomodo feras vulneratas insectari liceat*: item *quibus remediis juris venatio quæretur & defendatur ostenditur, doceturque quod, qui jus venandi sibi competere asserit, titulum probare debeat; & quid in probanda quasi possessione venationis observandum sit monstratur, tandemque subjicitur, quibus modis jus venandi amittatur.*

Die 6. Sept. M. *Johannes Engelbrecht*, Schiffenb. Pruss. Respondente *Johanne Bernb. Hahn*, Persk. Pruss. *de Oratore ex veris bene concludente* disputavit.

Die 7. Septembr. prodiit Disputatio Theologica, *de Scripturâ divinitus inspiratâ, & sufficienter utili, secunda*, ex dicto 2. Timoth. III, 15. 16. 17. (*prima* vid. mens. Jan. p. 14. seq.) quam Præside *Godofredo Wegnero*, S. Theol. D. ejusque Prof. Publ. Ord. ut & Concionatore Aulico Regio Secundo, examini publico Eruditorum subjecit *Philippus Ruhig* / Insterburg. Prussus. (4¼ plag. in 4.)

Postquam in *primâ* Disputatione *Sectionem I.* absolvit, in hâc *Sectionem II. Problematico-Elencticam* pertractat, & quidem ita, ut dubia textualia, cum ceteris difficultatibus, quæ ob prolixitatem in sectione primâ expediri non potuerunt, proponat, atque interpretum non tantum dissensum ostendat, sed etiam quid verum, ac menti Spiritus S. congruum, eruat ac demonstrat, & falsitatem sententiarum destruat ac refutet, idque per quæstiones aliquot præstet, quarum I. *An potior Scriptura, an Papa autoritas?* Qv. II. *An per ipsa verba scripta sola V.T. Scriptura intelligatur?* negatur contra *Estium*, *Bellarminum*, *Tiletanum*, *Hayum*, & alios. Qv. III. *An Sacra Littera hominem possint sapientem reddere ad salutem?* affirmatur contra *Pontificios* *Scriptores*. Qv. IV. *Cujus Idiomatis aut Lingvæ grammata intelligantur?*  
Resp.

Resp. respectu V. T. *Hebraea*, paucis in Jeremiâ, Daniele & Esdrâ exceptis; respectu autem N. T. *Græca*. Qv. V. *Vtrum Synecategorema Omnis collectivè, an distributivè sumendum sit?* Resp. potest h. l. in hujusmodi ampliacione accipi, ut & totam & omnem solam Scripturam denotet. Qv. VI. *Vtrum ambitu vocis Omnis Scripta N. T. comprehendantur?* Resp. Intelligitur voce Omnis Canon Scripturæ N. & V. T. Qv. VII. *Vtrum sub illo ambitu etiam libri Apocryphi contineantur?* Negatur. Qv. VIII. *An res omnes in Sacra Scriptura contenta ex Divinâ inspiratione scriptæ sint?* Affirmatur. Qv. IX. *An etiam singula verba inspirata & dictata sint à Spiritu S.?* Affirmatur.

Die 23. Septembr. Præses M. Fridericus Stadtlender / Regiom. Pruss. Exercitationum Philosophicarum, de *Requisitâ ad Virtutum moralium acquisitionem necessariis*, tertiam proposuit Respondente *Georg. Christoph. Grube.* (prima vid. mens. Febr. p. 45. ; secunda autem mense Majo, p. 141.)

Ultimum Disputatio hæc complectitur Requisite, ipsam sc. *affectionem*, quæ in bonarum ac honestarum actionum frequenti exercitio consistit. Et cum reliqua secundum quid saltem sint necessaria, & causæ remotæ ac minus principales, tertium hoc absolutè atque simpliciter esse necessarium asseritur, quod & nonnullis evincitur ac demonstratur rationibus.

Die 28. Septembr. *Conrad Stein* / J. V. D. (cujus N. L. Anni 1702. p. 98. mentionem faciunt.) pro receptione in Facultatem Juridicam Disputationem de *Officio Advocati*, Respond. *Georg. Womann* / Regiom. Pruss. (3. plag. in 4to) ventilavit. Disputatio in tria *Capita* est divisa. *Cap. 1.* Generalia circa Rubri significationem exhibet. *Cap. 2.* Officium advocati in litibus suscipiendis observandum sistit. *Cap. 3.* Officium advocati in litibus susceptis bene peragendis exercendum exponit.

Die 31. Sept. Præses paulò ante dictus, Respondente *Friderico Danovio*, Loezâ Prusso, Disputationem *quartam & ultimam de Requisite ad Virtutum Moralium acquisitionem necessariis* ventilavit.

In tertiò requisitò adhuc occupatur, inqvirendò in actiones quales esse debeant. Malas excludendas esse ostenditur, quæ tantùm abest ut generent, ut potius corrumpant virtutes, vitiaque inducant. Occurritur uni ac alteri Objectioni. Malæ proinde cùm prorsus hîc exulent, bonas requiri docetur. Quæ verò illæ sint porrò investigatur, easque hîc nomine dignas esse dicitur, quæ ad auream mediocritatis regulam informantur. Moventur denique coronidis locò nonnullæ quæstiones: *An scil. Virtus moralis unicâ obtineri queat actione?* Neg. *Quodnam sit signum ex quò Virtutis habitus acquisitus aut non acquisitus judicari possit?* Putatur hoc esse voluptas atque dolor *Vtrum paululum à mediò citra vitium & vituperationem recedere licitum sit?* Affirm.

## VPSALIAE.

Haud ita pridem *Olaus Rudbekius*, inclutus Svecorum Historicus, viventium numero ereptus est, cum ultra septuaginta annos vixisset.

Lucem publicam, vidit *Dissertatio Medica, Vrsum* breviter delineans, quam sub Præsidio Doct. *Laurentii Roberg*, Med. Theor. & Pract. Prof. Reg. & Ord. Eruditorum examini stitit *Jacobus Sjöberg* / Smoland. (4½ plag. in 4.)

§. 1. Exhibet Auctores quosdam qui de *Animalium naturâ* scripserunt. §. 2. Occasionem præsentis Disquisitionis Academicæ tradit, quæ sc. ursini cadaveris dissectio, brevi antè *Vpsalia* facta. §. 3. Sistit *Synonymiam & Homonymiam*, & §. 4. *Ety-mologiam* vocabuli *ursi*, qui dicitur vel ab *urgendo*, quod animalia *urgendo & impellendo prosterminat*, vel à *villosâ hirsutie*, sicut & Græcis *δαρύριον*, pilosus, audit, vel juxta *Isidorum*, *ursus* dicitur quasi *orsus*, scilicet in ventre & extra ventrem linctu completus, ut vulgò creditur, &c. §. 5. Docet, *ursos* reperiri in *Africâ rariores*; nullos vero in *Cretâ & Angliâ*, contra iisdem abundare *Alpinas Helvetiæ rupes, Herciniæ aliasque Germaniæ sylvas, Lithuaniam*, nec non *aquilonarem partem à Tartaris*

taris habitatam, vastas Moscovitarum sylvas, & plagam septentrionalem. §. 6. Urfum describit, quod sit animal viviparum, quadrupes, ungviculatum, dentibus incisivibus in utraque maxillâ quaternis, carnivororum, denique è felino genere. Huic descriptioni addit ursini corporis figuram in Tabulâ depictam. §. 7. 8. & 9. Considerat dicti corporis structuram externam, videlicet pilos, cutem, manus pedesque, ungues, dentes, occiput, thoracem, collum, os femoris, nares, mammas & caudam. §. 10. & 11. De structurâ internâ dicit, nempe de omento, hepate, fellis vesiculâ, œsophagô & ventriculo, liene, renibus, genitali, utero, pulmonibus, corde, asperâ arteriâ, lingvâ, craniô, cerebrô, glandulâ pineali, oculis, & tandem de urforum excrecentiâ, ejusque tempore. & causâ. Hinc percurrit ea, quæ mores indolemque ursi spectant, & describit §. 12. eorum domicilium, inibi que latitationis tempus, libidinem & cibum, §. 13. hujus cibi facultatem, urforum congressum, ac partum, §. 14. concertationes & pugnas eorum cum taurô, vaccâ, eqvô, suisque feris. Hic etiam meminit, quod homines non temerè aggrediatur, & ex Historiis Danicis refert, quod ursus ex puellæ formosæ raptore amator factus sit. §. 15. Sittit prælia inter urfos hominesque, nec non eorum venationes, & quomodo illi adversus venatorum vim & insidias sese gerant, breviter explicat. §. 16. Cûcurati ursi mansuetudinem contemplatur. §. 17. Dissertationis finem facit, addens simul historiam de homine à primo ortu inter urfos educato, & an. 1661. in Lithuano-Grodnensibus sylvis reperto.

HAFNIAE

*Collegium Elerstanum*, de quo N. L. 1700. p. 333. B. G. Eleri, S. R. M. Dan. & Norv. Consil. Status, Justitiæ & Cameræ &c. atque uxoris *Annae Margarete Wandaline* munificentia ac pietate, haud ita pridem, in plateâ Canonicorum, è regione Collegii Regii cœptum est exstrui, curante *D. Joh. Wandalino*, SS. Theol. Prof. Prim. &c. testamenti executore, & primo Collegii futuri Directore à B. Testatore instituto, jactis 7. Septembr. à

*D. Cass. Bartholino*, Vniversit. p.t. Rectore, & laudato *D. Wandalino* primis ædificii fundamentis. Isto autem tam splendido Collegio, sedecim omninò Studiosorum habitationi ac studiis destinato, post tot alia, quibus hactenus gaudet, *Collegia*, *Regium* 80, *Walkendorpianum* 16, *Mediceum*, seu *Borrichianum* 16, itidem civium domicilia, post tot item *stipendia*, *Regia*, *Frisianum*, *Scheelianum*, *Rosenkrantzianum*, *Winstrupio-Resenianum*, *Brochmannianum*, *Hopnerianum* &c. aucta Vniversitas Hafniensis, citius Stipendiarios, quàm stipendia videtur desideratura.

*D. Bartoldus Botfaccus*, S.S. Theol. Prof. Reg. Honorar. & Consistorial. Havn. nec non ad *D. Petri* Pastor, Homilias, de *Peccato in Spiritum S.* habitas, publicæ luci exposuit, sumtus subministrante *Christoph. Frid. Sichel* / Bibliopolâ Brunsvicensi. Germanicus titulus ita legitur: *Die Sünde in den Heil. Geist / in etlichen Predigten erläutert von Bartoldo Botfacco &c.* 1702.

Sumtibus *Job. Melch. Lieben*, Bibliopolæ Hafniensis, sequentes libri prodierunt:

1. *D. H. Godofr. Masii* 2. Bücher von der wahren Selbst-Verleugnung. (in 8)
2. *M. Ernesti Christ. Baldichs* *Sabbatum anima sanctum*, i.e. Die heilige Seelen-Ruhe / in unterschiedlichen andächtigen Betrachtungen. (in 8.)
3. Der fertige *Secretarius*, durch *P. Canel* in Französischer Sprache erstmah! herausgegeben / nunmehr aber ins Deutsche übersehet. (in 12.)
4. *Job. Mouloni* nova & accurata methodus brevi temporis spatio Lingvam Gallicam discendi. (in 8.)

## FLENSBURGI.

*Series Rectorum  
Scholarum Flensburgensium,*

I. *Mariane Parochialis,*

*Nicolaus Thoma*, circa A. 1487.

*Thomas*

*Thomas Jacobi*, circa A. 1502.

*Johannes Petri*, circa A. 1509.

*Nicol. Johannis*, Hatherslebiensis, Presbyter, circa A. 1513.

Fuit is deinde, ab A. 1527, primus Ædis Marianæ Pastor Lutheranus, Præpositusq; Ecclesiarum Surdevithensium. Obiit A. 1561.

*M. Georg. Stammichius*, Brunsvicensis, circa A. 1553. Discessit A. 1557, & ab isto tempore, Ædis in Civitate patria Brunsvicensi Catharinæ, ab A. 1572. autem Parochiæ Hamburgensis itidem Catharinæ, egit Pastorem, simulqve, ab A. 1593, primus Ordinis Ecclesiastici Hamburgensis fuit Senior, ac d. 21. Febr. A. 1600. est extinctus.

*Georg. Sartorius*, seu *Schröder*, Felsteda Cimber, Scholæ Ottoniensis in Fionia, ab A. 1558., Flensburgensis autem Marianæ, circa A. 1560. & 1561. Rector, tandem vero Ecclesiæ Felstedensis patriæ, in Agro Tunderensi vicino, circa A. 1575. & 1580. Parochus.

II. *Nicolaitanæ Parochialis.*

*Laurentius* quidam, circa A. 1504. Reliqui ignorantur.

III. *Publicæ totius*

*Civitatis a Ludolpho Naamani*, Monacho Ord. Min. pio ac erudito, ex Parentis sui, *Naamani Johannis*, Civis honesti, Bonis A. 1560. fundatæ, ac A. 1566. apertæ.

1. *M. Joach. Dobbin*, Lubecensis, Scholæ Flensb. ab A. 1566. Rector, ac deinde, in patriâ Civitate Lubecensi, Diaconus ab A. 1568. Marianus, Templi Cathedr. ab A. 1588. Pastor, & tandem Ord. Eccl. Senior. † Vigilia Pasch. An. 1614. æt. 79.

2. *M. Hieron. Herberding*, Lüneburgensis, circa A. 1569.

3. *M. Sebast. Schröder*, Rector usqve ad A. 1571. dein Pastor Nicolaitanus, simulqve, ab A. 1585. Præpositus Flensburgensis. † d. 14. Jul. A. 1593.

4. *M. Thomas Schattenberg*, Hildesiensis, Scholæ ab A. 1571. Rector, Pastor ab A. 1585. Marianus, & tandem, ab A. 1593. Præpositus. † d. 15. Jun. A. 1604.

5. *M.*

5. *M. Job. Avenarius*, ab A. 1585. ad 1586.

6. *M. Paulus Sperlingius*, Senior, Eckernförda Cimber, Scholæ Flensburg, ab An. 1586. Hamburgensis autem Johannaæ, ab A. 1591. ad 1619. Rector, simulqve primus, ab A. 1613. Oratoriæ & Poëseos in Gymnasio Hamburgensi ( cui, post A. 1619. abdicato Scholæ Regimine, soli inserviiit) Professor, d. 13. Jun. An. 1633. æt. 73. mortuus: Prens *Pauli* Junioris, Theologi Kiloniensis *πελυμαθεσάτυ*, & *Ottonis*, Medici itidem Eruditissimi, sed infelicioris, Avus autem *Ottonis* Junioris, Consiliarii h. t. Danici, & Polyhistoris Eximii. Didacticus suo ævo fuit excellens, &, vel ipso Morhofio (in *Programmate*, quo *Pauli Filii Exequias* A. 1679. indixit, Kiloniensi) Judice, Præceptor optimus, cui similem Germania tunc vix habuit, cujusqve e ludo, velut ex Equo Trojano, gregatim procedens, per omnem Germaniam, Daniam, Holsatiam, Sveciam, Virorum Doctorem Populus diffundebatur: Superest, præter Scripta ejus alia, Scholæ Flensburgensis Administratio, publica Scholarcharum autoritate, Witebergæ A. 1589. in 8vo edita, in qua Methodum Præceptorum suorum Argentinensium, *Job. Sturmii* & *Melch. Junii*, Didacticam laudatissimam sequitur, & nostratibus inculcat.

7. *M. Job. Posselius*, Junior, Rostochiensis, Scholæ Flensb. A. 1591. Rector factus, sed paulo post, Anno eodem, Parenti Cognomini, in Lingvæ Græcæ Professione, Rostochi subrogatus, &, una cum illa, Ludi etiam Urbani Rectoratu, ab A. 1605. ad 1615. (quo isto se abdicabat) functus: Vir in Græca imprimis Literatura versatissimus, Felixqve paternæ gloriæ Æmulus. † d. 19. Jun. An. 1623. æt. 58.

8. *M. Job. Angerstein*, ab A. 1592. ad 1597.

9. *M. Frid. Johannus*, Ladelunda Cimber, Scholæ gubernaculis A. 1597. Diaconi autem Ædis Nicolaitanæ Sacro Muneri A. 1600. admotus, Poëta Venæ haud trivialis. † d. 19. Jun. A. 1626.

10. *M. Bernhardus Latomus*, Scholæ Neo-Brandenburgensis

sis in Duc. Megapol., circa A. 1595., Flensburgensis autem, ab A. 1600. ad 1604., Moderator, & in hac *Georgii Calixti*, Theologi summi, Alumnorumque illius omnium Phœnicis, Præceptor, ob industriam & dexteritatem a Discipulo (testibus Vitæ ejus Scriptoribus, *Gerh. Titio* & *Christoph. Schraæro*), grata mente, frequenter celebratus.

11. *M. Joh. Mohtius*, Flensburgensis, Scholæ patriæ ab A. 1603. Conrector, & ab A. 1604. Rector, Diaconus, ab A. 1626., Nicolaitanus, & Pastor tandem, ab A. 1630., Marianus. † d. 17. Jan. A. 1642., æt. 68. *Elementa Lingvæ Latinæ & Vocabularium* A. 1614., *Quæstiones autem Grammaticas Latino-Saxonicas* pleniores A. 1617., Typis Hamburgensibus, in Athenæi patrii usum, Magistratus jussu, edidit.

12. *M. Simon Henrici*, Kiloniensis, Scholæ Flensburgensi A. 1626. præfectus, & Diaconus dein, ab A. 1630., Nicolaitanus. † A. 1634., æt. 37.

13. *M. Georg. Lossius*, Scholæ, ab A. 1630. ad 1653., præfuit, & deinde in Parochiæ Ruris vicini Treyanæ Pastoratu consenuit.

14. *Joh. Vorstius*, Wesselburia Dithmarfus, Theol. Lic. Alumnorum in Acad. Rostochiensi Holsaticorum, ab A. 1649., Ephorus, Scholæ autem Flensburgensis, ab A. 1653., & dein, post transitum ad Ecclesiam Reformatam, Gymnasii Svevo-Coloniensis, ab A. 1660., Rector, simulque Bibliothecæ Electoralis Brandenburgicæ Præfectus. † d. 4. Aug. A. 1676., æt. 53. Polyhistor, ob Eruditionem omnigenam, Merita in Autores Veteres plurimos insignia, & Monumenta Ingenii proprii, Sacra, Philologica, Philosophica atque historica, numerosa pariter atque luculenta, per univèrsam Orbem Literatum, inclutus.

15. *M. Carolus Schröder*, Islebia Saxo (Pastor antehac Baronensis in Livonia), ab A. 1661. † d. 26. Jul. A. 1678.

16. *Eberhardus Vette*, Flensburgensis, Scholæ Patriæ, ab

A. 1671., Conrector, &, ab A. 1678., Rector. † d. 27. Jun.  
A. 1701., æt. 60.

## LVBECÆ.

*D. Georg. Henr. Goetzius*, Superintendentens Lubecensis, Homilias, primâ & secundâ Pentecostes Feria in templo B. Virginis Mariæ è suggestu recitatas, qvum demandatum sibi Superintendententis munus auspicaretur, edidit. Germanicus titulus ita habet: *Lübeckische Pfingst-Arbeit / am ersten und andern Pfingst-Feste / nach Anleitung derer ordentlichen Fest-Episteln / Act. II, 1-13. X, 42-48. beyrn Antritt des Ihm angewiesenen Lehr-Amptes / den 4ten und 5ten Junii, Anno 1702. in der Haupt-Kirchen St. Marien daselbst / mit Gottes gnädiger Hülffe verrichtet / von Georg Heinrich Götzgen / der Heil. Schrift Doctorn und Superintendententen in Lübeck. Lübeck und Leipzig / in Verlegung Johann Wiedemeyers / 1702. (13. plag. in 4.)*

*Accedit Concio Introductoria*, qvam *M. Balthaf. Gerh. Hannekenius*, Eccles. Marianæ Pastor, primâ Pentecostes Feriâ ex Joh. XIV. 26. habuit, & sequenti modo inscribitur: *Ministerium Spiritus*, oder / das Ampt des Geistes / das ist / Christliche Predigt aus dem 26. vers des XIV. Cap. St. Johannis, gehalten zu St. Marien in Lübeck / als der Wohl-Chrwürdige / Andachtige un Hochgelahrte Herr Georg Heinrich Götzge / der Heil. Schrift berühmter D. und Annaberg. Superint. zum Superintendententen Ampt daselbst am ersten Pfingst-Feyertage dieses 1702. Jahrs in Volkreicher Versammlung eingewiesen ward; Auff Begehren zum öffentlichen Druck übergeben von *M. Balthaf. Gerh. Hannekenio*, der Kirchen zu St. Marien Pastore. Lübeck / in Verlegung Johann Wiedemeyers / 1702. (5½ plag. in 4.)

Præter has Homilias modò memoratas haud ita pridem prodierunt Rev. Ministerii Lubecensis *Vindicia* Responsi sui, in Controversiâ de *Termino gratia peremptorio*, dati, & à *D. Adamo Rechenbergio* impugnati, qvarum titulus ita legitur: *Schriftmäßige Rettung des Lübeckischen Responsi*, in der entstandenen Streitigkeit des von Gott gesetzten *Gnadens-Termins*, vor desselbigen

gen so genannten *Schriftmäßigen Prüfung* Tit. Herrn *Adam Rechenbergs* / SS.Theol. D. und Prof.Prim. in Leipzig / angestellet von dem ordentlichen *Predigamt* in Lübeck. 1702. (14.plag.in 4.)

Scripti hujus Auctor, & sententiæ Rev.Ministerii Lubecensis Interpres est *M. Thomas Honstedt*, Templi Cathedralis Pastor, nec non Rev.Ministerii Senior; qv̄i præter *Palastram vere Christianam*, an. 1675. editam, & *Tractatum Theologicum de vitâ fidei* an. 1684 evulgatum, superiori etiam anno 1701. Ministerii nomine publicavit *Scriptum Monitorium*, ut qv̄ivis à Reformatorum concionibus sibi caveant, (de qvo N. L. dicti anni, pag. 256. mentionem faciunt), & hoc ipso anno ejusdem Ministerii nomine *Explicationem Catechismi Lutheri* ex verbó Divino adornavit, typisque commisit, qv̄æ publicâ Magistratus auctoritate Scholis & Ecclesiis recipi meruit.

*Casparis Lindenberghii, Past. Aedi Divi Johannis, ad Henricum Balemannum, Reip. Lubecensis Secretarium, fratrem uterinum, de non contemnendis, ex Lingva Hispanica utilitatibus Theologicis, Epistola.*

Miranti tibi sæpenumero, *Frater charissime*, cur ad studium lingvæ Hispanicæ, Theologis saltem non adeo proficua, nunc demum animum appulerim, pro tyrocinii mei tempore qv̄æ pridem tibi responsa dederim, non ignoras. Posteaquam vero qv̄alem cunqve ejus notitiam hausi, ac unum alterumqve auctorem volvere & intelligere prope-modò in incipio, mearum esse partium duxi, *de utilitatibus non contemnendis, qv̄æ ex notitia hujus Idiomatis in Theologum redundare possunt*, pluribus certio rem te facere. Est fateor ratio, cur Politicorum non paucos lingvæ hujus noscendi desiderium tenuisse videamus. Cum enim ex reconditis politicæ arcanis Hispanos & gessisse multa & scripsisse plura compertum sit, non miror, multos sapientiæ Civilis studiosos, apum instar, floribus & pomis istiusmodi Hesperii inhiasse, & populum hunc late Regem, rerumqve Dominum, imò utriusqve orbis

olim arbitrum admirantes, ab illo sibi quod ex usu sit præcipue capiendum existimasse. Etsi vero parem ex lingua Hispanica utilitatem Theologi plerumque sibi non promittant, sunt tamen, quæ & illos ad ejus studium allicere merito possunt.

Primum in confesso est, haud parvi emolumenti in Theologia Exegetica rem esse, concinnam quandam & non hiulcam Bibliorum Sacrorum versionem, utpote ex qua sæpissimè felicius, quam ex voluminosis multorum Commentariis, dubia & intelliguntur & resolvuntur solidè: cujusmodi versiones vernaculas Hispanis non deesse, eruditis constat. Ut taceam antiquissimam illam, quæ initio seculi XV., accurante inter cæteros *Vincentio Ferrerio* Episcopo Valentiano Dominicano, prodiit, de qua *Cyprianus de Valera præfat. Bibliorum suorum Hispan.* \* 3.col. a. post. init. *Ho visto, inquit, la Biblia en lengua Valenciana con licencia de los Inquisidores, à cuya traslacion assistió S. Vincente Ferrer que ha mas de ciento y tantos años que se imprimió in folio de papel real: Nec memorem Francisci de Encinas* versionem novi Testamenti, 1542. ad umbilicum perductam ac Carolo V. Bruxellis degenti oblatam, item Doctoris *Joh. Perez*, 1556. typis expressam, & a quodam *Juliano Hernandez* magna copia, nec minori forsan periculo, 1557. Hispalim adportatam ibique distributam, *C. de Valera l.c.* nec Veteris Testamenti illam, quam *R. David Kimchium* adornasse testatur *Hottingerus, dissert. de transl. Biblic in ling. Vernac. p. m. 244.* nec Catalonicam, cujus mentio fit in *præfat. Bibliorum Ferrariensium*: quas omnes & alias (vid. *Bartoloccij Biblioth. magna Rabbinnica T. IV. p. 206. b. 207. a. 212. b. & Menasse ben Israel, in fine præfat. Tr. de resurrect. mort.*) aspicere aut oculis usurpare mihi nondum licuit: duæ mihi sunt versiones Hispanæ apprimis charæ, una *Cassiodori de Reyna*, postmodum a *Cypr. de Valera* interpolata & eliminata, altera Ferrariensis, Judæorum approbante Inquisitione opus.

Primam quod attinet, quanti habenda sit ab æquo rerum æstimatore, vel ex eo apparet, quod ab homine doctissimo, provecioris ætatis maturique judicii primum

mum elaborata, idque non ex turbidissimis Vulgatæ lacunis, sed limpidis fontibus Ebraicis, eo studio & religione, ut verissime dicere auctor queat *præfat. p.4.*: *Con toda la diligencia que nos ha sido possible havemos procurado atarnos al texto sin quitarle, ni añadirle*, imo quæ insuper non ut fungus nata, sed duodecim annorum labore eidem constiterit. *la obranos ha durado entre las manos enteros doze años, sacado el tiempo, que nos han llevado o enfermedades, o viajes, o otras ocupaciones necessarias en nuestro destierro &c. l. c. p. 8. init.* Quas ob causas tanto etiam desiderio & applausu excepta est, ut licet 2600, uti vocant, exemplaria prima vice Basileæ 1569. excusa sint, attamen jam 1602. & magnis sumptibus vix ullum parabile fuerit. Unde fraus, quædam doctissimi *Gaffarelli* memoratur, qui venditurus hanc versionem *Domino Carcavi*, regis Christianissimi Regis Bibliothecæ Præfecto, fidem ei fecit, esse hoc Judæorum quoddam illustre & rarissimum opus; nisi & ipse serio hæc locutus, pro versione Ferrariensi, quod suspicor, habuit. *Morery dictionaire historiq; T. IV. p. 255. b. editionis sextæ de an. 1694.* Sed haud parum versionis hujus pretium auctum est, cum *Cypr. de Valera*, nec is indoctus Hispanus, eandem accuratius elimandam sibi fumeret, & collatis Ebræo Græcoque S. Textu, multisque versionibus aliis, subinde etiam exploratis doctissimorum Virorum judiciis, labori huic iterum viginti annos, ab ætatis quinquagesimo ad septuagesimum usque impenderet, vide *præfationem ejus sæpius citatam f. \*\* a.* vel eo potissimum nomine à *Nicolao Antonio* in *Bibliotheca Hispana Roma 1672. edita*, hanc notam promeritus: *Cyprianus de Valera, infame nobis semper nomen, hereticus Calvinianus &c. part. 1. p. 200. b.* Ferrariensis autem illa versio, etsi apud plerosque male audiat, præcipue ob rigorosam nimis Textus Ebraici sectationem, quem à verbo ad verbum exprimere, neglecta lingvæ Hispanicæ elegantia, allaborat, quæ de causa, *scabra ad modum & inepte superstitiosa D. Kortbolto de variis Script. S. edit. cap. 24. §. 3.* & doctissimo quondam nostro *Pfeiffero Critica S. cap. 13. §. 2.* dicitur, ab Hispanis tamen ipsis

magni æstimatur, quippe *C. de Valera* non modo dicta : *un gran theſoro de la lengua Eſpañola l. c. fol. \* 3. col. 1.* ſed etiam à *Caffiod. de Reyna* tale naſta encomium : *de la Vieja tranſlacion Eſpañola del Viejo Teſtamento, impreſſa en Ferrara, nos havemos ayudado mas que de ninguna otra que haſta aora ayamos viſto, no tanto por aver ella ſiempre acertado mas que las otras en cosas ſemejantes, quanto por darnos la natural y primera ſignificacion de los vocablos Hebreos, y las diferencias de los tiempos de los verbos, como eſtan en el miſmo texto, en lo qual es obra digna de mayor eſtima (a juizio de todos los que la entienden) que quantas haſta aora ay. pref. f. \*\* 3. a. poſt med.* Vnde etiam plus ſimplici vice ejus repetita eſt editio, quippe primam anno Chriſti 1553. lucem aſpicientem *P. Simon hiſtoire Critique du Vieux Teſtament p. m. 533. b.* altera anno mundi 5390. h. e. Chriſti 1630. infecuta eſt (qvalem inter meam qvalem cunqve literariam ſuppelleſtilem numero) qvam & alia anno mundi 5416. ſive Chriſti 1656. evulgata excepit. *Bartoloccii Bibliotheca M. Rabbin. T. IV. p. m. 213. a. poſt. imit.* Cum igitur vel ob unam Æthiopicam, Samaritanam, Armenicam, Sacrorum Bibliorum verſionem, inveniantur Theologi, qvi has lingvas addiſcant, haud ſegnius rebus ſuis conſulere mihi videntur, qvi ob verſiones Hiſpanicas, lingvæ huic operam (leviorem ſaltem & amplioris uſus) impendunt; inventuri certe, maxime in sæpe dicta verſione *Cypr. de Valera & Caffiod. de Reyna, la Verſion des ſcavants & non l' averſion des Scavants, prout de Juniana Bibliorum tranſlatione clariffimum Bocharдум quandoqve luſiſſe accepimus.*

Magnæ porro utilitatis ſunt in Theologia exegetica Commentarii. Qvamvis enim illos loco columnarum Herculis ſuo NON ULTRA ſuperbientium, nunquam habuerim, qvin potius ſemper aſtipulatus fuerim verbis *Seneca epiſt. 33. circa fin : Qui alium ſequitur nihil invenit, imo nec quarit - - - Qui ante nos iſta moverunt, non Domini noſtri, ſed duces ſunt, patet omnibus veritas, nondum eſt occupata, multum ex illa etiam futuris relictum.* Cui pollicem qvoddammodo premit *S. Gregorius in proœmio ad lib. I. Regi Scriptura inquit nunquam fere ſic exponitur, ut ei non plura*

*plura remaneant, quæ quotidie exponantur ; tantum tamen abest, ut eruditas doctissimorum hominum lucubrationes contemnam, ut potius eis, pro statutis hisce mercurialibus, vias tritas, imo compendiosiores quandoque, ostendentibus, gratias habeam maximas. At vero talibus commentariis præclarissimis, Latinis simul ad vernaculis, Hispanos abundare ex Val. Andr. Taxandri catalogo clarorum Hispania Scriptorum, Nicolai Antonii Hispanensis Bibliotheca Hispana maxime part. 2. p. 492. --- usq; 500. Mart. Lipenii Bibliotheca Theologica, Juan Roderiguez de Leon discursu præmiali ad historia real sagrada del Palafox videre licet. Laudare ex his aliquos jam mihi nec locus nec animus est, hoc tamen præterire nequeo, facta mentione Johannis de Palafox y Mendoza, Ecclesiæ Angelopolitanæ in America Episcopi & Archi-Episcopi Mexicani, ut & Vice Regis Novæ Hispaniæ & ejus Visitatoris generalis, ejus commentarium in librum 1. Sam. vernaculum, nunquam sine summa voluptate me legere. Tanta enim in summa brevitate & elegantia & rerum pondere scætet, ut Roderiguez iste l. c. invidendo hocce elogio illum mactare non dubitaverit: Non amulum reperit, nec æqualem.*

Conciónatorum & homiliarum agmina si cuiquam Theologorum lustrare volupe est, Angli quidem certant de gloria, certant & Galli & Itali; sed Hispanos si non præripere, dubiam certe illis reddere palmam, cum clarissimis Scriptoribus res ipsa testatur. Antonius in prologo Bibliotheca Hispana fol. 3. col. 1. & 2. hæc habet: *De sacris actionibus (homileticis) cum Italis nobis controversia est. Hi artificio prævalent, rhetoricantur verbis gestuque, ac tota corporis conformatione & motu veterum oratorum imitatores videri volunt: nostrorum strictior nec affectata est eloquentia, non commentata domi oratione, aut verbis utuntur artificiose respondentibus, sed naturali & quasi extemporali facundia, quicquid judicii, quicquid acuminis, quicquid eruditionis eliciendum est, rebus ipsis & argumentis persuadendis, confirmandis ex sacra pagine ac doctorum testimoniis, ingeniose ac prudenter impendunt; eaq; solerter inveniendi, excogitandi acute, atq; apte in rem præsentem cogitatis utendi nota, sic vulgo placue-*

re,

*re, ut etiam vernaculi sermonis conciones communiter apud Italos in ulnis gerantur, & propria horum lingue interpretatione donentur. Nec paucos vidimus ex probatissimis, qui sic formam hanc nostram suam fecerunt, ut Italico sermone loquentes, more concionarentur prorsus Hispano. Quibus ne nimium gloriæ gentis suæ dedisse hominem Hispanum credas, quid haud infimæ notæ Italus, ipse Guido Cardinalis Bentivoglio, in quadam epistola ad Tobiam Matthæi Anglum scribat, accipe: Sono valent' huomini, inquit, veramente gli Spagnuoli nelle compositioni Spirituali, e non sò come la lengua ancora porta con se maggior peso con la sua gravità, per imprimir le cose. Est tamen, fateor, cuique hominum generi suum vulgus, & ubique terrarum, etiam in Hispania, interstrepit anser olores, ut plurimorum conciones sat jejunæ comprobant, attamen qui Hier. Bapt. Lanuza, Petr. Calvo, Ignatium Coutigno, maximamque partem illorum quorum meminit Antonius Bibliotheca Hispana Indice ultimo distinct. IV. p. 505. seq. & distinct. VII. p. 517. seq. leget, videbit sine dubio, quid distent æra Lupinis, nec levis armaturæ milites & gregarios hos esse deprehendet.*

Jam historiam Ecclesiasticam si spectes, quanta illi tota fere Theologia debeat, ut nemo facile ignorat, ita & hac in parte lingvæ Hispanicæ notitiam, usum non contemnendum Theologis præstare, certum est. Quicquid sit de aliis, ego vero nec legi nec inaudiui nisi beneficio Lingvæ Hispanicæ, tanta reformationis Lutheranae in ipsa Hispania fuisse incrementa: *que non ay ciudad, y a manera de dezir, no ay villa ny lugar, no ay casa noble en España, que no aya tenido y aun tenga alguno o algunos, que Dios por su infinita misericordia aya alumbrado, con la luz de su Evangelio: Quin etiam tantum doctissimorum in Hispania consensum Lutherum meruisse, ut exinde proverbium enatum sit, quod laudaturi alicujus eruditionem, dicere soleant: Es tan docto que esta in peligro de ser Lutberano. vid. utrumque in C. de Valera præf. sapius cit. \* 3, a. Lubens multa alia prætereo, quæ brevi illo tempore, quo lingvæ huic operam navavi, cum ex aliis notavi, tum ex Anonymi cujus-*

cujusdam libello, dicto: *Dos tratados el primero del Papa y su autoridad, el segundo de la missa*, & anno 1588. in 8. edito, quem ex Bibliotheca celeberrimi *Morhofii* possideo. Hoc addere tantum libet, decantatam illam de *Johanna Papissa* historiam (cujus veritatem inter alios optime & uberrime asserit *Egbert Grimlicent. Theol. Past. & Profess. Vesaliensis*, duobus libris lingua Batavica, *Vesaliae 1635. in 4.* hoc titulo: *Pauselicke Heiligkeit* editis) ex Hispanis etiam auctoribus præcipue comprobari. Est mihi exemplar *variarum lectionum Pedri Mexia*, lingua vernacula in folio *Hispani* 1570. typis excusum, multis elogiis ornatum opus, cujus parte prima cap. 9. historia illa ut toti orbi notissima, graphicè ab auctore describitur. Fuit hoc possessori quondam hujus libri, Catholico certe & ut reor Hispano, sudes in oculis, cumque ob id lacerare librum, totamque paginam & alia lectu dignissima continentem eruere grave illi videretur, omnes voces, imo omnes literas hujus historię summa diligentia atramento induxit, nec hoc contentus, eodem modo etiam ex indice expunxit. Suspiscabar primo intuitu facinus, & prout negata plerumque cupimus intensius, per lituras atramenti non adeo nigri hinc inde transparentes literas Hispanas hariolari primum allaborabam, usque dum tandem, bellam illam Ecclesię Catholicę matrem post ca-recta latitantem, deprehenderem, & verbotenus auctori luciqve restituerem: qvalia coram tibi ostendere desidero, eoqve demonstrare, Papistas *Johannem* suum aut potius *Johannam* operose excusantes, laterem potius lavare,

\* *Proque illa nebulam & ventos obtendere inanes,*

\* *Virg. lib.  
X. Æneid.*

Vfus ex lingua Hispanica ostendenti mihi negligendum etiam non est, studium Ebræo-Rabbinicum, cum iis quæ ex Judæorum & scriptis & commercio, utilia sibi haurire Theologi possunt. Hęc non esse nullius momenti, innumeri re ipsa experiuntur, qui cum *S. Hieronymo in epist. ad Rusticum de vivendı forma T. 1. oper. p. 46. post init. gratias agunt Domino quod de ama-*

ro semine literarum dulces fructus carpunt. Nam præter ea quæ ad Veteris non modo, sed & Nov. Testamenti intellectum atque illustrationem ex Rabbiniis librisque Talmudicis erueri licet, (quæ quanta sint vel ex solis *Lightfooti horis Ebraicis & Talmudicis* constare potest) si cuiquam cum Judæis confligere & de religione agere contigit, post S. Codicem, ex propriis illorum scriptis tam Rabbiniis quam vernaculis optima contra illos tela peti possunt. Cum autem præclarissimi quique Rabbitorum, qui post conditum *Sohar, Talmud, Mechilta, Tanchuma s. Felammedenu, Rabboth &c.*, libros & commentarios ediderunt, origine Hispani fuerint v.g. *Aben-Efra, Abarbanel, Bechai, uterque Kimchi, Salomo ben Melech, Moses Mikkotzi, Moses Gerundensis, Menasse ben Israel, Joseph Albo, Isaac Arama, Abraham Seba, David Cohen de Lara, Joseph Pardo* & infiniti alii; non solum sæpissime lingua Regionis suæ & scribendo & transfundendo uli sunt, vid. *Menasse ben Israel de resurrect. mort. in sine præf.* sed & Rabbiniçè scriptis frequenter nativa vocabula immiscent; quod tum maxime illis solemne est, cum vim vocis cujusdam Ebrææ nulla tam commoda quam vernacula exprimere norunt: quem in modum, ut hæc obiter dicam, in commentariis quibusdam latinis Jesuitarum Hispanorum e.g. *de Pineda*, locutiones & proverbia Hispanica ad illustrationem textus faciunt, nonnunquam adhibita quoque observavi.

His accedunt curiosa plurima Theologica, libros Hispanos volventi passim obvia, in aliis vero magni nominis auctoribus latinis &c. necquicquam quæsita, quale illud est quod *Cypr. de Valera l.c.\* a. recenset*: Biblia nempe illa Complutensia, à loco impressionis sic dicta, quæ *Franciscus Ximenes* Archiepiscopus Toletanus, Gubernator & Inquisitor generalis Hispaniæ, idemque fundator Universitatis Alcalæ sive Complutensis, propriis sumptibus procuravit, 600000. Ducatis eidem constituisse.

Campus me non deficeret sed cursus tempusque, plura si persequi vellem, sed his contentus animum tuum testor. fidem-

fidemque, *mi Balemannæ*, an oleum & operam perdat Theologiæ ille deditus, qui lingvæ Hispanicæ addiscendæ tempus quæcunqve impendit. Me quod attinet, singulare calcar mihi addiderunt Virorum quorundam doctissimorum exempla, qui non sine magno suo emolumento, Musis Ibericis familiariter utuntur. Summe Reverendus Dn. *Johannes Wincklerus*, Pastor Hamburgensis ad Divi Michaelis, & Reverendi Ministerii Senior egregie meritis, quem Deus in seros annos sospitet, quanti sermonis hujus notitiam faciat, vel ex copia scriptorum Hispanorum quæ Bibliotheca ejus exquisitissima superbit, augurari licet. *Eberhardum vero Anckelmannum*, SS. Theol. Licent. Professoremqve Gymnasii Hamburgensis celeberrimum, memini lingvæ hujus noscendæ gratia, ipsam Hispaniam aut Portugalliam, auctore *Edzardo*, adiisse, ibiqve per tempus haud exiguum commoratum esse. Quorum vestigia legere quodammodo eo libentius animum induxi, quo & gravius & svavius & præ cæteris facilius idioma Hispanicum mihi sæpius deprædicatum fuit. Vela nisi contrahere potius quam explicare mihi esset propositum, multa hic congerere possem, ex *Mariana lib. 1. cap. 5. Tomi primi historia generalis Hispania*, item ex *Claude Duret Thresor de l'histoire des Langues de cet univers cap. LXVIII. p. m. 815. seq. & aliis*, petenda. Hoc certum est, ipsos Hispanos, vernaculam suam Latinæ quasi lingvæ felicissimè æmulam, venerari. Quæ ex causa Poëta quidam *Lusitanus* magni nominis, *Ludovicus Camoens*, in præstantissimo poemate *as Lusitadas* dicto, *Cant. 1. est. 33.* finxit: Deam Venerem Lusitanis Hispanicque nunquam non fuisse propitiam, eo quod Romanorum suorum non modo virtutem & fortitudinem, sed & eloqvium apud eos invenerit. De facilitate vero sermonis Hispanici cuius docto judicare in promptu erit, si dixerò illum tot tantasque Latio debere voces, ut sat longæ orationes & poemata Latina dari possint, quæ ab Hispano & Lusitano; nullius nisi suæ lingvæ gnaro, plâne perfecteque intelligantur: quales orationes & poemata,

mata, cum *Antonio de Sousa de Macedo*, in libro quem inscripsit *Flores de España, Excellencias de Portugal* (quem & eruditum & elegantem, vigesimo secundo ætatis suæ anno à se conscriptum in dedicatione ad Regem testatur) *cap. 22. f. m. 239. b.* exhibeat, non possum non sequens hocce, urbis Bethlehem cum Roma de prærogativa concertationem continens, ex illo addere

*Roma* infinitos, sanctissima, vive per annos,  
 Pacifica gentes, vive quieta, tuas.  
 Castiga grandes, violenta morte, tyrannos  
 Ingratos animos, & generosa, fuge  
 Acquire insignes varia de gente triumphos,  
 Distantes terras imperiosa rege,  
 Tanto majores titulos, *Bethlem* alta, celebra  
 Quanto Romano major es imperio.  
 Major amor, major tibi magnificentia, major  
 Fama, tuas *Christo* dando benigna casus.

Sed ne in longum excreseat oratio, manum de tabula.

\* *Virg. lib.*

3. *Æneid.*

v. 461.

\* *Hæc sint quæ nostra liceat te voce moneri.*

Quod reliquum est, consveto *B. Cypriani* in Epistolis suis Epilogo  
*opto te frater charissime semper bene valere.*

Iteratâ editione prodiit *D. Nicolai Hunnii*, *Ecclesiarum Lubecensium*, dum viveret, Superintendentis meritisissimi, *Epitome Credendorum*, sive *Inhalt der ganzen Christlichen Lehre* / so viel einer davon in seinem Christenthum zu seiner Seelen Seligkeit zu wissen und zu glâuben bedürffig. *Wittenberg bey J. W. Meyern / und G. Zimmermann.* (in 8.)

*Francisci Wörgeri Scholion*

*Qua ratione societas Ignatiana dici possit maxime  
 Christo Jesu inimica.*

*Ægidii Strauchii* acerba isthæc, ubi *Ignatium Lojolam* proclamât similiorem *Diabolo ac Salvatori nostro*, sæpius  
 mecum

mecum perpendi, dum illa societas nomen à Jesu non modo suum derivet, verum etiam tot libros in sanctum ipsius nomen, & de vita Jesu emittat, suosve insuper alumnos ad amplectendam illius crucem stimulet, cur tam acerba patres dictos investiva Strauchius traducat alio quoque loco signum societatis depingens, nullo dicat modo, si omnes etiam sollicites lingvas gentium, exsculpi ex eo posse quod præferunt nomen Jesu. Hæc ego altius mecum reputans, ut à calumniæ nota zelum Strauchii alias haut semper placidum, hic tamen minus aberrantem asseram, distinguo inter doctrinæ Lojolicæ professionem atque praxin. E.g. Firmissime enim tenent, quemcunque monarcham Papæ atque Italarum tyrannidi haut assentientem, quæ ipsis hæresis vocatur, impunè posse imo debere è medio tolli, *quacunque ratione Mariana de regis institutione c. 6. p. 58. veneno vel ferro pag. 65. quia juxta Guilielmum Rossæum talis princeps sive Rex quovis rane vilior est (de justa reipublica Christiana auctoritate p. 501.)* In quam memoriam plura conferunt testimonia Georgius Calixtus proœmio in *Vincentium Lerinensem. Rivetus Jesuita vapulantis, c. 12. Molinæus de monarchia temporali R. P. c. 2. Auctor nubis sine aqua p. 148. 155. contra Maccionium, qui ab omni scientia destitutus suum nomen nubi lucida, foetui nempe Mulmanniano, indiderat Hæffniæ, & innumeri alii. Verum quanta pertinacia isti socii hujus dogmatis praxin negent & pernegent, apud Bellarminum videre est in *apologia pro juramento fidelitatis pag. 65. item apud Andream Villaderium pag. 27. & 160.* Multò igitur aliter habet ipsa praxis ac publica professio Jesuitarum in hoc ipso etiam simulata articulo, quia omnes hostes crucis etiam hostes Jesu sunt, id quod de sua ipsius persona sub exitum vitæ nec dissimulavit dictus Bellarminus, memorante Jacobo Fuligatto in *vita illius l. 7. pag. 518.* acribus conscientia fideiculis fuisse exagitatam, quod crucem sic semper horruisset Christi, pro dominatu Papæ contra veram pugnantem atque afflictam ecclesiam. *Auget timorem etiam**

*vita mea perpetua felicitas* (qua sanè frauntur aliquantisper mundo atqve mundi principi blandientes) *cum sciam, ita comparatos esse homines, ut quos in hac vita prosperitas colit, eos infelicitas plerumq; in altera maneat.* Memini etiam Hieronymum Mulmannum, cum mentio Bellarmini incidisset, quendam suæ sectæ patrem nominasse, qui familiariter novisset Bellarminum, ingeniumqve viri veluti ad altiora dignius prædicasse, *er wår ein Kopff gewesen/dessen man wol zu hohen Dingen hätte gebrauchen können.* Ego mox excipiens, ane ergò mundana tu negotia ampliora sive augustiora sacris æstimas? confundebam Jesuitam, istud interim alta mente reponens, intentionem istius societatis esse directam ad meras terrestres opes ac delicias, quæ revere adhuc centrum cum Archimede, quo pedem figant ac cælum hoc suo nutu rotandum, si in Papæ succedere locum possint, cujus adhuc idcirco assentantur dominatui. Immaniter ergò hæc doctrina sive interior praxis Lojolitarum à doctrina atqve evangelio distat ejus, cujus falsò sibi applicant externè nomen. Ille *crucem suam in qua tot injurias, ignominias & tormenta passus est exaltationem appellat.* (Philippo Diez teste *Conc. 3. in festo inventionis S. crucis*) Hi mundi litant unicè potentia ac deliciis, uti de Ignatio ipso *in vita ejus* testantur Petrus Maffejus l. 5. c. XI. & Ribadeneira l. 5. c. XI. solebat *voluntates ac naturas eorum quibuscum ageret festivè odorari, ambitiosis splendida, avaris utilia, voluptuosis jucunda proponere, & suo, quod ajunt, hamo vel esca quemq; piscari.* Atqvi quid aliud memorant omnes Doctores de Diabolo, cum Christus è contrario suis ostendat, atqve commendat crucem, à quâ longius alumnos arcet Ignatius? Enimvero sacerdos *vestibus indutus sacris, ita loquitur imitatio Christi l. 4. c. 5. num. 5. habet ante & retro dominica crucis signum, ad memorandam jugiter Christi passionem. Ante se crucem in casula portat, ut Christi vestigia diligenter inspiciat & sequi ferventer studeat, post se cruce signatus est, ut adversa qualibet ab aliis illata clementer pro Deo toleret.* Vt enim filius

DEI in hac vita omnibus Diaboli telis propositus fuit, & per ipsas ærumnas gloriam sempiternam consecutus est : ita omnes electos juxta Pauli sententiam, ad hanc imaginem accedere oportet, & variis tempestatibus jactari, donec in portum æternæ beatitudinis pervehantur, addit Strigelius *Conc. 1. de passione*, similiter de ecclesiâ scribit veteris Testamenti *Concione 14.* Tanta fides in Mose fuit, ut cum maturitatem affecutus esset, negaret se esse nepotem opulentissimi Regis Pharaonis. Etsi enim aliquantisper habitare poterat in bonis & illustribus domiciliis, tamen omnibus tum opibus tum voluptatibus Ægypti anteposuit societatem crucis Christi & ecclesiæ. Tota enim mente atqve omni animo intuebatur in eam vitam, quæ est sola vita nominanda, quæ DEUS ornabit Simeones, id est, bajulos crucis Christi. Hinc etiam ait *Concione 12.* Fuit revera major gloria ecclesiæ in Ægypto & in Babylone, quam unquam florente republica in terra Canaan. Nam duris ut ilex tonfa bipennibus hic cætus ab ipso ferro opes animumqve ducit. Præclare ergo quidam ex veteribus dixit, ecclesiam rigari sanguine martyrum, Quanto igitur opere huic fundamento contrarium sit institutum Ignatii, loquantur sacri doctores, nimirum S. Bernhardus est *voluntas propria crudelis bestia, fera pessima, rapacissima lupa & leana seivissima, ac immundissima lepra animi, propter quam in Jordane nos mergi oporteat, & imitari eum, qui non venit facere voluntatem suam.* Aloysius etiam Novarinus in *Matthæo expenso ad c. 16.* Docuit, Dominus, contemnere omnem affectum & amicitiam ejus, qui in via virtutis offendiculo nobis fuerit. Imò vero diabolus habendus erit ille, qui crucem à nobis avertit. Quid ille, qui & ipsas libidinum faces advertit? Istud in Ignatii genuino sectatore l. 4. c. 3. notat Ludovicus Lucius. *Cōonus voluptatibus Regis Henrici IV. Galliarum quondam indulgit : cum potius eum debortari debuisset, magis pro concione publica excusavit : Majestatem ipsius peccata sua multis meritis compensare. Etiam Davidem plurimum genio indulgisse ; nec minus tamen virum secundum cor*

*Domini fuisse.* Poteratne omnis dæmonum, quæso, caterva foedius doctrinæ de cruce Christi illudere? *At foedius adhuc est: Ipse Petrus Cotonus internuntius ac leno amoris Regij verba ad Gynecæum referebat. Peccatum quidem esse, dicens istud; sed potiorẽ valetudinis Regis rationem habendam, in cujus vitâ tam necessarium multumq; positum esset, idq; peccatum multò majori bono compensatum fuisse.* Ita examussim ad rem contulit institutum modo memoratum Ignatii sui Cotonus. Haut ergò reprehendendus titulus Strauchii est, quo mactat Jesuitarum parentem, cum omnes illi *Satana nomen mereantur* apud Paulum de Palatio, qui à duris asperisq; nos avocant, ea consulentes, ad quæ caro inclinat.

Celebris illa atqve ingeniosa nostra *νεκροχορμία* (vulgò **Todten-Tanz**) Basileensi aliisque multò antiquior, quæ in frequentem mortis ac humanarum rerum fragilitatis recollectionem, ante aliquot sæcula in Basilicæ nostræ Marianæ porticu vivis coloribus affabrè expressa, prætereuntium oculos animosqve in se convertit, restituta fuit nuper atqve renovata. Et figuræ quidem eodem, quo olim, habitu antiquo, sunt exhibitæ; at loco rudiorum sermonis prisici lemmatum, elegantiora & arguta accesserunt Tetrasticha, à *Nathanaële Schlott / Gedanensi*, ad delicatum moderni sæculi palatum formata, quæ & typis Jægerianis impressa extant sub hoc titulo: *Lübeckischer Todten-Tanz / oder Sterbens-Spiegel / darinnen aus allen Ständen die Todten tanzend / und die Tanzenden redend sich aufführen. Wie selbiger an den Wänden der so genannten Kinder-Capellen unserer Haupt-Kirchen zu St. Marien durch den Pinsel des Kunst-Mahlers an. 1701. repariret / so wohl die Augen der vorbegehenden mit frischen Farben / als das Gemüth der lesenden mit neuen hochteutschen Reimen ergötzet / und zur Betrachtung menschlicher Nichtigkeit Christgeziemend anführet / durch die Feder Nathanaëlis Schlottii, Dantiscani, Lübeck / in Verlegung Johann Wiedemeyers / Druckts Christoph Gottfried Jäger / 1702.*



NOVA LITERARIA  
 MARIS BALTHICI ET SEPTENTRIONIS,  
 Edita Mense Novembri, MDCCII.

WISMARIAE

**D**ie 2. Octobr. *M. Constantinus Fidlerus*, ad *D. Nicolai* Pastor, & Consistorii Regii Assessor, mortalitati ereptus est. Is *Malchini* in Ducatu Mecklenburgensi A.C. 1670. d. 21. Martii natus, Patrem *Constantinum Fidlerum*, Ecclesiae illius loci Pastorem, habuit; Quo praematura morte sublato, a *Vitrico*, *Samuele Liitkemanno*, Malchinensium itidem Pastore & Praeposito, sollicite educatus, non infeliciter adolevit. Post Scholam *patriam*, & *Wismariense* Lyceum, non sine insigni literarum, Hebraearum imprimis Graecarumque, incremento, *Gymnasium Hamburgense* frequentavit. Necessariis hisce praesidiis ingenii instructus A. 1689. ad Musas *Leucoreas* se contulit, & cum Theologia Philosophiam studiose utiliterque conjunxit, ac specimen doctrinae Philosophicae daturus publicè *de sensu Propositionis* sub Praesidio *M. Petrai* disputavit. *Wittebergam* deinde *Sedino* commutavit, ac inibi studiis *Klinckostromiana* prolis per triennium praefuit. Porro Academiae *Rostochiensis* Civem sese dedit, & in ea, cum A. 1694. *Gryphiswaldiae* lauru Philosophica ornatus, ac paullo post, praemissa *de Dynamiscopia divina*, Decano & Praefide *B. D. Joachimo Lindemanno*, Disputatione, in numerum *Magistrorum Rostochiensium* cooptatus esset, munere Praesidis functus, Theses *de Objecto Metaphysica* conscriptas eruditè defendit, ac multum juveni Academicæ docendo profuit. Postea in *Sueciam* delatus, *Klinckostromiana* iterum, dein *Guldensolpiana* Familiae suam in erudiendis filiis operam locavit, & non vulgarem utriusque favorem sibi conciliavit. Tandem A. 1699. Ecclesiae, quæ ad *D. Nicolai Deo Wismariae* colligitur, Pastor

Sf

datus,

datus, Regiique Consistorij Affessor constitutus est. A. 1702. Mense Januario *Susannam Margaretam*, B. D. *Schomeri*, Magni *Rostochiensium* Theologi, filiam unicam matrimonio sibi junxit. Mortuus maximum sui desiderium Bonis omnibus reliquit.

Die 16. Octobr. moderante *M. Johanne Kindlero*, Rectore, Exercitia oratoria de *Mari Balthico* *Helmuth Christianus Schützel* Garza Mecklenburgicus, *Joachimus Johannes Gintz* / & *Ericus Sertzberg* / Wismarienses, Scholæ illius Alumni, publice H.L. Q.C. exhibuerunt; & ille quidem, unde *Mare hoc dicatur Balthicum*, & quibus alias nominibus insigniatur, exposuit: *Iste initia ejus & progressum, sinus & nobiliores adjacentium terrarum portus descripsit: Hic autem celebriores hujus Maris Insulas recensuit, ac res earum notatu maxime dignas commemoravit.*

## ROSTOCHII

Die 27. Septembr. Dissertationum Theologicarum, quæ *D. Justi Christoph. Schomeri*, b. m. Collegium Novissimarum tunc temporis *Controversiarum* in universam Theologiam, an. 1682. Rostochii habitum, exhibent, *Undecimam*, sistentem *Cap. XVI. de Lege & Evangelio*, *Cap. XVII. de Sacramentis*, *Cap. XVIII. de Penitentia*, sub Moderamine *Jo. Nic. Quistorpii*, SS. Theol. D. ejusdemque P. P. nec non Pastoris Nicol. & Ministerii Rostoch. Directoris, h. t. Facultatis Sux Decani, ventilandam proposuerunt Præses *M. Henr. Ascan. Engelke* / Rostoch. SS. Theol. Cand. & Respondens *Job. Val. Bucerus*, Brudersdorff, Mecklenb. (2½ plag. in 4.)

Die 30. Sept. Præside *Zachariâ Grapio*, SS. Theol. D. Phys. & Metaphys. P. P. Ordinar. Verbiqve Divini Ministro, *Quæstiones selectiores ex Theologia Naturali de Deo Ejusque Atributis ex Naturâ cognoscibilibus*, contra *Cartesianos* aliosque, Eruditorum censura submisit *Johannes Lüders* / Stadâ-Bremens. S. S. Theol. Stud. (4½ pl. in 4.)

*Quæritur I. Notitia DEi naturalis insita quomodo insit?*  
Resp.

Resp. Non inest per modum actus, nec per modum doctrine, nec per speciem quandam impressam, nec per ideam, nec per modum potentie, nec remota, nec propinqua, nec per modum dispositionis; sed per modum habitus analogicè sic dicti. Qu. II. An de DEO

Ejusque existentia liceat dubitare? Negatur: Qu. III. An notitia naturalis perfecta sit ac sufficiens ad salutem? Licet varii tam ex Antiquioribus, quam Recentioribus affirmant; tamen dicitur, quod notitia DEI naturalis maximè imperfecta sit, nec sufficiens ad salutem, ut per eam homo salvari possit.

Qu. IV. Quid de peccato Philosophico statuendum? Quum variaz hic occurrant Theses, suum judicium de hac quaestione sequentibus conclusionibus includit Auctor, (a) Peccatum etiam Philosophicum, contra rectam rationem commissum gravissima est offensa DEI, amicitiam DEI dissolvens. (b) Nulla datur ignorantia DEI invincibilis & inculpabilis. (c) DEum vel momento ignorare peccatum est gravissimum amicitiam DEI solvens. (d) Et illud DEum offendit, quod ab eo perpetratur, qui actu non cogitat DEum. (e) Et ille DEum offendit, qui male agit, licet de malitia rei non judicet. Qu. V.

An dentur Athei Theoretici? Resp. (1) Athei Theoretici indirecti non saltem possunt dari, sed & multi dantur. (2) Athei Theoretici directi immediatè & seriò, ac in animo convicti, existentiam DEI negantes, ordinariè & naturaliter nec dantur, nec dari possunt. Qu. VI. An Atheismus necessariò ducat ad corruptionem morum? Affirmatur: Qu. VII. An DEus possit definiri? Resp. Si terminus definitionis sumatur strictè & rigorosè, pro perfectâ quâdam definitione Logicâ, negatur. Quod si verò sumatur latè pro quali qualicunque rei descriptione, tunc quodammodo DEum definiri seu describi posse non negatur. Qu. VIII. An Essentia DEI consistat in cogitatione? Negatur. Qu. IX. An, quæ de DEO prædicantur, prædicentur improprie? Resp. Non omnia, quæ de DEO prædicantur, prædicantur per similitudinem & improprie. Qu. X. An Spiritus contineat Materialitatis quid DEusque proprie dicatur Spiritus?

Prius negatur in sensu Metaphysico & Pnevumatico; posterius affirmatur. *Qu. XI. An DEus habeat corpus?* Negatur DEum habere corpus & membra propriè sic dicta. *Qu. XII. An DEus sit à Se ipso positivè, Suique Causa?* Resp. (α) DEus dicitur à Se ipso non positivè, ut, licet non causa efficiens sui ipsius; tamen, ut *Cartesius* vult, causæ perfectionum suarum sit causa, sive ut idem loquitur, quodammodo idem respectu sui præstet, quod causa efficiens respectu sui effectus. (β) DEus est à Se ipso tantum negativè, omnem in Deo negando causam. *Qu. XIII. An per immensitatem DEus etiam sit extra mundum?* Affirmatur. *Qu. XIV. An omnipræsenti primò concipiatur per operationem?* Resp. Omnipræsenti primò concipitur per *αδιασσίαν*, deinde etiam per *operationem omnipotentem*. *Qu. XV. An DEus etiam per essentiam propriè sit ubique?* Resp. DEus in omni ubi est repletivè per essentiam.

Die II. Octobr. sub Præsidio *Jo. Fechtii*, SS. Theol. D. & P. P. Consist. Duc. Assessoris, & Distr. Rostoch. Superintendentis Disputationem Theologicam *de Ambitione Officii Ecclesiastici*, occasione Dicti Paulini I. Tim. III, I. conscriptam, Eruditorum disquisitioni submitit Auctor *Job. Christianus Schaper*, Lucca-Lufatus, S. Theol. Cultor. (6. plag. in 4.)

Dissertatio hæc in duas sectiones dispescitur. In priori locus Paulinus I. Tim. III, I. quem fundamenti loco supponit Auctor, explicatur; in posteriori verò *Thesis ipsa* examinatur, & à §. I. ad 3. inclusivè asseritur, melius esse Studiosum appetere officium, quam illum frustraneâ vocationis expectandæ spe falli, neminique prodesse. §. 4. seq. Dicitur necesse esse, ut talis Studiosus literis ac studiis sufficientibus, & muneri, quod ambit, convenientibus sit instructus, nec non famâ vitæ inculpatae excelat. §. 6. Docetur opus esse, ut Candidatus sit adultæ ætatis. §. 7. Demonstratur tunc etiam Studiosum justè appetere officium Ecclesiastæ, si gloriam DEi atque incrementum Ecclesiæ

fiæ quærat. §. 8. seqq. Si justis mediis ejusmodi spartam adipiscendi utatur. §. 11. Si legitimam illius ambitionem temporis ratio postulet. §. 12. Si Patria Ecclesia Pastore egeat. §. 13. Si plurimi in aliqua Ecclesia illum sibi Pastorem exoptent. §. 14. Si Virorum quorundam, prudentiâ ac pietate conspicuorum, svasus ad Pastoris munus ambiendum adsit. §. 15. Monetur, Studiosum arrogantiae vel *Φιλαυσίας* minimè incusari posse, si seipsum, ut illi ecclesiæ præficiatur, offerat, cui Candidatos heterodoxiâ superioribus prorsus, minimè verò sibi incognitâ, aliisque vitiis Pastoris nomine indignis suspectos præsentari certè noverit. §. 16. Afferitur, Candidatum corpore non satis vegeto legitimè desiderare tale officium, cui ob debile corpus non est impar. §. 17. Probatur, etiam Pastores, qui jam Ecclesiam ministrant, aliud aliûs Ecclesiæ munus Pastorale appetere posse. §. 18. Illorum error notatur, qui, si functionibus Ecclesiasticis operam darent, se in DEum peccare putant.

Die 14. Octobr. Moderatore *Jo. Petro Grünenberg* / S. Theol. D. & P. P. nec non Consiliario Consistoriali, & Distr. Mecklenburg. Superintendente, Dissertationem *Duodecimam* supra dicti *Collegii Schomeriani*, Cap. XIX. de *Precibus & Ceremoniis*, & Cap. XX. de *Ecclesiâ* sistentem, ventilandam proposuerunt Præses *M. Henr. Ascan. Engelke* / Rostoch. S. Theol. Cand. & Respondens *Georg. Nicol. Ockel*, Rostoch. (2½ plag. in 4.)

Die 19. Octobr. à Facultate Philos., Decano ad hunc Actum *Henrico Christiano Tielcken* / Phil. & V. J. D. Oratoriae P. P.; Pro-Cancellario autem ad hunc Actum *M. Jacobo Burgmanno*, Græc. Liter. Prof. Publ. Ord. & Clerico Nicolaitano, Magisterii gradu ornati sunt sequentes septem Philosophiæ Candidati: (1) *Johann Albert Sylling* / Hafn. Dan. (2) *Mattheus Henr. Eggerdes* / Rostoch. (3) *Joach. Mansel* / Rostoch. (4) *Joh. Carlquist* / Svecus. (5) *Ludovicus Gerhardus*, Fridland. Megapol. (6) *Joh. Eberhardus Udam*, Reval, Livon. (7) *Martinus Wilbelmus Schmidt* / Bregens. Silesius.

Die 21. Octobr. sub Præsidio D. *Andr. Danielis Habichhorstii*, S. Th. P. P. & Consiliarii Consistorialis, uti & Fctis Theol. Collegiique Ducalis & totius Acad. Senioris, *Dissertationem XVII. Partis II. illustriorum Jesaiæ Locorum de Speculatore jussu DEI à Jesaiâ constituto, & Leone ab eodem inter alia viso & proclamato, ex Jesai. XXI, 6. 8. 9. συζηήσῃ* Academicæ exposuit *Martinus Meineltus*, Primislaviens. March. (2½ plag. in 4.)

Postquam in nuperâ Dissertatione, de *Deserto maris*, prolixius ostendit, per illud non *Babelem*, sed *Jbudeam* & *Jeruschalem* designari; simul etiam in analysi ejusdem Prophetiæ de *deserto*, in præmio præcedanæ Dissertationis præmissâ, dixit, Prophetiam illam quatuor momenta continere. *Tria* priora quidem tunc absolvit; de *quartô* vero in præsentî Disputatione agit, considerans §. 2. vocis *Speculatoris* Etymologiam & Synonymiam, nec non *specule* & *Speculatoris* propriè dicti descriptionem. §. 3. *Partitionem* Tractationis de *Speculatoris constitutione* exponit, dicitque circa illam occurrere, (1.) Dictum Domini ad Prophetam de constituendo *Speculatore*, v. 6. (2.) *factum ipsius Speculatoris*, simulque *partitionem* in præfamine Dissertationis præcedanæ datam emendat. §. 4. Circa *dictum Domini* duas quæstiones movet, & *primam*, *quis Speculator?* an *Jesaias* ipse fuerit? contra *Sanctium*, *Hieronymum*, *Corn. à Lapide*, aliosque negat; ad *secundam* vero quæstionem, *quis ergo?* respondet, ex *charactere Speculatoris* colligi quidem, fuisse alium quendam Prophetam, ipsum verò individuum nominare non licere; ubi & *sententiam veterum* quorundam Hebræorum retundit, qui *Speculatorem* hunc & *Leonem* in v. 8. eundem esse statuunt, adeoque per illum *Speculatorem* intellexerunt Prophetam *Chabakukum*, idque ex *Gematriâ*, *Cabbalæ specie*, qua vocabulum *Leonis* Hebræum ארריה totidem numeros, quot nomen *Chabakuki* Hebræum חבקיך, valet, probare conati sunt. §. 5. *Speculatoris factum*, latius

latius voce sumtá, ampliùs exponit, quàm in *præf. præced. Diff.* factum, docetqve *Speculatorem* ejusqve factum híc in geminá quasi revelatione, sive visione præsentari; In *priori* quidem revelationis parte (quæ *Babylonium* ut *vastatorem* respicit, cum auxiliaribus Medorum Persarumqve copiis Judæam & Jerusalem devastaturum) *Speculatorem* præsentari (1.) ut *videntem* currus militares varios, (2.) ut *attendentem*, vel *auscultantem* attentione magnâ, (3.) ut *clamantem*, adesse leonem, (4.) ut *protestantem* de constanti statione suâ et vigilantia: in *posteriori* verò particula revelationis (quæ *Babylonium* eundem respicit ut *casurum*, rursusqve à Persis Medisque *vastandum*) dictum *Speculatorem* præsentari (1.) ut *denuò videntem*, (2.) ut *audientem* cœleste decretum de *casu Fabelis* responsi loco Speculatori sollicito datum. Ex quibus *primum* Speculatoris factum, quò currus vidit militares varios, speciatim ex v. 7. considerandos, ad seq. Disp. remittit; *secundum* verò factum, s. officii partem scilicet *attentionem* paucis exponit. §. 6. *Tertium* ejus factum ex v. 8. considerat, scil. *Clamorem*, adeoque *Subjectum clamans* non fuisse *leonem*, sed *Speculatorem*; *Objectum* verò *clamantis* fuisse *leonem* docet; illud verò non posse ex accentu distinctivo *Tipcha* in verbo *clamavit*, probari, cum ille ibi propter necessitatem sequelæ in positu duarum vocum ante *Atnachum* adesse debeat, licet non distinguat, ostendit. §. 7. Non *leonem* sed *Speculatorem* híc esse clamantem ex cohærentiâ textus & commoditate sensus probat: qui enim v. 6. constituitur Speculator, is v. 7. dicitur *vidisse & attendisse*, & v. 8. *clamasse* & contestatum esse, se continuare stationem & vigilantiam super specula. §. 8. *Versiones quasdam* notat, & quidem *Vulgatam* improbat, quæ reddit: *Et clamavit leo*, quam *Lutherus* sequitur: *Vatabli* verò aliorumqve, qui reddunt: *Et clamavit leo super speculam* &c. claros Israelis fontes turbare ostendit. §. 8. Ad quæstionem, quis fuerit, vel quem præsentaverit *leo* à Speculatore proclamatus? respondet, quod non fuerit *Persarum Medorumq; exercitus*, quod communis vul: interpretatio,

ratio, vel *illorum Dux*, juxta nonnullos; sed *Rex Babylonius* incluso Assyrio antehac illius terræ Domino qui frequenter in Scripturis Leo appellatur. §. 10. *Quartum* Speculatoris factum scil. *protestationem* de continuatione Stationis jugique vigilantia & expectatione ex eodem v. 8. illustrat, contra *Hieronymum* & *Sanctium*, qui contestationem hanc non Speculatori, sed ipsi Prophetæ adscribunt, item contra alios, qui verba hæc leoni s. Duci exercitus Persarum Medorumque tribuunt. §. 11. Ex *posteriori* particulâ revelationis (quæ *Babylonium* ut *casurum* respicit,) *primum* Speculatoris factum, quo vidit currum viri ex v. 9. explicat, & quæstionem: an visio præced. v. 7. descripta, quâ *vidit currus varios*, sic reiteretur? negat, illisque curribus v. 7. indicari exercitum Babyloniorum, hoc verò curru Cyri Babylonem expugnaturi, ex additâ voce: *cecidit Babel*, docet. §. 12. *alterum* Speculatoris factum, quò *audivit* vocem *cecidit Babel*, considerat, & quæstionem, an vox illa sit viri illius in curru, quem vidit Speculator; an verò ipsius Speculatoris? respondet negando *prius*, & affirmando cum *B. Varenio posterius*; quoniam non simpliciter, sed addendo quod vox illa tanquam cœleste decretum responsi loco speculatori, tantâ sollicitudine attendenti & expectanti, quis rerum tandem harum eventus sit futurus, reddita, & dehinc ab ipso Speculatore Prophetæ renunciata; cujus rei gratia tria hic notat, (1) dari Hebraïsmum in verbo: *Et respondit*, quò Subjectum *respondens*, scil. DEUS, sit omissum, sicut eodem versu in verbo seq. *confregit*, sc. DEUS, (2) Dari *concisam orationem*, dicique: & respondit ac dixit, pro: speculator porrò renunciavit, se audivisse responsum cœleste, quod dixit: *cecidit Babel*, (3) probabile esse, quod, uti vox eadem Apoc. 18, v. 2. de casu *Babylonis spiritualis*, nostræ tanquam typo conformata, nuncii fuit cœlestis; ita & hæc apud Jesaiam fuerit responsum cœleste à speculatore auditum & relatum. §. 13. *Usus loci Didacticum, Padeuticum & Paracleticum* subjungit,

MENSIS NOVEMBR. M DCCII. 323

Die 24. Octobr. *M. Christianus Hildebrandus*, Log. Prof. & Facultatis Philos. Senior, hactenus Rector Academiæ, Magistratu abibat, & Successori, novo Acad. Rectori, *D. Bernharδο Barnstorffio*, Med. P. P. & Poliatro, suæque Facultatis & Senatorii Professorum Collegii Seniori, Sceptra solenni ritu tradebat.

Die 26. Octobr. *Gerhardus Gerlingius*, Susat. Westphalus, Med. D. nunc Practicus Rostochiensis, cujus in N. L. an. 1699. pag. 139. meminimus, publicavit *Prodromum alterum Operis tripartiti, in gratiam Medicinæ concinnati, qui exhibet contenta Partis primæ summariter descripta.* (3. plag. in 8.)

Die 28. Octobr. *M. Joach. Weidnerus*, Ecclesiastes Marianus, Dissertationem Historicam de *Constantino Magno*, quæ illum honestè & ex legitimo matrimonio natum, contra *Cl. Arnoldum* vindicat ac defendit, ventilandam proposuit, Respondente *Johanne Göteke*, Curono, Politioris Literaturæ Studiofo. (4 $\frac{1}{2}$  plag. in 4.)

In hac Dissertatione post præfationem sequentes tractantur quæstiones: (1) *Quis fuerit Pater Constantini M.?* Resp. Constantius Chlorus, Princeps, si non Christianus, Christianis tamen faventissimus, cui posteriori sententiæ etiam Auctor subscribit. (2) *Quanam Mater Constantini M., & an Helena, quæ indubiè talis est, fuerit Britanna?* Resp. Mater Constantini M. fuit Helena, & ea ipsa non Drepaensis, non Trevirensis, sed Britanna. (3) *Ex qua familia fuerit illustris Helena, hactenus probata Britanna?* Auctor statuit, illam non regiam, sed mediocrem habuisse prosapiam. (4) *An Helena Britanna, & mediocris prosapia, fuerit Constantii Chlorig Concubina? an verò legitima Coniux in matrimonium acceptata?* Priori sententiâ, quam *Cl. Arnoldus* elegit, rejectâ, ultimæ Auctor accedit.

# NOVA LITĒRARIA

## GRYPHISWALDIAE.

Die 13. Sept. sub Præsidio Vniversitatis h.t. Rectoris, D. Jo. Frid. Mayeri, S. Theol. Prof. Prim. Consiliarii Regii atqve Ducalis, Acad. Gryph. Pro-Cancellarii, Facult. Theol. Decani, nec non Superint. Pomeraniæ Rugiæqve Generalis, atqve Consist. Reg. Præsidis, *Obumbrationem Virtutis Altissimi*, ad ductum *Oration. Acad. B. Jo. Georg. Dorschai*, an. 1644. Fer. Nativ. habitæ, publicè asseruit *Johannes Schliepf*, Bardenf. (4. plag. in 4.)

Mense *Septembri Jo. Philippus Palthenius*, Histor. & Philos. Civil. P. P. Ord. Respondente *Samuele Palthenio*, LL. Studiofo, Dissertationis, *de Marito Reginae*, partem *postremam* ulteriori doctorum examini subjecit. (3. plag. in 4.)

Postquam in *primâ* parte, mense Augusto pag. 225. nobis memoratâ §§. 21. absolvit, in hac *postremâ* à §. 22. orditur, atqve ostendit, qualem Regina sibi eligere debeat Maritum, videlicet non Regem, sed aut Regio sanguine prognatum, aut Regio certè animo præditum, Regiisque virtutibus instructum. *Item*. Neque Principem fœminam ob partam recens dignitatem à Marito divertere, neque Maritum, ut acquisitum à Coniuge Imperium secum dividatur aut communicetur, postulare posse. §. 23. Graves rationes adducit, quæ in successivo regno, à constitutione populi pendente, prohibent, ne, qui Maritus Reginae est, Rex simul appelletur. His expeditis docet, id, quod fieri dixit, nec ullis *Divinis humanisve legibus* contrariari, quod probat §. 24. ex *humanis*; §. 25. seqq. autem, ex *Divina lege naturali*, ubi evincit, quod civilis imperii natura id ferat, ut mulieri, idoneis à natura animi & corporis viribus instructæ, idem tribuatur, §. 26. quod salvâ societatis conjugalis naturâ fieri possit, ut maritus in potestate Coniugem, & res uxorias non habeat, §. 27. quod, si ad statum matrimonialem societas civilis accedat, potiora hujus quam illius sint jura. §. 28. Demonstrat, conditionem Mariti Reginae *legi Divinae positivæ* non repugnare, fœminamque capacem esse obtinendi Imperii

Imperii Civilis. Ad Loca Ef. III, II. & I. Cor. XIV, 34. quæ ob-  
jici possunt, respondet. §. 29. Disquirat Auctor: *An eadem po-  
sitivâ lege Divinâ cohabitatio Conjugum domestica exigatur, ut ex ipsa  
familie constitutione Mariti, velut Capitû, in Conjugem, velut membrum  
familie imperium consequatur?* & negativam defendit. §. 30. Porro  
quærit: *An directè dicendum sit, imperium in Conjugem Divinâ lege  
positivâ Marito fuisse attributum?* Quod negat, & tria argumenta  
contraria, è Genes. III, 16. & ab ordine Creationis, nec non ex  
Ephes. V, 23. Coloss. III, 18. I. Petr. III, 1. desumpta, solvit.

Superiori Mense *Præside* paullò ante dicto, D. Jo. Frid. Mayero,  
Dissertationem Theologicam de *Conditione Resuscita-  
torum in hanc vitam*, placido Eruditorum examini, spe-  
ciminis Academici loco, exhibuit *Dionysius Hartwig Behrens*,  
Grimma-Pomeranus, Autor & Respondens. (4½ pl. in 4.)

§. I. explicat, de quibusnam *Resuscitatis* hic sermo sit, nempe de  
iis, qui *semel vitâ verè physicè defuncti, postea verò miraculosè virtute  
divinâ in hanc vitam naturalem iterum revocati sunt.* Cum autem  
multi pro talibus venditentur de quorum veritate non im-  
meritò dubitatur, proindè §. 2. docet, *verè Resuscitatis* an-  
numerari non posse eos, quos pro talibus venditat tum *Di-  
aboli fraus & impostura*, tum *rerum naturalium ignorantia*, de his  
hæc thesis exempla sistit; de illis verò §. 3. ad quos §. 4. refert  
larvatum *Samuelem*. Hac occasione meminit *Pauli Burgenfis*,  
*Dionysii Riekel* ac *Hugonis Cardinalis*, item *Pauli Comestoris*, *Francisci  
de Mendoza*, qui non *phantasma*, sed *verum Samuelis corpus*; addu-  
cit quoque quosdam *Judeos*, aliquot *Patres*, unum & alterum  
è *Calvinianis*, plurimos è *Pontificiis*, & imprimis *Jesuitas*, qui  
*Samuelis animam* fuisse contendunt. §. 5. Probat hunc *Samue-  
lem* non fuisse verum illum Prophetam *Samuelem*, sed *illusio-  
nem Satanæ*. §. 6. Affert & refutat instantiam *Raynaudi &  
Sanctii* ac si non *Diabolus*, sed *DEus Samuelem excitârit*, *ipsiusque  
animam ad impium Regem miserit.* Addit non solum plurimos  
*Patres*, sed & multos *Pontificiorum* statuere, quod non verè

Spiritus Samuelis à requie suâ excitatus sit, sed aliq̄vod phantasma fuerit. Illos, qui hac de materiâ plura legere desiderant, remittit ad alios Auctores. §.7. Concludit, eos, quorum §.2. mentio facta est, non reverâ mortuos; illos verò §.4. adductos, verè quidem vitâ defunctos, *Φαινομένους* autem tantum resuscitados fuisse. §.8. Producit alios, quos non sine *apparenti rationum fundamento* quidam pro *Resuscitatis* habent, quorum magnus numerus apud *Pontificios* deprehenditur. §.9. His quoque missis, pergit ad Resuscitados, quorum Scriptura S. mentionem facit, quos vel *apparenter* tantum, vel *reverâ* à mortuis resuscitados esse dicit. Horum *alios ad vitam immortalem*, Matth. XXVII, 52., *alios ad hanc vitam naturalem, sive mortalem* resuscitados asserit, de quibus in præsentî Dissertatione sermo. §.10. Nominat illos, qui in V. T. resuscitati dicuntur, quorum *primus*, filius viduæ Sareptanæ, 1. Reg. XVII, 17. *Secundus*, filius Sunamitidis, 2. Reg. IV. *Tertius*, homo quidam anonymus, in sepulchrum Elisæi projectus, 2. Reg. XIII. 21. §. 11. Licet quidam statuant, *primum* fuisse *Prophetam Jonam*, *alterum* verò *filium sororis Abisag Sunamitidis*, 1. Reg. I, 3. & *tertium*, *Sallum, Hulda Prophetisse maritum*, cujus mentio fit 2. Reg. XXII, 14.; tamen hæc sine fundamento sufficienti asseri scribit. §.12. probat, *filium viduæ Sareptanæ*, ut & *filium Sunamitidis* vere mortuos fuisse, non verò tantum halitum eorum defecisse. §.13. Progredirur ad *tres* Resuscitados à Christo, quos Novi fœderis Scriptores memorant. §.14. Notat fabulam Pontificiorum, *juveni Nainitico* nomen *Materni*, & trinam resurrectionem tribuentium. §.15. Ad dubium hoc, *utrum à Christo resuscitati verè fuerint mortui?* affirmativè respondet, motus testimonio *Lucæ*, cap. VIII, 55. & *Jobannis*, cap. XI, 13, & 14. §.16. Agit de *duobus* ab Apostolis in hanc vitam miraculosè reductis. §.17. Hos verè mortuos fuisse confirmat testimonio *Gerhardi, Waltheri, Piscatoris, Tossani* atq̄ve *Arcularii*. §.18. An Apostoli & Apostolici Viri plures præter hos in S. Scripturâ memoratos resuscitarint, in dubio relinquit. §.19. Se hac vice confide-

consideraturum ait, *quenam horum resuscitatorum conditio fuerit, tum quoad corpus, tum quoad animam?* Ad corpus quod attinet, illud cum peccati radice in miseriâ resuscitatum esse, §.20. statuit. §.21. Removet Objectionem, ac si hoc modo *DEo impingatur macula.* §.22. Ad Locum Paulinum Rom. VI, 7. respondet, Apostolo sermonem esse de morte *Spirituâli.* Et si quis h. l. cum *Walthero, Gerhardo, Balduino, & Christiano Chemnitio,* aliisque Commentatoribus de morte *naturali* sumere velit, tamen non de peccati radice, sed *ejusdem Dominio & sensu* intelligendum esse dicit. §.23. Ad conditionem Resuscitatorum *quoad animam* progrediens, hujus *purgationem* attingit, quam Pontificii per ignem purgatorium fieri comminiscuntur, & erronei hujus Dogmatis Refutatores enarrat. §.24. Proponit quæstionem: *Num anime horum Resuscitatorum à peccatorum labe fuerint purgate nec ne?* & §. præsentis, nec non 25. 26. 27. 28. illa, quæ circa hanc quæstionem ultro citroque in medium proferri possunt, & etiam à quibusdam adduci solent, perlustrat. §.29. Eorum subscribit sententiâ, qui statuunt, *animas horum resuscitatorum à peccato non fuisse purgatas.* §.30. Considerat quæstionem: *ubi anima ille à peccatorum labe nondum purgata, tempore medio inter mortem & miraculosam resurrectionem, asservata fuerint?* circa quam notat, quosdam dicere eas fuisse *in manu DEi.* Verum quum curiositas humana simplici hac & Christiana responsione contenta non sit, tres diversas diversorum, §.31. recenset opiniones. Quorum alii illas in loco quodam tertio, sive *divina Dispositionis* collocant; alii ipsas in corporibus mortuis mansisse asserunt; alii verò *in cælo Beatorum* eas fuisse statuunt. §.32. Non diffitetur, *ultimam* sententiam sibi videri probabilissimam. §.33. Quærit: *an reditus harum animarum ad statum pristinum fuerit deterioratio status competentia, aut pœna proprie dicta?* Neg. Item: *an hi Resuscitati aliquid de statu alterius vitæ retulerint, aut referre poterint?* Neg. §.34. Porro quærit: *utrum hi Resuscitati postea vivi in cælum fuerint recepti, an verò iterum mortui?* Affirmat posterius, simulque ad locum Ebr. IX, 27. respondet, aliasque Objectio-

nes solvit. §.35. Aliter rem se habere ostendit cum illis sanctis, qui cum Christo à mortuis resuscitati sunt, quos non iterum mortuos esse statuit.

Die 4. Octobr. sub Præsidio D. Jo. Frid. Mayeri, semel iterumque paullò ante laudati, ex *Bibliotheca Biblicâ* Scriptores Pontificios ostendit Joach. Christianus Warnike, Anclamensis Pomeranus. (2. plag. in 4.)

Postquam *Bibliotheca Biblica*, cujus præterito mense Sept. pag. 256. meminimus, enarrare cœpit *Pontificios Commentatores* in Scripturam S.; in hac Dissertatione eos monstrare pergit, agendo Num. XI. de Luca Brugensi, Theologo Lovaniensi. Num. XII. de Antonio de Escobar & Mendoza. Num. XIII. de Guilielmo Estio. Num. XIV. de Francisco Harao. Num. XV. de Jacobo Gordonio. Num. XVI. de Johanne Marianâ. Num. XVII. de Emanuele Sa, & Petro Lanselio. Num. XVIII. de Joh. Stephano Menochio. Num. XIX. de Cornelio à Lapide. Num. XX. de Jacobo Tirino. Num. XXI. de Johanne de la Haye, ejusque Bibliis magnis & maximis. Num. XXII. de Opere affecto Francisci Garzia de la Valle, quadraginta vel plures Tomos impleturo.

Die 5. Octobr. sub Vmbone Eiusdem D. Mayeri *Dissertatio Theologica*, sistens *Omniscientiam exinanitæ Carnis Christi nihil ignorantem*, placido examini exposita est à Christophoro Pyllo, Gryph. Pomeran. (3. plag. in 4.)

*Caput Ium* explicationem vocum exhibet, & quidem §. 1. 2. 3. & 4. vocis *Omniscientia*, §. 5. *Exinationis*, §. 6. *Carnis*, §. 7. *Christi*, §. 8. *Nihili*, §. 9. *Ignorantia*. *Caput IIum* *Porismata quædam* tradit, quorum 1. *Scientia Christi habitualis experimentalis quædam ignoravit*. 2. *Hanc nec aliam Humanæ Christi Naturæ omniscientiam Calviniani malè dicunt*. 3. *Errant Pontificii dicentes hanc scientiam omnia in singulari cognovisse*. 4. *Caro Christi Omniscientiam τὴ λόγῃ communicatam*

tam habet. 5. Caro Christi non actu naturæ sed actu personæ est & dicitur omniscia. 6. Caro Christi actu personæ nihil ignoravit.

Die 15. Octobr. Præsides *Brandano Henr. Gebhardi, S.S. Litterarum D. & P. P. Phil. Fac. h. t. Decano, Exercitationem Antirabbinicam in Psalmum primum Davidis* stitit *Christianus Andreas Rudolphi, Anclamensis Pomeranus.* (3½ plag. in 4.)

Die 25. Octobr. sub moderamine D. *Jo. Frid. Mayeri* nobis suprâ quater memorati, *Joach. Frid. Schmidt / Ecclesiastes Stargardensis, de Fide simplice* disputavit pro *Licentia Doctorales in Theologiâ honores consequendi.* (3. plag. in 4.)


Hujus Disputationis §. 1. affirmat, *fidem hîc complecti & rem credendam s. doctrinam, & salutarem ejus cognitionem.* §. 2. Explicatâ vocis *simplicitatis* significatione, nec non ejusdem in bonam & malam partem acceptione, *fidei simplicitatem* dari asserit, quàm tamen neque *crassa mysteriorum ignorantia*, neque Pontificiorum *fidei implicita* patrocinari, §. 3. docet. §. 4. Ostendit, *fidei simplicitatem* maxime commendare Scripturam; de eâ ipsâ maxime sollicitos fuisse Veteres Christianos; illam Martyres vel appellationis nominis *J E S V*, vel publicâ *Christiani* aut *Christiana* professione declarasse, & morientes in Papatu simplice fide Christum complexos fuisse. §. 5. Fidem simplicem describit, *quod sit sapientia per Spiritum S. ex sacris literis percepta, quâ, quæ creditu ad salutem æternam sunt necessaria, non tantùm verè secundum sensum Christi atque Spiritus, sed etiam salutariter & cum affectu cognoscimus & ad vitam æternam perducimur.* §. 6. Hanc descriptionem nonnihil enucleat. §. 7. *Danbauerum in Theol. Conf. part. 1. p. 76. secutus* necessariò credenda exponit. §. 8. s. Præmissâ distinctione dogmatum ad salutem necessariorum in illa, quæ ante fundamentum fidei vel supponuntur, vel id *intrinsecè* constituunt, vel consequuntur, de illis, quæ præsupponuntur, agit. §. 10. Proponit dogmata fidem

*intrinsecè*

*intrinsecè constituentia.* §. 11. Considerat illa quæ fidem jam constitutam *consequuntur.* §. 12. Dogmata simpliciter creditæ necessaria hoc vinculo cohærere tradit: DEUS TRIUNUS Joh. XVII, 3. 1. Ioh. V, 7. intensissimo in universum genus humanum, nullo & nemine excepto, amore commotus Joh. III, 16. omnibus hominibus peccatoribus, peccatis agnitis, Rom. II, 32. 2. Pet. III, 9. propter Christum ejusque sanguinem pro omnibus hominibus effusum Heb. II, 9. IX. 12. 22. Verbo patefactum Act. X, 43. Joh. XX, 31. fide apprehensum, peccata condonat, 1. Joh. I, 7. justitiam à Christo partam imputat Ef. [LIII, 2. Rom. III, 24. 25. IV, 5. X, 4. 2. Cor. V, 21. & vitam largitur æternam, Marc. XVI, 16. Joh. VI, 40. §. 13. Hæc dogmata dum simpliciter creditu ad salutem necessaria esse dicuntur, de iis intelligendum esse ait, quibus spatium cogitandi relinquitur, §. 14. De gradibus fidei agit. §. 15. Fidem simplicem discrimen constituere docet inter ea, quæ fidei definitionem ingrediuntur, & immediatè præsupponuntur, quæque immediatè. §. 16. Eorum meminit, quæ per *legitimam consequentiam* fides simplex deducit. §. 17. Monstrat, quomodo ea circa controversias de religione exortas versetur,

*Christophori Pylen/Philos.Stud. brevis relatio visi Helio Cometae  
scripta MDCCII, VI. Kalend. Novembr.*

Permulta sanè oculis hominum nonnunquam Iustrari spectacula, quorum observatio ob minus ritè cognitam causam in obscuro delitescere cogatur, & sub dio licet in cœlo animadversa, densa tamen silentii caligine prematur, domestico, si non alio, exemplo illustrandi ansam nactus esse arbitror. Scilicet ascenderat hoc ipso anno, mensè Martio, die, ni fallor, 15. hora 5. pomeridiana, Revendus Parens meus superiorem domus nostræ contignationem, quæ pro conditione loci aliàs observationibus Mathematicis intentum excipere solebat, & fortè fortuna oculos in Solis ad occasum



occafum properantis, inq; nubes telluri tantum non agglutinatas se condentis, plagam cœlestem convertens, infolitum oculis phænomenon animadvertit, longitudine suâ in fatis notabilem cœli partem excrefcens. Vocat nos in confortium visionis pariter & admirationis, nec cessamus, quantum objecta ædificiorum cacumina permittebant, omnia irretorto oculo perlustrare. Nunquam autem cum tale quid visum nobis, nec lectu cognitum fuisset, dubii hærebamus, quo nomine, quæ ratione concipiendū id ipsū veniret. Columnam fortè appellassem hoc meteoron, nisi motus ipfius, Solis infra Horizontem demersi motum imitatus, sollicitant magis in considerandæ curam postulasset. Cum itaque nobis non con-

tingeret esse felicibus in cognoscenda natura nomineque  
 hujus

hujus phænomeni, malebamus id apud nos latere, quam temerè aliquid definire; donec hac tempestate forte in *Acta Eruditorum Lipsiens.* inciderem, inque iis anno 1690. p. 65. seq. oculis usurparem observationem *Celeberrimi Sturmii, Professoris Altdorfensis*, quâ *Helio Cometen* se vidisse asserit, quem alias nunquam viderit, nec de quo aliquid legerit, nisi in *Act. Erud. an. 1682. p. 262.* Redibat statim memoria visi ante aliquot menses phænomeni, miraque similitudine Sturmianam exprimebat annotationem, quapropter nullus dubito, illud pari modo *Helio Cometen* appellare. Solis equidem corpus ipsam conspiciendi facultatem interjecta nobis ædificia arboresque Horizonti visivo proximæ (quod in Schemate per lineam A.B. exprimo) adimebant, motus tamen ab Occidente versus Septentrionem procedens, solem comitatus, haud obscure arguebat, hanc, sive columnam velis, sive caudam à Sole protendi. Latitudo ejus D.D. æquabat Solis Semidiametrum, in fine autem FF. multum excedebat; longitudo vero G. H. decem, & quod superat, Solis diametros emetiebatur, sextam. fermè hemisphærii nostri partem occupans. Color ejus erat flavus, qua parte vero Soli vicinior erat, luteum referebat supra infimam, quam vocamus, aëris regionem collocatus cernebatur, quod nubeculæ densiores cælum distinguentes E.E.E. demonstrabant. Mentiebantur equidem hæ nubeculæ oculo nudo speciem continuatæ hujus columnæ sive caudæ, sed armatus vel brevissimo perspicillo oculus deprehendebat, in densioribus E.E.E. nihil hujus imaginis extare; rarioribus his vaporosis licet interjectis spatiis C.C.C.C. effigiem hanc solum repræsentantibus. Horulæ spatium apparitionem definiebat, paulatimque cauda decrescere videbatur raritate aëris per luxatas spissiores nubeculas turbata, expectatione celerius disparebat, nec postea unquam apparuit. Apparet itaque hunc nostrum, *Helio Cometæ* a *Celeb. Sturmio* observato similiorem esse quam ovum ovo, de quo *Nov. Liter. Mar. Baltb. an. 1702. Mens. Maj. p. 154.* legantur; quapropter in his quoque

oris visum Helio Cometen diutius apud nos latere nolui, sed facere, ut aliis quoque innotescat, unicuique de eo liberum permittens iudicium.

GEDANI

*In Athenaeo*

Die 31. Augusti *D. Samuel Schelgwigius*, SS. Theol. Prof. Athenæi Rector, & ad SS. Trin. Pastor, solenniter disputando excutiebat *Justificationem fidelium sub Veteri Testamento, à Coccejanâ Paresi vindicatam*, Respondente & Auctore *Micheale Gottlieb Hanschio*, Gedan. (3. plag. in 4.)

In præfatione, post expositam articuli de *justificatione præstantiam*, ad rem ipsam transitur. Hinc n. 1. explicantur voces, quid notet *πάρεσις* & *ἀρεσις* n. 2. 3. 4. & 5. adductis *Cocceji* verbis, quid ille per *πάρεσις* intellexerit, traditur, & controversiæ status exactè formatur. n. 6. usque ad 12. argumentis contra *πάρεσις Coccejanam* certatur: specialiter n. 7. 8. & 9. in locum Hebr. XIII, 8. inquiritur. n. 13. 14. 15. & 16. objectionibus adversarii respondetur. n. 17. Autores eandem Materiam tractantes recensentur. Subjiciuntur *πάρεσις* (1) contra Pajonistarum Mechanismum Theologicum. (2) contra *Petri Chauvini* extenuationem Peccati Originalis. (3) contra *Vœtii* Præcisissimum.

Die 6. Septembr. *Idem D. Samuel Schelgwigius* colophonem Disputationibus hebdomadariis super *Theses Antipontificias in Manipulos distinctas*, typisque exculas, ac 9. Martii superioris anni cœptas, imponebat. Disputarunt autem Respondentes super Manipulum I. *Andreas de Rozyce Rodzycki*, Eqv. Polon. de Scripturâ S. II. *Martinus Böttger*, Mövenf. Pruss. de Scripturâ S. III. *Raltbasar Joachimus Subr*, Rhenâ Megapol. de Angelis & Imagine Dei. IV. *Gottlieb Schelgwigius*, Gedan. de Paradiso & Peccato Originis. V. *Paulus Holst*, Haderslebiâ-Cimber. de Peccato Actuali & libero Arbitrio. VI. *Johann Ephraim Gnospius*, Gedan.

de Jesu Christo & Gratia Dei. VIII. *David Gebauer*, Gedan. de Electione & Lege. IX. *Michael Gottlieb Hanschius*, Gedan. de Lege & Evangelio. X. *Michael Schilberg*, Gedan. de Sacramentis in genere. XI. *Ephraim Leichfeldt*, Gedan. de Sacramentis in genere ac specialiter de Baptismo. XII. *Jacob Bödker*, Palæo-Sedinenf. Pom. de Baptismo. XIII. *Godofredus Weise*, Neo-Sedinenf. Pom. de Baptismo & Eucharistia. XIV. *Johannes Korzenski*, Gedan. de Eucharistia. XV. *Gabriel Steingraber*, Gedan. de Eucharistia. XVI. *Georgius Swietlicki*, Soldavienf. Prussf. de Eucharistia. XVII. *Michael Gottlieb Hansch*, Gedan. de Justificatione & Fide. XVIII. *David Gebauer*, Gedan. de Justificatione & Fide. XIX. *Johann Gottfried Palm*, Gedan. de Sanctificatione & bonis Operibus. XX. *Johannes Randovius*, Wisnarienf. Mecklenb. de Bonis Operibus & Pœnitentia. XXI. *Dietericus Valentiner*, Flensburgo Holsatus, de Pœnitentia. XXII. *David Gebauer*, Gedan. de Pœnitentiâ. XXIII. *Alexander Softman*, Rintel. Hasso - Schauenb. de Pœnitentiâ & Votis. XXIV. *Johann Leonhard Schlicher*, Gedan. de Votis. XXV. *Daniel Mann*, Elbing. de Cultu Religioso. XXVI. *Dietericus Valentiner*, Flensb. Holsatus, de Cultu Religioso. XXVII. *Johannes Korzenskj*, Gedan. de Cultu Religioso. XXVIII. *Nathanael Weber*, Gedan. de Jejunio. XXIX. *David Hanke*, Constadiâ Silesius, de Ceremoniis. XXX. *Johannes Tideus*, Riigenwald. Pom. de Ecclesia. XXXI. *Johannes Korzenski*, Gedan. de Ecclesia. XXXII. *Samuel Krüger*, Gedan. de Ecclesia ejusque Capite. XXXIII. *Christian Ephraim Höfes*, Gedan. de Capite Ecclesiæ. XXXIV. *Paulus Grim*, Medzricenf. Polonus, de Ministerio Ecclesiastico. XXXV. *Johannes Wilke*, Conicenf. Prussf. de Ministerio Ecclesiastico. XXXVI. *Johannes Gleunius*, Gluckstad. Holsatus, de Magistratu. XXXVII. *Carolus Godofredus Heinius*, Gedan. de statu Oeconomico. XXXVIII. *Michael Nitz*, Gedan. de Novissimis. XXXIX. *Henrich Gerber*, Gedan. de Hæreticis. Super XL. & ultimum *Daniel Mann*, Elbing. de AntiChristo. (pl. 10. in fol.)

*Extra Athenæum.*

Die 30. Septembr. intra horas 4. & 5. pomeridianas anno ætatis LXXIIX. vitâ excessit *Andreas Kühnius*, SS. Theol. D. Ecclesiæ ad D. Mariæ Pastor Primarius, Rev. Ministerii Dantiscani Senior & Conventus Ecclesiastici Director. Natus est *Dresde* an 1624. d. 29. Maji, patre *Luca Kühnio*, Mercatore ibidem. Prima studiorum rudimenta partim in patriâ, partim in scholâ provinciali *Misenensi* jecit. *Wittebergam* an. 1640. veniens, Philologiæ præ cæteris apud M. *Adamum Spenglerum*, cujus & contubernio utebatur, se addixit, atqve altero mox anno Disputationem Metaphysicam *de Necessario & Contingente*, proprio Marte elaboratam, sub præsidio *Johannis Scharffii*, eo tempore Licentiati & Professoris P. habuit. Magistrigradum an. 1642. d. 20. Aprilis consecutus postea Theologiæ totum se impendit sub celeberrimis Doctoribus *Lysero*, *Hulsemanno*, & *Jacobo Martini*, quem Præsidem in Disputatione *de Attributis divinis contra Masonium* venerabatur. *Wittebergâ Argentoratum* se contulit, ubi *Dorscheum* præ aliis sibi faventem expertus est, cujus potissimum instinctu animum ad Theologiam Polemicam appulit. *Basilea* etiam apud *Buxtorffum* per tres anni quadrantes Rabbinnica excoluit: deinde *Galliâ* peragrata *Argentoratum* atqve hinc ad suos rediit an. 1651. Superintendenturam *Hertzbergensem* atqve in *Academiâ Wittebergensi* d. 18. Augusti Licentiam ad summum in Theologia gradum contendendi obtinuit. Ibidem an. 1654. Doctor Theologiæ renunciatus, & quinquennio post nempe 1660. Superintendenturæ *Bischofswardensi*, elapsis vero rursus quindecim propè annis 1675. *Annabergensi* præfectus est. Tandem 1684. d. 22. Novembr. *Gedanum* vocatus, altero abhinc anno accessit. De scriptis ab eo editis agitur in *Novis Literariis an. 1699. mense Julio p. 165.* Accessit reliquis hoc ipso anno *Informatio de Termino peremptorio*, cujus Titulus Germanicus ita se habet: *Wohlgemeynter treuhertziger Unterricht / wegen der streitigen Gnadenzeit / für seine düssals Lehrbegierige Zuhörer / auff deren Ansuchen bey Anfang der*

Erreichtigkeit aufgesetzt und abschriftlich communiciret; nunmehr aber durch einen für die Orthodoxie nicht weniger besorgten / zu steuer deroselben/auff Begehren zum Druck gegeben. Wittenberg/verlegtß Christian Gottlieb Ludwig 1702. (pl.17. in 4to.)

*Ex Typographia*

*Johannis Zacharia Stollii* prodierunt duæ Conciones M. *Godofredi Steinfeldt*, Ecclesiastæ Petersdorffiensis: altera in Coronationem *FridERICI*, Regis in Borussiâ, ex Gen. XVII, 5.6.7.8. (4to plag.5.) ; Altera super mortem Adolescentis, *Johannis Jacobi Hartungii*, ex Psalm. CXIX.9. (4to. pl.4.)


### REGIOMONTI

Die 5. Octobr. sub Præsidio *Bernhardi von Sanden*, Jun. S. Theol. Doct. & Prof. Ordinar. p. t. Decani, |Exercitationem Theol. de quæstione : *An Concilium Tridentinum sit legitimum & Oecumenicum Concilium, cui Divina & infallibilis autoritas competat, necne?* proposuit *Johannes Fridericus Stolszenberg* / Pflaviensis Pruss. Autor, quâ aliquot argumentis probavit, neutrum ipsi competere. (plag. 3. in 4.)

Die 7. Octobr. M. *Joannes Sartorius*, Ecclesiæ Ridzeriensis Minister in Præfecturâ Loezensi, pro receptione in Facultatem Philosophicam, Respondente *Jacobo Sartorio*, Loezâ-Pruss. Disputationem priorem de *misturâ linguarum* habuit.

In §. 1. continetur ipsa quæstio : *Num tales lingua, ut nulla alterius verba in se admixta contineat, dentur?* In §. 2. Subjectum quæstionis, nempè lingvæ, consideratur, juxta opinionem quorundam (a) LXXII. enumeratur. (β) Quidam existimant non magnoperè nostra interesse, quod lingvæ vel nunc sint, vel olim fuerint. (γ) Quidam LXXII, quidam LXXV fuisse, alii trecentas lingvas extitisse tradunt. In §. 3. Exhibetur propositio de novem tantum lingvis esse differendum. §. 4. *Mistura* consideratur per *ἀγορί*, non *Metaphysica*, non *Physica*, non *Chimica*, non *Ethica*, sed *singulari*. §. 5. Probatur hæc à vocabulo

## MENSIS NOVEMBR. MDCCII. 337

à vocabulo Hebraico ad Chaldaicum, ac Chaldaico ad Syriacum, à Syriaco ad Arabicum in declinando. §. 6. Afferitur æque hæc ipsa mistura in conjugando. §. 7. Continetur mistura *novem* lingvarum incipiendo ab Hebr.  usque ad Polonicam. §. 8. Comprehenditur mistura lingvæ Hebraicæ cum Polonicâ & Græca. §. 9. Docetur Hebraica verba inveniri & in Syriacâ lingvâ. §. 10. Monstratur quod Arabica habeat sibi admista verba Germanica, Græca & Polonica. §. 11. Quod etiam in se habeat Gallica, Germanica & Polonica verba. §. 12. Mistura lingvarum probatur & per dialectum. §. 13. Adducuntur testes hujus mixturæ, Moses, DEUS, T. O. M. ipse, cujus nomen ibi consideratur. §. 14. Adducitur pro teste D. *Rungius*. §. 15. Memoratur, quot lingvæ esse cœperint in turri Babylonicâ. §. 16. D. *Sennertus* ad concordiam testimonii advocatur & §. 17. *Joan. Henr. Alstedius*. §. 18. Concluditur lingvam Hebraicam confusam esse à DEO in plures lingvas, ubi etiam Objectio Pontificiorum *de impuritate Scripturæ* sistitur. §. 19. Ostenditur locus confusæ lingvæ Hebraicæ, nempe in urbe Babel. §. 20. Nominantur loci ubi lingua Hebraica non mista est. §. 21. Dicitur lingvam Hebraicam puram per Noachum servatam esse usque ad millenarium tertium. §. 22. Afferitur Noachum lingvam Hebraicam puram servasse usque ad Moysen, quod §. 23. & 24. confirmatur. §. 25. Concluditur lingvam S. Hebraicam certâ ratione loci & personarum mistam; certâ verò ratione loci & personarum puram tunc temporis fuisse.

Die 10. Octobr. sub umbone D. *von Sanden*, Jun. de *Revelatione divina*, ejusque *variis speciebus*, Dissertationem Theol. habuit, M. *Jobannes Ernestus Segers*, Rectorum Alumnorum & Commun. Convict. Inspector secund. Autor. quâ 1. post evolutionem nominis 2. Existentiam Revelationis divinæ contra Gentiles & Hæreticos prolixè demonstravit 3. Quæ & quoduplex

tuplex sit, à §. 5. inquirat, variorum sententias de speciebus referens. §. 6. Distingvit in mediatam & immediatam: §. 7. Quæ fit per signa externa i. oculo : quorsum refert §. 8. duas tabulas lapideas & §. 9. seq. Urim & Thummim, 2. Aures afficientia. §. 11. Altera species, quæ fit per signa §. 12. Tertia, quæ fit per species intelligibiles. §. 13. Quarum gradus exhibentur. §. 15. Inter omnes Mosi prærogativa vendicatur. §. 16. seq. Et inter omnes species, tanquam eminens, præfertur *Ἐκπνευσία* §. 18. (plag. 9½ in 4.)

Die 19. Octobr. Præside D. Paulo Pomian Pesarovio, Prof. Extraord. Cniphof. Pastore, Cónsist. Samb. Assess. Pentas Thesium Theologicarum, I. de *Prophetiis in genere*, II. *Mala- chidâ non-Prophetâ*, III. *De Prophetiâ Cygni*, IV. *Ignis Johanneo*, V. *De Achilleo argumento contra Communicationem Idiomatum humana Christi nature factam*, ad disputand. proposita est à Bartholomæo Andrea, Johannisburg. Prussio, Autore Respondente (2. plag.)

Die 24. Octobr. Præsidio munere sustinente Petro Schwenner J. U. L. & P. P. Auctor & respondens Jacobus de Schmit disputationem feudalem de *Vasallo delinquente* ventilavit. (7. plag in 4.)

In hac disputatione verba Titul. explicantur usque ad §. 5. *Delicta feudalia* distinguuntur in *commissionis & omissionis* : utraqve vel in *Dominum* : vel *occasione rei feudalis* : vel *respectu alterius*, contra personam Domini committuntur. §. 7. Et juxta tria ista membra Tractatio instituitur. *Delicta Commissionis* adversus *Dominum* feudi privatione punienda, cum suis exceptionibus recensetur. §. 8. seqq. *Immediatè* Vasallus contra *Dominum* delinquit (1.) *Dominum* interficiendo §. 9. seq. (2.) castrum vel locum Domini oppugnando. §. 13. seq. (3.) Cum inimicis Domini amicitiam contrahendo §. 15. seq. (4.) aliam injuriam Domino inferendo §. 17. seq. (5.) à Domino juramentum calumniæ exigendo §. 22. seq. (6.) delatorem Domini

Domini agendo §. 21. f. (7.) Contra Dominum advocati munus suscipiendo §. 25. f. (8.) actionem vel exceptionem famosam contra Dominum instituendo §. 29. (9) sponte contra Dominum testimonium ferendo §. 30. seqq. (10) Justitiam Domino denegando §. 32. seqq. *Mediate contra Dominum delinquit Vasallus* (1) Dominum cucurbitando §. 34. seqq. (2) Cum filia, nepote, sorore, matre Domini concumbendo §. 43. seqq. *Delicta omissionis*, Vasallus committit contra Dominum (1) periculum Domino imminens non avertendo, (2) Dominum carceri inclusum aut inopem negligendo §. 47. (3) Filium, domesticos vel convasallum delinquentes ad Dominum non deducendo §. 48. (4) auxilium in justo bello denegando §. 49. seqq. (5) Dominum in prælio deserendo §. 57. seqq. *Ratione rei feudalis* Vasallus delinquit *committendo* (1) quando rem feudalem dolose negat §. 54. seqq. (2) feudo abutitur §. 59. seqq. (3) feudem sine consensu Domini alienat §. 66. seqq. *Omittendo* (1) quando renovationem investituræ non intra debitum tempus petit, (2) se per contumaciam iudicio non sistit, (3) juramentum fidelitatis præstare recusat, (4) Servitia detrectat, (5) pensionem feudi censualis non solvit §. 68. *Credentiam manifestando* Vasallus etiam Feloniam committit §. 69. seqq. *Respectu aliorum* citra personam Domini Vasallus delinquit (1) parricidium committendo §. 72. seqq. convasallum ad necem prodendo (3) Crimen læsæ Majestatis (4) fractæ pacis committendo §. 74. Ultimo adjicitur, quæ ratione Felonia sit probanda §. 65. an Vasallus ipso jure ob Feloniam feudo excidat, an vero per sententiam iudicis feudo privandus? §. 76. ad quem feudum Feloniâ commissâ devolvatur? §. 77. & 78.

Die 31. Octobr. Decas XVI. Thesium Controversarum, ex Loco de *Sacramentis in genere selectarum*, Præside *Bernhardo von Sanden*, Jun. Prof. Ord. h. t. Decano, aliquoties paullò ante laudato, ad ventilandum proposuit *Michael Engel / Tilsâ Prussus*, (plag 4.)

*D. Laurentius Roberg*, Med. Theoret & Pract. Prof. Reg. & Ord. cujus superiori mense Octobri pag. 294. mentionem fecimus, Disputationem Medicam *Morbos Hereditarios* complectentem publico examini submitit, Respondente *Joh. Christ. Heyn*, Stockholm. (5. plag. in 4.)

In *Capitù Primi* § 1. probat Auctor morbos hereditarios dari. § 2. Præsentis materiæ difficultatem & obscuritatem magnam esse dicit. § 3. Non omnes morbos, uti *Sennertus* judicat; sed quosdam saltim hereditarios esse statuit, sultus tùm ratione tùm experientiâ & testimonio aliorum Medicorum. § 4. 5. 6. 7. Adfert catalogum morborum hereditariorum, eosque describit. Inter *Capitù* morbos illi est *pavor nocturnus*; *vertigo*; *epilepsia*; *fatuitas*; *mania*; inter *pectoris* passiones, *palpitatio cordis*; *asthma*; *phthisis*; inter *ventris* morbos, *calculus*; *lues venerea*; *scorbutus*; *passio hypochondriaca* & *melancholia*; inter *artuum* & *superficiem corporis* labes, *arthritis*; *variola* & *morbilli*, omnesque *scabiei* species. His § 8. *vitia conformationis* adnumerat, quæ à parentibus in liberos ita propagantur, ut simili labe, eademque partis cujusdam corporis formâ, quâ adfecti fuerunt genitores, notentur & proles. *Capite secundo morborum hereditariorum transitum in liberos* ostendit, & quidem § 2. & 3. de conceptione, eorumque naturâ, quæ ad conformationem foetus pertinent, quædam dicit. A § 4. ad 9. *inclusivè*, ipsum formationis foetus negotium considerat, asserens, non *simultaneam*, sed *successivam* partium post partem generationem probabiliorem sibi videri. Hinc *quinque* mechanicas causas, si non omnia, certè plurima, facientes efformantesque proponit, & primo loco *sanguinem*; secundo *spiritus animales*; tertio *liquorem*, cui *innatat foetus*; quarto *humores à matre venientes*; quinto *matris spiritus* nominat. § 10. & 11. Fermenti morbifici naturam determinat, ejusque vel acrimoniam, vel fixitati hereditariorum morborum pertinaciam deberi

deberi affirmat. *Capite denique Tertio morborum illorum curam* tradit, breviterque quædam affert *de Dieta regulis*, *de remedium generibus* ubique ferè locum invenientibus, quæ inter laudat *curam lacteam*, *acidulas*, *salivationem*, & tandem generalem intemperierum præcipuarum curam ante oculos ponit.

HAFNIAE.

D. *Bartoldus Botfaccus* edidit *Commonitorium triplex, Evangelicum, Epistolicum, & Catecheticum*, de fugiendo Papismo; sive, *Warnung für das Pabstthum* / in unterschiedlichen Predigten zu unterschiedenen Zeiten seiner Gemeine vorgetragen / und igo zum Druck überlassen / auch mit vielen Anmerkungen / sonderlich die Geschichte der Lutherischen Reformation in Dennemarck betreffend / erläutert durch *Bartoldum Botfaccum*, SS. Theol. D. Ejusdemque Reg. Profess. Honorarium & Consistorialem Havn. & ad S. Petri Past. antehac Brunsvic. Superint. Græncfurt und Leipzig in Verlegung *Christoph Friederich Gillers* / 1702. (2. Alph. 4. pl. in 8.)

TVNDERAE.

Die 5. Octobr. *Johannes Conrad. Kieffer* / *Serenissimi Holsatiæ Ducis Consiliarius in Sacris*, *Præpositus & Pastor Tunderensis* vitâ excessit. Natus ille est an. 1644. d. 30. Octobr. *Kubosii* propè *Oldenburgum* in *Wagria*. Studiorum cursum ductu *Martini Wildii*, *Diaconi* postea *Femariensis*, cœptum in *Gymnasio Bremensi* continuavit, & in *Academiis Helmstadiensi* nec non *Kiloniensi* absolvit. Hinc an. 1676. à *Generoso Joh. Henr. Kielman*, *Barone* à *Kielmansegg* primùm *Pastor Eeckensis* (zum *Eeck*) in *Præfecturâ Tritaviensi*, & deinde à *Gloriosiss. mem. Principe CHRISTIANO ALBERTO*, *Hamburgi* tum *degente*, *Concionator Aulicus* vocatus est. Hæc spartâ etiam postmodum *Gottorpii*, quum *Serenissimus Princeps* modò memoratus hanc suam sedem repeteret, functus est, cui paullò post *Consiliarii in Sacris*, & post obitum *Superintendentis Niemanni* dignitas *Confessionarii Ducalis totiusque aulæ*, usque dum *B. Sandhagen* adveniret, accessit. Tan-

dem quum hic ad plures abiret, Generalis Superintendentis negotia an. 1697. procuravit, & insequenti denique anno B. Petro Zitschero in Præpositurâ atque Pastoratu Tunderensi successit. Ex Coniuge priori, D. Conradi Schmidlingii, Archiatři Ducalis, filia, tres liberos, unicum sc. filium, & duas filias; ex posteriori autem, jam Viduâ, Joh. Adolphi Beselin, S. R. M. Daniæ Norwegiæque, Justitiæ & Cancellariæ Consiliarii, filiâ, nullos reliquit. Eloquentiam ejus haud vulgarem probat Oratio funebris in funeratione Serenissimi Principis CHRISTIANI ALBERTI an. 1695, d. 26. Febr. habita, & typis hoc titulo impressa:

*Per Aspera ad Astra!* oder der Seeligste Leid- und Freuden-Wechsel/ welchen der weyland Hochwürdigste und Durchlauchtigste Fürst und Herr CHRISTIAN ALBRECHT/ Erbe zu Norwegen/ Postulirter Coadjutor des Stifts Lübeck/ Herzog zu Schleswig/ Holstein/ Stormarn und der Ditmarschen/ Graff zu Oldenburg und Delmenhorst &c. glücklich getroffen/ &c. Aus Höchst-gedachter Ihrer Hoch-Fürsil. Durchl. Symbolo nach Anleitung der Worte Pauli, Rom. VIII, 18. an dem Beysehungst- Tage fürgestellt. (12 $\frac{1}{2}$  plag. in fol.)

## KILONII.

D. Joh. Ludov. Hannemanni *Spicilegium ad Meletema: de æquivocâ generatione, addendum,*  
cujus in N. L. 1701. p. 317. seq. mentio facta.

Quamvis sat copiosâ rationum phalange asseruerim, dari animalium aliquam æquivocam genesin, tamen & hanc adde-re operæ pretium duxi. Quippe cum gloriosissimus DEUS terram & aquam alloqueretur, ut animalia & vegetabilia producerent, ac in super hoc mandatum daret: Crescite, multiplicamini & replete terram; non duntaxat hæc duæ rerum omnium matrices jussæ sunt producere vegetabilia & animalia. Quorum generatio univoca mediante seminum Archæo perennaret. Sed & hoc DEI mandatum omnigenæ bene-

benedictionis Cornu Copiæ aquæ & terræ indidit, & aliorum animalium sponte provenientium ideas seminales, suorum Corporum Architectrices. Quod mandatô summi Numinis, haud humanæ industriæ viribus, investigabile robur accessit hac benedictione : Crescite & multiplicamini & replete terram. Proin una guttula aquæ, omnium animalium, & quæ fato univocæ vel æquivocæ generationis oriuntur, ac vegetabilium utroque ritu oriundorum innumeras seminales ideas, suorum Corporum fabricatrices complectitur. Quare concludimus (1) quod illud DEi ad terram & aquam alloquium mandans, ac (2) ipsa formula benedictionis æquè respiciat æquivocam ac univocam Corporum genesin. Ex utriusque generationis negotiô (si excipiam hominem) immensæ omnipotentæ innumeri characteres elucent. Ex hoc fundamento etiam non veremur asserere, *Quodlibet ex quolibet vi Archæi Naturæ posse fieri.* Et eodem jure *quodlibet in quodlibet posse converti.* Sicque nullius animalis semen fataliter prædestinatum est ad sui generis vel speciei productionem. Quod inter alia evincunt stupendæ aberrantis Phantasæ vires. Ne nunc etiam commemoremus nostræ sententiæ inconcussa argumenta. Quam enim sæpè Phantasæ vim plasticam à regiâ viâ in bivia deflectat, pleni sunt Medicorum & Philosophorum libri id genus testimoniis. Verùm hæc satis.

HAMBURGI.

Lucem publicam vidit Johann Windlers/Pastoris zu St. Michaëlis, und Rev. Ministerii Senioris, höchstgemüßigte und freymüthige Darlegung seiner Unschuld und Ursachen / die Ihn bevogen in Titl. Hn. Johann Friederich Mayers/ General Superintendenten in Vor-Pommern &c. Vocations-Werck/das Pastorat zu St. Jacobi betreffend nicht zu gehelen! von Ihm in den Druck gegeben. Hamburg, 1702. zu finden bey Gottfried Liebernickel/ Buchhändler im Dohm/ (3½ plag. in 4.)

Die 2. Octobr. ad plures abiit *Albertus Schulte*, J. V. L. & Reipub. Hamburgensis Protonotarius. Qui cum Patre *Johanne Schult*, J. V. L. & Consule Hamburgensi an. 1651. d. 26. Decembr. natus esset, literarumque fundamenta probè jecisset, an. 1672. *Lipsiam* adiit. Absolutò hic studiorum cursu, *Cadomi* (Caen) in Galliâ an. 1677. d. 10. Jan. Disputationem Inauguralem pro Licentiâ de *Sententiis* habuit. *Germaniâ*, *Belgiò*, *Angliâ* atque *Galliâ* peragrata an. 1678. in patriam redux factus est, ibique primum an. 1683. d. 15. Aug. Secrerarii, deindè an. 1693. d. 15. Martii Protonotarii spartam exornavit. Postquam his muneribus 19. annos, I. mensem, & 16. dies præfuisset, quinquagesimo primo ætatis anno obiit, ex viduâ superstite tres filios & duas filias relinquens.

Die 25. Octobr. vitam cum morte commutavit *Gerhardus Schott*, J. V. L. & Senator Hamburgensis. Lucem ille an. 1641. d. 30. Aprilis *Hamburgi* adspexit, & studia ibi in Scholâ *Johannitanâ* & Gymnasio laudabiliter cæpta in *Academiâ Helmstadiensi* per tres annos continuavit, *Heidelbergæ* ulterius excoluit, *Basilæque* absolvit, habitâ ibidem an. 1665. Disputatione Inaugurali de *Substitutione vulgari*. Confecto postmodum per *Galliam*, *Italiam*, *Germaniam* & *Belgium* itinere, *Svecos* etiam adiit. Ab his domum reversus, an. 1682. Judicii inferioris Actuarius constitutus, & an. 1693. d. 16. Aug. Senator electus est. Quum sexagesimum secundum ætatis annum attigisset, conjugem, quam an. 1671. d. 2. Octobr. matrimonio sibi junxerat, morte suâ fecit viduam & duas filias patre orbas.

*Helvicus Sylum*, hactenus Secretarius, Protonotarii officium, quod *Albertus Schulte*, J. V. L. cūjus paullò ante meminimus, morte suâ vacuum reliquit, adeptus est, hujusque provinciam obtinuit *Johannes Anderson*, J. V. D. quo axiomate an. 1697. *Lugduni Batavorum* ornabatur, ventilatâ de *Juramento Zenoniano* Disputatione.

*Paulus Draing*, qui an. 1671. d. 9. Jan. Gradum Licentiatu-  
 ræ sumsit, postquam *Argentorati* de Pœnitentia disputave-  
 rat, *Gerhardo Schott*, de cujus obitu brevi ante mentionem  
 fecimus, in dignitate Senatoriâ successit.

Sumtibus *Benjamini Schilleri*, typis expressa sunt *Johannis Grö-  
 ningii*, J. V. D. *Nova Instituta Practica*, quibus *Processus  
 Communis, cum Parallelismo Judicii Aulici, Cameralis, Summi Tri-  
 bunalis Wisuariensis, & Fori Saxonici*, ex solidis Prudentiæ Practi-  
 cæ principiis, & Præjudiciis novissimis, brevi dicendi genere, sed  
 amplissimo sensu & allegationibus, III. Libris exhibetur. His ad-  
 ditur *Catalogus Scriptorum Practicorum ad ordinem Institutorum  
 digestus*; ita ut *Eadem, vice Bibliotheca & Manuuctionis Practica  
 omnibus tam in Academiis, quam Foro versantibus utiliter esse  
 queant.* (I. Alphab. in 8.)

In hoc libro Auctor in usum illorum, qui jam in Fori tri-  
 turâ versantur, Judicata, & Præjudicia recentiora, aliis hucusq;  
 ignota, & à se *Vienna & Wetzlarie* collecta, ubivis interspersit.  
 Junxit itidem Processui communi Praxin Excelsorum in Im-  
 perio Judiciorum horumque Parallelismum ostendit. Sing-  
 gula insuper allegationibus amplis Doctorum, qui prolixius  
 omnia pertractarunt, communivit. In gratiam autem inci-  
 pientium *Instituta* hæc ita composuit, ut id, quod in ipsis rerum  
 obtinet argumentis, Studiosorum animi accipiant, breviter  
 exponens, quod antea obtinebat, & quid nunc obtineat, im-  
 mutatumve sit, quidque adeo in Praxi & Foro instar normæ  
 & regulæ tutò neque fluctuantes sequi debeant. Proinde in  
 illis connexionem singulorum titulorum, uti Fori ordo servat,  
 diligenter ostendit, & insuper sollicitè cavet, ne tot discrepan-  
 tiis Judiciorum, animus Incipientis in ipso primordio confun-  
 datur. Divisit *Instituta* in III. Libros. Quorum *primus* agit de  
 Processu primæ instantiæ. *Secundus* de Processu secundæ In-  
 stantiæ. *Tertius* de suprema Instantia. Libri *primi* iterum  
*duæ sunt Sectiones* quarum *altera* 8. continet *Capita*. I. agit de Ju-  
 ciorum

diciorum Origine, Progressu & Jure. 2. de Eorum divisione & forma. 3. de Judice in genere. 4. de Judicis Officio. 5. de Judicis habilitate & Competentiâ. 6. de Actore & Reo. 7. de Affessoribus, Secretariis, & Apparitoribus. 8. de Intervenientibus & Advocatis; *altera Sectio* sequentia hujus Libri primi capita comprehendit, nimirum *Cap. 9.* quod agit de Processus ordine, & quidem de Supplicatione & Mandatis. 10. de Citatione. 11. de Libello. 12. de Reconventionem. 13. de Dilatione. 14. de Feriis. 15. de Sopienda per transactionem Lite, vel transferendâ in alium. 16. de Exceptionibus Dilatoriis. 17. de Cautione & Satisfactione. 18. de Contumaciâ. 19. de Litis Contestatione. 20. de Exceptionibus Peremptoriis. 21. de Juramento Calumniæ. 22. de Positionibus & Responionibus. 23. de Probationibus in genere, & Præsumptionibus. 24. de Confessione, & oculari Inspectione. 25. de Juramento. 26. de Instrumentis. 27. de Testibus. 28. de Disputatione Attestationum. 29. de Conclusionem Causæ. 30. de Inrotulatione & transmissione Actorum, & eisdem Relatione. 31. de Sententiâ interlocutoriâ & definitivâ. *Libri secundi Cap. 1.* agit de Remedio, seu Querela Nullitatis. 2. de Supplicatione & Leutatione. 3. de Revisione. 4. de Restitutione in integrum & Syndicatu. 5. de Causis, à quibus appellari potest. 6. de his qui appellare possunt, & ad quos appellatur. 7. de Formâ Appellationis. 8. de Appellationis Effectu. 9. de Executione Sententiæ. *Libri tertii Cap. 1.* agit de Judice & Consiliariis Archi-Dicasteriorum Germaniæ. 2. de Modo fundandi Jurisdictionem Supremæ Curiæ, tam in primâ, quàm secundâ Instantiâ. 3. de Processu supremi Fori, tam Audientiæ, quàm Causæ. 4. de Relationibus. 5. de Sententiis supremi Fori. 6. de Sententiarum Contrariis. His demum additur Appendix, quæ exhibet (a) *actum Introductionis S. Tribunalis Regii*, pro Illustratione eorum, quæ in Capite I. Lib. I. de eodem dicta sunt. Et (b) *Catalogum selectum Scriptorum Practicorum*, qui ad ordinem Institutorum digestus, & ad singula Capita Auctores præcipuos & singulares, qui de quovis argumento ex professo scripserunt, designat.

# NOVA LITERARIA

## MARIS BALTHICI ET SEPTENTRIONIS,

*Edita Mense Decembri, MDCCII,*

### ROSTOCHII

**Z**acharias Grapius, Rostoch. SS. Theol. D. PP. & ad D. Jacobi Verbi Divini Minister typis commisit *Compendium Theologiae Positivae Universalis, ex Obligatione nostrâ erga Deum* deductâ, in quo *partim* de Existentiâ Summi alicujus Numinis, cui obligamur, *partim* de Causis, ob quas obligamur, quæ integram Theologiam Didacticam alias dictam exhibent: *partim* de ipsis obligationis actibus, qui Theologiam Moralem offerunt, agitur, ita ut primariæ theses ex singulis Locis extractæ compareant, pro memoriâ in gratiam *Auditorii* sui *Domestici* adornatum, in quæ Disputationibus privatis ventilatum. (6½ plag. in 4.)

Hoc Compendium juxta illam methodum conscriptum juxta quam B. D. *Justus Christoph. Schomerus*, Celeberrimus quondam Acad. Rostoch. Theologus, semper optare solitus est, ut in Academiis universa Theologia non mutila & manca; sed integra pertractaretur, omniaque ex obligatione nostrâ erga DEUM deducerentur, & Theologiæ Moralis, quæ aliâs communiter à Didacticâ, & quidem minus rectè, divellitur, ratio haberetur. Proinde utrumque hic conjungit Auctor, quantum Compendium capere potest, uberiorem horum omnium deductionem alii reservans occasione. Nimirum primarias theses hac vice saltem exhibet, easque non solum contra antiquiores; sed & recentiores ac recentissimos Adversarios notandas in *secundâ* scilicet *parte*. In *tertiâ* parte sequitur B. Schomeri specimen Theologiæ Moralis, ejusque Collegium Manuscriptum. Quo autem B. L. eo melius constet de hujus

Compendii Summa, ejus Sciagraphiam hinc subjicere placet. *Pro'egomena* agunt de *Naturâ Theologia* in genere; *Compendium* verò ipsum tribus absolvitur partibus. Quarum *prima* quasi præliminaris agit de obligationis nostræ certitudine. Ubi (1) *Existentia Dei* cui obligamur, *Cap. 1.* (2) *Obligatio ipsa* seu *Religio*, *Cap. 2.* *Secunda* agit de *Causis*, ob quas Deo nostro obligamur. Huc spectant scilicet credenda, de quibus agitur (a) in genere *Cap. 1.* (β) in specie. Sic obligamur DEO (a) ob principium illud, in quo se ad salutem nostram revelavit, quod est *Sacra Scriptura*, *Cap. 2.* (b) ob DEi naturam. Hinc de DEO agitur *Cap. 3.* (c) ob ejus opera, & quidem in specie ob duo illa potentia potissimum huc spectantia, qualia sunt (1) *Creatio*, in quâ magnò nos beneficiò affecit, *Cap. 4.* Refertur etiam huc egregium illud creationis opus, *Angeli*, quorum custodiam nobis largitur, *Cap. 5.* (2) *Providentia*, de quâ *Cap. 6.* (d) In *triplici* nostro *statu*, & quidem (N) *instituto*, ob *imaginem concreatam*, de quâ *Cap. 7.* (2) *Destituto*. In quo & reatu peccati, de quo *Cap. 8.* & *virium nos juvandi impotentia*, de quâ *Cap. 9.*, Deo maxime tenemur. (3) *Restituto*, ubi (a) *restitutionis principia*, (β) *restitutionis media*. (1) *Restitutionis principia* sunt (a) *Patris voluntas benignissima*, quæ (A) *universalis*, *Cap. 10.* (B) *specialis*, *Cap. 11.* (b) *Christi redemptio*, *Cap. 12.* (c) *Spiritus S. gratia applicatrix* (α) in *vocando*, *Cap. 13.* (β) in *convertendo*, *Cap. 14.* cujus gradus *illuminatio*, *Cap. 15.* *Effectus poenitentia*, *Cap. 16.* Ejus effectus est *justificatio*, *Cap. 17.* Hujus effectus iterum est *partim regeneratio*, *Cap. 18.* *partim unio mystica*, *Cap. 19.* (γ) *Renovando*, *Cap. 20.* (2) *Restitutionis media* (a) à parte DEi *δὲ θεοῦ* (1) *Verbum*, *Cap. 21.* (2) *Sacramenta*, *Cap. 22. 23. 24.* quæ dispositio vocatur *Testamentum*, *Cap. 25.* (b) à parte hominis *ἀνηπίκτων fides*, de quâ *Cap. 26.* Hæc media habentur in *Ecclesia*, de quâ *Cap. 27.* quæ constat ex *tribus* illis *statibus*, de quibus *Cap. 28. 29. 30.* (c) Denique obligamur etiam DEO nostro ob *novissima* illa, de quibus *Cap. 31. 32. 33.* Ex quibus eminet *vita aeterna*. *Tertia pars* agit de obligationis muniis, ubi (I.) de *agendis* in genere, *Cap. 1.* (II.) De *actio-*  
num

num moralium principiis, *Cap. 2.* (III.) De justitia universali, *Cap. 3.* (IV.) De agendis in specie (α) respectu Dei, *Cap. 4. 5. 6. 7. 8. 9. 10.* (β) respectu Angelorum & B. Cœlitum, *Cap. 11.* (γ) respectu nostri, *Cap. 12.* (δ) respectu proximi, *Cap. 13. 14. 15. 16. 17. 18. 19. 20.* (ε) respectu brutorum, *Cap. 21.* (ζ) respectu Diaboli, *Cap. 22.*

*D. Christoph. Conradus Goerizius*, Regiomontanus, S.S. Theol. Prof. Extraord. in Acad. Patriâ designatus, superiori anno Rostochii promotus (vid. N. L. an. 1701. Mens. Octobr. pag. 294) publicavit ibi *Tractatum*, nuper *Hale Magdeburgicæ* impressum, & præterito anno brevi sciographiâ delineatum (quam vid. in N. L. 1701. Mens. Jul. pag. 193.). Titulus dicti Tractatus hic est: *Papatus irrationalis ex Christiani Helwichii, Med. D., & ad Papatum personati transfuge, rationibus selectis & Dissertatione pro eis edita, demonstratus &c.* (8. plag. in 12.)

Die 12. Nov. *Joh. Joachimus Schöpffer* J. V. D. & Prof. Publ. Ord. Com. Palatinus Cæsar. Consistorii Ducal. Consiliarius, nec non Facultatis Juridicæ Pro-Decanus, Programma publicavit, quo ille suo & Collegii Jurid. nomine, Disputationem Inauguralem Candidati, *Hermanni Albrechti Schuckmanni*, Gustroviensis Mecklenburgici, de *Repetendo Testium examine*, d. 23. Nov. habendam, indixit, ad illamque audiendam invitavit. (1. plag. in 4.)

Candidatus hic *Gustrovii* d. 22. Jul. an. 1680. natus Patrem veneratur *Henricum Schuckmannum*, Sereniss. Ducis Mecklenb. Regentis Aulæ & Cameræ Gustroviensis Consiliarium, qui filius est *D. Hermanni Schuckmanni*, Rostochii quondam SS. Theol. Prof. & Facultatis Theol. Senioris, Consistoriiqve Ducalis Assessoris, postea Concionatoris Aulici Primarii, & Distr. Gustrov. Superintendentis, & nepos *D. Henrici Schuckmanni*, olim judicii Aulici Consiliarii, deinde ab an. 1633. usque ad an. 1656. in Acad. Rostochiensî Codicis Prof. & Consist. Assessoris, Fctis Jurid. Collegiiqve Ducalis & Acad. Senioris;

Matrem quoque habet superstitem *Catharinam Schützen / Job. Alberti Schützen / Jcti, & Sereniff. Ducis Mecklenb. Gustrov. Dn. GUSTAVI ADOLPHI Gloriosiss. memor. per multos annos Consilarii Camerae intimi, nunc quoque Sereniff. Ducis Regentis, Dn. FRIDERICI WIL HELMI Consilarii Camerae intimi, filiam. Literis imbutus est Gedani, inde ad Acad. Regiomontanam se contulit, ex qua Rostochium venit. Dehinc verò etiam ad Acad. Fridericianam, quæ Hale est, concessit, ex quâ tandem Rostochiensem repetiit, præmia studiorum petiturus.*

Die 23. Nov. Præside *Job. Joachimo Schöpffero*, modo memorato, laudatus jam Candidatus dictam Disputationem Inauguralem de *Repetendo Testium examine*, pro consequendis honoribus & Privilegiis Doctoralibus, solenni Eruditorum Disquisitioni submisit. (6. plag. in 4.)

*Capituli primi, quod agit de Repetendo Testium examine in genere, & quod eo opus non sit, Contenta sunt hæc: Repetere testes vel examen testium, phrasis est in praxi recepta n. 1. 2. Ejus tamen non eadem ubiqve est significatio n. 3. seqq. Referuntur phrasæ Synonymicæ n. 11. Describitur n. 12. repetitum testium examen, quod sit actus judicialis, quo testes, semel examinati, in eadem causâ, super eodem puncto controverso iterato examinantur. Quid iudex in eo observare debeat, n. 13. Tali repetitione opus non est, n. 14. Quia testes semel legitime examinati sufficienter probant, n. 15. Etiam in appell. instantiâ, n. 16. Etiam in alio planè iudicio, n. 17. Etiam in Ecclesiastico, licet testes examinati sint in seculari iudicio, n. 18. seqq. Testes in possessorio examinati probant quoque in petitorio, n. 20. seqq. Quidam hoc casu publicationem attestationum desiderant, n. 24. Quam tamen quisque petere potest, n. 25. seqq. Testes in causâ civili examinatos non probare in causâ criminali, pleriqve arbitrantur. n. 27. seq. Contraria tamen sententia probabilis, n. 29. seqq. Ita tamen ut repetitio*

repetitio concedenda sit, n. 32. seqq. Imò repetitio testis planè non admittitur, n. 34. seq. propter metum subornationis, n. 36. nisi iusta subsit causa, n. 38. *Caput secundum* agit de *Repetendo Testium examine, ex persona iudicis, vel Examinantis*, & sequentia continet: Testes repetendi sunt, si Examinans non habet jurisdictionem, n. 1. Si, v. g. ab arbitro sunt examinati, n. 2. seq. Nisi pacto aliud placuerit, n. 6. Vel testes mortui sint, n. 7. seqq. Hinc colligunt: mortem idem operari quod juramentum, n. 9. Contrarium verius, n. 10. seqq. L. fin. C. d. testib. obtinet in examinatis ab arbitratore, n. 12. seq. Testes examinati à Notario non probant, sed repetendi sunt, n. 15. Licet utraqve pars consenserit, n. 16. Applicatur decisio l. fin. C. d. testib. n. 17. seqq. Quid si iudex fuerit incompetens, an opus repetitione? n. 19. seqq. Iudex ex officio testium repetitionem instituere potest, n. 23. seq. Etiam in appellationis instantia, n. 26. An pars in appellationis instantiâ repetitionem petere possit, n. 27. seqq. *Capitulum tertium*, de *Repetendo Testium examine, quia forma neglecta fuit*, argumentum ita se habet: Regula generalis de admittenda examinis repetitione, n. 1. Ex citatione testium omissâ non fit repetitio, n. 2. seq. Aliud, si pars adversa non sit citata, n. 4. seq. Testes, qui non iurarunt, repetendi, n. 6. Juramentum h. c. non confirmat retro depositionem, n. 7. seq. Repetitio conceditur propter intermissam avifationem, n. 13. seq. Non verò propter intermissam erectionem digitorum, n. 15. seq. Repetitio fit, quia testes in præsentia partium sunt examinati, n. 20. Vel in turbâ, n. 23. vel ob omissum articulum vel interrogatorium, n. 24. vel si in scriptis respond. deposuerit, n. 25. Quid si testi depositio non sit prælecta, n. 27. seqq. Vel silentium non sit impositum? n. 33. *Capitulum quarti*, de *Repetendo testium examine ex personâ vel dicto testis*, Summaria: Quandoque ex personâ vel dicto testis potest obtineri iteratio examinis, n. 1. Si v. g. testis tempore jurisjurandi præstandi

fuerit subebrius, n. 2. seq. Idem, si tempore depositionis talis fuerit, n. 7. seq. Nisi pars expressè vel tacitè confesserit, n. 12. An testis ad perpetuam rei memoriam examinatus, repeti possit, si cesset causa ob quam antea examinatus fuit? n. 17. seqq. Ad dictum testis dubium declarandum admittitur repetitio, n. 26. seqq. Quid si testis publicatis attestationibus contrarium deponat? n. 29. seq. Quid si dicti rationem non reddiderit? n. 34. seq. *Caput quintum, quod agit de Repetendo testium examine, ob impetratam restitutionem, sequentia tradit: Minor contra lapsum termini probatorii restituitur, n. 1. seq. Non tamen ad repetendum testium examen, n. 4. seqq. Nisi probet, in examine aliquid omissum esse, quod sibi prodesse poterat, n. 9. An restitutio minoris profit quoque adversario? n. 11. seq. Nec minor restituitur ultra id, in quo læsus est, n. 14. seq. Depositionibus amissis, iterato examinandi sunt testes, n. 16. Nisi culpa producentis amissæ, n. 17. Quod iudicis arbitrio relinquitur, n. 18. Si acta alia ratione suppleri possint, non recurrendum ad iteratum examen, n. 19. Capituli denique sexti de formâ Repetitionis ejusque sumtibus hæc est summa: Quoties examen nullum, toties novo opus est examine, n. 1. Idem si pars non sit citata, n. 2. seqq. vel restituatur, n. 7. vel si testis coram non competente sit examinatus, n. 8. vel si testes non jurarint, n. 9. Nisi partes juramentum remisissent, n. 10. Vel si subebrius fuerit, n. 11. Quoties examen non est nullum, toties novo juramento opus non est, n. 12. v. g. si ad interrogatorium non sit examinatus, n. 13. seqq. Idem dicendum, si testis dictum obscurum declaret, n. 17. seqq. Vel rationem dicti addat, n. 20. Quomodo depositio emendata scribenda sit? n. 21. Testis repetendus an se possit referre? n. 22. seqq. An petere ut sibi prælegatur prior depositio? n. 24. seqq. Examen novum fiat sumtibus illius, qui in culpâ, n. 27. seq. Alias sumtibus producentis, n. 30. Vel petentis, n. 31.*

Die 25. Novembr. sub Præsidio M. *Justi Wesseli Rumpai*, Gveftphali an. 1700. Rostochii promoti, (vid. N. L. dicti anni p. 290.) *Matthias Meyer* / Lubecens. S. Theol. & Phil. Studiosus, Auctor & Respondens, cujus jam supra pag. 219. meminimus, in Disputatione Philosophicâ *Philosophiam Aristotelicam Recentioribus quibusdam insensam & contra eos defensam* publicæ Eruditorum συζητησιν submit (6. plag. in 4.)

Commendandum meritò est studium Virorum in Academiâ Rostochiensis doctissimorum, quo Novaturentium conatus, Ecclesiæ & Rei literariæ perniciosos laudabili industriâ deprimere conantur. Recensuimus nupero Mense (p. 323.) *Constantinum M.* adversus *God. Arnoldum* fuisse defensum. Hic enim *Imperator* è *Christianis* primus laude quavis dignior est, neque ullâ in re commeritus, qui ita contumeliosè conuictis hominibus haberetur, prout rectè de illo scribit *Andreas Adamus Hochsteterus* in *Orat. de Utilitate Peregrinationis Anglicanæ*, in *Acad. Turing. 1697.* habita, cum Eloquentiæ & Poësis professionem anspicaretur, p. 14. Huic ergò alium jungimus scriptorem, qui adversus Recentiores quosdam *Philosophiam Aristotelicam* masculè iuit defensum, & præcipuè quidem contra *J. W. Zieroldum*, *Godofredum Arnoldum*, & *C. Thomasum*. Ne autem *επιμετρίδης* progrediatur Auctor, duabus rem omnem expedit *Sectionibus*, alterâ, quæ odium ipsum ac causas; alterâ verò, quæ defensionem sistit.

#### STRALESVNDÆ.

Prodiit *Concio funebris*, à M. *Johanne Brunsten* / Ecclesiæ Poserizensis in Rugiâ Pastore, & circumjacentis Synodi Præposito, habita in funere M. *Augustini Lemmii*, Pastoris & Præpositi Gingstensis, Ejusque *Uxoris & Fratris*, (de quorum ut & M. *Georgii Christophori Lemmii* obitu superiori mense Sept. pag. 255. mentionem fecimus) Titulus ita habet: *Die schlagende und heilende Hand Gottes des Allmächtigen in einer Leich-Sermon*

Sermon &c. aus Zachar. XIII, 7. mündlich/und nun auff Begehren schriftlich fürgestellt. (13 $\frac{1}{2}$  plag. in fol.)

Accedit etiam Parentatio in horum die exequiali à *Melchiore Mildahn* / Pastore Zudarensi, recitata, & sequenti inscriptione impressa: Die zerstreute Lemmische Priester-See-  
den höchst-schmerzlichen Leichen-Begängniß Dreyer aus derselben plög-  
lich dahin gerissenen einverleibten Mitglieder &c. unter dem Sinn-  
Bild einer anmuthigen und sich freuenden / aber durch ein dar-  
zwischen Kommendes reissendes Thier / jämmerlich zerstreuter  
See-  
den / in gehaltener Abdankungs-Rede zu Gingsst den 5ten Juli  
an. 1702. vorgestellet &c. (3 $\frac{1}{2}$  plag. in fol.)

Quum hactenus ob spatii defectum utriusque *Lemmii*,  
nimirum *M. Georgii Christophori*, in Sudaná urbe ad *D. Nicolai* Archi-Diaconi, & *M. Augustini*, fratrum uterinorum,  
pleniorum vitarum descriptionem dare non potuimus, hac  
vice, commodam nacti occasionem, illam inferere placuit.  
Ambo nati sunt *Alten-Vehra* in Rugiâ; ille quidem an. 1656,  
d. 24. Novembr.; hic autem an. 1664. d. 12. Januarii, Patre  
*Christophoro Lemmio*, per 49. annos ejus loci Pastore, & Cir-  
culi *Poserizensis* Seniore, adhuc dum superstite. Postquam  
*M. Georgius Christophorus* studiorum suorum fundamenta po-  
suisset, an. 1675. *Wittebergam* profectus est, & sequenti statim  
anno sub Præsidio *Joh. Meisneri* de *Imaginis Dei* disputavit.  
Hoc specimine edito fiebat, ut *Dn. Greenius* filii sui curam  
ipsi committeret, quo cum tam *Dresde* quam *Witteberge*  
vixit. Postea cum animus illi esset natale solum repetendi,  
summos prius in Philosophiâ honores capeffivit, & binas  
Disputationes de *Insulâ Rugiâ* conscripsit. In patriam an. 1680.  
redux *Gryphiswaldiam* adiit, ibidemque juventuti Academicæ  
docendo non solum profuit, sed in cathedrâ etiam an. 1682.  
visus est quum de *Spectris* differeret. Studiorum cursu ita ab-  
soluto, an. 1683. à *Stralesundensibus* ad Diaconatum Templi  
*Mariani* vocatus est, & an. 1693. ad *D. Nicolai Adem* Archi-  
Diaconi

## MENSIS DECEMBR. M DCCII. 355

Diaconi munus obtinuit. Duæ præterea quidem ab exteris ipsi oblatae sunt vocationes, altera nimirum à Gloriosiss. mem. Svecorum Regina, *Vlricâ Eleonorâ*, quæ illum sibi à Concionibus sacris esse voluit; altera verò an. 1694. à Serenissimo Frisîæ Orientalis Principe, à quo dignus judicabatur, qui Superintendentis & Concionatoris Aulici Primarii spartam sustineret; ast in patria hæere eique inservire maluit ad mortem usque, quam anno ætatis quadragesimo sexto, nempe d. 10. April. c. a., oppetiit, ex binis Conjugibus quinque liberos relinqvens.

M. *Augustinus Lemmius* studia sua in Gymnasio *Stralesundensi* benè cœpta, & in Univeritate *Gryphicâ*, quam an. 1682. petiit, continuata, in cujus rei fidem an. 1686. sub Præsidio *D. Jacobi Henningii de Homini Christiani nativitate & vitâ* Disputationem proposuit, *Witteberga*, quorsum anno modò dicto profectus est, absolvit, impetratâ prius an. 1687. laureâ Philosophicâ, binisque deinde Disputationibus de *Majestatis Civilis divinâ origine*, unam respondendo, alteram præsidendo, habitis. Patriæ an. 1688. redditus *Stralesunde* per sesqui alterum annum *D. Gosmanni* vicem in concionando supplevit, donec an. 1690. vocatione præviâ *M. Johannis von Esen/Gingstensium* Pastoris & Præpositi Substitutus constitueretur. (De Conjuge ipsius, ut vitæ ita & mortis individua sociâ, itemque liberis vid. hæc N. L. pag. 255.)

### GEDANI.

Mens. Septembri *Gedanum* appulit libellus, *Constantino Schützio* ad *D. Mariæ* Pastori oppositus, sequentem titulum præferens: *Infelix laqueus Judæ Ischariota, inter reliquias Pietastrorum & Terministarum forte repertus, quo non neminis Orthodoxo-Mastigis observationes in Orationem Chytræi, anno MDCCI suspendebantur; nunc enodatus atque explicatus, & Ecclesie Evangelicæ diligentiori considerationi propositus à J. C. S. Hamburgi MDCCII.* (4to pl. 4.)

Autor, librorum symbolicorum autoritatem vindicat: De Illuminatione & Orthodoxyâ Ministrorum improborum, de Pœnitentiâ & virtute meriti Christi, de Anathematismo novitatum Pietisticarum, de usu suspectarum phrasium, de Justificatione & Fide ante Christi apprehensionem vivâ & efficace, de coëxistentiâ Bonorum Operum in actu Justificationis, de phrasi: Bona Opera sunt necessaria ad salutem, de Moderatione Theologicâ, de Vocatione Judæ Ischariotæ, de Veste nuptiali, de suspitione Weigelianismi Theologis pietatis studiosis affectâ, de crimine hæretificandi hinc & inde disputat & pluscula passim de doctrinâ & moribus Pietistarum immiscet.

Die 5. Octobr. Exercitationem Philosophicam *de Funambulis* sub Præsidio M. *Gabrielis Groddeck*, Philof. Prim. & Pract. P. P. & Reipub. Biblioth. publicè defendit *Job. Leonhardus Schlicher*, Gedanensis. (5. plag in 4.)

Duo Dissertationis hujus sunt capita, quorum *primum* agit *de Origine Funambulorum*, & variis eorum generibus, *secundum illorum institutum juxta Philosophia moralis regulas examinat*. Summarium *Cap. I.* est hoc: §. 1. Vox *Funambuli* de fugitivis, funibus per murum demissis, aliquando ironicè accepta est. Locus *Jos. II, 15.* explicatus. §. 2. Propria hujus vocis significatio affertur, quâ *funambuli* dicuntur, *qui per funem extensum crassiore, & ad malos oppositos ac contra se stantes religatum, ambulant*, & de his exponitur locus *Tertulliani*, quo *Neurobatem* depingit. §. 3. An *Messala Corvinus*, primus *funambuli* vocem adhibuerit. *Pseudo-Messalæ* liber de progenie *Augusti*. *Acronis* autoritas. Quo tempore *Messala* vixerit. *Terentii* ætas. *Labeonis* locus de *funambulis*. *Laur. Pignorius* & *Joh. Jac. Hoffmannus* notati. §. 4. *Terentium funambuli* vocem primò adhibuisse ostenditur. *Schoenobatica* apud *Græcos* fermè nota. Locus *Hippocratis* correctus. Quid sit *Schoenobates* apud *Juven.* & *Schoenobatica* apud *Ciceronem*. §. 5. De *Schoenobatis*, testimonia

# MENSIS DECEMBR. MDCCII. 357

nia' ex Galeno, Justino M., Chrysoftomo, Arriano. Locus Galeni explicatur. Bulengerus notatus. §. 6. Vox καλῶ de eadem exercitatione adhibita. Testimonia Originis, Greg. Nazianzeni. Duo proverbia explicantur. Quid sit κατὰ δρόμῳ & per catadromum decurrere. Locus Svetonii & Dionis de Elephante per catadromum currente allatus. §. 7. Funambulorum frequentia apud Romanos. Testimonia ex Manilio, Pseudo-Petronio, Symphosio, Prudentio. §. 8. Eorum exercitationes ut difficiles & periculosaē descriptæ à Xenophonte, Plinio, Apulejo, Arriano, Greg. Nazianz., Chrysoft., Georg. Pisida. Culcitæ funambulis subjectæ. §. 9. Elephanti funambuli ex Svetonio, Plinio, Seneca. Plinii locus explicatur. §. 10. Discrimen funamb. à Neurobatis, Cremnobatis &c. ex Julio Firmico. §. 11. Quinam fuerint Neurobatæ & Tichobatæ ex Fl. Vopisco ostenditur. Cremnobatæ & Oribatæ iidem. Eorum descriptio ex Salmasio & Statio. §. 12. Petauristæ à petauro dicti. Quid petaurum denotet. Sententia Alex. ab Alexandro. Alia explicatio Hier. Mercurialis ex testimonio Lucilii, Martialis, Manilii. Manilii locus explicatus. Scaperda quid. §. 13. Orciscopularii apud Firmicum an urinatores. Scaliger notatus. Firmicus correctus. Quinam fuerint Orchestropoli. Salmasii explicatio. Ephalmares & Petaminarii à Manilio & Claudiano descripti. Salviani locus explicatus. Rittershusius notatus. §. 14. Funambulorum orientis historia ex Nicephoro Geregora. §. 15. Turcarum & Persarum funambuli ex Belonio. §. 16. De quibusdam funambulis in Europâ visis testimonia Er. Puteani, Aonii Palearii, & Sim. Majoli. Palearius laudatus. Argumentum Cap. II. ita se habet : §. 1. Tractandorum ratio. §. 2. Funambulorum vitæ genus improbatum ex tribus rationibus. Prima est, quod studio bonæ existimationis adversetur. Cynici notati. Funambuli infames. §. 3. Secunda ratio, quod nullam societati humanæ utilitatem afferant. Balduini Theologi hac de re iudicium. §. 4. Tertia ratio, quod corpus vitamque pericu-

lo exponant. Mutilatio membrorum homini etiam cavenda. Ob intentatam membri mutilationem alterum interficere licet. §.5. Funambulos in Rep. benè constitutà tolerandos non esse demonstratur. Damnum quod Resp. inde sentit. Testimonium Clementis Alex. §. 6. Eadem assertio aliorum testimoniis confirmata. §.7. Illos tamen aliquando in civitatem admitti posse ostenditur. Hostes comœdiarum & quorumvis spectaculorum notantur. Arcanum imperii, populum spectaculis recreare. Locus Matthiæ Berneggeri §.8. Die Dominicâ aliisque festis diebus talia spectacula concedenda haud facile esse probatur testimoniis antiquorum Ecclesiæ Patrum, & decretis Principum Christianorum. §.9. Iisdem spectaculis assistere posse Christianos contra Tholosanum aliosque evincitur. Patrum sententiæ benignius interpretandæ sunt.

Die 19. Octobr. *Idem* Præses alteram Disputationem solennem instituit *de Rebus Davidis post susceptam Regni Israëlitiæ administrationem gestis*, contra Cl. Boelium, Respondente *Godofredo Weisen*, Neo-Sedinensi, Pomer. (4½ plag. in 4.)

Die 2. Novembr. *Christophorus Behr*, Eloqv. & Poet. Prof. *Agonem Oratorium VII. in Plinii Panegyricum à cap. 70. usque ad 81. egit*, Respondente *Job. Davide Hobeisel*, Dantisc. (5. pl. in 4.)

#### REGIOMONTI

Die 26. Septembr. Præsidis munere sustinente *Conrado Mel*, Concionatore Aulico & S. S. Theol. Profess., ut & Respondente *Jobanne Gordon*, Theol. Studiofo, Dissertatio Theologico-Philologica *de Mari Æneo*, seu Labro Magno Templi Salomonis, 1. Reg. VII. & 2. Chron. IV. descripto, habita fuit, quâ Machinæ hujus genuina Structura, occurrentes in Textu Sacro Enantiophaniæ & sensus Typici Mysteria explicantur. (8. plag. in 4.)

In præfamine ad Lectorem Materiæ tractandæ amœnitas, difficultas & methodus sistitur. His expeditis ipsa Dissertatio

in

in duas Sectiones dispescitur. Prima, *explicationem sensus Literalis de Mari Aneo tradens sex complectitur Capita*, quorum I. agit de nomine & materia maris anei, quæ ex simili materia metallicâ, ex quâ hodie formantur specula, & purioris cibi campanæ & tormenta bellica, fuisse dicitur. *Cap. II. explicat dimensionem & proportionem maris tollitque difficultates obvias.* *Cap. III. agit de Cupâ inferiori, & quidem de ejus figura, quam quadratam; de Capacitate & dimensione, quam in toto ambitu 80. cubitos habuisse, & de Materia, quam ex ære fufam contra Rabbiorum nonnullos credit.* *Cap. IV. de Bobus Aneis, seu fulcro maris tractat, & horum notat materiam, quod sc. confiterint ex eadem materia, ex quâ mare fufum conflatum; numerum, qui duodecimarius: situm, quod terni ac terni posteriora introrsum sub mare verterint: usum, ut non modò portarent mare, sed etiam, ut per tubulos & canales aquam mari darent, & per ora iterum in cupam emitterent crassioribus radiis.* *Cap. V. de Mari ipso, seu Receptaculo aquarum superiori agens, hujus maris perfectam peripheriam indagari non posse meminit: crassitiam palmarem fuisse scribit: & quænam ejus ornamenta adjuncta fuerint, docet, videlicet labium liliatum & colocynthides, quæ describuntur (1) à formâ: ut segmenta cucurbitæ cum capitulis boum, (2) à numero: 600. (3) à situ: decem in cubito, (4) à modo adhæfionis: per continuitatem infusæ, & denique (5) ab usu: partim pro ornatu, partim pro Epistomiis & tubulis aquam rorantibus.* Tandem *Cap. VI. Capacitatem maris anei* proponit, & per illud intelligit non solum vas illud superius, boum dorsis incumbens, sed etiam inferiorem cupam, in quam aqua defluebat, & vas illud superius, de quo sermo est 1. Reg. 7. capax mille batorum, & inferiorem cupam bis mille batorum capacem fuisse ait, adeo, ut tota machina seu receptaculum, tum superius, tum inferius, respectu capacitatis simul consideratum, juxta 2. Chron. 4. ter mille batos continuerit. His succedit *Sectio secunda, cujus Cap. I. agit de Aquâ maris anei, ejus viâ & usu, & hanc ope machinæ cujusdam, vel per*

artem, vel continuo labore versatæ, ex fonte Etham per aquæ ductus & canales ad pedes boum æneorum elevatam esse, per horum cavitates & tubulos in ipsum mare ascendisse, idque justa proportione implevisse asserit, & hinc per Epistomia in Cupam inferiorem effluxisse, ex eadem autem iterum per Epistomia & Canales in torrentem Kidron deductam esse. Qvis usus hujus aquæ fuerit, porro etiam monstrat, nempe (a) ad lotionem Sacerdotum, (ß) ad probationem Adulteræ. De illa lotionem observat, quod facta sit non in vase superiori, sed inferiori; non sedendo, sed stando; à turmâ Sacerdotum iturâ ad ministerium. Tandem memorat, quod *Achas* mare æneum loco suo dimoverit, 2. Reg. XVI, 17. & rem verbo comprehendit: funus hoc maris ænei fuisse fatalem captivitatis Babylonicæ calamitatem. *Cap. II. Ratio Legis de lotionibus maximè ad mare aneum investigatur*, quas insutas esse docetur, ut essent symbolum puritatis & conversionis, remissionis item tessera, nec non sanctificationis testimonium. *Cap. III. Sensus mysticus seu typus maris ænei indagatur*, ubi dicitur, mare superius notare concionem Evangelii Joh. I, 16. Epistomiorum duas series notare Prophetarum promissionis & V. T. doctrinam fidei: Boves indicare 12. Apostolos: Situm boum ad quatuor mundi plagas signare prædicationem Evangelii per totum orbem: Aquam diversis rivulis defluentem significare diversitatem donorum Evangelium prædicantium: Sacerdotes stantes indigitare desiderium fidelium & promittitudinem: Collectionem tandem aquarum in Cupa designare plenitudinem cognitionis & prædicationem Evangelii per univsum mundum ultimis N. T. temporibus. Subjiciuntur denique *septem Corollaria*. I. Confessionem Augustanam, *Carolo V. in Comitii Augustanis, Anno 1530, d 25. Junii, oblatam, defendendam suscipimus*. II. Numerus Bestiæ 666, respicit dogmata Antichristi, à quadratâ & solidâ veritate deviantia vel in excessu vel in defectu. III. Univversalis Conversio tum Judæorum, tum Ethnicorum, sub initium septimæ periodi

periodi N. T., instat certò speranda. IV. Puncta vocalia divina non sunt auctoritatis. V. Jephtha verè filiam immolavit, victimam Typicam DEO sacram. VI. Non fuit Balæna, piscis qui Jonam deglutivit. VII. Oracula Sybillina meritò sunt suspecta.

Die 11. Novembr. *M. Johannes Ernestus Segers*, Regiorum Alumn. & Commun. Convictor. Inspector Secundarius, disputavit de *Ludis Scenicis, eorundemque Cognatorum quorundam in Republ. tolerantia*, Respondente *Samuele Grun*, Heilgenbeil. Pruss. (in 4.)

Postquam in Acad. Lipsiensi A. 1683. idem argumentum à *M. Joh. Schmidio* (hodie SS. Theol. Doctore & Prof. Publ.) de *Ludorum Scenicorum Moralitate*, philosophicè, & decennio elapso, 1693. in Acad. Kiloniensi Juridicè à *D. Elia Augusto Strykio*, de eo quod justum est circa Ludos Scenicos, Operasque modernas, (cujus in *Nov. Lit. Anni 1698. p. 39.* mentio injecta est) satis doctè discussum fuit, rem minimè malam se facturum credidit Autor noster, (cujus lucubrationes plus vice simplici laudavimus in *Nov. Literariis*) si illud quoque prolixiori Dissertatione exciperet, atque cognatas materias secundum rationis regulas accuratè discutere. Hujus argumentam hic subjicere placet. §. 1. Antiquitas Ludorum in genere à Lydis derivatur testimoniò Herodoti Halicarnassæi, Dionysii Halicarn: Tertulliani, & aliorum. Distingvuntur Ludi, qui apud Græcos & Romanos in usû fuerunt, in privatos & publicos, eorundemque varia genera recensentur ex Meursio, Dempsterò, Bulengerò, Scaligerò & aliis. Autores referuntur, qui de singulis Ludorum speciebus tam privatis quam publicis, sacris & profanis, votivis & ludicris &c. fusius tractârunt. §. 2. Ludi Scenici unde dicti. Vox Scenæ quid significet, quotuplex olim fuerit, quâ occasione & à quibus inventa breviter indigitatur. Ludi Scenici aliò nomine & Theatrales dicti à Theatrò. Theatrum quid & quæ ejus partes

partes, quodnam apud Romanos celeberrimum. §. 3. *Varia Ludorum genera in Scenis & Theatris olim exhibita, veluti Comœdia, Tragœdia, Satyra & Mimus recensentur, definiuntur & explicantur. Modernorum Scenicorum Ludorum facies depingitur.* §. 4. *Cognata Ludorum Scenicorum veluti Saltationes, les Mascarades dictæ, Convivia Regalia, Ludi Natalitii & Bacchanalia enumerantur & describuntur.* §. 5. *Quæstio proponitur, utrum hi Ludi in benè constitutâ Republicâ sint tolerandi? quæ initiò ventilatur quoad Ludos Scenicos, ejusque pars negativa proponitur, additis hujus negativæ partis Patronis eorundemque argumentis à testimonio Patrum, Praxi antiqvæ Ecclesiæ & Conciliorum interdictò desumptis.* §. 6. & 7. *Rationes nonnullæ & præcipuæ prolixæ proponuntur & exaggerantur, quas negativæ Partis autores pro tuendâ suâ urgent sententiâ, quarum prima hæc est: quod Ludi Scenici cum verâ pugnent Religione, Deumque offendant. Altera: Quod virtuti ejusque exercitio nocivi existant. Tertia: quod Cives reddant deliquescentes & voluptate diffuentes. Quarta: quod Rempubl. magnâ emungat pecuniæ Summa.* §. 8. *Affirmativa propositæ Quæstionis sententia proponitur, nominatis quibusdam ejus Defensoribus, qui tamen omnes limitatè loquuntur. Hæc affirmativa sententia ut ulterius probetur, actionum humanarum in malas simpliciter & in se ac suâ naturâ indifferentes affertur distinctio, quâ explicatâ, Imitationem Scenicorum Ludorum actionem hanc in se & suâ naturâ seu in abstractò consideratam indifferentem esse prolixè probatur. Unde tandem concluditur, & Scenicos Ludos in abstractò consideratos nec bonos nec malos dicendos esse.* §. 9. *Inquiritur quænam actio humana moraliter bona aut turpis sit dicenda, & decisio petitur à Rectâ Ratione, quæ proinde quid sit & quæ ad eam requirantur explicatur, nimirum: Finis bonus, Media licita & circumstantiæ reliquæ rectè se habentes. Jam hæc in specie ad Ludos Scenicos in concretò*

*conside-*

consideratos applicantur & quod eorum finis vel honestus vel inhonestus, Media item vel licita vel illicita esse possint ostenditur & declaratur. Cum vero ratione objecti vel de sacris vel de profanis rebus Ludi Theatrales institui possint, §. 10. quæstio instituitur, num licitè id fiat de rebus sacris? Negant Voëtius, Vossius & alii, quorum Rationes afferuntur. Auctor limitat & nonnulla in S. Scripturâ reperiri, quæ citra impietatem in Theatris exhiberi possunt, si modò τὸ πρῆτον in iis adhibeatur &c. affirmat, quam etiam suam sententiam non tantum tribus rationibus ferruminat, sed & Voëtii contrariam refutat. Tandem quomodo ratione Personarum agentium, Loci & Temporis, Scenici Ludi vel laudandi vel vituperandi sint, indigitat. §. 11. Descriptis ex antecedentibus vitiosis atqve illicitis Scenicis Ludis, bonos atqve honestos illos esse dicit, in quibus ob honestum finem, thema sacrum vel profanum, conveniens tamen & honestum, à personis probis, modò decorò, decenti locò atqve tempore, exhibetur; atqve hos in bene constituta Republ. tolerandos esse asserit ob sequentes rationes: (1.) quia faciunt ad Civium delectationem & refrigerium, quod ipsis haud denegandum: modò non fiant magnò sumptu & neglectione negotiorum graviorum. (2.) Quia insignem utilitatem & actoribus & spectatoribus præbent, quæ sigillatim recensetur, & testimoniò Lutheri, Melanchtonis, Bucerii aliorumqve illustratur. §. 12. Ostenditur quomodo contra hanc assertam, de Ludorum Scenicorum tolerantiam, sententiam, nihil faciant nec Patrum testimonia, nec Praxis antiquæ Ecclesiæ, nec Conciliorum interdicta, nec Rationes superius §. 6. & 7. allatæ, cum istæ tantum de abusu loquantur, quem & Auctor damnat. §. 13. Objectio formatur ex Deuteron. XXII. 5. quæ tamen, fusè explicatò Loci hujus sensu secundum varias autorum interpretationes, amovetur, hæcque occasione insimul ventilatur, utrum in Comœdijs vestium mutatio licita sit. §. 14. Alia objectio

ex Eph. V, 3. adducitur, quæ tamen itidem, genuinò loci sensu investigatò, solvitur. Hicque insimul ventilatur, utrum joci atque Sales in Scenicis Ludis licite adhiberi & à Spectatore Christianò audiri possint? Monitum tandem Bucerì additur, qui Ludis Scenicis ejusmodi viros probos atque bonos præfici jubet, qui illis attendant, ne honestatis limites excedant.

§. 15. De Cognatis Ludorum Scenicorum quæstio instituitur, utrum in benè constitutâ Republ. sint toleranda, & (I.) quidem de Saltationibus, les Ballets & les Mascarades Gallis dictis, de quibus itidem in utramque partem ventilatur quæstio. Initio eorum affertur opinio, qui omnem planè damnant saltationem, atque hi refutantur argumentis in contrarium prolatis à testimoniò Scripturæ, ab exemplis sacris & profanis, virorum Sapientum ac prudentum, imò integrarum Nationum. Hinc concluditur quasdam Saltationes licitas esse; quomodo autem illæ comparatæ esse debeant explicatur & probatur ex Lutherò, Martyre & aliis. Contradicientia argumenta solvuntur. In specie autem quod Larvatarum Choroꝝ licitæ & tolerandæ sint contra nonnullos dissentientes inde probatur: (1) quia larvarum usus in se non est inhonestus & illicitus, sicque nec saltationes illicitas reddere valent, si tantum modò adhibeantur decorò. (2) Quia saltationum nonnullarum natura & conditio id requirit, ut habitus respondeat gestui & moribus exprimendis. (II.) Eodem modò & Convivia Regalia tolerari posse asseritur, si modò ab omni comestatione, luxu & turpitudine sint immunia, ac decenti fiant locò & tempore, nec quicquid in se contineant quod auctoritati seu gravitati Principum & Magnatum Ludentium officere possit. §. 16. (3) De Ludis Natalitiis quæritur, num in Republ. benè constituta sint tolerandi? Et hæc quæstio simpliciter negatur ob sequentes rationes: (1) quia Christianorum pietati adversantur; (2) quia principia falsæ & superstitiosæ Religionis animis teneriorum infantum instillant; (3) quia multis aliis absurditatibus & impietatibus premuntur. Tandem objectiones aliquæ

aliquæ solvuntur. §. 17. & 18. Denique (4) de Bacchanalibus quæritur, numne illa in benè constituta Republ. sint toleranda? & hæc quoque quæstio simpliciter negatur, licet ab aliquibus fuerit approbata. Rationes sunt sequentes (1) quia è sædô gentilismô orta & cum sæditate ad nos derivata; (2) quia vel ab ipsis sanioribus Ethnicis olim interdicta & rejecta; (3) quia Christianos Infidelium Turcarum ludibrio exponunt; (4) quia tantò sunt pejora quò sanctiori fiunt tempore; (5) quia bacchantes præsentissimis & animi & corporis periculis exponunt, quod exemplis illustratur; (6) Interdictô Magistratûs variis in Regionibus sunt prohibita. Absoluto ita Disputationis argumento circa §. 18. sequentia monere lubuit: p. 80. provocat Autor ad *D. Melchioris Zeidleri Tractatum ineditum* hæctenus de *Jejunio Quadragesimali*. p. 81. *Augusto Pfeiffero* nostro tribuit *Origines Lipsienses*: verum, ne quid dissimulemus, confundit illum cum  *Davide Peifero*, Jcto, qui *Lipsiam*, s. *Originum Lipsiensium Libros IV.* scripsit, quos è Manuscripto cum additamentis quibusdam Lipsiæ, *A. 1688.*, primùm edi curavit *D. Adamus Rechenbergius*. Hic *Peif.* *lib. II. §. 53. p. 253. seq.* ea refert, quæ ab Autore nostro adducta sunt. Dum autem verum Autoris nomen dedimus, haud incongruum erit, de illo annotasse, quod in teneris annis ludis Scenicis operam dederit, & Spectatorum favorem mirum in modum sibi conciliaverit: *Èo tempore Malcecastius* (Præceptor Peiferi privatus) *Comædiam de Filio prodigo acturus Davidi personam Acolasti imposuit: ipse patri sibi sumsit. Acta est illa ante portam Hallensem in hortis Peiferianis; multis ex oppido confluentibus spectatoribus, & in his etiam Clarissimo Viro Johanne Reuschio, Medico, presente; qui fatebatur Davidem voce & gestu ter sibi lacrymas expressisse: quod videretur cum hic discipulus, ille præceptor esset, res inter patrem & filium agi serid. Atque hæc deinde fama, de Davidis industria Scenicâ Academiam citò pervasit: itaque plerique omnes Magistri, qui tam mos in Academia pervulgatus erat, Comædias daturi, Davidem ad se perducebant, & M. Petrus Helbomium, Eunuclum Terentii exhibiturus, Chærea partes illi dedit: quas ita*

*justinuit, ut in sui amorem adolescentulum summi ingenii, Andream Esenbergium, biennio fermè natu majorem, actione illa raperet, quem Peiferus amicitiam suam ultrò ambientem lubentissimè recepit. Verba Auctoris sunt, qui vitam Peiferi descripsit. Sed hæc αἰς ἐκ παροδοῦ,*

Die 16. Novembr. sub præsidio *Bernhardi von Sanden*/Jun. S. Theol. D. & Prof. Ordin. de *Decalogo primi hominis menti inscripto*, disputavit *Erhardus Christianus Jesterus*, Welav. Prussus, Aut. & Resp. quâ Religionem Christ. duobus capitibus absolvi asserit, *Cognitione & praxi* §. 2. ibi *normâ*, hic *regulâ* opus esse, §. 3. Hanc regulam s. Legem menti primi hominis inscriptam esse probat in genere §. 4. 5. in specie de Decalogo, ejusque præceptis §. 6. 7. 8. *Pufendorffii* sententiam, *præcepta de omittenda idololatria, de non assumendo nomine, in statu integritatis non fuisse necessaria* refutat §. 9. 10. Probat in statu corruptionis etiam vestigia legis moralis homini impressa esse, per decalogi præcepta §. 11. 12. 13. Infert §. 14. DEum non esse injustum, obedientiam ab hominibus vires eorum excedentem requirendo. (plag. 4.)

Superiori mense Novembri Præses *Bernhardus von Sanden*/Jun. S. Theol. D. & Prof. Ord. *Decadem XVII. Thesium controversarum ex Loco de Sacramentis Vet. Test.* selectarum publicè ventilandam proposuit Respondente *Christiano Bedaun*, Regiom. Pruff. (3½ plag. in 4.)

Eodem mense & *Præside Decem XVIII. Thesium controversarum ex Loco de Baptismo* selectarum ventilata est, Respondente *Damete Henrico Crumbholtz*, Angerb. Pruffo. (3½ plag. in 4.)

## NARVAE

In gratiam Svecicorum verbi divini Ministrorum, quorum curæ nonnulli Russicæ gentis homines commissi sunt, ut istis Christianæ Evangelicæque fidei fundamenta eò commodius tradere possint, *M. Nicolaus Bergius*, Narvensis Ingricæque Superintendens, & Consistorii Regii Præses, *Catechismum,*

*chismum minorem Lutheri, Lingvâ Russicâ & Suecanâ expressum, edidit, cui titulus: Lutheri Catechismus medh Uffton och Morgon Bönens/samt Bördlexor / på Ryska och Swenska. Tryckt i Narven af Johann Köhler / 1701. (1.plag. in 12.)*

*Ejusdem M. Nicolai Bergii cura prodiit nova Canticorum Ecclesiasticorum, sermone Gallico redditorum, editio, una cum anniversariis Textibus Evangelicis & Epistolicis, Catechismo Lutheri, Symbolis Niceno & Athanasii, Historia Passionis C. & precationum formulis; hoc tituló: Livre de Cantiques, avec les pieces, qui y appartiennent; Revû & imprimé par ordre & aux depens de Sa Majesté. à Stocholme, chez Olaus Eneus, Imprimeur du College Royal des Antiquitez, l'an. 1700. (1. Alph. & 3. plag. in 12. oblong.)*

### HOLMIAE

*Prodiit Svenonis Tilandri Grammatica Germanico-Svetica: sive Inledning til Ryska och Swänska Språket / wiisandes/ huru man behändigst kan Genera i Ryskan fatta/ jämwal alla nödige Reglor/ som en Swänsk hafwer at achta/ den Ryskan lära will. Såsom och det förnämsta/ en Rysk i Swänska Språket lärande nödigt hafwer: På manga ställen förbättrad/ jämte en nogare undervisning/ huru en Rysk thärutur skal lära Swänskan. Holmia, apud Gotthardum Volgenau. (8. plag. in 12.)*

### BERGIS

*Dorothea Engelbrechtia, jam toties nobis in N. L. memorata, Carmen sacrum exequiale excudi curavit, in funere suo olim decantandum. (½ plag. in 8.)*

#### *E Diœcesi Bergensi*

*M. Nicolaus Stabell, Pastor Ecclesiæ Sundensis & annexæ prope Bergas, Concionem funebrem in funere Augustissimi Regis CHRISTIANI V. an. 1699. habitam, editioni paratam habet, si tulerit occasio, forte edendam.*

D. Joh. Jacobi Döbelii

## De Quartanâ urina haustu curatâ Observatio.

Si præclara *Paullini* scripta eleganti quòdam sermone commendare, animo præsumerem, illis annumerandus merito essem, qui ridiculò planè consiliò facem ipsâ meridie accendere vellent, ut lumen Solis conspiceretur clarius. Ut enim paucis tantum istum omnis eruditionis gradum attingere licet, ad quem *Vir ille* dudum pervenit, ita ipsius splendor, per universum Parnassum longè latèqve se diffundens, mea non indiget luce, vel, ut rectè loquar, caligine, qui ut omni genti & mihi suspiciendus erit perpetuo. Tanto huic viro, quod tot varii argumenti editos ejus libros magno cum fructu legerim, præsentem observationem oblatam cupio, non, ut *Pharmacopœa Paulliniana*, ob summam utilitatem, atqve æquam abjectarum rerum existimationem, verè Regia, augmentum inde capiat, sed ut declarem, quàm è stercore, & Urinâ plenè Phosphorum produxerit, quò prælucente aliæ salutares de stercore usu in Medicinâ historix, haud adeò facilè, ut olim factum, silentii tenebris dignæ judicabuntur. Nolo autem pluribus meam hîc de transplantatione februm per urinam proponere sententiam, cujus & *Vir ille* modum quendam annotavit *cap. de quartanâ*: Neqve de externo Urinæ referam quid usu, dum referente eodem manus pedesqve urinâ madefaciunt febricitantium quidam, sed, quomodo urinâ calidâ assumptâ contumax quædam curata sit quartana, paucis enarrabo: Erat autem gente menteqve nobilis quædam fœmina, quæ ingenti cum molestiâ, quin in nonnullorum scandalum quartanâ laboraverat diu. Accedebat fortè Chirurgus quidam temerarius, in quem quadrat, quod facetè *Stratonicus Philosophus*, *Empyricum* quendam ludens, dixisse fertur: *laudo tuam experientiam, quia non finis infirmos tuos computrescere, sed statim eos à vita liberas. Accedebatis, inquam, eo ipsò, quo paroxismus redibat, temporis*

poris puncto, utens non consilio sed impetu, Diabolum per Beel-Zebub ejecturus. Diabolus, inquit, me rapiat, si te hoc ipso momento non reddam sanam, modo obsequi velis meis conatibus, ingratum quidem ac fordidum videbitur istud remedii genus, sed nisi sanaberis, me furciferum quæso nuncupes. Benè, respondit illa, num quid horribilius morbo meo esse potest, & si quod fordidum est remedium, nil curo, modo exoptata toties mihi restituatur sanitas. Agedum igitur, regerebat ille spurcius, porrigi mandes poculum aliquod mihi vel vitrum, eoque accepto ad alterum lecti angulum sese recipiens, quantum quantum urinam suam replebat totum. Mirum! quanta cum aviditate Medici sui urinam hauserit misera, expectabo nunc, exclamans, quid mihi ex tuo remedio futurum sit auxilii. Rogabatur hinc ad sudorem ut se componeret, qui copiosissimus quoque effluxit, cum spe emansuri paroxyismi. Et profectò, si quid metus intermixtum fuit spei, omne id, quod deinde paroxyismus omnis planè exularet, evanuit, maximam cum ægræ lætitiâ sanantisque gloriâ plus quam Thraſonicâ. Jurares certò, si Chirurgum hunc noveris, ad Vulcani imaginem eum fuisse formatum, & tamen formosæ adeo fœminæ poculum tale squalidum obtulisse ipsum non puduit. Laudo sanè illius consilium, quin & impudentiæ donum, quod tempestivè satis comprobavit, hoc in casu non damno, sed rideo. Aliis igitur mores illius, ingressum nempe ad ægram, prognosticon dicendi & medicamentum exhibendi modum relinquo corrigendos, mihi interim placet hoc ipsum remedium, novò iterum experimentò celebrius. Addam itaque more meo, quid de eo sit habendum, brevibus: Scilicet, cum febris hujus materialis causa viscidum sit aliquod acidum, in primis viis, atque hinc inde in visceribus hærens, omnibus indicationibus, præmissis præprimis evacuante, satisfaciet Urina. Pituitam enim particulis suis nitrosis ac sulphureis incidit, seroque suo absorbet, quæ naturali mixtura ei insunt,

quibus-

quibusque in obstructos passim tubulos feliciter se insinuat, aptiorque nata est, tam per Renum canaliculos transcolari, quam cum reliqua lymphâ resoluta per glandulas cutaneas excerni. Thermis ideo naturalibus Urina mihi non videtur absimilis, atque ut illæ ab artificialibus multis distant parasangis, ita quoque vix dubitarem ego, calidam urinam & spiritui & salii volatili, arte ex eadem productis præferre, ob characterem cum sanguine lymphaque fere eundem, temperamentum jam dictum naturale, & quod magno haustu ingeri possit. Ne referam sententiam D. Starckey, Angli, qui in *Tr. de liquore Alkahest*, materiam, ex quâ Alkahest componatur, urinam esse humanam docuit; Taceo Phosphori & Noctilucæ principium, quod Urinæ deberi ex *Concierii Tr. de Phosphoris*, & *Boyle de Noctilucâ aëreâ*, aliisque dudum innuit. Cæterum, nemini laudatum jam Medicamentum obtundam, sed patientem sua quemque trahat voluptas. Imitatus hic sum Virum omni laude majorem, quâvis in posterum occasione Stercoranissimi Therapeutici sectam propugnaturus, quod Stercorum vires, margaritarum auriqve virtutibus si non majores, vix tamen sint minores.

## HAFNIAE,

*M. Severinus Gladius*, Scholæ Havniensis Rector, edidit *Rhetoricam Erotematicam exemplis selectioribus tam sacris, quam profanis, strictim illustratam, cum subtextâ ubique vocum rerumque difficiliorum enodatione*, Havn. (plag. II. in 8.)

Absolvitur autem *Partibus 4.* quarum 1.) *Cap. I.* de inventionne oratoria 2.) de genere demonstrativo 3.) de genere deliberatio. 4.) de genere judiciali ejusdemque variis statibus agit. *Pars II.* tractat *Cap. I.*) de partibus orationis, & speciatim de exordiis. 2.) de propositione. 3.) de narratione. 4.) de confirmatione. 5.) de confutatione. 6.) de peroratione. *Pars III.* tractationem instituit *Cap. I.*) de Elocutione Oratoriâ in genere ejusdemque tropis. 2.) de figuris Rhetoricis, & speciatim

ciatim de figuris dictionis. 3.) de figuris sententiæ. 4.) de usu troporum & figurarum. 5.) de Amplificatione oratoria. 6.) de Compositione oratoria. 7.) de vario dicendi caractere. 8.) de usu & praxi Rhetorica, & Pars IV. denique de actione oratoria.

E Typographéo Regio prodiit liber titulum præferens : *Tage-Register über des Allerdurchlauchtigsten / Großmächtigsten Königs und Herrn/ Hn. CHRISTIAN des Fünfften / Königs zu Dennemarck / Norwegen / &c. Glorwürdigste Lebens- und Regierungsgeschichte, nebst Anfügung einiger Medaillen und Allerhöchsts gedachter Majest. Königlichen prachtigen Leich-Begängniß. Kopenhagen in der Königl. und Vniv. Buchdruckeren. (I. Alph. 4½ pl. in 8.) i. e. Diarium vita atque imperii Gloriosiss. Augustissimi & Potentissimi Regis & Domini, Dn. CHRISTIANI QVINTI, Daniæ, Norwegiæ, Wandalorum, Gothorum Regis &c. insertis subinde numismatis & annexa pompæ Exeqvialis Regiæ descriptione. In præfat. Dictionarii Moreeriani & Isagoges Puffendorffianæ in Glorios. Regis historia errores tanguntur.*

*D. Heß. Gottfr. Masü, Meditationes Germanicæ Passionales, (de quibus in N. L. 1700. p. 205.) in linguam Danicam versæ, lucem publicam viderunt sequenti titulo: D. Heß. Gottfr. Masü hellige Päsions-Betændninger om Christi Blod / som talet bedre end Abels Blod. (in 8.)*

Vitam cum morte commutavit *M. Gerhardus Winecke*, ab A. 1686. Pastor & Præpositus Holmensis; postquam V. D. comministrum in Ecclesia *Christianshavniensi*; Ministrum autem jam ante in *Grindaaensi* Cimbrica aliquamdiu egerat. Illi successit *M. Ivarus Brinchius*, primus Ecclesiæ Dano-Norwegicæ, quæ *Londini* in *Angliâ* colligitur, Pastor. Hujus verò in Ecclesiâ *Londinensi* munus adeptus est *M. Georgius Vrsinus*, Scholæ *Havniensis* Con-Rector, qui Scholæ valedixit publicâ, de *Inauguratione Sacerdotum Ebræorum*, oratione. Hic denique in Con-Rectorali spartâ successorem habuit *Torchillum Erasmi Granovium*, ordinis VI. in Scholâ *Havniensi* hætenus Collegam.

Die 15. Novembr. sub præsidio *Joh. Ludov. Hannemannii*  
 D. & P. P. Philos. natur. Leopold. Societat. Nestoris II.  
 Exercitationem Physicam Fridericianam *secundam* de  
*Fluidò* publicè defendit *Adolphus Wilhelm. von Guren* / Lu-  
 beensis. (3½ plag. in 4.)

Continet hæc Disputatio Theses XIII, unicuique Thesi  
 Exegesis subjungitur. §. I. dat definitionem fluoris. §. II.  
 Fluorem omnium substantiarum creatarum principium con-  
 stituit. In Exegesi creationem, distinctionem & generatio-  
 nem factas esse ope fluoris statuitur. §. III. Fluor distingui-  
 tur in *purum & impurum*. In Exegesi allegatur aliquod purum,  
 fluidum, quod ex utriusque fluidissimi purissimi, ut: Lucis  
 & ignis, mixtione harmonicâ coaluit, quod totius naturæ con-  
 concentratus calor, & concentratum frigus, omnium acidorum  
 acidissimum, omnium dulcium dulcissimum, omnium co-  
 lorum iris & aqua Paradisi nuncupatur. In eadem Exegesi  
 deducitur, omnium trium familiarum substantiarum corpo-  
 rearum mixtarum genesin esse ex fluido. In minerali familiâ  
 id fusè deducitur. Mentio quoque ibi fit *Æris Corinthiaci*,  
 quod etiam ex fluore oritur, &c. §. IV. Fluor conservat  
 substantias. Nutritio conservat animalia, vegetabilia &  
 mineralia, & hæc fit ope fluidi. §. V. Nexus naturalium  
 substantiarum in fluore consistit. §. VI. Solidum ad fluidum  
 inclinatur. §. VII. Robur naturæ à fluido. Sub finem Exe-  
 geseos experimenta duo probantia adducuntur. *Primum*:  
 sepeliatur quis unciam argenti cumulo vitrioli & nitri & non  
 solvetur, affundatur autem argento in bracteas diviso spiri-  
 tus nitri, cum vitrioli spiritu commixtus, & illico istius ar-  
 genti compages solvetur in calcem. *Secundum*, sepeliatur quis  
 aurum sale Armoniacò, & non solvetur, at affundatur ei  
 spiritus salis Armoniaci, & in calcem transmutabitur, quæ  
 adeò spiritui commixta, ut in eo metalla esse soluta animad-  
 verti non queat, verum affundetur præcipitans liquor, calx  
 auri

auri vel argenti in fundo subsidebit. §. VIII. Omnis motus à fluido. Sub finem Exegeteos hujus asseritur quadruplex fluor. (1.) Fluor fluidissimus, omnis corporeæ molis expers, ut angeli & animæ hominum. (2.) Fluor fluidissimus corporeus, ut lux, ignis. (3.) Fluor fluidior, ut aër & aqua. (4.) Fluor fluidus, ut omnis humor. §. IX. Per fluorem communicatur calor, odor & fœtor. §. X. Omnium morborum causæ à fluido. In Exegeti asseritur, quod etiam per fluidum curentur morbi. §. XI. Miracula potiora in S. Scripturâ aut historiis præfanis vel in fluidò, vel ex fluidò, vel per fluidum, vel ad fluidum, vel cum fluido sunt facta. §. XII. Per fluorem mundus in extremo die interibit. Quod in Exegeti probatur ex 2. Petr. III, 10. Jes. XXXIV, 4. Cap. LI, 6. 2. Petr. III, 7. 12. Gen. XIX. &c. §. XIII. Fluor post mundi interitum perennabit, ac in æternitate beatos exhilarabit, damnatos cruciabit. In Exegeti id probatur ex Matth. XXII, 30. ad Phil. III, 21. Matth. XIII, 43. Cap. XXV, 41. Jes. LX, 24.

Die 19. Novembr. *Sebastianus Kortholt*, Poësis Prof. Ordin. & Facultatis Philos. h. t. Decanus, Patres Civesque Academicos ad audiendam Orationem ligatam, siue Carmen latinum in NATALEM LUTHERI DIEM publice & memoriter recitatum ab auctore *Johanne Christophoro Krütske*, Hamburgensi, invitavit, publicato programme quod constat 1. pl. in 4.

Programmaticis auctor natalem *Lutheri* appetiturum non parum multos prænuñciavisse probat, memoratque *Fridericum Aensbarbum* Templum in *Carinthia* extruxisse, in eoque statuam monachi lapideam locasse, cujus vertici nomen LVTHERI fuerit inscriptum. Eundem vaticinia *Jacobi Pruni* Astrologi, *Savanarole*, *Job. Hilter*, *Hier. Pragensis* aliorumque præsignificasse docet. Quibus jungit, *Jo. Hussum* prædixisse Cycnum post C. annos venturum quem æque ac *Hussum* (ita Bohemice *Anser* audit) affare non possent. Id quod non nemo ita expressit: *Wär es die MARTINS GANSS, sie würde besser schmecken.*

Deinde refellit *Mafenium* de ambigua Lutheri nativitate nugantem, & *Cajetanum Vicich*, Italum poëtam, impie fingentem *Lutherum Megera* filium ex orco oriundum in Germaniam protrusum fuisse. Refutat itidem commentum illud diabolicum de nato ex incubo Luthero, judicatqve melius causæ suæ consulere magisque Lutheranæ nocere qui ab incredibilibus istius modi narratiunculis abstineant prorsus. Id quod non fugit callidum *Maimburgium*, quocirca maxime periculoso libro suum commentarium subtexit Dn. *Seckendorffius*; quo tamen absoluto doluit id honoris se Jesuitæ habuisse, uti auctorem coram docuit Sereniss. Pr. *Rud. Augustus*. Versutus iste *Maimburgius* prodigiosum illud de incubo commentum ad augendum Luthero odium sine specie veri quosdam excogitasse scripsit, & criminationem pluribus diluit. Progreditur auctor ad fabulam de origine Lutheri Bohemica, & indicat *Remundum*, ut astrologi cujusdam male dictis fidem conciliaret, sinxisse Lutherum lucem die XXII. Octobr. adspexisse; cui se opposuerit *Isaacus Malleolus* Prof. Mathem. Argent. Deniqve explodit mendacium Equitis de la *Bizardiere* qui edita nuper Parisiis *Historia gestorum in Ecclesia memorabilium* affirmavit Lutherum in Saxonia famosissima cum diabolo colloquia sevisse, quod nemo ejus discipulorum potuerit refutare. Indicat enim multos scriptores qui commentum illud retulerunt, præcipuè autem laudat *Seckendorffium*, qui verus scriptor est confutationis *Libri Gall. Abbat. Cordemoyi de colloquio diaboli cum Luthero*; & *Jo. Claudium* scriptorem defensionis Reformationis. Nec tacet Germanica verba Lutheri interpretem mutilasse; & cum verterit: *Satan cepit ejusmodi disputationem*, voces ibidem additas: *in corde meo* omisisse; è quibus tamen appareat illud colloquium non nisi internum mentis à Satana tentatæ sermonem fuisse. Ut mirum sit injuriæ cujus auctor *Paulus Bachmannus* est, post *Bizardierium*, nuperrime calculum suum adjecisse *Leon. Anton. Langevinum* Doctorem Sorbonnæ, qui in libro suo *de infallibilitate Ecclesie* pluribus

# MENSIS DECEMBR. M DCCII. 373

pluribus evincere conatur Lutherum cum dæmone nunquam non conjunctissime vixisse. Id quod auctor æque vero consentaneum dicit atque illa de ortu Lutheri diabolico, qualia scriptores ut ipsi non credant, aliis tamen impie persuadere nitantur. Laudat itaque iterum *Maimburgium* qui neque diabolici illius commercii nullam mentionem intulit, & tandem subscribit judicio Polyhist. *Petri Bayle* contententis integram Historiam nihil sufficere quod cum factis memorabilibus Lutheri contendere possimus.

Idem Auctor alia publicavit programmata quibus ad audienda carmina Lectores invitavit. Horum alibi meminimus. Sed & supra mentionem facere volebamus programmatis, quo proceres ac Cives Acad. invitavit ad auscultandam orationem vernaculis conscriptam versibus de *Perpeffione ac Morte Servatoris nostri Jesu Christi*, quam ipso die XIV. Aprilis Christo emortuali solemniter ritu ex re & ex tempore recitavit *Paulus Fridericus Opitius*, (Henrici filius.)

## HAMBURGI.

Prelum habuit *D. Matthai Schlüter* Tractatum Historico-Juridicum, patrio sermone conscriptum, de *Jure resignationis*, Germanicè, von dem *Verlassungs-Recht*. Quæ admodum illud non solum *Hamburgi*, & *Lubeca*; verum etiam in vicinis, aliisque *Saxonice* regionibus, & urbibus, nec non longè distitis locis, quibus *Saxonum Jus*, licet non sine discrimine, pro Lege est, ubi vero nondum receptum, magno cum emolumento, ad restituendam extinctam prope commercii fidem, introduci potest. In usum domesticorum æque, ac peregrinorum *Jctorum*, *Advocatorum*, *Procuratorum*, ut & eorum, qui pecuniam suam *Hamburgi*, *Lubeca*, vel alibi modico fœnore locare cum securitate summâ capiunt. (in 4.) Summa capitum hujus tractatus hæc est. Agitur quippe Cap. I. de vocabulo *Resignationis* &c. II. de origine hujus Juris, & sede Juris *Saxonici*, ubi fundatur. III. De distinctione, & summariâ descriptione hujus Juris. IV. De fine. V. De temporibus *Resignationis publicæ*. VI. De loco, ubi *Resignationes publicæ* fiunt. VII. De *Objecto Resignationis publicæ*

publicæ. VIII. De iis, quibus permissum pro se, & pro aliis publicè resignare, in specie de Procuratoribus, eorum primâ introductione in Hamburgensium Judicia. IX. De actu Resignationis publicæ. Hoc caput dividitur, pro rei circumstantiis, in 7. titulos. Docetur autem tit. 1. de actû Resignationis publicæ, in genere. Tit. 2. de antecedentibus. Tit. 3. de iis, qui actui adesse tenentur, quique ad illum non requiruntur. Tit. 4. de solennibus & formulis, quæ actus à parte Senatus æquè, ac illorum, quorum interest, exercentur. Tit. 5. de officio Dominorum Secretariorum, eorumque Protocollis. Tit. 6. de impugnationibus, quæ actui stante pede interveniunt. Tit. 7. de consequentibus actuum. Cap. X. De impugnatione. Caput hoc undecim titulos includit. Agiturque tit. 1. de impugnatione in genere. Tit. 2. de iis, qui impugnare possunt. Tit. 3. de objecto impugnationis. Tit. 4. de tempore impugnationis. Tit. 5. de iis, coram quibus impugnationes fiunt. Tit. 6. de loco ubi instituuntur. Tit. 7. de formulis impugnationis. Tit. 8. de prosecutione judiciali impugnationis. Tit. 9. de Cassatione impugnationis. Tit. 10. de confirmatione impugnationis. Tit. 11. de ratione, quâ notantur impugnationes in Protocollo resignationis. Cap. XI. de vero, & pleno Resignationis Protocollo. Cap. XII. de Resignatione privatâ, & inscriptione in libro civitatis hereditatum & reddituum. Continet hoc caput decem titulos. Agitur tit. 1. de inscriptione in libris hereditatum & reddituum in genere. Tit. 2. de iis, qui inscribunt. Tit. 3. de iis, qui consensu adesse inscriptioni debent. Tit. 4. de lingvæ genere, quo fit inscriptio. Tit. 5. de objecto inscriptionis. Tit. 6. de loco, ubi inscriptio peragitur. Tit. 7. de tempore justo inscriptionis. Tit. 8. de formulis inscriptionis. Tit. 9. de libris hereditatum & reddituum, quibus resignationes inscribuntur. Tit. 10. de pignorationum schedulis, quæ ex libris reddituum colliguntur. Cap. XIII. de Expensis Resignationum.

num. Cap. XIV. de effectû Resignationis, & exceptionibus, quæ libris hereditatum, & redituum opponi possunt. Cap. XV. de Prosecutionis processu, tanquam medio, quo prudens creditor hypothecarius sortem suam cum usuris facile consequi potest, ut cæteroque reliquis Creditoribus non sufficiat Debitor, nec non de dubiis quibusdam casibus in Resignationis Jure occurrentibus, unâ cum ratione eos decidendi.

## LVBECÆ.

Die 12. Nov. sive Dom. XXII. p. Trinit. *Caspar Köhn*, Lubecensis, ad obeundum in Ecclesiâ *Behlendorffensi* Pastoris Adjuncti munus, ad quod Ampliss. Senatus Lubecense cum d. 8. Novembr. vocaverat, sacris ordinationis initiatus, atque à Lubecens. Ecclesiarum Superintendente, *D. Georgio Henr. Goetzio* introductus fuit.

Die 19. Novembr. repentinâ morte, dum ad conficienda quædam negotia peregrè profectus erat, exstinctus est *Ludovicus Pincier*, V. J. D. Reverendissimo atque Sereniss. Lubecens. Episcopo à Consiliis aulicis, Rev. etiam Capituli Canonico Senior, & Thesaurarius Ecclesiæ Cathedralis. Hic quum Patre *Hermanno Pincier*, Canonico Seniore, & Rev. Capituli Præfecto majore *Lubecæ* an. 1624. d. 10. Aprilis, st. v. prognatus, literisque tam *hic*, quam in *Bordesholmensi*, *Holsatiæ* tunc Gymnasio, ut & *Daventriæ* excultus esset, in Academia *Helmstadiensi* primùm per triennium, & in *Lugdunensi* deinde studio juris incubuit. Abhinc domum rediit quidem; sed anno, quem vocant residentiæ, in Rev. Capitulo, decenter observato & confecto, in *Belgium* reversus est, ut in Univeritate *Harjovicensi* juris Legumque scientiam accumularet, summosque in utroque jure honores capefferet, quibus quoque condecorabatur, postquam ipse ut Præses defenderat publicam de *Compensationibus* Disputationem. Peragratis postea reliquis *Belgii* provinciis, *Galliâ* item & *Helvetiâ* lustratâ, nec non clarissimis *Germaniæ* locis visis, reditum

in patriam maturavit, ibidemque sedem figens matrimonium iniiit cum *Christinâ Langiâ*, *Johannû Hudemanni*, Danorum Regis in Ducatu utroque Slesvicensi & Holsatico Superintendentis filiâ, jamjam defunctâ. Ex hoc matrimonio quinqve filii, duæque filix supersunt. Inter filios eminent, Illustr. Dn. *Johannes Ludovicus*, Liber Baro de *Königstein*, Sereniss. Ducis Slesvici & Holsatiæ regentis intimus Consiliarius, ejusdem Præfectus in ditione *Tunderensi*, & Rev. Capituli Lubecensis Præpositus; item *Joachimus Christianus*, V. J. D. Sereniss. Holsatiæ Duci, CHRISTIANO AVGVSTO à Confiliiis, & Canonicus Lubecensis.

Die 14. Dec. in Aede D. Mariæ *Conradus Nicolaus Lundersen, Elensburgo Holsatus*, vocatus Pastor Adjunctus *Azbüllensis* & *Grafensteinensis*, exhibitis Literis Vocationis, quas à Perillustri Comite Dn. *Friderico de Ablefeld*, acceperat, & annuente Magistratu inclutæ Reipublicæ Lubecensis Amplissimo, à Superintendente D. *Georgio Henr. Goetzio*, paullò ante laudato, solenniter ritèque ordinabatur.

Apud *Petrum Böckmannum* prostat libellus quidam Germanicus, à *Job. Stephano Hildermann*, Pastore Alt-Crempeusi in Holsatiâ, editus, cujus titulus ita legitur: *Die Evangelische Glaubens-Lehr aus Sprüchen Heil. Schrift / nach Anleitung der Fest- und Sonntäglichen Evangelien vorgestellt / und der Alt-Cremper Gemeine zur Erbauung zum Druck übergeben. Lauenburg / druckts Christian Albrecht Pfeiffer / 1702. (10. plag. in 12.)*

*Idem Auctor* antehac etiam in gratiam Auditorum suorum in lucem emisit *Jesus-Sprüche / welche nach Anleitung der Sonntäglichen Evangelien vorstellen das Erkänntniß Jesu Christi / (1) von seiner Person / Natur und Eigenschaften.*

*(2) Von seinem zwiefachen Stande. (3) Von seinem dreysfachen Amt &c. (6. plag. in 12)*

---

INDEX futurò annò sequetur.

